

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

1

ԲԵՅԻԱՄԻՆԻ Երկիրը, Անաթովթի մէջ եղող քահանաներէն քեղկիայի որդիին՝ Երեմիայի խօսքերը, 2 որուն “Տէրը խօսեցաւ”, Յուդայի թագաւորին՝ Ամոնի որդիին Յովսիայի օրերը, անոր թագաւորութեան տասներեքերորդ տարին. 3 Աաեւ Յուդայի թագաւորին՝ Յովսիայի որդիին Յովակիմի օրերը, մինչեւ Յուդայի թագաւորին՝ Յովսիայի որդիին Սեղեկիայի տասնմէկերորդ տարուան վախճանը, մինչեւ Երուսաղէմի տարագրութիւնը, որ հինգերորդ ամսուան մէջ եղաւ.—

ԵՐԵՄԻԱՅԻ ԿՈՉՈՒԽԸ

- 4 ^բՏէրը խօսեցաւ “ինծի՝ ըսելով.
5 «Քեզ որովայնի մէջ չձեւակերպած՝ քեզ կը ճանչնայի,
Դուն քու մօրդ արգանդէն չելած՝ քեզ սրբացուցի,
Քեզ ազգերուն մարգարէ կարգեցի»:
6 Այն ատեն ըսի.
«Ո՞հ, Տէ՛ր Եհովա, ահա՝ ես խօսիլ չեմ գիտեր,
Որովհետեւ ամանուկ եմ»:
7 Բայց Տէրը ինծի ըսաւ.
«Մի՛ ըսեր. “Ես մանուկ եմ□,
Որովհետեւ ուր որ քեզ դրկեմ՝ պիտի Երթաս,
Եւ ինչ որ քեզի հրամայեմ՝ պիտի խօսիս:
8 ԴԱՆՈՆԳՄէ մի՛ վախճար,
Քանի որ ես քեզի հետ եմ՝
Քեզ ազատելու համար», կը պատգամէ Տէրը:
9 Յետոյ Տէրը իր ձեռքը Երկարեց ու բերանիս դպաւ,
Եւ Տէրը ինծի ըսաւ.
«Ահա՝ իմ խօսքերս քու բերանդ դրի:
10 Նայէ՛, ես այսօր քեզ նշանակեցի ազգերուն վրայ
Եւ թագաւորութիւններուն վրայ,
Որպէսզի խլես ու փլցնես, կործանես եւ քանդես,
Նաեւ կառուցանես ու տնկես»:

ԵՐԿՈՒ ՏԵՍԻԼՆԵՐ

- 11 ^հՏէրը խօսեցաւ “ինծի՝ ըսելով.
«Ո՞Վ Երեմիա, ի՞նչ կը տեսնես»:

^ա Երը.՝ Եհովայի խօսքը եղաւ

^բ Երը.՝ Տէրոց խօսքը եղաւ

^գ Երը.՝ տղայ

^դ Երը.՝ Անոնց Երեսէն

^ե Երը.՝ Տէրոց խօսքը եղաւ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- Պատասխանեցի. «Նշենի գաւազան մը կը տեսնեմ»:
- 12 Այն ատեն Տէրը ինծի ըսաւ. «Լա՛ տեսար.
- Արդարեւ ես կը հսկեմ իմ խօսքիս վրայ՝ զայն իրագործելու համար»:
- 13 Երկրորդ անգամ ալ ⁴Տէրը խօսեցաւ “ինծի՝ ըսելով. «Ի՞նչ կը տեսնեմ»:
- Պատասխանեցի. «Եռացող կաթսայ մը կը տեսնեմ,
- Որուն երեսը դէպի հիւսիս է»:
- 14 Ուստի Տէրը ինծի ըսաւ.
- «Չարիքը հիւսիսէն պիտի ⁵տարածուի
- Երկրին բոլոր բնակիչներուն վրայ,
- 15 Քանի որ ահա՛ ես հիւսիսի թագաւորութիւններուն
- Բոլոր գերդաստանները պիտի կանչեմ, – կը պատգամէ Տէրը:–
- Անոնք պիտի գան եւ իրաքանչիւրը իր գահը պիտի դնէ
- Երուսաղէմի դոներուն առջեւ,
- Անոր շրջակայ պարիսպներուն դիմաց,
- Ու Յուղայի բոլոր քաղաքներուն դիմաց:
- 16 Անոնց դէմ պիտի արձակեմ իմ դատավճիռներս՝
- Իրենց բոլոր չարութիւններուն համար,
- Որովհետեւ անոնք զիս լքեցին,
- Ուրիշ աստուածներու խունկ ծխեցին,
- Իրենց ձեռքերու գործերուն երկրպագեցին:
- 17 Ուրեմն դուն մէ՛ջըդ կապէ, կանգնէ՛,
- Եւ ըսէ՛ անոնց ամէն ինչ որ քեզի պիտի հրամայեմ.
- Անոնցմէ մի՛ զարհուրիր,
- Որպէսզի ես ալ քեզ անոնց առջեւ չզարհուրեցնեմ:
- 18 Ահա՛ այսօր ես քեզ ամբողջ երկրին դիմաց,
- Այսինքն** Յուղայի թագաւորներուն, անոր իշխանաւորներուն,
- Քահանաներուն ու երկրին ժողովուրդին դիմաց,
- Պարսպապատ քաղաքի պէս, երկաթէ սիւնի պէս
- Եւ պղինձէ պարիսպներու պէս ⁶հաստատեցի:
- 19 Անոնք պիտի պայքարին քեզի դէմ,
- Բայց պիտի չյաղթեն քեզի.
- Արդարեւ ես քեզի հետ եմ՝
- Քեզ ազատելու համար», կը պատգամէ Տէրը:

ԱՍՏՈՒԾՈՅ ՀՂԳԱԾՈՒԹԻՒՆԸ ԻՍՐԱՅԵԼԻ

2

“Տէրը խօսեցաւ” ինծի՝ ըսելով.

2 «Գնա՛, գոչէ՛ Երուսաղէմի ականջներուն եւ ըսէ՛.

⁴ **Եբր.**՝ Տէրոց խօսքը եղաւ

⁵ **Եբր.**՝ բացուի

⁶ **Եբր.**՝ դրի

⁷ **Եբր.**՝ Տէրոց խօսքը եղաւ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Տէրը սա՛ կը յայտարարէ.

“Զեզի կը յիշեցնեմ երիտասարդութեանդ բաղցրութիւնը
Հարսնութեանդ սէրը,

Երբ իմ ետեւէս կը քալէիր անապատին մէջ,

Չսերմանուած երկրի մը մէջ:

3 Իսրայէլ Տէրոց պնծայուած էր,

Անոր բերքերուն ՚երախայրիքն էր.

Բոլոր անոնք՝ որ զայն կ'ուտէին, յանցաւոր կ'ըլլային.

Անոնց վրայ չարիք կը հասնէր[□], կը պատգամէ Տէրը:

4 Տէրոց խօսքը մտի՞կ ըրէք, ո՞վ Ձակորի տունը,

Եւ Իսրայէլի տան բոլոր գերդաստանները».

ԻՍՐԱՅԷԼԻ ՆԱԽԱՀԱՅՐԵՐՈՒՆ ՄԵՂՋԸ

5 «Տէրը սա՛ կը յայտարարէ.

“Զեր հայրերը ի՞նչ անիրաւութիւն գտան իմ վրաս՝

Որ ինձմէ հեռացան,

Եւ ունայնութեան հետեւելով ունայն եղան:

6 Անոնք չըսին. “Ո՞ւր է Տէրը՝

Որ մեզ բարձրացուց Եգիպտոսի երկրէն,

Որ մեզի քալել տուաւ անապատին մէջէն,

Անբնակ ու փոսերու երկրէն,

Չորութեան եւ մահուան շուրջի երկրէն,

Այնահայ երկրէ մը՝ ուրկէ ո՛չ մէկը կ'անցնէր,

Ու հոն ո՛չ մէկ մարդ կը բնակէր”:

7 Ես ձեզ բարեբեր երկիր մը բերի,

Որպէսզի անոր պտուղն ու բարիքը ուտէք.

Բայց դուք մտաք եւ իմ երկիրս եապականեցիք,

Իմ ժառանգութիւնս գարշելի ըրիք:

8 Քահանաները չըսին. “Տէրը ո՞ւր է”.

Օրէնքի վարդապետները զիս չճանչցան,

Հովհանները ինծի դէմ ապստամբեցան.

Մարգարէները Բահաղով մարգարէացան,

Եւ անօգուտ բաներու հետեւեցան[□]»:

ՏԷՐՈՉ ԴԱՏԸ ԻՐ ԺՈՂՈՎՈՒՐԴԻՆ ԴԵՄ

9 «Հետեւաբար ձեզի հետ տակաւին պիտի պիճիմ, – կը պատգամէ Տէրը, –

^բ Եբր.՝ կարեկցութիւնը

^գ Եբր.՝ սրբացուած

^դ Եբր.՝ առաջիններն

^ե Եբր.՝ անմաքուր ըրիք

^գ Եբր.՝ դատ վարեմ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- Ու ձեր որդիներուն որդիներուն հետ պիտի վիճիմ:
- 10 Արդարեւ անցէ՛ք Կիտացիներուն կղզիները եւ նայեցէ՛ք,
Սա՛րդ որկեցէք Կեդար ու լա՛ հասկցէք,
Եւ տեսէք թէ այսպիսի բան մը եղե՞ր է.
- 11 Միթէ ազգ մը **իր** աստուածները փոխե՞ր է,
Թէպէտ անոնք Աստուած չէին.
Բայց իմ ժողովուրդս իր Փառքը
Անօգուտ **բանի** հետ փոխանակեց»:
- 12 «Ո՞վ երկինք, ապշէ՛ ասոր վրայ,
Սահմոկէ՛ ու չափազա՞նց հոսկա, – կը պատգամէ Տէրը, –
- 13 Որովհետեւ իմ ժողովուրդս երկու չարիք գործեց.
Զիս՝ կեանքի ջուրին աղբիւրը՝ լքեցին,
Եւ իրենց հորեր փորեցին,
Ճեղքուած հորեր, որ չեն կրնար ջուր պահել:
- 14 Միթէ հսրայէլ ստրո՞ւկ է, բընդոծի՞ն է.
Ինչո՞ւ կողոպտուեցաւ:
- 15 Անոր դէմ **առիւծի** կորիւնները մոնչեցին
Եւ **իրենց** ձայնը **լսել** տուին,
Անոր երկիրը ամայութեան վերածեցին.
Անոր քաղաքները այրեցան, անբնակ եղան»:

ԻՍՐԱՅԵԼԻ ԱՆՀԱՆՏԱՐՄՈՒԹԵԱՆ ԱՐԴԻՒՆՔԸ

- 16 «Մեմփացիներուն ու Տափնացիներուն որդիներն անգամ
գլուխիդ գագաթը կոտրեցին:
- 17 Դուն քեզ ասոր **արժանի** չըրի՞՝
Քու Տէր Աստուածդ լքելով,
Երբ ան ճամբային մէջ քեզի քալել կու տար:
- 18 Հիմա դուն ի՞նչ գործ ունիս Եգիպտացիներուն ճամբան՝
Որ Սիովրի ջուրը խմելու կ'երթաս.
Կամ ի՞նչ գործ ունիս Ասորեստանի ճամբան՝
Որ **Եփրատ** գետին ջուրը խմելու կ'երթաս:
- 19 Քու չարութիւնդ քեզ պիտի պատժէ,
Եւ ուխտադրժութիւնդ քեզ պիտի յանդիմանէ:
Պիտի գիտնաս ու տեսնես թէ գէշ եւ դառն **բան** է՝
Որ քու Տէր Աստուածդ լքած ես,
Ու մէջդ իմ երկիւղ չկայ»,
Կը պատգամէ զօրքերու Տէրը՝ Եհովան:

^է **Եբր.**՝ չորցիր

^ը **Եբր.**՝ Կոտրած

^ը **Եբր.**՝ ընտանիքի մէջ ծնած ստրո՞ւկ

^ժ **Եբր.**՝ ըրին

ԻՍՐԱՅԵԼ ԿԸ ՄԵՐԺԷ ՏԵՐԼ ՊԱՇՏԵԼ

- 20 «Արդարեւ քու լուծդ շատոնց՝ կոտրեցիր,
Կապանքներդ փրցուցիր,
Եւ ըսիր. “Ստրուկ պիտի չըլլամ”»:
Ամէն բարձր բլուրի վրայ,
Ամէն կանաչագարդ ծառի տակ
Ծոեցար՝ պոռնկեցար:
- 21 Ես քեզ տնկեր էի **Եբր** ընտիր որթատունկ,
Ամբողջովին հարազատ սերմ.
Ի՞նչպէս վայրի որթատունկի այլասերած ճիւղերու վերածուեցար ինծի համար:
- 22 Թէեւ բորակով լուացուիս
Ու շատ օճառ գործածես,
Քու անօրէնութիւնդ առջեւս բիծի պէս կը մնայ, –
Կը պատգամէ Տէրը՝ Եհովան: –
- 23 Ի՞նչպէս կրնաս ըսել.
“Ես Խապականեցայ,
Բահաղներու չհետեւեցայ”:
Նայէ՛ քու ճամբայիդ՝ ծորին մէջ,
Եւ ճանչցի՛ր ինչ որ ըրիր,
Ո՞վ իր ճամբաները խաչածեւող արագընթաց տաճիկ ուղտ:
- 24 Անապատի վարժուած վայրենի **մատակ** էշը,
Որ իր ցանկութեամբ՝ օդը կը ներծծէ,
Ո՞վ կրնայ Կարգիլել իր կտղուցքէն:
Բոլոր զայն փնտողները չեն պարտասիր.
Զայն կը գտնեն իր ամսուան մէջ:
- 25 “Զգուշացի՛ր որ ոտքդ չմերկանայ ու կոկորդդ չծարաւնայ.
Բայց դուն կ'ըսես. “ ՞Անօգուտ է”, ո՛չ.
Քանի օտար **աստուածները** կը սիրեմ,
Եւ անոնց պիտի հետեւիմ”»:

ԻՍՐԱՅԵԼ Կ'ԱՐԺԱՆԱՆԱՅ ՊԱՏԻԺԻ

^հ **Եբր.**՝ կոտրեցի, կապանքներդ փրցուցի, ու դուն ըսիր. “ **Օրէնքը** պիտի չանտեսեմ” :
Սակայն

^ւ **Եբր.**՝ օտար

^{իւ} **Եբր.**՝ անմաքուր չեղայ

^ծ **Եբր.**՝ հովը

^կ **Եբր.**՝ հեռացնել

^հ **Եբր.**՝ Արգիլէ՛

^ծ **Եբր.**՝ Յոյս չկայ

- 26** «Ինչպէս գողը կ'ամշնայ՝ երբ ՚բռնուի,
Այդպէս պիտի ամշնայ հսրայէլի տունը.
Իրենք, իրենց թագաւորները, իշխանաւորները,
Քահանաներն ու մարգարէները,
- 27** Որոնք փայտին կ'ըսեն. «Դուն իմ հայրս ես□,
Ու քարին. «Դուն զիս ծնար□:
Արդարեւ ինձի ՚կռնակ դարձուցին, եւ ո՛չ թէ երես.
Սակայն իրենց ձախորդութեան ատեն կ'ըսեն.
«Կանգնէ՛ ու մե՛զ ազատէ□:
- 28** Բայց ո՞ւր են քու աստուածներդ՝ որ քեզի շինեցիր.
Եթէ ձախորդութեանդ ատեն քեզ կրնաց ազատել, թող կանգնին.
Արդարեւ քու աստուածներդ, ո՛վ Ձուդա,
Քու քաղաքներուդ թիւին չափ եղան»:
- 29** «Ինչո՞ւ ինձի հետ կը վիճիք.
Դուք բոլորդ ինձի դէմ ապստամբեցաք, – կը պատգամէ Տէրը:–
- 30** Ընդունա՛յն ծեր որդիները ծեծեցին.
Անոնք պատիժը չընդունեցին.
Զեր սուրը բնաջնջող առիւծի պէս
Զեր մարգարէները սպառեց:
- 31** Ո՛վ սերունդ, «ուշադրութի՛ն դարձուցէք» Տէրոց խօսքին.
Միթէ ես հսրայէլի համար անապա՞տ եղայ,
Կամ մթութեան երկի՞ր մը:
Իմ ժողովուրդս ինչո՞ւ կ'ըսէ.
«Մենք կը տիրապետենք.
Անգա՞մ մըն ալ քեզի պիտի չգանց□»:
- 32** Միթէ կոյսը իր զարդերը կը մոռնա՞յ,
Կամ հարսը՝ իր կամարը.
Բայց իմ ժողովուրդս անթիւ օրեր զիս մոռցաւ:
- 33** Սէր փնտոելու համար՝ ինչո՞ւ ճամբադ շիտակ կը ցուցնես,
Այնպէս որ քու ճամբաներդ չար կիներուց ալ սորվեցուցիր:
- 34** Նաեւ քղանցքիդ վրայ
Անմեղ աղքատներու անձերուն արիւնները գտնուեցան.
Զանոնք ՚գաղտնի տեղեր՝ չգտայ:
Հապա այս բոլորին վրայ:
- 35** Բայց դուն կ'ըսես. «Քանի անմեղ եմ՝
Անոր բարկութիւնը անշուշտ ինձմէ պիտի կասի□:

^Դ Եբր.՝ գտնուի

^Ճ Եբր.՝ ծոծրակ

^Հ Եբր.՝ նայեցէ՛ք

^Ճ Այսինքն՝ ընթացքդ

^Ճ Կամ՝ տուց ծակելու ատեն

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Ահա՛ ես քեզի հետ դատ պիտի վարեմ, քանի կ'ըսես.
“Ես չմեղանչեցի՞ւ:
- 36** Ինչո՞ւ այսչափ կը թափառիս՝ ճամբար փոխելով.
Դուն եգիպտոսէն ալ պիտի ամշնաս,
Ինչպէս Ասորեստանէն ամշցար:
- 37** Դուն ասկէ՛ ալ պիտի ելլես՝
Զեռքերդ գլուխիդ վրայ դրած,
Քանի որ Տէրը քու վստահութիւններդ մերժեց,
Եւ անոնցմով պիտի չյաջողիս»:

ԱՆՀԱԿԱՏԱՐԻՄ ԻՍՐԱՅԵԼԸ

3

- «Կ'ըսեն. “Եթէ մարդ մը իր կինը արծակէ,
Ան ալ իր քովէն երթայ եւ ուրիշ ամուսինի մը պատկանի,
Ինք անգամ մըն ալ “այդ կնոց” կը վերադառնա՞յ:
- Այդ երկիրը ամբողջովին չի՞ պղծուիր:
Իսկ դուն՝ շատ հումանիներու հետ պոռնկեցար.
Սակայն ինձի՞ վերադարձիր, – կը պատգամէ Տէրը:–
- 2** Աչքերդ վերցո՞ւր բլրակներուն ու նայէ՛,
Ո՞ւր չպոռնկեցար:
Դուն անոնց համար ճամբաներուն վրայ նստար,
Ինչպէս Արարը՝ անապատին մէջ,
Եւ քու պոռնկութիւններովդ ու չարութեամբդ երկիրը պղծեցիր:
- 3** Ուստի տարափները դադրեցան,
Եւ վերջին անձրեւը չեկաւ.
Բայց դուն պոռնիկի ճակատ ունիս,
Կը մերժես խպնիլ:
- 4** Միթէ հիմա ալ զիս չե՞ս կոչեր.
“Իմ Հայուս, դուն ես իմ երիտասարդութեանս ։մտերիմը՞:
- 5** Միթէ յաւիտեա՞ն ։պիտի բարկանայ”,
Կամ իր գայրոյթը ընդմի՞շտ պիտի պահէ:
Ահա՛ դուն այսպէս խօսեցար,
Սակայն չարիք գործեցիր՝ որչափ որ կոցար»:

^ա Եբր.՝ անոր

^բ Եբր.՝ բարեկամներու

^գ Եբր.՝ չգուգաւորուեցար

^դ Եբր.՝ արգիլուեցան

^ե Եբր.՝ չեղաւ

^գ Կամ՝ առաջնորդը

^է Եբր.՝ իր բարկութիւնը պիտի պահէ

ԻՍՐԱՅԵԼ ԵՒ ՅՈՒԴԱ ՊԵՏՉ ԶԴՅԱՆ

- 6 Յովսիա թագաւորին օրերը՝ Տէրը ինծի ըսաւ.
«Ուխտադրուժ հսրայէլի ըրածը տեսա՞ր.
- Ամէն բարձր լերան վրայ
Եւ ամէն կանաչազարդ ծառի տակ գնաց,
Ու հոն պոռնկեցաւ:
- 7 Երբ այս բոլորը ըրաւ՝
Ըսի. “Ինծի՝ վերադարձիր□, բայց չվերադարձաւ.
Եւ անոր անհաւատարիմ քոյրը՝ Յուդա ասիկա տեսաւ:
- 8 Երբ ուխտադրուժ հսրայէլի շնութիւն ընելուն պատճառով
Զայն արձակեցի եւ անոր տուի ամուսնալուծումի վկայագիրը,
Տեսայ թէ անոր անհաւատարիմ քոյրը՝ Յուդա չվախցաւ,
Հապա գնաց եւ ինք ալ պոռնկեցաւ:
- 9 Ան իր աղմկայոյզ պոռնկութեամբ երկիրը պղծեց,
Քանի քարի ու փայտի հետ շնութիւն ըրաւ:
- 10 Հակառակ այս բոլորին, անոր անհաւատարիմ քոյրը՝ Յուդա ալ
Ամբողջ սիրտով ինծի չվերադարձաւ,
Հապա՝ կեղծաւորութեամբ», կը պատգամէ Տէրը:
- 11 Տէրը ինծի ըսաւ.
«Ուխտադրուժ հսրայէլը ինքզինք աւելի արդարացուց՝ քան անհաւատարիմ Յուդան:
- 12 Գնա՛, սա՛ խօսքերը բարտասանէ դէպի հիւսիս.
“Վերադարձի՛ր, ո՞վ ուխտադրուժ հսրայէլ , – կը պատգամէ Տէրը .–
Իմ բարկութիւնս ձեր վրայ չեմ թափեր,
Քանի որ ես կարեկից եմ, – կը պատգամէ Տէրը .–
Ճաւիտեան զայրոյթ չեմ պահեր:
- 13 Միայն թէ գիտակցի՛ր անօրէնութեանդ,
Քանի քու Տէր Աստուծոյդ դէմ ապստամբեցար.
Ամէն կանաչազարդ ծառի տակ
Քու ճամբաներդ դէպի օտար աստուծները տարածեցիր,
Եւ իմ խօսքս մտիկ չըրիր, – կը պատգամէ Տէրը :–
- 14 Վերադարձէ՛ք, ո՞վ ուխտադրուժ որդիներ, – կը պատգամէ Տէրը .–
Որովհետեւ ե՞ս եմ ձեր տէրը.
Զեզ պիտի առնեմ, քաղաքէ մը՝ մէկ հոգի,
Գերդաստանէ մը՝ երկու հոգի,
Ու ձեզ Սիոն պիտի բերեմ:
- 15 Իմ սիրտիս համաձայն հովիւներ պիտի տամ ձեզի,
Որոնք գիտութեամբ եւ ուշիմութեամբ պիտի հովուեն ձեզ:
- 16 Երբ դուք այդ օրերը երկրին վրայ բազմանաք եւ աճիք, – կը պատգամէ Տէրը .–
Անգամ մըն ալ պիտի չըսեն. “Տէրոց ուխտին տապանակը”:
Ան բարդութեամբ՝

¤ Երբ.՝ յայտարարէ

¤ Երբ.՝ մարդուս սիրտին մէջ պիտի չբարձրանան

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Ու զայն պիտի չյիշեն.

Զայն աչքէ պիտի չանցընեն,

Եւ անգա՞մ մըն ալ պիտի չշինուի:

17 Այն ատեն Երուսաղէմը պիտի կոչեն. "Տէրոջ գահը",

Ու բոլոր ազգերը հոն՝ Երուսաղէմ պիտի հաւաքուին, Տէրոջ անունին համար.

Անգա՞մ մըն ալ իրենց չար սիրտին կամակորութեան պիտի չհետեւին:

18 Այդ օրերը թուղայի տունը

Իսրայէլի տան հետ պիտի ընթանայ,

Ու **Երկուքը** միասին հիւսիսի Երկրէն

Պիտի գան այն Երկիրը՝ որ ՞իրենց հայրերուն ժառանգել տուի՛»:

ԱՍՏՈՒԾՈՅ ԺՈՂՈՎՈՒՐԴԻՆ ԿՈԱՊԱՇՏՈՒԹԻՒՆԸ

19 «Ես ըսի. "Ի՞նչպէս կ'ուզեմ քեզ որդիներուն մէջ դնել,

Ու քեզի տալ **այդ** ցանկալի Երկիրը,

Ազգերուն ամենէն փառաւոր ժառանգութիւնը՛:

Նաեւ ըսի. "Զիս պիտի կոչես. "Իմ հայրս",

Եւ ինձմէ պիտի չհեռանաս՛:

20 "Ի՞րապէս, ո՞վ իսրայէլի տունը,

Ինչպէս կին մը իր հսկականին անհաւատարիմ կ'ըլլայ,

Այնպէս ալ դուք ինձի անհաւատարիմ եղաք՛, կը պատգամէ Տէրը»:

21 Բլրակներուն վրայ ծայն մը լսուեցաւ,

Իսրայէլի որդիներուն լացի **եւ** աղաչանքի ծայնը.

Արդարեւ անոնք իրենց ճամբան ծոեցին,

Տէրը՝ իրենց Աստուածը մոռցան:

22 «Ո՞վ ուխտադրուժ որդիներ, վերադարձէ՛ք,

Ես ծեր ուխտադրութիւնները պիտի բուժեմ»:

«Ահա՝ մենք քեզի կու գանք,

Քանի որ դուն ես Տէրը՝ մեր Աստուածը.

23 Ի՞րապէս բլուրներու

Եւ լեռներու բազմութեան **յուսալը** ընդունայն է:

Ի՞րապէս իսրայէլի փրկութիւնը Տէրոցմէն՝ մեր Աստուծմէն է.

24 Սակայն մեր երիտասարդութենէն ի վեր ամօթը սպառեց մեր հայրերուն վաստակը,

Անոնց ոչխարները եւ արջառները,

Անոնց որդիներն ու աղջիկները:

25 Մեր ամօթով կը պառկինք,

Մեր նախատինքը մեզ կը ծածկէ.

Արդարեւ մեր երիտասարդութենէն մինչեւ այսօր

թէ՛ մենք եւ թէ մեր հայրերը

Տէրոջ՝ մեր Աստուծոյն դէմ մեղանչեցինք,

Ու Տէրոջ՝ մեր Աստուծոյն ծայնը մտիկ չըրինք»:

^Ժ **Երը.**՝ ծեր

^Ի **Երը.**՝ բարեկամին

4

- «Եթէ վերադառնաս, ո՞վ հսրայէլ,— կը պատգամէ Տէրը,—
Ինծի՝ վերադարձիր.
- Եթէ քու պղծութիւններդ իմ առջեւէս հեռացնես,
Ալ թափառական պիտի չըլլաս:
- 2 Եթէ ճշմարտութեամբ, իրաւունքով եւ արդարութեամբ
Երդում ընես. «Տէրը կ'ապրի□,
Ազգերը անով պիտի օրհնուին
Ու անով պիտի պարծենան»:
- 3 Արդարեւ Տէրը Թուղայի ու Երուսաղէմի մարդոց սա՛ կը յայտարարէ.
«Զեր խոպան հողե՛րը մշակեցէք,
Եւ փուշերու մէջ մի՛ սերմանէք:
- 4 Ո՛վ Թուղայի մարդիկ ու Երուսաղէմի բնակիչներ,
Տէրո՛ջ համար թլփատուեցէք
Եւ ձեր սիրտի՛ն թլիփը հանեցէք,
Որպէսզի իմ ցասումս ձեր չար արարքներուն պատճառով
Կրակի պէս բչպոռթկայ ու չայրէ, եւ մարող մը չըլլայ»:

ՅՈՒԴԱ ԳՐԱԿՐՈՒՄԻ ՍՊԱՌՆԱԼԻՔԻՆ ՏԱԿ

- 5 «Յուղայի մէջ յայտարարեցէ՛ք,
Երուսաղէմի մէջ գծանուցանեցէ՛ք եւ ըսէ՛ք.
Երկրին մէջ շեփո՛ր հնչեցուցէք,
Դարձրածայն գոչեցէք եւ ըսէ՛ք.
“Հաւաքուեցէ՛ք, ու մտնե՛նք պարսպապատ քաղաքները:
- 6 Դրօշակ բարձրացուցէք դէպի Սիոն,
Փախէ՛ք, մի՛ կայնիք.
Որովհետեւ ես չարիք ու մեծ փլուզում պիտի բերեմ հիւսիսէն□:
- 7 Առիւծը իր թաւուտէն ելաւ,
Ազգերը բնաջնջողը մեկնեցաւ,
Իր տեղէն ելաւ՝ որպէսզի քու երկիրդ ամայի դարձնէ.
Ջաղաքներդ պիտի աւերուին,
Եւ անոնց մէջ բնակիչ պիտի չըլլայ:
- 8 Հետեւաբար քո՛ւրծ հագէք»,

^ա Եբր.՝ Երեսէն

^բ Եբր.՝ դուրս չելլէ

^գ Եբր.՝ լսե՛լ տուէք

^դ Եբր.՝ Լմա՛ն

^ե Եբր.՝ ընէ

^գ Եբր.՝ քուրծով գօտեւորուեցէք

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Հեծեծեցէ՛ք ու գոռացէ՛ք,

Որովհետեւ Տէրոջ բորբոքած բարկութիւնը մեզմէ չի հեռանար»:

9 «Այդ օրը, – կը պատգամէ Տէրը, –
Թագաւորին սիրտը եւ իշխանաւորներուն սիրտը պիտի հալի.
Քահանաները պիտի ապշին,
Մարգարէները պիտի զարմանան»:

10 Այն ատեն ըսի.

«Ո՞հ, Տէ՛ր Եհովա,

Ի՞րապէս դուն այս ժողովուրդն ու Երուսաղէմը մեծապէս հրապուրեցիր՝ ըսելով.

“Չեզի խաղաղութիւն պիտի ըլլայ□.

Մինչդեռ սուրբ մինչեւ անոնց անձը հասաւ»:

11 Այն ատեն այս ժողովուրդին ու Երուսաղէմին պիտի ըսուի.

«Այրող հով մը անապատին բլրակներէն **կը փէէ**

Իմ ժողովուրդիս աղջիկին ճամբային մէջ,

Ո՛չ թէ հոսելու համար, ո՛չ ալ մաքրելու համար:

12 «Ասկէ սաստիկ հով մը ինձմէ պիտի գայ».

Հիմա ես ալ անոնց դէմ դատավճիռներ պիտի արձակեմ»:

ՅՈՒԴԱ ԹԾՆԱՍԻՆԵՐՈՎ ԾՐՁԱՊԱՏՈՒԾ

13 Ահա՝ անիկա ամպերու պէս պիտի բարշաւէ,

Եւ անոր կառքերը՝ փոթորիկի պէս.

Անոր ձիերը արծիւներէն աւելի արագընթաց են.

Վայ մեզի, քանի որ պիտի բնաջնջուինք:

14 Ո՞վ Երուսաղէմ, լուա՝ սիրտդ չարութենէն,

Որպէսզի փրկուիս.

Մինչեւ ե՞րբ չար մտածումներդ քու մէջդ պիտի մնան:

15 Արդարեւ ձայն մը Դանէն կը յայտարարէ,

Եփրեմի լեռնէն պատուհաս կը ծանուցանէ:

16 **Սա՝^հ գիտցուցէ՛ք ազգերուն,**

Եւ իմացուցէ՛ք՝ Երուսաղէմի.

«Հեռաւոր Երկրէ պաշարողներ կու գան,

Յուդայի քաղաքներուն դէմ իրենց ձայնը **լսել** կու տան:

17 Արտի պահապաններու պէս զայն պիտի շրջապատեն,

Որովհետեւ ան ինձի դէմ ընդվզեցաւ, – կը պատգամէ Տէրը:–

^է **Եբր.**՝ կորսուլի

^զ **Կամ՝** Սաստիկ հով մը ասկէ պիտի գայ ինձի

^թ **Եբր.**՝ բարձրանայ

^ժ **Եբր.**՝ գիշերեն

^ի **Եբր.**՝ յիշեցուցէ՛ք

^ւ **Եբր.**՝ Ահա՝ լսել տուէք

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- 18 Քու ՚ընթացքդ եւ արարքներդ քեզ ասոնց **արժանի** ըրին.
Ասիկա քու չարութեանդ պտուղն է. արդարեւ դառն է,
Ու մինչեւ քու սիրտդ կը հասնի»:

ԵՐԵՄԻԱՅԻ ՎԻՇՏԸ ԻՐ ԺՈՂՈՎՈՒՐԴԻՆ ՀԱՄԱՐ

- 19 «Ընդե՛րքս, ընդե՛րքս. **Մինչեւ** սիրտիս ՚շտեմարանները ՚ցաւ կը զգամ»:
Սիրտս իմ ներսս կ'ալեկոծի, չեմ **կրնար** լոել,
Քանի դուն, ո՞վ իմ անձս, լսեցիր շեփորին ձայնը
Եւ պատերազմին գոչիւնը»:
20 “Փլուզում փլուզումի վրայ՝ կը յայտարարուի,
Որովհետեւ ամբողջ երկիրը կործանեցաւ.
‘Վրաններս յանկարծ կործանեցան,
Ու խորաններս՝ վայրկենապէս.
21 Մինչեւ ե՞րբ դրօշակը պիտի տեսնեմ
Եւ շեփորին ձայնը պիտի լսեմ:
22 Արդարեւ իմ ժողովուրդս յիմար է, զիս չճանչցան.
Անոնք անմիտ որդիներ են,
Անոնց քով խելք չկայ.
Անոնք չարիք ընելու համար իմաստուն են,
Բայց բարիք ընել չեն գիտեր»:

ԳԱԼԻՉ ԿՈՐԾԱՆՈՒՄԻՆ ՏԵՍԻԼՔԸ

- 23 Երկրի նայեցայ, եւ ահա՛ ամայի ու դատարկ էր.
Երկինքին **նայեցայ**, եւ անոր լոյսը չկար:
24 Լեռներուն նայեցայ, եւ ահա՛ կը ցնցուէին,
Ու բոլոր բլուրները կ'երերային:
25 Նայեցայ, եւ ահա՛ մարդ չկար,
Ու երկինքի բոլոր թռչունները փախած էին:
26 Նայեցայ, եւ ահա՛ բարեբեր արտը անապատ եղած էր,
Անոր բոլոր քաղաքները փլած էին Տէրոց ներկայութենէն,
Անոր բորբոքած բարկութեան ՚առջեւ:
27 Արդարեւ Տէրը սա՛ կը յայտարարէ.
«Ամբողջ երկիրը պիտի աւերուի,
Բայց ամբողջովին **ամայի** պիտի չընեմ:
28 Ասոր համար երկիրը պիտի սգայ,

^{իւ} **Եբր.**՝ ճամբաններդ

^ծ **Եբր.**՝ պատերը

^կ **Եբր.**՝ երկունքի ցաւ կը քաշեմ

^հ **Եբր.**՝ Վարագոյրներս

^ծ **Եբր.**՝ երեսէն

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Ու վերէն երկինքը պիտի մթագնի.
Քանի ես ըսի **եւ** որոշեցի,
Պիտի չգոջամ, անկէ ՝պիտի չհրաժարիմ»»:
- 29** Զիաւորներուն եւ աղեղնաւորներուն աղմուկէն
“Ամէն քաղաք” պիտի փախչի:
Անոնք թանձրախիտ **անտառներու** մէջ պիտի մտնեն,
Ապառաժներու վրայ պիտի մազլցին:
Բոլոր քաղաքները պիտի լքուին,
Ո՛չ մէկ մարդ պիտի բնակի անոնց մէջ:
30 Իսկ դուն, ո՞վ կործանուած, ի՞նչ պիտի ընես.
Թէեւ կարմիր հագնիս,
Քեզ ոսկի զարդերով զարդարես,
Եւ՝ ‘աչքերուդ վրայ շատ ծարոյր դնես”,
Ընդունայն դուն քեզ կը գեղեցկացնես:
Զու սիրահարներդ քեզ **մերժեցին եւ** կեանքդ կը փնտռեն:
31 Որովհետեւ ծայն մը լսեցի՝ երկնող կնոց մը ծայնից պէս,
Իր անդրանիկը ծնանողին տագնապի ծայնից պէս.
Սիոնի աղջիկին ծայնն **է, որ** կը հառաչէ ու ծեռքերը տարածելով՝ **կ'ըսէ.**
“Վա՛յ ինձի,
Քանի որ սպաննողներուն առջեւ անձս պարտասած է»»:

ԵՐՈՒՍԱՂԵՄԻ ՄԵՂՋԸ

5

- «Շրջագայեցէ՛ք Երուսաղէմի փողոցներուն մէջ,
Նայեցէ՛ք ու գիտցէ՛ք,
Փնտռեցէ՛ք անոր հրապարակներուն մէջ.
Եթէ մարդ մը գտնէք,
Եթէ իրաւունքը կիրարկող, հաւատարմութիւն փնտռող մը ըլլայ,
Ես այդ **քաղաքին** կը ներեմ:
- 2** Թէեւ կ'ըսեն. “Տէրը կ'ապրի»,
Անտարակոյս սուստ երդում կ'ընեն»»:
- 3** Ո՞վ Տէր, միթէ քու աչքերդ հաւատարմութեան չե՞ն **հայիր.**
Զանոնք ծեծեցիր, բայց բաւ չզգացին»».

^Դ **Եբր.**՝ ետ պիտի չդառնամ

^Ճ **Կամ** Ամբողջ քաղաքը

^Հ **Այսինքն**՝ կրկնակի կարմիրով ներկուած կերպասէ հագուստ

^Ճ **Եբր.**՝ աչքերդ ծարոյրով պատռես

^Ճ **Կամ** անարգեցին

^Կ **Եբր.**՝ կեղծ

^Բ **Եբր.**՝ երկունքի ցաւ չքաշեցին

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

Զանոնք սպառեցիր, **բայց** մերժեցին պատիժը ընդունիլ:

Իրենց երեսը ժայռէն աւելի կարծրացուցին,

Ու մերժեցին դարձի գալ:

4 Ուստի ըսի. «Ի՞րապէս ասոնք ՚թշուառականներ են.

Խենթ են, քանի որ Տէրոց ճամբան՝

Իրենց Աստուծոյն կանոնը չեն գիտեր:

5 Ես մեծերուն պիտի երթամ

Եւ անոնց հետ խօսիմ,

Որովհետեւ իրենք գիտեն Տէրոց ճամբան,

Եւ իրենց Աստուծոյն կանոնը»:

Բայց **ահա՝** ասոնք ՚բոլորն ալ “լուծը կոտրեցին,

Կապերը փրցուցին:

6 Հետեւաբար անտառին առիւծը պիտի **մեռցնէ** զիրենք,

՚Անապատներուն գայլը պիտի բնաջնջէ զիրենք.

Ինձը պիտի հսկէ իրենց քաղաքներուն վրայ,

Ո՞վ որ անոնցմէ դուրս ելլէ՝ պիտի բգըտուի.

Քանի որ իրենց յանցանքները շատցան,

Եւ իրենց ուխտադրժութիւնները բազմացան:

7 «Ասոր համար ի՞նչպէս քեզի ներեմ.

Թու որդիներդ զիս լքեցին,

Ու չաստուածներով երդում ըրին:

Երբ զանոնք կշտացուցի, շնութիւն ըրին

Եւ պոռնկատունը խմբաւորուեցան:

8 **Lawi** կերակրուած ծիերու **պէս** կը վազվուտեն,

Ամէն մարդ իր ընկերին կնոց կը վրնջէ:

9 Միթէ ասոնց համար պիտի **չպատժե՞մ** **զանոնք**, – կը պատգամէ Տէրը, –

Կամ այսպիսի ազգէ մը իմ անձս վրէժ պիտի չառնէ՞:

10 Ելէ՛ք անոր պարիսպներուն վրայ ու քանդեցէ՛ք,

Բայց ո՛չ ամբողջովին:

Հանեցէ՛ք անոր բուռերը,

Որովհետեւ անոնք Տէրոց չեն **պատկանիր**:

11 Արդարեւ հսրայէլի տունը եւ թուղայի տունը

Ինծի յոյժ անհաւատարիմ եղան», կը պատգամէ Տէրը:

ՏԷՐԸ ԿԸ ՄԵՐԺԷ ԻՄՐԱՅԵԼԸ

^գ **Եբր.**՝ ցած

^Դ **Եբր.**՝ բոլորովին

^Ե **Եբր.**՝ զարնէ

^Գ **Կամ** իրիկուան

^Դ **Եբր.**՝ չհաստուցանե՞մ

^Ե **Կամ** մարտկոցները

- 12 Անոնք Տէրը ուրացան եւ ըսին. «^ՊԻ Ազ չէ»,
Ու մեր վրայ չարիք պիտի չգայ.
Ո՛չ սուր պիտի տեսնենք, ո՛չ սով:
13 Մարգարէները հովի պէս են,
Անոնց **բերանը Տէրոց** խօսքը չկայ.
Այդպէս պիտի ըլլայ անոնց»:
- 14 Հետեւաբար սա՛ կը յայտարարէ Տէրը՝ գօրքերու Աստուածը.
«Քանի դուք այս խօսքը ըսիք,
Ահա՛ ես իմ խօսքերս քու բերանիդ մէջ կրակ պիտի ընեմ
Եւ այս ժողովուրդը՝ փայտ,
Եւ զանոնք պիտի սպառէ:
- 15 Ահա՛ ես հեռուէն ձեզի դէմ ազգ մը կը բերեմ,
ՈՎ իսրայէլի տունը, – կը պատգամէ Տէրը. –
Ան ^ծգօրաւոր ազգ է,
Ան ^հին ազգ է,
Ազգ մը՝ որուն լեզուն չես գիտեր
Ու խօսածը չես հասկնար:
- 16 Անոնց կապարճը բաց գերեզմանի պէս է.
Բոլորն ալ գօրաւոր **մարդիկ** են:
- 17 Զու հունձքդ անիկա՛ պիտի ուտէ,
Զու որդիներուդ եւ աղջիկներուդ ուտելիք հացը:
Զու ոչխարներդ եւ արշառներդ պիտի ուտէ,
Զու որթասունկերդ ու թզենիներդ պիտի ուտէ,
Զու պարսպապատ քաղաքներդ՝ որոնց ւապահնած ես,
Սուրով պիտի ^ևկործանէ:
- 18 Բայց այդ օրերն ալ, – կը պատգամէ Տէրը. –
Ձեզ պիտի ^ծչբնացնջեմ:
- 19 Եթէ ըսէք.
“Ի՞նչ պատճառով Տէրը՝ մեր Աստուածը՝ այս բոլորը ըրաւ մեզի[□],
Դուն անոնց պատասխանէ՛.
“Ինչպէս դուք զիս լքեցիք
Ու ձեր երկրին մէջ օտար աստուածներու ^Կծառայեցիք,
Այնպէս ալ ձերը չեղած երկրի մը մէջ

^Պ **Կամ** Ան գոյութիւն չունի

^ծ **Եբր.**՝ տոկուն

^հ **Եբր.**՝ հնադարեան

^ւ **Եբր.**՝ վստահած

^{իւ} **Եբր.**՝ թշուառացնէ

^ծ **Եբր.**՝ չսպառեմ

^Կ **Այսինքն** պաշտեցիք

Օտարներու պիտի ծառայէք»:

ԱԱՏՈՒԱԾ ԿԸ ԶԳՈՒԾԱՅՆԵ ԻՐ ԺՈՂՈՎՈՒՐԴԸ

- 20** Յակոբի տան մէջ սա՝ յայտարարեցէք,
Ու Յուդայի մէջ՝ ծանուցանելով՝ ըսէք.
- 21** «Հիմա սա՝ մտիկ ըրէք,
Ո՞վ անմիտ եւ չանխելք ժողովուրդ,
Որ աչքեր ունիք՝ բայց չէք տեսներ,
Ականջներ ունիք՝ բայց չէք լսեր:
- 22** Պիտի չվախնա՞ք ինձմէ, – կը պատգամէ Տէրը, –
Պիտի չսարսափի՞ք իմ առջեւս.
Ես յաւիտենական կանոնով մը ծովուն սահման դրի աւազը,
Եւ անկէ չ'անցնիր.
Անոր ալիքները կը ոփրփրին, բայց չեն կրնար յաղթել.
Անոնք կը գոռան, սակայն անկէ չեն կրնար անցնիլ:
- 23** Իսկ այս ժողովուրդը ապստամբ եւ անհնազանդ սիրտ մը ունի,
Իրենց **ճամբայէն** շեղեցան ու գացին,
- 24** Եւ իրենց սիրտին մէջ չըսին.
“Տէրոցմէն՝ մեր Աստուծմէն վախնանք,
Որ տեղատարափը, առաջին անձրեւն ու վերջին անձրեւը իր ատենին կու տայ,
Եւ հունձքի համար որոշուած շաբաթները մեզի կը պահէ»:
- 25** Չեր անօրէնութիւնները հեռացուցին ասոնք.
Չեր մեղքերը ձեզմէ կասեցուցին բարիքը:
- 26** Արդարեւ ամբարիշտներ գտնուեցան իմ ժողովուրդիս մէջ.
Անոնք կծկուած թռչնորսներու պէս կը դիտեն,
Որոգայթ կը լարեն, մարդիկ կը բռնեն:
- 27** Ինչպէս վանդակը թռչուններով լեցուն է,
Այնպէս անոնց տունները խարէութեամբ լեցուն են.
Հետեւաբար անոնք մեծցան ու հարստացան,
- 28** Պարարտացան, փայլեցան,
Եւ չարերուն արարքներն ալ գլեցին անցան:
Անոնք դատը չեն պաշտպաներ,
Որբին դատը.
(Սակայն կը յաջողին.)
Աղքատին իրաւունքը չեն՝ պաշտպաներ:
- 29** Միթէ ասոնց համար պիտի չպատժե՞մ զանոնք, – կը պատգամէ Տէրը, –

⁶ **Եբր.**՝ լսել տալով

⁸ **Եբր.**՝ անսիրտ

⁷ **Եբր.**՝ տատանին

⁶ **Եբր.**՝ դատեր

⁵ **Եբր.**՝ չհատուցանե՞մ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Կամ այսպիսի ազգէ մը իմ անձս վրէժ պիտի չառնէ՞:

30 Երկրին մէջ ապշեցուցիչ ու քստմնելի **բան** կ'ըլլայ.

31 Մարգարէները՝ սուտ մարգարէութիւն կ'ընեն,

Քահանաները անոնց **միջոցով** կը տիրապետեն:

Իմ ժողովուրդս ասիկա կը սիրէ.

Բայց **ի՞նչ** պիտի ընէք, **երբ** ասոնց վախճանը **հասնի»:**

ԵՐՈՒՍԱՂԵՄ ԹԾՆԱՄԻՆԵՐԷ ԾՐՁԱՊԱՏՈՒԱԾ

6

Ո՞վ բենիամինի որդիներ, փախէ՛ք Երուսաղէմի մէջէն,

Ճեփո՛ր հնչեցուցէք թեկուէի մէջ,

“Թանձր մո՛ւխ” բարձրացուցէք Բեթաքարմայի վրայ.

Որովհետեւ հիւսիսէն չարիք կ'երեւնայ, ու մեծ փլուզում:

2 Սիոնի աղջիկը բգեղեցիկ ու քնքուշ կնոջ մը նմանցուցի.

3 Հովհիւները եւ անոնց հօտերը անոր պիտի երթան,

Անոր դիմացը վրաններ պիտի “լարեն՝ բոլորաձեւ,

Իւրաքանչիւրը իր տեղին մէջ պիտի “արածի»:

4 «Անոր դէմ պատերա՛զմ՝ պատրաստեցէք.

Ոտքի՛ ելէք, ու կէսօրի՛ն բարձրանանք.

Վա՛յ մեզի, որովհետեւ օրը կը գմթննայ,

Եւ իրիկուան ստուերները կ'երկարին»:

5 «Ոտքի՛ ելէք, գիշե՛րը բարձրանանք,

Ու քանդենք անոր պալատները»:

6 Արդարեւ զօրքերու Տէրը սա՛ կը յայտարարէ.

«Ծառե՛ր կտրեցէք եւ հողաբլո՛ւր բարձրացուցէք Երուսաղէմի դիմաց:

Ասիկա հպատժուելու արժանի “քաղաք մըն է,

Ամէնուրեք հարստահարութիւն կայ անոր մէջ»:

7 Ինչպէս բաղրիւրը կը բխեցնէ իր ջուրերը,

¹ **Երբ.**՝ կեղծ

² **Երբ.**՝ ձեռքերով

³ **Երբ.**՝ Բարձրացող նշան

⁴ **Երբ.**՝ վայելուչ

⁵ **Երբ.**՝ զարնեն

⁶ **Կամ** հովուէ

⁷ **Երբ.**՝ սրբացուցէք

⁸ **Երբ.**՝ դառնայ

⁹ **Կամ** հատուցանուելու արժանի

¹⁰ **Երբ.**՝ ջրամբարը, **կամ** ջրհորը

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Այնպէս ալ ան ծկ'արտաբերէ իր չարութիւնը:

Անոր մէջ բռնութեան ու կործանումի ժխոր կը լսուի.

Իմ առջեւս շարունակ հկակիծներ եւ 'վէրքեր կան:

8 Ո՞վ Երուսաղէմ, խրատուէ՝,

Որպէսզի իմ անձս քեզմէ չզատուի,

Ու քեզ ամայի եւ անբնակ երկրի մը նչվերածեմ»:

ԱՊՍԱՍՐ ԻՄՐԱՅԵԼԸ

9 Զօրքերու Տէրը սա՛ կը յայտարարէ.

«Իսրայէլի մնացորդը ծայգիի պէս

Բոլորովին ճռաքաղ պիտի ընեն.

Զու ծեռքդ կողովներուն դարձուր՝ կթողի պէս»:

10 Որո՞ւ խօսիմ, ո՞վ վկայ կանչեմ, որ լսեն.

Ահա՛ անոնց ականջները անթլփատ են,

Ու չեն կրնար ուշադիր ըլլալ:

Ահա՛ Տէրոց խօսքը անոնց առջեւ նախատուեցաւ.

Անկէ չեն ախորժիր:

11 Ուստի ես Տէրոց ցասումով լեցուած եմ.

Զայն մէջս Կպահելէն հիւծեցայ:

«Զայն թափէ՛ երախաներուն վրայ՝ փողոցը,

Նաեւ երիտասարդներուն խորհրդաժողովին վրայ,

Քանի որ ամուսինը եւ կինը,

Ծերն ու ծտարիքաւորը պիտի բռնուին.

12 Անոնց տուները ուրիշներուն պիտի փոխանցուին՝

Իրենց արտերուն եւ կիներուն հետ,

Որովհետեւ երկրին բնակիչներուն վրայ

Իմ ծեռքս պիտի երկարեմ, – կը պատգամէ Տէրը»:-

13 Արդարեւ անոնց պատիկէն մինչեւ մեծը՝

Բոլորը ագահութեան անձնատուր են,

բ Երը.՝ փորէ

ծ Երը.՝ կը փորէ

հ Կամ՝ հիւանդութիւններ

լ Երը.՝ հարուածներ

մ Երը.՝ չընեմ

ծ Երը.՝ որթատունկի

կ Երը.՝ պարունակելէն

հ Կամ՝ պիտի թափեմ

չ Երը.՝ օրերը լեցուածը

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Ու մարգարէն մինչեւ քահանան՝
Բոլորը կեղծիքով կը վարուին:
- 14 Իմ ժողովուրդիս աղջիկին ովերքը հարեւանցի բուժելով՝ կ'ըսեն.
“Խաղաղութիւն է, խաղաղութիւն»,
Մինչդեռ խաղաղութիւն չկայ:
- 15 Միթէ իրենց գարշութիւն գործած ատենը կ'ամշնա՞ն.
Բնա՛ւ չեն ամշնար,
Եւ խպճիլ չեն գիտեր:
Հետեւաբար ինկողներուն հետ պիտի իյնան,
Զիրենք «պատժած ատենս պիտի գայթին», կը յայտարարէ Տէրը:

ԻՍՐԱՅԵԼ ԿԸ ՄԵՐԺԷ ԱՍՏՈՒԾՈՅ ՃԱՄԲԱՆ

- 16 Տէրը սա՛ կը յայտարարէ.
«Կայնեցէ՛ք ճամբաներուն վրայ ու նայեցէ՛ք,
Հարցուցէ՛ք հնադարեան շափողներուն մասին՝
Թէ ո՛րն է բարօրութեան ճամբան,
Եւ քալեցէ՛ք անոր մէջէն,
Որպէսզի հանգիստ գտնէք ձեր անձերուն:
Բայց անոնք պատասխանեցին. «Անոր մէջէն պիտի չքալենք»:
- 17 Նաեւ դէտեր նշանակեցի ձեր վրայ՝ պատուիրելով.
“Ուշադի՛ր եղէք շեփորի ձայնին».
Բայց անոնք պատասխանեցին. «Ուշադիր պիտի չըլլանք»:
- 18 Ուրեմն, ո՛վ ազգեր, լսեցէ՛ք.
Ո՛վ համայնք, գիտցի՛ր անոնց մէջ եղածը:
- 19 Լսէ՛, ո՛վ երկիր.
Ահա՛ ես այս ժողովուրդին վրայ չարիք պիտի բերեմ՝
Իրենց մտածումներուն պտուղը,
Որովհետեւ իմ խօսքերուն ուշադիր չեղան,
Եւ օրէնքս ալ մերժեցին:
- 20 Ինչո՞ւ ինծի Սաբայէն կնդրուկ գայ,
Ու հեռաւոր երկրէ՝ մհուտաւէտ խունկեղէգ.
Զեր ողջակէզները ընդունելի չեն,
Եւ ձեր գոհերը ինծի հաճելի չեն:
- 21 Հետեւաբար Տէրը սա՛ կը յայտարարէ.
“Ահա՛ ես այս ժողովուրդին առջեւ խոչընդոտներ պիտի դնեմ,
Որոնց զարնուելով՝ հայրերն ու որդիները միհասին պիտի գայթին,
Դրացին եւ իր բարեկամը պիտի կորսուին»:

¹ Եբր.՝ բեկումը

² Եբր.՝ հատուցանած

³ Եբր.՝ լաւորակ

⁴ Եբր.՝ հաւանելի

22 Տէրը սա՛ կը յայտարարէ.

«Ահա՝ հիւսիսի երկրէն ժողովուրդ մը կու գայ,
Ու երկրի ^հծայրերէն մեծ ազգ մը ^շկ'արշաւէ:

23 Անոնք աղեղ ու տէգ կը բռնեն,

Անգութ եւ անողորմ են.

Անոնց ձայնը ծովու պէս կը գոռայ:

Անոնք ձիերու վրայ հեծած են,

Ու պատերազմիկի պէս

Քեզի դէմ կը շարուին, ո՞վ Սիոնի աղջիկ»:

24 **Երբ** անոր համբաւը լսեցինք՝

Մեր ձեռքերը թուցան.

Տագնապը մեզ համակեց՝

Ծննդաբերող **կնոք** երկունքի ցաւին պէս:

25 Դուրս մի՛ ելլէք դէպի արտերը, ու ճամբաներէն մի՛ երթաք,

Որովհետեւ ամէն կողմ թշնամին սուրը **եւ** արհաւիրք կայ:

26 Ո՞վ իմ ժողովուրդիս աղջիկը, "քո՛լրծ հագիր",

Մոխիրի՛ մէջ թաւալէ,

Եւ **լա՛ց** դառնագին կոծով,

Ինչպէս մէկ հատիկ **զաւակի** վրայ կը սգան.

Որովհետեւ կործանողը յանկարծ մեր վրայ պիտի հասնի:

27 «Քեզ իմ ժողովուրդիս վրայ կարգեցի իբր քննիչ **եւ** ամրոց,

Որպէսզի անոնց ճամբան գիտնաս ու քննես:

28 Բոլորը շեղած ապստամբներ են,

Բանսարկութեան կ'երթան, պղինձ եւ երկաթ են.

Բոլորը ապականած են:

29 Փքոցը հրաբորբոք եղաւ,

Կապարը կրակէն հատաւ.

Զուզագործը ընդունայն կը զտէ,

Որովհետեւ շխարամը անջատուած չէ»:

30 Անոնք "անարգ արծաթ՝ պիտի կոչուին,

Որովհետեւ **Տէրը** զանոնք ^շմերժած է»:

ԵՐԵՄԻԱ ԿԸ ՔԱՐՈՉԵ ՏԱՃԱՐԻՆ ՄԷՋ

^հ **Երբ.**՝ ներսի կողմերէն

² **Երբ.**՝ կ'արթննայ

³ **Երբ.**՝ քուրծո՛վ գօտեւորուէ

⁴ **Կամ**՝ աշտարակ

⁵ **Երբ.**՝ գէշ **հիւթերը** փրցուած չեն

⁶ **Կամ**՝ անարգած

7

- Երեմիայի սուղղուած խօսքը Տէրոցմէն՝ որ ըսաւ.
- 2 «Տէրոց տան դուռը կայնէ,
Ու հոն սա՛ խօսքը բարտասանէ՛.
“Տէրոց խօսքը մտի՛կ ըրէք, ո՛վ ամբողջ Յուղա,
Որ այս դուներէն կը մտնէք՝
Տէրոց երկրպագելու համար:
- 3 Զօրքերու Տէրը՝ հսրայէլի Աստուածը սա՛ կը յայտարարէ.
“Բարեփիխեցէք ձեր գնթացքն ու արարքները,
Որպէսզի ձեզ թողում՝ որ այս տեղը բնակիք:
- 4 Մի՛ Վստահիք սուտ խօսքերու՝ ըսելով.
«Տէրոց տաճարը, Տէրոց տաճարը,
Տէրոց տաճարը ա՛յս է»:
- 5 Հապա եթէ ձեր ընթացքն ու արարքները բոլորովին բարեփիխէք,
Եթէ մարդուն եւ իր ընկերին միջեւ
Իրաւունքը բոլորովին կիրարկէք,
- 6 Գաղթականը, որբն ու այրին չհարստահարէք
Այս տեղը անմեղ արիւն չթափէք,
Եւ ուրիշ աստուածներու չհետեւիք՝
Զեր ձախորդութեան համար,
- 7 Այն ատեն ձեզ պիտի թողում՝ որ այս տեղը բնակիք,
Զեր հայրերուն տուած երկրիս մէջ,
”Դարէ դար”:
- 8 Ահա՛ դուք սուտ խօսքերու կը վստահիք,
Որոնք չեն կրնար օգտակար ըլլալ:
- 9 Միթէ գողութիւն, մարդասպանութիւն եւ շնուրթիւն ընելով,
ԵՍուտ երդում ընելով ու Բահաղի խունկ ծխելով,
Ուրիշ աստուածներու հետեւելով՝ որ չէք ճանչնար,
- 10 Կրնա՞ք գալ եւ ինծի ներկայանալ այս տան մէջ՝
Որ իմ անունովս կոչուած է,
Եւ ըսել. «Ազատուած ենք, որպէսզի այս բոլոր գարշութիւնները գործենք»:
- 11 Այս տունը, որ իմ անունովս կոչուած է,
Միթէ աւազակներու քարա՞յր եղաւ ձեր աշքերուն:
Ահա՛ ես ալ տեսայ, – կը պատգամէ Տէրը:–
- 12 Ուրեմն գացէ՛ք իմ տեղս՝ որ Սելովի մէջ էր,
Ուր նախապէս իմ անունս բնակեցուցեր էի,

^ս Եբր.՝ եղած

^բ Եբր.՝ յայտարարէ՝

^գ Եբր.՝ ճամբաներն

^դ Եբր.՝ Յաւիտենականութենէ յաւիտենականութիւն

^ե Եբր.՝ Կեղծ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

Ու տեսէ՛ք թէ ի՞նչ ըրեր եմ անոր,

Իմ ժողովուրդիս՝ հսրայէլի շարութեան պատճառով:

13 Ուստի հիմա, քանի այս բոլոր արարքները գործեցիք, – կը պատգամէ Տէրը, –

Ու ձեզի խօսեցայ – կանուխ ելլելով խօսեցայ –, բայց մտիկ չըրիք,

Չեզ կանչեցի, բայց չպատասխանեցիք,

14 Ես ալ այս ձեր ^գապալինած տան՝

Որ իմ անունովս կոչուած է,

Եւ ձեզի ու ձեր հայրերուն տուած տեղիս

Պիտի ընեմ այնպէս՝ ինչպէս ըրի Սելովի.

15 Չեզ պիտի վտարեմ իմ առջեւէս,

Ինչպէս վտարեցի ձեր բոլոր եղբայրները՝

Եփրեմի ամբողջ զարմը[□]:

ԺՈՂՈՎՈՒՐԴԻՆ ԱՆՀԱՅԱՆԴԱՆԴԻՒՆԸ

16 «Ուստի դուն այս ժողովուրդին համար մի՛ աղօթեր,

Անոնց համար չպաղատանք եւ աղօթք մի՛ մատուցաներ,

Ու մի՛ բարեխօսեր,

Քանի որ քեզի մտիկ պիտի չընեմ:

17 Չե՞ս տեսներ թէ ի՞նչ կ'ընեն

Յուղայի քաղաքներուն ու Երուսաղէմի փողոցներուն մէջ. –

18 Որդիները փայտ կը ժողվեն,

Հայրերը կրակ կը վառեն,

Կիները **խմորի** զանգուած կը շաղեն՝

Երկինքի թագուհիին բլիթներ շինելու համար,

Եւ ուրիշ աստուածներու թափելիք նուէրներ բկ'ընծայեն,

Որպէսզի զիս գրգռեն:

19 Միթէ անոնք զի՞ս կը գրգռեն, – կը պատգամէ Տէրը. –

Իրենց զիրենք կը գրգռեն, իրենց երեսին ամօթին համար»:

20 Հետեւաբար սա՛ կը յայտարարէ Տէրը՝ Եհովան.

«Ահա՛ իմ բարկութիւնս ու ցասումս

Այս տեղին վրայ պիտի թափի,

Մարդու վրայ եւ անասունի վրայ,

Դաշտի ծառերուն վրայ

Ու հողի պտուղներուն վրայ,

Եւ պիտի բռնկի ու չմարի»:

21 Զօրքերու Տէրը՝ հսրայէլի Աստուածը սա՛ կը յայտարարէ.

«Չեր ողջակէզները աւելցուցէ՛ք ձեր զոհերուն վրայ, եւ մի՛ս կերէք:

22 Արդարեւ այն օրը երբ ձեր հայրերը Եգիպտոսի երկրէն հանեցի,

Ողջակէզի ու զոհի մասին անոնց չխօսեցայ,

Ո՛չ ալ անոնց հրամայեցի.

^գ **Եբր.**՝ վստահած

^է **Եբր.**՝ ճիշ

^թ **Եբր.**՝ կը թափեն

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- 23 Հապա անոնց սա՛ բանը հրամայեցի՝ ըսելով.
“Մտի՛կ ըրէք իմ ձայնս,
Ու ՞ես ձեր Աստուածը պիտի ըլլամ,
Դուք ալ իմ ժողովուրդս պիտի ըլլաք”:
Քալեցէ՛ք այն բոլոր ճամբաներուն մէջէն՝ որ ձեզի հրամայեցի,
Որպէսզի բարօրութիւն ունենաք□:
- 24 Բայց անոնք մտիկ չըրին եւ ականջ չդարձուցին.
Հապա իրենց չար սիրտին կամակորութեամբ՝
Իրենց խորհուրդներուն ծհետեւեցան.
Ետեւ հգացին, եւ ո՛չ թէ յառաջ:
- 25 Ձեր հայրերուն Եգիպտոսի երկրէն ելած օրէն մինչեւ այսօր,
Իմ բոլոր ծառաներս՝ մարգարէները ձեզի դրկեցի:
Ամէն օր կանուխ ելլելով՝ **զանոնք** կը դրկէի.
- 26 Սակայն ինծի մտիկ չըրին եւ իրենց ականջ չդարձուցին,
Հապա իրենց պարանոցը խստացուցին.
Իրենց հայրերէն աւելի չար եղան”»:
- 27 «Դուն այս բոլոր խօսքերը անոնց պիտի ըսես,
Բայց քեզի մտիկ պիտի չընեն.
Զանոնք պիտի կանչես,
Բայց քեզի պիտի չպատասխանեն:
- 28 Այն ատեն անոնց ըսէ՛.
“Ահա՛ ասիկ Տէրոց՝ իր Աստուծոյն ձայնը մտիկ չընող
Ու խրատ չընդունող ազգը.
Իշխանութիւնը կորսուեցաւ, եւ անոնց բերանէն կտրուեցաւ□»:

ՄԵՂԱՍՏԻՑ ԳՈՐԾԵՐ ԵՆՈՎՄԻ ՉՈՐԻՆ ՄԷՋ

- 29 «Կտրէ՛ մազերդ ու նետէ՛, **ո՛վ Երուսաղէմ**,
Եւ բլրակներուն վրայ ո՛ղբ բարձրացուր,
Քանի որ **Տէրը** մերժեց ու **երեսէ** ծգեց այն սերունդը՝
Որուն դէմ ցասում **ունէր**:
- 30 Արդարեւ Յուդայի որդիները իմ ծառքեւս չարիք գործեցին, – կը պատգամէ **Տէրը**. –
Իրենց պղծութիւնները իմ անունովս կոչուած տան մէջ դրին՝
Որպէսզի զայն պղծեն:
31 Ենովմի որդիին ձորին մէջ եղող Տոփէթի բարձր տեղերը կառուցանեցին՝

Պ **Եբր.**՝ Ես ձեզի Աստուած պիտի ըլլամ, դուք ալ ինծի ժողովուրդ պիտի ըլլաք

Ժ **Եբր.**՝ մէջէն ընթացան

Ի **Եբր.**՝ եղան

Լ **Եբր.**՝ չարիք գործեցին

Խ **Եբր.**՝ Հաւատարմութիւնը

Ծ **Եբր.**՝ աշքերուս

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Իրենց որդիներն ու աղջիկները կրակով այրելու համար,
ինչ որ **անոնց** չհրամայեցի եւ **այդ մասին** չմտածեցի:
- 32** Ուստի ահա՝ կու գան օրերը, – կը պատգամէ Տէրը, –
Երբ ա՛ Տոփէթ կամ “Ենովմի որդիին ձորը՝ պիտի չկոչուի,
Հապա՝ “Զարդի ձորը՝
Ու Տոփէթի մէջ **մեռելներ** պիտի թաղեն՝ մինչեւ որ ա՛ տեղ չըլլայ”:
- 33** Այս ժողովուրդին դիակները՝
Երկինքի թռչուններուն ու երկրի գազաններուն ուտելիք պիտի ըլլան,
Եւ ո՛չ մէկը **զանոնք** պիտի վոճակ:
- 34** Յուղայի քաղաքներէն ու Երուսաղէմի փողոցներէն՝
Բերկրանքի ձայնը եւ ուրախութեան ձայնը,
Փեսային ձայնն ու հարսին ձայնը պիտի դադրեցնեմ,
Որովհետեւ երկիրը պիտի ամայանայ»:

8

- «Այդ ատեն, – կը պատգամէ Տէրը, –
Յուղայի թագաւորներուն ոսկորները,
Անոր իշխանաւորներուն ոսկորները,
Զահանաներուն ոսկորները,
Մարգարէներուն ոսկորները,
Ու Երուսաղէմի բնակիչներուն ոսկորները՝
Իրենց գերեզմաններէն պիտի հանեն,
2 Եւ զանոնք պիտի տարածեն արեւին առջեւ, լուսինին առջեւ,
Ու երկինքի բոլոր զօրքերուն առջեւ,
Որոնք սիրեցին եւ պաշտեցին,
Որոնց հետեւեցան,
Որոնց խորհուրդ հարցուցին ու երկրպագեցին:
Անոնք պիտի չհաւաքուին եւ չթաղուին.
Գետինի մակերեսին վրայ աղբի պէս պիտի ըլլան:
- 3** Մահը կեանքէն նախընտրելի պիտի ըլլայ
Այս չար գերդաստանին բոլոր մնացորդներուն,
Որոնք մնացած են այն բոլոր տեղերը՝
Ուր զանոնք աքսորեր եմ», կը պատգամէ զօրքերու Տէրը:

ՄԵՂՁ ԵՒ ՊԱՏԻԺ

- 4** «Անոնց ըսէ՛. Տէրը սա՛ կը յայտարարէ.
“Միթէ անոնք պիտի իյնան ու պիտի չելլե՞ն.

⁴ **Եբը.**՝ սիրտիս մէջ չբարձրացաւ

⁵ **Եբը.**՝ չըսուի

⁶ **Կամ՝ ուրիշ** տեղ չըլլալուն համար

⁷ **Եբը.**՝ դողացնէ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- Կամ **մէկը ճամբայէց** կը շեղի եւ չի՝ վերադառնար□:
- 5 Ինչո՞ւ այս Երուսաղէմի ժողովուրդը մշտատեւ ուխտադրժութեամբ շեղեցաւ.
Անոնք խարէութեան կառչեցան, մերժելով դարձի գալ:
- 6 Ուշադիր եղայ ու մտիկ ըրի:
Անոնք շիտակ չեն խօսիր:
Ո՛չ մէկը իր չարութեան համար կը զղայ՝
Ըսելով. “Ի՞նչ ըրի□.
Իւրաքանչիւրը իր վազքին կը վերադառնայ,
Ինչպէս ծին պատերազմին մէջ կը խոյանայ:
- 7 Արագիլն անգամ օդին մէջ իր **գաղթից** եղանակը գիտէ,
Տատրակը, կռունկն ու ծիծեռնակը
Իրենց գալուստի ժամանակին ուշադիր կ'ըլլան,
Բայց իմ ժողովուրդս **Տէրոց** կանոնը չի գիտեր:
- 8 Ի՞նչպէս կ'ըսէք. “Մենք իմաստուն ենք,
Եւ **Տէրոց** օրէնքը մեր քով է□,
Մինչդեռ ահա՝ դաիրներուն խաբեքայ գրիչը **զայն** կեղծիքի բվերածած է:
- 9 Իմաստունները ամչցան,
Անոնք զարհութեցան ու բռնուեցան.
Ահա՝ **Տէրոց** խօսքը անարգեցին,
Ալ ի՞նչ իմաստութիւն կայ անոնց քով:
- 10 Ուստի անոնց կինները ուրիշներուն պիտի տամ,
Անոնց արտերը՝ **իրենց վրայ** տիրողներուն.
Արդարեւ անոնց պղտիկէն մինչեւ մեծը՝
Բոլորը ագահութեան **անձնատուր** են,
Եւ մարգարէէն մինչեւ քահանան՝
Բոլորը կեղծիքով կը վարուին:
- 11 Իմ ժողովուրդիս աղջիկին **ԴՎԵՐԸ** հարեւանցի բուժելով՝ կ'ըսեն.
“Խաղաղութիւն է, խաղաղութիւն□,
Մինչդեռ խաղաղութիւն չկայ:
- 12 Միթէ կ'ամշնա՞ն իրենց գարշութիւն գործած ատենը.
Բնաւ չեն ամշնար,
Ու խպնիլ չեն գիտեր:
Հետեւաբար ինկողներուն հետ պիտի իյնան,
Իրենց պատիժին ատենը պիտի գայթին, – կը յայտարարէ **Տէրը**:–
- 13 Զանոնք **բոլորովին** պիտի բնաջնջեմ, – կը պատգամէ **Տէրը**.–
Որթատունկին վրայ խաղող պիտի չըլլայ,
Ու թգենիին վրայ թուզ պիտի չըլլայ.

^ա **Կամ երթին**

^բ **Երը.՝ ըրած**

^գ **Կամ՝ մերժեցին**

^դ **Երը.՝ բեկումը**

^ե **Երը.՝ հատուցումին**

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

ԱՅՆՈց տերեւներն ալ պիտի թառամին,
Եւ ինչ որ անոնց տուի՝ իրենցմէ պիտի «անհետանայ»։

14 Սենք ինչո՞ւ նստած կը մնանք.

Հաւաքուեցէ՛ք, պարսպապատ քաղաքներու մէջ մտնենք,

Ու հո՞ն լուռ կենանք։

Արդարեւ Տէրը՝ մեր Աստուածը մեզ լռեցուց

Եւ մեզի թունաւոր ջուր խմցուց,

Քանի որ Տէրոց դէմ մեղանչեցինք։

15 Խաղաղութիւն ակնկալեցինք՝ բայց բարիք չեղաւ,

Բուժումի ժամանակին **սպասեցինք**, սակայն ահա՛ սարսափը **եկաւ**։

16 Անոր ձիերուն փռնչիւնք Դանէն կը լսուի,

Անոր երիվարներուն վրնջիւնէն

Ամբողջ երկիրը կը շարժի.

Արդարեւ կու գան երկիրն ու գայն լեցնողները,

Քաղաքը եւ անոր բնակիչները լափելու։

17 «Արդարեւ ահա՛ ձեր մէջ օձեր,

Իմեր պիտի դրկեմ, որ ՚թովզութենէ չեն ազդուիր»

Եւ ձեզ պիտի խածնեն», կը պատգամէ Տէրը։

18 Տրտմութենէս կ'ուզեմ սփոփուիլ.

Սիրտս ներսս ուժաթափ է։

19 Ահա՛ հեռաւոր երկրէ մը կու գայ

Իմ ժողովուրդիս աղջիկին աղաղակին ծայնը.

«Սիթէ Տէրը Սիոնի մէջ չէ»։

Անոր թագաւորը հոն չէ»։

«Ինչո՞ւ իրենց քանդակած ոկուռքերով

Եւ օտարազգիներուն ունայնութիւններով զիս գրգռեցին»։

20 Հունձքին ատենք անցաւ, ամառը վերջացաւ,

Բայց մենք չփրկուեցանք։

21 Իմ ժողովուրդիս աղջիկին ՚վէրքին համար սիրտս կոտրած է.

՚Սգաւոր եմ, **եւ** ապշութիւնը զիս համակած է։

22 Սիթէ Գաղաադի մէջ բալասան չկա՞յ,

Հոն բժիշկ չկա՞յ.

Հապա ինչո՞ւ իմ ժողովուրդիս աղջիկը ՚չապաքինեցաւ։

9

^գ **Երը.**՝ անցնի

^է **Երը.**՝ չեն հմայուիր

^լ **Երը.**՝ պատկերներով

^թ **Երը.**՝ բեկումին

^ժ **Երը.**՝ Սեւցած

^ի **Երը.**՝ առողջութիւնը չբարձրացաւ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- Երանի՛ թէ գլուխս ջուր ըլլար,
Եւ աչքերս՝ արցունքի աղբիւր,
Որպէսզի ցերեկ ու գիշեր լայի
Իմ ժողովուրդիս աղջիկին սպաննուածներուն համար:
- 2 Երանի՛ թէ անապատին մէջ ուղեւորներու իշեւան մը ունենայի,
Որպէսզի իմ ժողովուրդս լքէի եւ անոնցմէ ահեռանայի.
Արդարեւ բոլորը շնացողներ են,
Եւ անհաւատարիմներու խմբակ են:
- 3 «Իրենց լեզուն իրենց աղեղին պէս կը լարեն՝ ստութեան համար,
Բայց երկրին մէջ ճշմարտութեան համար չեն զօրանար.
Արդարեւ չարութենէ չարութիւն կ'երթան,
Ու զիս չեն ճանչնար,— կը պատգամէ Տէրը:—
- 4 Իւրաքանչիւրը թող զգուշանայ իր բարեկամէն,
Բնաւ եղբօր մը մի՛ վստահիք,
Որովհետեւ ամէն եղբայր խաբէութիւն կը հնարէ,
Եւ ամէն բարեկամ բանսարկութեան կ'երթայ.
- 5 Իւրաքանչիւրը իր բարեկամը կը խաբէ,
Ու ճշմարտութիւն չի խօսիր:
Անոնք իրենց լեզուները սուտ խօսելու վարժեցուցած են,
Անօրէնութիւն գործելով կը հիւծին:
- 6 Թու բնակարանդ խաբէութեան մէջ է.
Խաբէութեան պատճառով կը մերժեն զիս ճանչնալ», կը պատգամէ Տէրը:
- 7 Հետեւաբար զօրքերու Տէրը սա՛ կը յայտարարէ.
«Ահա՝ զանոնք պիտի զտեմ ու փորձարկեմ,
Որովհետեւ ի՞նչպէս վարուելու եմ իմ ժողովուրդիս աղջիկին հետ:
- 8 Անոնց լեզուն մահաբեր նետ է,
Խաբէութիւն կը խօսի.
Բերանով իր բարեկամին հետ խաղաղութեան մասին կը խօսի,
Բայց սիրտին մէջ անոր դարան կը պատրաստէ:
- 9 Միթէ այս բաներուն համար զանոնք պիտի չպատժե՞մ, — կը պատգամէ Տէրը, —
Կամ այսպիսի ազգէ մը իմ անձս վրէժ պիտի չառնէ՞»:
- 10 Լեռներուն համար լաց ու եղերգութիւն պիտի բարձրացնեմ,
Եւ անապատի մարգագետիններուն համար՝ ողբ.
Որովհետեւ այրեցան, ո՛չ մէկը անկէ կ'անցնի,
Ու խաշինքի ծայն չի լսուիր.
Օդին թռչուններէն մինչեւ անասունները փախան, գացին:
- 11 Երուսաղէմը քարակոյտերու պիտի վերածեմ,

^ա Երը.՝ Երթայր

^բ Երը.՝ հաւատարմութեան

^գ Երը.՝ կ'ելլեն

^դ Երը.՝ չհատուցանե՞մ

^ե Երը.՝ դարձնեմ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Ծնագայլերու որջի.

Յուղայի քաղաքներն ալ անբնակ ամայութեան պիտի վերածեմ:

- 12 Ո՞վ է այն իմաստուն մարդը՝ որ ասիկա հասկնայ,
Եւ անոր Աստուծոյ բերանը խօսած ըլլայ՝ որ սա՛ յայտնէ,
Թէ ինչո՛ւ երկիրը կործանած
Եւ այրած է՛ անապատի պէս,
Ուրկէ ո՛չ մէկը կ'անցնի:

- 13 Տէրը յայտարարեց.
«Քանի անոնք լքեցին իմ օրէնքս՝
Որ իրենց առջեւ դրեր էի,
Եւ իմ ձայնս մտիկ չընելով՝ անոր համաձայն չընթացան,
14 Հապա հետեւեցան իրենց սիրտին կամակորութեան եւ Բահաղներուն,
Ինչպէս իրենց հայրերը իրենց սորվեցուցած էին,
15 Զօրքերու Տէրը՝
Իսրայէլի Աստուածը սա՛ կը յայտարարէ.
“Ահա՛ ես այս ժողովուրդին օշինդր պիտի կերցնեմ,
Եւ անոնց թունաւոր ջուր պիտի խմցնեմ:
16 Զանոնք պիտի ցրուեմ այն հեթանոսներուն մէջ,
Որոնք ո՛չ իրենք ճանցան, ո՛չ ալ իրենց հայրերը:
Անոնց վրայ սուր պիտի դրկեմ,
Մինչեւ որ զանոնք հատցնեմ»:

ԵՐՈՒՍԱՂԵՄԻՆԵՐԸ ՕԳՆՈՒԹԻՒՆ ԿԸ ԽՆԴՐԵՆ

- 17 Զօրքերու Տէրը սա՛ կը յայտարարէ.
«Մտածեցէ՛ք ու եղերամայրե՛ր կանչեցէք՝ որ գան,
Իմաստուն կիներուն լո՛ւր դրկեցէք՝ որ գան,
18 Եւ մեզի համար շուտով եղերգութեան ձայն բարձրացնեն,
Որպէսզի մեր աչքերը արցունքներ իջեցնեն,
Ու մեր կոպերը ջուրեր հոսեցնեն:
19 Արդարեւ Սիոնէն եղերերգութեան ձայն լսուեցաւ.
“Ինչպէս կործանեցանք. յոյժ ամշցանք,
Որովհետեւ երկիրը լքեցինք,
Որովհետեւ մեր բնակարաններէն վտարուեցանք»:
20 Ուրեմն, ո՞վ կիներ, մտի՛կ ըրէք Տէրոց խօսքը,
Ու ձեր ականջները անոր բերանին խօսքը թող ընդունին.
Ձեր աղջիկներուն եղերերգութի՛նն սորվեցուցէք,
Եւ ամէն կին իր բարեկամուհիին՝ ողբ:
21 Արդարեւ մահը մեր պատուհաններէն բարձրացաւ,
Մեր պալատները մտաւ,
Որպէսզի փողոցներէն երախանները բնաջնջէն,
Ու հրապարակներէն՝ երիտասարդները:

^գ Կամ՝ ազգերուն

^է Երբ.՝ սպառեմ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

22 Հսկ'. «Տէրը սա' կը պատգամէ.

“Մարդոց դիակները պիտի իյնան

Արտերու մակերեսին վրայ եղող աղբին պէս,

Կամ հնձողներուն ետեւը մնացած խուրծի պէս,

Եւ ո՛չ մէկը զանոնք պիտի հաւաքէ»:

23 Տէրը սա' կը յայտարարէ.

«Իմաստունը իր իմաստութեամբ թող չպարծենայ,

Ու գօրաւորը իր գօրութեամբ թող չպարծենայ,

Հարուստը իր հարստութեամբ թող չպարծենայ.

24 Հապա ա՛ն որ կը պարծենայ՝ սա' **բանով** թող պարծենայ,

Թէ կը հասկնայ եւ զիս կը ճանչնայ,

Ու **գիտէ** թէ ե՞ս եմ Տէրը,

Որ երկրի վրայ կարեկցութիւն, իրաւունք եւ արդարութիւն կը կիրարկեմ.

Արդարեւ ես ասո՞նց կը հաճիմ, – կը պատգամէ Տէրը: –

25 Ահա' պիտի գան օրերը, – կը պատգամէ Տէրը, –

Երբ բոլոր թլիփատուածները պիտի ^{բարձր} պատժեմ անթլիփատներուն հետ,

26 Եգիպտոսը, Յուդան, Եդովմը,

Ամմոնի որդիները, Մովաքը,

Եւ **Իրենց մօրուքին** ծայրերը կտրող “ անապատի բոլոր բնակիչները.

Արդարեւ բոլոր ազգերը անթլիփատ են,

Ամբողջ հսրայէլի տունն ալ սիրտով անթլիփատ է»:

ԿՈԱՊԱՇՏՈՒԹԻՒՆ ԵՒ ՃԾՄԱՐԻՏ ԵՐԿՐՊԱԳՈՒԹԻՒՆ

10

Ո՞վ հսրայէլի տունը,

Մտի՞կ ըրէք Տէրոց ձեզի ըսած խօսքը:

2 Տէրը սա' կը յայտարարէ.

«^աՀեթանոսներուն ^{բարքերը} մի՛ սորվիք,

Ու երկինքի նշաններէն մի՛ զարհութիք,

Քանի հեթանոսները անոնցմէ կը զարհութին:

3 Արդարեւ ժողովուրդներուն սովորութիւնները ունայնութիւն են. –

Անտառէն փայտ կը կտրեն,

Որ արհեստատորին ձեռքերը դուրով կը ^գձեւակերպեն.

4 Զայն արծաթով եւ ոսկիով կը գեղեցկացնեն,

Զայն գամերով ու մուրճներով կ'ամրացնեն՝ որպէսզի ^բշերերայ:

^ա **Երը.**՝ հատուցանեմ

^բ **Կամ՝ Երկրի** ծայրերը եղող

^շ **Կամ՝ Ազգերուն**

^բ **Երը.**՝ ճամբաները

^գ **Երը.**՝ պատրաստեն

^դ **Երը.**՝ չգայթի

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

5 ԵԱՆՈՆՔ արմաւենիի պէս ուղղածիգ են, բայց չեն խօսիր.

ԱՆՉՈՒՅԹ պէտք է զանոնք կրել, քանի չեն կրնար քալել:

ԱՆՈՆԳՄԷ մի՛ վախնաք, որովհետեւ չարիք մը չեն կրնար ընել,

Ո՛չ ալ կարող են բարիք ընել»:

6 Ո՞Վ Տէր, ո՞չ մէկը քեզի նման է.

Դուն մեծ ես, եւ քու անունդ մեծ է զօրութեամբ:

7 Քեզմէ ո՞վ պիտի չվախնայ, ո՞վ ազգերու թագաւոր,

Քանի որ քեզի կը վայլէ պատկառանքը.

Արդարեւ ազգերուն բոլոր իմաստուններուն մէջ,

Եւ իրենց բոլոր թագաւորութիւններուն մէջ,

Ո՛չ մէկը քեզի նման է.

8 Իսկ իրենք բոլորն ալ անխելք եւ անմիտ են.

«Փայտը ունայնութիւններու վարդապետութիւն է»:

9 Թարսիսէն՝ արծաթի թիթեղները՝ կը բերուին,

Ու Ոփազէն՝ ոսկի.

«ԱՆՈՆՔ արհեստաւորին եւ ծովագործին ծեռքերու գործն են.

ԱՆՈՆԳ հանդերձը՝ կապուտակ ու ծծիրանի է,

Բոլորն ալ հվարպետներու գործեր են:

10 Իսկ ճշմարիտ Աստուածը Եհովան է.

Ի՞նք է ապրող Աստուածն ու յախտենական թագաւորը:

Երբ զայրանայ՝ երկիրը կը շարժի,

Եւ ազգերը չեն կրնար անոր սրտմտութեան տոկալ:

11 ԱՆՈՆԳ սա՛ ըսէք.

«Այն աստուածները՝ որ երկինքն ու երկիրը՝ չկերտեցին,

Երկրէն եւ այս երկինքին տակէն պիտի բնացնջուին»:՝^ն

ԱՍՈՒԾՈՅ ՓԱՌԱԲԱՆՈՒԹԵԱՆ ԵՐԳ ՄԸ

12 Ի՞նք երկիրը՝ ստեղծեց իր կարողութեամբ,

^ե **Այսինքն՝** Փայտէ կուռքերը

^գ **Կամ՝** Ունայնութիւններու վարդապետութիւնը փայտ է

^է **Եբր.՝** տարածուած արծաթ

^զ **Այսինքն՝** Փայտէ կուռքերը

^թ **Այսինքն՝** կապուտակով ներկուած կերպաս

^ժ **Այսինքն՝** ծծիրանիով ներկուած կերպաս

^ի **Եբր.՝** իմաստուններու

^լ **Եբր.՝** չըրին

^{իւ} **Այս համարը քաղէարէն լեզուով գրուած է**

^ծ **Եբր.՝** շինեց

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- Երկրագունդը հաստատեց իր իմաստութեամբ,
Երկինքը սփռեց իր հանձարով:
- 13 Եղբ իր ձայնը **լսել** տայ՝ Երկինքի մէջ ջուրերու յորդառատութիւն կ'ըլլայ.
Երկրի ծայրերէն ամպեր կը բարձրացնէ,
Անձեւի համար փայլակներ կը պատրաստէ,
Ու հով կը հանէ իր շտեմարաններէն:
- 14 Ամէն մարդ ճանաչումէն **զրկուելով** անբան եղաւ.
Ամէն ծովագործ **իր քանդակած կուռքին պատճառով** ամօթահար եղաւ,
Որովհետեւ իր “ծոված կուռքերը” ստութիւն են,
Անոնք չհոգի չունին:
- 15 Անոնք ունայնութիւն են, գեղծարարութեան գործեր.
Իրենց պատիժին ատենը պիտի կորսուին:
- 16 Յակոբի Բաժինը ասոնց պէս չէ,
Որովհետեւ ի՞նք է ամենուն Արարիչը.
Իսրայէլ իր ժառանգութեան վիճակն է,
Իր անունը՝ Զօրքերու Տէր “է”:

ՍՈՏԵՑՈՂ ԱՔՍՈՐԸ

- 17 Ո՞վ բերդի մէջ բնակող,
Հաւաքէ՛ **ու հանէ՛** Երկրէն իրեղէններդ,
18 Քանի որ Տէրը սա՛ կը յայտարարէ.
«Ահա՛ այս անգամ Երկրին բնակիչները Հեռուն պիտի նետեմ,
Եւ զանոնք պիտի տագնապեցնեմ, որպէսզի **իրենց պատիժը գտնեն»:
19 Վայ՛ ինծի՝ իմ բեկումին համար.
Իմ վերքս անդարմանելի է:
Սակայն ես ըսի. «Անտարակոյս ասիկա Կոկիծս է,
Զայն պիտի կրեմ»:**

⁴ **Կամ՝ շինէ**

⁵ **Եբր.՝ թափած պատկերը**

⁶ **Կամ՝ շունչ**

⁷ **Եբր.՝ հատուցումին**

⁸ **Եբր.՝ Զեւակերպիչը**

⁹ **Եբր.՝ գաւազանն**

¹⁰ **Եբր.՝ Եհովա Սաբաւովթ**

¹¹ **Եբր.՝ պատնէշի**

¹² **Եբր.՝ պարսատիկով**

¹³ **Կամ՝ հիւանդութիւնս**

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- 20 Իմ վրանս կործանեցաւ, ու բոլոր չուաններս փրթան.
Որդիներս ինձմէ Հեռացան, ա'լ չկան.
Այլեւս ո'չ մէկը վրանս կը լարէ,
Եւ վարագոյրներս կը կանգնեցնէ:
- 21 Արդարեւ հովիւները անբան եղան
Ու Տէրը չփնտռեցին.
Հետեւաբար Կշյացողեցան,
Եւ իրենց ամբողջ հօտը ցրուեցաւ:
- 22 Ահա՛ հիւսիսի երկրէն գոյժի աղմուկ կու գայ,
Նաեւ մեծ շարժ,
Որպէսզի Յուղայի քաղաքները ամայութեան Հվերածէ,
Ու շնագայլերու որշի:
- 23 Գիտեմ, ո'վ Տէր, թէ մարդուն ճամբան իր ՃԵՆՔԸ չէ.
Քալող մարդը իր քայլերը հաստատելու Կարող չէ:
- 24 Ո'վ Տէր, "պատժէ՛ զիս, բայց Կշափաւորութեամբ.
Ո'չ թէ քու բարկութեամբդ, որ զիս չսպառես:
- 25 Քու ցասումդ թափէ՛ քեզ չճանչցող հեթանոսներուն վրայ,
Եւ անունդ չկանչող գերդաստաններուն վրայ,
Որովհետեւ Յակոբը կլանեցին.
Զայն լափեցին ու Վհատցուցին,
Եւ անոր բնակարանը ամայացուցին:

ԵՐԵՄԻԱ ԵՒ ՈՒԽՏԸ

11

Երեմիայի ԿՈՒՂՈՒԱԾ խօսքը Տէրոշմէն՝ որ ըսաւ. **2** «Մտի՛ ըրէք այս ուխտին խօսքերը, եւ խօսեցէ՛ Յուղայի մարդոց ու Երուսաղէմի բնակիչներուն: Դուն անոնց ըսէ՛. **3** «Տէրը՝ Իսրայէլի Աստուածը սա՛ կը յայտարարէ. "Անիծեալ ըլլայ այն մարդը՝ որ մտիկ չ'ըներ այն ուխտին խօսքերը, **4** որոնք ես ձեր հայրերուն հրամայեցի այն օրը՝ երբ զանոնք հանեցի Եգիպտոսի երկրէն, այդ երկաթի քուրայէն, եւ ըսի. «Ի'մ ձայնս մտիկ ըրէք, ու գործադրեցէ՛ք զանոնք՝ ձեզի ամբողջ հրամայածիս համաձայն, որպէսզի դուք իմ ժողովուրդս ըլլաք, ես ալ ձեր Աստուածը ըլլամ. **5** որպէսզի հաստատեմ այն երդումը՝ որ ձեր հայրերուն ըրի, անոնց տալու կաթ ու մեղր հոսեցնող երկիր մը, ինչպէս այսօր Կ'ԵՐԵՒՆԱՅ»»**□**: Ես ալ պատասխանեցի. «Ամէն, ո'վ Տէր»»:

^Հ ԵՐԲ.՝ դուրս ելան

^Կ ԿԱՄ ուշիմ չեղան

^Հ ԵՐԲ.՝ ընէ

^Ա ԿԱՄ խրատէ՛

^Կ ԵՐԲ.՝ կանոնին համաձայն

^Կ ԵՐԲ.՝ սպառեցին

^Կ ԵՐԲ.՝ եղած

ԵՐԵՄԱՆԻ ՄԱՐԳԱՐԷՌՈՒԹԻՒՆԸ

6 Տէրը ինձի ըսաւ. «Սա՛ բոլոր խօսքերը Յուդայի քաղաքներուն մէջ ու Երուսաղէմի փողոցներուն մէջ բարտասանէ՛. «Մտի՛կ ըրէք այս ուխտին խօսքերը եւ գործադրեցէ՛ք զանոնք: **7** Արդարեւ ձեր հայրերը ազդարարեցի, այն օրէն՝ երբ զանոնք Եգիպտոսի երկրէն հանեցի, մինչեւ այսօր. կանուխ ելլելով եւ ազդարարելով՝ ըսի. «Մտի՛կ ըրէք իմ ծայնս»: **8** Բայց անոնք մտիկ չըրին ու իրենց ականջը չդարձուցին, հապա իւրաքանչիւրը իր չար սիրտին կամակորութեան համաձայն ընթացաւ: Ուստի ես անոնց վրայ պիտի բերեմ այս ուխտին բոլոր խօսքերը, որոնք ես անոնց հրամայեր էի որ գործադրեն, բայց անոնք չգործադրեցին»: **9** Նաեւ Տէրը ինձի ըսաւ. «Յուդայի մարդոց մէջ ու Երուսաղէմի բնակիչներուն մէջ դաւադրութիւն գտնուեցաւ: **10** Անոնք իմ խօսքերս մտիկ ընել մերժող իրենց նախահայրերուն անօրէնութիւններուն վերադարձան եւ ուրիշ աստուածներու հետեւեցան, որպէսզի զանոնք պաշտեն: Խորայէլի տունն ու Յուդայի տունը իրենց հայրերուն հետ կնքած ուխտս խցեցին»:

11 Հետեւաբար Տէրը սա՛ կը յայտարարէ.

«Ահա՛ ես այնպիսի չարիք մը պիտի բերեմ անոնց վրայ,
Որմէ պիտի չկարենան ազատիլ:

Ինձի պիտի աղաղակեն, բայց անոնց մտիկ պիտի չընեմ»:

12 Յուդայի քաղաքներն ու Երուսաղէմի բնակիչները պիտի երթան
Եւ աղաղակեն այն աստուածներուն՝ որոնց խունկ ծխեր էին,
Բայց անոնք բնաւ պիտի չազատեն զիրենք՝
Իրենց ծախորդութեան ժամանակը:

13 Արդարեւ քու աստուածներդ, ո՛վ Յուդա,
Զու քաղաքներուդ թիւին չափ եղան.

Երուսաղէմի փողոցներուն թիւին չափ
Բագիններ՝ կանգնեցուցիք ամօթալի կռապաշտութեան համար,
Բագիններ՝ Բահաղի խունկ ծխելու համար:

14 «Ուստի դուն այս ժողովուրդին համար մի՛ աղօթեր,
Անոնց համար ապաղատանք եւ աղօթք մի՛ մատուցաներ.
Որովհետեւ այն օրը երբ ինձի գոչեն՝ իրենց Վրայ հասած ծախորդութեան համար,
Անոնց մտիկ պիտի չընեմ»:

15 Իմ սիրելիս ի՞նչ բաժին ունի իմ տանս մէջ,
Քանի որ շատերուն հետ լրբութիւն՝ գործեր է.
Սուրբ զոհն ալ քեզմէ հեռացաւ,

Որովհետեւ երբ չարիք գործես՝ կը հրճուիս:

16 Տէրը քու անունդ կոչեց.
«Կանաչազարդ, գեղեցիկ ու բարեպտուղ ձիթենի».

^բ Եբր.՝ յայտարարէ՝

^գ Եբր.՝ դուրս ելլել

^դ Եբր.՝ ճիշ

^ե Կամ՝ շատ լրբութիւններ

^գ Եբր.՝ միսն

^է Եբր.՝ անցաւ

^զ Եբր.՝ գեղեցիկ պտուղով

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Բայց անոր վրայ մեծ ժխորի ձայնով կրակ ^բվառեց,
Եւ անոր ոստերը կոտրեցան:

17 Քեզ տնկող զօրքերու **Տէրը**
Քեզի դէմ չարիք ^ծվճռեց՝
Իսրայէլի տան ու թուղայի տան չարիքին համար,
Որ անոնք իրենց դէմ գործեցին
Զիս գրգռելու համար՝ **Բահաղի խունկ ծխելով»:**

ԴԱԻ ԵՐԵՄԻԱՅԻ ԿԵԱՆՔԻՆ ԴԵՄ

18 **Տէրը** ինձի գիտցուց, ու ես հասկցայ.
Այն ատեն ինձի ^հցուցուց անոնց **չար** արարքները:

19 Իսկ ես սպանդանոց տարուող՝ գառի **կամ** արջառի՝ պէս էի,
Զէի գիտեր թէ անոնք ինձի դէմ ^Խծրագիրներ կը պատրաստէին՝ **ըսելով.**
«Ծառը իր պտուղով տապալենք,
Եւ զայն կտրենք ապրողներու երկրէն,
Որ անոր անունը անգամ մըն ալ չյիշուի»:

20 Սակայն, ո՞վ զօրքերու **Տէր**, արդա՛ր Դատաւոր,
Որ ^Ճերիկամունքն ու սիրտը կը քննես,
Անոնցմէ **առնելիք** վրէժդ պիտի տեսնեմ,
Քանի քեզի՝ ^Կյանձնեցի իմ դատս:

21 Ուրեմն **Տէրը** սա՛ կը յայտարարէ Անաթովթի մարդոց մասին,
Որոնք քու կեանքող կը փնտռեն եւ կ'ըսեն.
«Մի՛ մարգարէանար **Տէրոց** անունով,
Որպէսզի մեր ձեռքերով չմեռնիս»:

22 Հետեւաբար զօրքերու **Տէրը** սա՛ կը յայտարարէ.
«Ահա՛ ես զանոնք պիտի ^Պպատժեմ.
Երիտասարդները սուրով պիտի մեռնին,
Անոնց որդիներն ու աղջիկները սովամահ պիտի ըլլան.

23 Անոնք ո՛չ մէկ մնացորդ պիտի ունենան,
Որովհետեւ ես Անաթովթի մարդոց վրայ չարիք պիտի բերեմ՝

^բ **Եբր.**՝ բռնկեցուց

^ծ **Եբր.**՝ խօսեցաւ

^հ **Եբր.**՝ ցուցուցիր

^լ **Կամ** ընտանեցած գառի

^Խ **Եբր.**՝ հնարքներ կը հնարէին

^Ճ **Այսինքն** խիղճն

^Կ **Եբր.**՝ յայտնեցի

^Կ **Եբր.**՝ հատուցանեմ

Անոնց ձպատիժի տարին»:

ԵՐԵՍԻԱ ԿԸ ՀԱՐՑԱՊՆԴՔ ՏԵՐԸ

12

Ո՞վ Տէր, դուն արդար ես երբ քեզի հետ ավելիս,
Սակայն քու դատավճիռներուդ մասին պիտի խօսիմ քեզի.
Ինչո՞ւ ամբարիշտներուն ճամբան կը յաջողի,
Ու բոլոր բանհաւատարիմները անդորր են:

2 Դուն գանոնք տնկեցիր, եւ անոնք արմատացան.

Անոնք կ'աճին ու պտուղ կու տան:

Դուն անոնց բերանին մօտ ես,
Բայց անոնց սիրտէն հեռու ես:

3 Իսկ զիս կը ճանչնաս, ո՞վ Տէր.

Զիս տեսար, ու քեզի հանդէպ տրամադրուած սիրտս քննեցիր:

Դատէ՛ գանոնք սպանդանոցի ոչխարներու պէս,
Վերապահէ՛ ջարդի օրուան համար:

4 Մինչեւ ե՞րբ երկիրը պիտի սգայ,

Եւ բոլոր դաշտերուն բոյսերը պիտի չորնան.

Անասուններն ու թռչունները կորսուեցան

Անոր բնակիչներուն՝ չարութեան համար,

Որովհետեւ ըսին. «Անիկա մեր վախճանը պիտի չտեսնէ»:

5 «Եթէ դուն հետեւակներուն հետ վազեցիր եւ քեզ հիւծեցին,

Հապա ծիաւորներուն հետ ի՞նչպէս պիտի մրցիս.

Եթէ խաղաղ երկրի մը՝ մէջ ապահով կը զգաս,

Ի՞նչ պիտի ընես՝ երբ Յորդանան գետը բյորդի:

6 Արդարեւ քու եղբայրներդ ու հօրդ տունն ալ՝

Անոնք անգամ քեզի անհաւատարիմներն

Քու ետեւէդ բարձրածայն աղաղակեցին:

^Ճ Երը.՝ հատուցումի

^Շ Երը.՝ դատ վարեմ

^Բ Երը.՝ անհաւատարմութեամբ անհաւատարիմները

^Գ Երը.՝ երիկամունքէն

^Դ Երը.՝ Դուրս հանէ

^Ե Երը.՝ Սրբացուր

^Գ Երը.՝ Հոն բնակողներուն

^Կ Երը.՝ ծիերուն

^Հ Երը.՝ խաղաղութեան երկրին

^Պ Երը.՝ խրոխտանայ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Թէեւ անոնք քեզի լաւ **խօսքեր** ըսեն,
Դուն անոնց մի՛ հաւատար»:

ՏԵՐՈՉ ՎԻՇՏԸ ԻՐ ԺՈՂՈՎՈՒՐԴԻՆ ՀԱՄԱՐ

- 7 «Իմ տունս լքեցի, ժառանգութիւնս **երեսէ** ծգեցի,
Անձիս սիրելին իր թշնամիներուն ձեռքը մատնեցի:
8 Իմ ժառանգութիւնս անտառի առիթին պէս եղաւ ինձի.
Իմ վրաս ՝գոռաց,
Ուստի զայն ատեցի:
9 Իմ ժառանգութիւնս գոյնզգոյն գիշատիչ թռչունի մը **պէս** եղաւ ինձի.
Գիշատիչ թռչունները ամէն կողմէ անոր դէմ են:
Եկէ՛ք, հաւաքեցէ՛ք դաշտին բոլոր գազանները,
Բերէ՛ք որ լափեն:
10 Շատ հովիւներ իմ այգիս փճացուցին,
Իմ բաժինս կոխսկոտեցին,
Իմ ցանկալի բաժինս ամայի անապատի ^հվերածեցին:
11 Զայն ամայութեան ՝վերածեցին,
Եւ ամայի ըլլալով՝ ան իմ առջեւս սուգ պահեց.
Ամբողջ երկիրը ամայացաւ,
Քանի ո՛չ մէկը ^հանոր ուշադրութիւն կը դարձնէ»:
12 Անապատին բոլոր բլրակներուն վրայ կործանողներ եկան.
Արդարեւ Տէրոջ սուրը պիտի սպառէ
Երկրին մէկ ծայրէն մինչեւ միւս ծայրը.
Ո՛չ մէկ մարմինի խաղաղութիւն պիտի ըլլայ:
13 Յորեն սերմանեցին, բայց փուշեր պիտի հնձեն.
Աշխատանք թափեցին, **սակայն** օգուտ պիտի չունենան.
Տէրոջ բորբոքած բարկութեան պատճառով
Զեր բերքերէն պիտի ամշնաք»:

ՏԵՐՈՉ ԽՈՍՏՈՒՄԸ ԻՍՐԱՅԵԼԻ ԴՐԱՅԻՆԵՐՈՒՆ

- 14 Սա՛ կը յայտարարէ Տէրը իմ բոլոր չար դրացիներուս մասին,
Որոնք կը դպչին այն ժառանգութեան, որ իմ ժողովուրդիս՝ Իսրայէլի ժառանգել տուի.
«Ահա՛ ես զանոնք իրենց հողէն պիտի խլեմ.
Յուդայի տունն ալ անոնց մէջէն պիտի խլեմ:
15 Զանոնք խլելէս ետք՝
Դարձեալ անոնց պիտի գթամ.
Իրաքանչիւրը իր ժառանգութեան պիտի վերադարձնեմ,

^ժ **Եբր.**՝ **իր** ձայնը **լսել** տուաւ

^ի **Եբր.**՝ դարձուցին

^լ **Եբր.**՝ ըրին

^{իւ} **Եբր.**՝ ասիկա իր սիրտին մէջ կը դնէ

հւրաքանչիւրը՝ իր երկիրը:

16 Եթէ անոնք իմ ժողովուրդիս ծբարքերը սորվին,
Եւ իմ անունովս երդում ընել՝ **ըսելով.** “Տէրը կ’ապրի□,
(ինչպէս անոնք իմ ժողովուրդիս սորվեցուցին Բահաղի անունով երդում ընել,)
Այն ատեն իմ ժողովուրդիս մէջ պիտի հաստատուին:

17 Բայց եթէ չհնազանդին,
Այդ ազգը **արմատէն** պիտի խլեմ
Ու պիտի կորսնցնեմ», կը պատգամէ Տէրը:

ՎՈՒՃԵ ԳՕՏԻՆԵՐԸ

13

Տէրը ինծի սա՛ ըսաւ. «Գնա՛, քեզի գնէ՛ վուշէ գոտի մը, ու զայն մէջքդ ՚կապէ. զայն զուրի մէջ մի՛ թաթիւեր»: **2** Ուստի Տէրոց խօսքին համաձայն գոտի մը գնեցի եւ մէջքս կապեցի: **3** Երկրորդ անգամ «Տէրը խօսեցաւ» ինծի՛ ըսելով. **4** «Ա՛ն այդ գնած գոտիդ՝ որ մէջքդ է, ու կանգնէ՛, Եփրա՛տ գնա եւ հոն պահէ՛ զայն ժայռին ծակին մէջ»: **5** Ես ալ գացի ու զայն Եփրատի **եղերքը** պահեցի, ինչպէս Տէրը ինծի հրամայեց: **6** Շատ օրեր ետք Տէրը ինծի ըսաւ. «Կանգնէ՛, Եփրա՛տ գնա, եւ ա՛ն անկէ այն գոտին՝ որ քեզի հրամայեցի հոն պահել»: **7** Ուստի Եփրատ գացի, ու փորելով՝ գոտին այդ պահած տեղէս առի. սակայն ահա՛ գոտին ՚փտած էր, եւ ՚անպէտ եղած:

8 «Տէրը խօսեցաւ» ինծի՛ ըսելով.

9 «Տէրը սա՛ կը յայտարարէ.

“Յուղայի ամբարտաւանութիւնը

Ու Երուսաղէմի մեծ ամբարտաւանութիւնը ա՛յդպէս պիտի փճացնեմ:

10 Այս չար ժողովուրդը՝

Որ կը մերժէ իմ խօսքերս մտիկ ընել,

Իր սիրտին կամակորութեամբ կ’ընթանայ,

Եւ ուրիշ աստուածներու կը հետեւի՝

Զանոնք պաշտելու եւ անոնց երկրպագելու համար,

Այդ անպէտ գոտիին պէս պիտի ըլլայ:

11 Արդարեւ ինչպէս գոտին մարդուն մէջքը կը ՚կապուի,

^ծ **Եբր.**՝ ճամբաները

^Կ **Եբր.**՝ կառուցանուին

^Կ **Եբր.**՝ դիր

^Բ **Եբր.**՝ դներ

^Գ **Եբր.**՝ Տէրոց խօսքը եղաւ

^Դ **Եբր.**՝ փճացած

^Ե **Եբր.**՝ յաջողութիւն չտուող

^Զ **Եբր.**՝ Տէրոց խօսքը եղաւ

^Է **Եբր.**՝ փակչի

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

Ամբողջ հսրայէլի տունն ու ամբողջ Յուդայի տունը
Այնպէս ինձի բկապեր էի, – կը պատգամէ Տէրը, –
Որպէսզի իմ ժողովուրդս ըլլան,
Նաեւ՝ անուն, գովաբանութիւն եւ պարծանք.
Բայց անոնք մտիկ չըրին»:

ԳԻՆԻԻ ԿԱՐԱՍԸ

- 12 «Նաեւ սա՛ խօսքը ըսէ անոնց.
“Տէրը՝ հսրայէլի Աստուածը սա՛ կը յայտարարէ.
“Ամէն կարաս գինիով պիտի լեցուի”□.
Բայց անոնք քեզի պիտի ըսեն.
“Միթէ մենք չե՞նք գիտեր թէ ամէն կարաս գինիով պիտի լեցուի»:
13 Դուն ալ ըսէ՛ անոնց.
“Տէրը սա՛ կը յայտարարէ.
“Ահա՛ ես այս երկրին բոլոր բնակիչները
Դաւիթի գահին վրայ բազմող թագաւորները,
Քահանաներն ու մարգարէները,
Նաեւ Երուսաղէմի բոլոր բնակիչները գինովութեամբ պիտի լեցնեմ
14 Եւ զանոնք իրարու զարնելով պիտի ջախջախեմ,
Հայրերն ու որդիները միասին, – կը պատգամէ Տէրը: –
Անոնց պիտի շարգահատիմ եւ չխղճամ.
Առանց գթալու զանոնք պիտի բնաջնջեմ»□»:

ԵՐԵՄԻԱ ԿԸ ԶԳՈՒԾԱՑՆԵ ՀՊԱՐՏՈՒԹԵՆԵ

- 15 Մտի՛ ըրէք, ունկնդրեցէ՛ք, մի՛ խրոխտանաք,
Որովհետեւ Տէրը խօսեցաւ:
16 Փա՛ռք տուէք Տէրոց՝ ձեր Աստուծոյն,
Դեռ խաւարը ձեր վրայ չբերած,
Եւ ձեր ոտքերը թմութ լեռներուն վրայ չսահած.
Չեր լոյսի սպասած ատենք
Զայն մահուան շուքի չփոխած,
Ու մառախուղի հշվերածած:
17 Բայց եթէ մտիկ չընէք,
Զեր յոխորտանքին համար իմ անձս ծածուկ տեղեր պիտի լայ.
Աչքերս դառնապէս պիտի լան եւ արցունք թափեն,

^բ Եբր.՝ փակցուցեր

^բ Եբր.՝ մթնշաղի

^ծ Եբր.՝ չըրած

^հ Եբր.՝ չըրած

^լ Եբր.՝ իշեցնեն

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

Քանի որ Տէրոց հօտը կը տարագրուի:

18 Ըսէ՛ թագաւորին ու ՚մայր-թագուհիին».

«Դուք ձեզ նուաստացուցէ՛ք ու գետի՛ ն նստեցէք,

Որովհետեւ ձեր գլուխէն ձեր շքեղ թագը իշաւ»:

19 Հարաւային քաղաքները փակուեցան,

Եւ ո՛չ մէկ բացող կայ.

Ամբողջ Թուղան տարագրուեցաւ.

ծԲոլո՛րը տարագրուեցան:

20 «Վերցուցէ՛ք ձեր աչքերը, ու նայեցէ՛ք հիւսիսի կողմէն եկողներուն.

Ո՞ւր է քեզի տրուած հօտը, ո՞ւր են քու պանծալի ոչխարներդ:

21 Ի՞նչ պիտի ըսես՝ երբ քեզ ՚պատժէ,

Որովհետեւ դո՛ւն անոնց սորվեցուցիր որ քու վրադ պետ եւ գլխաւոր ըլլան.

Միթէ երկունքի ցաւերը պիտի չբռնե՞ն քեզ՝ ինչպէս ծննդաբերող կինը:

22 Եթէ սիրտիդ մէջ ըսես.

“Ինչո՞ւ այս բաները ինծի հանդիպեցան, գիտցի՛ր թէ

Զու անօրէնութեանդ շատութեան համար է որ փէշերդ բացուեցան,

Ու կրունկներդ բռնութեամբ մերկացան:

23 Միթէ կարելի՞ է որ Եթովպիացին իր մորթը փոխէ,

Կամ ինծը՝ իր խայտուցները,

Որ դուք ալ՝ չարիք ընել վարժուած ըլլալով՝

Կարենաք բարիք ընել:

24 Ուստի անապատի հովէն ՚քշուող խոզանի պէս

Պիտի ցրուեմ զանոնք:

25 Այս է քու վիճակդ եւ բաժինդ,

Որ ես քեզի համար ՚որոշեցի, – կը պատգամէ Տէրը, –

Քանի որ զիս մոռցար ու ստութեան ՚ապաւինեցար:

26 Ուստի ես ալ քու փէշերդ երեսիդ վրայ ՚վերցուցի,

Եւ անարգանքդ երեւցաւ:

27 Ես տեսայ քու շնուրիւններդ ու վրնջիւններդ,

Լիրբ պոռնկութիւնդ,

Եւ բլուրներու վրայ ու դաշտի մէջ գործած աղծութիւններդ:

Վա՛յ քեզի, ո՛վ Երուսաղէմ.

Մինչեւ երբ պիտի չմաքրուի՞ս»:

^Խ Եբր.՝ տիրուհիին

^ծ Եբր.՝ Ամբողջութեամբ

[՚] Եբր.՝ հատուցանէ

[՚] Եբր.՝ անցնող

^ծ Եբր.՝ չափեցի

^ո Եբր.՝ վստահեցար

^ծ Եբր.՝ սոթսեցի

14

Տէրոջ խօսքը՝ որ Երեմիայի առլղուեցաւ երաշտին մասին.—

2 Ֆուղա կը սգայ.

Անոր բաղաքները կ'ուժաթափին.

Անոնք մոայլ եւ զգետնուած են.

Երուսաղէմէ աղաղակ կը բարձրանայ:

3 Անոնց ազնուականները իրենց փոքրաւորները ջուրի կը դրկեն,

Որոնք լճակները երթալով՝ ջուր չեն գտներ,

Ու կը վերադառնան իրենց պարապ անօթներով.

Ամշցած եւ խայտառակուած՝ իրենց գլուխը կը ծածկեն:

4 Քանի երկրին վրայ տեղատարափ չկայ՝

Գետինը ճաթած է.

Երկրագործները կ'ամշնան եւ իրենց գլուխը կը ծածկեն:

5 Նոյնիսկ եղնիկը դաշտի մէջ կը ծնանի

Բայց **իր ծագը** կը լքէ՝ դալար ըըլլալուն համար:

6 Վայրենի էշերը բլրակներու վրայ կը կայնին

Ու շնագայլերու պէս ոօդը կը ներծծեն.

Իրենց աչքերը նուաղած են, որովհետեւ բոյս չկայ:

7 Թէեւ մեր անօրէնութիւնները մեզի դէմ կը վկայեն,

Եկարեկցութեամբ վարուէ", ո'վ **Տէր**, քու անունիդ համար:

Արդարեւ մեր ուխտադրժութիւնները շատ են,

Թեզի դէմ մեղանչած ենք:

8 Ո'վ հարայէլի թոյսը,

Տագնապի ատեն անոր Փրկիչը,

Ինչո՞ւ երկրին մէջ պանդուխտի պէս ըլլաս,

Գիշերելու համար **ճամբայէն** շեղող ուղեւորի պէս.

9 Ինչո՞ւ շշմած մարդու պէս ըլլաս,

Կամ ազատելու **անկարող** զօրաւոր մարդու մը պէս:

Սակայն դուն մեր մէջտեղն ես, ո'վ **Տէր**,

Մենք քու անունովդ կոչուած ենք.

Մեզ **երեսէ** մի՛ ձգեր:

10 **Տէրը** այս ժողովուրդին համար սա՛ կը յայտարարէ.

«Այսպէս՝ անոնք աստանդական շրջիլը սիրեցին,

Եւ իրենց ոտքերը չզսպեցին.

^ա **Եբր.**՝ եղաւ

^բ **Եբր.**՝ դռները

^գ **Եբր.**՝ երեւելիները

^դ **Եբր.**՝ հովը

^ե **Եբր.**՝ Ըրէ՛

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Տէրն ալ անոնց չհաճեցաւ:

Ուրեմն անոնց անօրէնութիւնը պիտի յիշէ,

Ու անոնց մեղքերը պիտի հասուցանէ»:

11 Ֆետոյ Տէրը ինծի ըսաւ.

«Այս ժողովուրդին բարօրութեան համար մի՛ աղօթեր:

12 Եթէ անոնք ծոմ պահեն՝

Անոնց պաղատանքը մտիկ պիտի չընեմ.

Եթէ ողջակէզ կամ ընծայ մատուցանեն՝

Անոնց պիտի չհաւանիմ.

Հապա սուրով, սովով եւ ժանտախտով

Պիտի սպառեմ զանոնք»:

13 Ես ալ ըսի. «Ո՛հ, ո՛վ Տէր Եհովա,

Ահա՛ մարգարէները անոնց կ'ըսեն.

“Սուր պիտի չտեսնէք,

Ու ձեր մէջ սով պիտի չըլլայ.

Հապա ծեզի այս տեղը ճշմարիտ խաղաղութիւն պիտի տամ»:

14 Այն ատեն Տէրը ինծի ըսաւ.

«Մարգարէները իմ անունովս ստութիւն կը մարգարէանան.

Զանոնք ես չղրկեցի, անոնց չհրամայեցի,

Ո՛չ անոնց խօսեցայ:

Անոնք ծեզի հսուտ տեսիլքներ, սնոտի դիւթութիւններ,

Եւ իրենց սիրտին խաբէութիւնները կը մարգարէանան»:

15 Ուստի Տէրը սա՛ կը յայտարարէ.

«Այն մարգարէները՝ որ իմ անունովս կը մարգարէանան

(թէպէտ զանոնք ես չղրկեցի)

Ու կ'ըսեն. “Այս երկրին մէջ սուր ու սով պիտի չըլլայ»,

Այդ մարգարէները սուրով եւ սովով պիտի սպառին:

16 Իսկ այն ժողովուրդը՝ որուն անոնք կը մարգարէանան,

Սուրին ու սովին պատճառով

Երուսաղէմի փողոցները պիտի նետուի.

Ո՛չ մէկը պիտի ունենան՝ որ թաղէ

Զիրենք, եւ իրենց կիմերը, որդիմերն ու աղջիկները,

Որովհետեւ անոնց վրայ պիտի թափեմ իրենց չարութիւնը»:

17 «Ուստի անոնց սա՛ խօսքը ըսէ.

“Գիշեր ու ցերեկ աչքերս արցունք պիտի թափեն

Եւ բնաւ պիտի չդադրին,

Որովհետեւ իմ ժողովուրդիս կոյս աղջիկը մեծ բեկումով,

Յոյժ անդարմանելի հարուածով ջախջախուեցաւ:

18 Եթէ դաշտը թերթամ,

^a Եբր.՝ ճիշը

^b Կամ՝ կեղծ

^c Եբր.՝ իշեցնեն

^d Եբր.՝ դուրս ելլեմ

ԵՐԵՄԻԱՅԻ ՄԱՐԳԱՐԷՈՒԹԻՒՆԸ

Ահա՝ սուրով խոցուածներ կան.
Եթէ քաղաքը մտնեմ,
Ահա՝ սովէն տկարացածներ կան:
Արդարեւ թէ՛ մարգարէն եւ թէ քահանան երկիրը կը շրջին
Առանց գիտնալու **իրենց ընելիքը**»:

ԺՈՂՈՎՈՒՐԴԸ ԿԸ ՊԱՌԱՏԻ ԱՍՏՈՒԾՈՅ

- 19 Միթէ Յուդան բոլորովին մերժեցի՞ր.**
Քու անձդ Սիոնէն զգուեցա՞ւ.
Ինչո՞ւ մեզի այնպէս զարկիր՝ որ մեզի բուժում չըլլայ:
Մենք խաղաղութիւն ակնկալեցինք, բայց ո՛չ մէկ բարիք ունեցանք.
Բուժումի ժամանակին **սպասեցինք**, սակայն ահա՝ սարսափը **եկաւ**:
- 20 Մենք, ո՛վ Տէր, կը գիտակցինք մեր ամբարշտութեան**
Ու մեր հայրերուն անօրէնութեան,
Քանի քեզի դէմ մեղանչեցինք:
- 21 Քու անունիդ համար մի՛ անարգեր մեզ,**
Քու փառքիդ գահը մի՛ ստորնացներ.
Մեզի հետ **կնքած ուխտդ յիշէ՛, զայն մի՛ խզեր**:
- 22 Արդեօք հեթանոսներուն չաստուածներուն մէջ տեղատարափ իշեցնող կա՞յ,**
Կամ թէ երկինքնե՞րը կու տան տարափները.
Միթէ դո՛ւն չե՞ս **ասիկա ընողը**, ո՛վ Տէր, մեր Աստուածը:
Ուստի քեզի կը յուսանք,
Որովհետեւ դո՛ւն ըրիր ասոնք բոլորը:

ԴԱՏԱՎՃԻՌ ՅՈՒՂԱՅԻ ԺՈՂՈՎՈՒՐԴԻՆ ԴԵՄ

15

Տէրը ինձի ըսաւ.
«Թէեւ Մովսէս ու Սամուէլ ինձի ներկայանան,
Իմ անձս այս ժողովուրդին պիտի չհաճի».
Զանոնք առցենէս վտարէ՛, ու թող դուրս ելլեն:

- 2 Եթէ քեզի ըսեն. «Ո՞ւր բերթանք**,
- Անոնց պատասխանէ՛. «Տէրը սա՛ կը յայտարարէ. «Մահուան համար որոշուածները մահուան թող երթան,
Սուրի համար որոշուածները՝ սուրի,
Սովի համար որոշուածները՝ սովի,
Ու գերութեան համար որոշուածները՝ գերութեան»:
- 3 Անոնց վրայ չորս տեսակ պատիժ պիտի դրկեմ»— կը պատգամէ Տէրը...—**

^Ժ Եբր.՝ ունայնութիւններուն

^Ա Եբր.՝ դէպի այս ժողովուրդը պիտի չհակի

^Բ Եբր.՝ դուրս ելլենք

^Գ Եբր.՝ գերդաստան պիտի նշանակեմ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- Մեղմնելու համար՝ սուրը,
Դատառելու համար՝ շուները,
Լափելու եւ փճացնելու համար՝
Երկինքի թռչուններն ու երկրի գազանները:
- 4 Զանոնք սոսկումի պիտի մատնեմ
Երկրի բոլոր թագաւորութիւններուն մէջ,
Յուդայի թագաւորին՝ Եգեկիայի որդիին Մանասէի պատճառով,
Երուսաղէմի մէջ անոր ըրածներուն համար»:
- 5 Ո՞վ պիտի արգահատի քու վրադ, ո՞վ Երուսաղէմ
Ո՞վ պիտի ցաւակցի քեզի.
Ո՞վ **ճամբայէն** պիտի շեղի՝ քու ^եորպիսութիւնդ հարցնելու համար:
- 6 «Դուն զիս **երեսէ** ձգեցիր,— կը պատգամէ **Տէրը**,— **ու** ^գկոնակ դարձուցիր».
Ես ալ իմ ձեռքս քու վրադ պիտի երկարեմ եւ քեզ բնաջնջեմ.
Արգահատելէն ձանձրացայ:
- 7 Զանոնք երկրին դուներուն մէջ պիտի հոսեմ՝ **իբր թէ** հեծանոցով.
Իմ ժողովուրդս **զաւակներէ** պիտի զրկեմ **ու** բնաջնջեմ,
Որովհետեւ անոնք իրենց ^էընթացքէն դարձի շեկան:
- 8 Անոնց այրիները ծովուն աւագէն աւելի շատցուցի իմ առջես.
^մԱնոնց դէմ **ու** երիտասարդին՝ մօր դէմ
Կէսօրին կործանող մը բերի.
Անոր վրայ յանկարծ արհաւիրք եւ սոսկում ձգեցի:
- 9 **Եօթը զաւակ** ծնանողը ուժաթափեցաւ,
Իր ^բհոգին աւանդեց».
- Ցերեկը անոր արեւը մայր մտաւ,
Անիկա ամշցաւ ու շիկնեցաւ:
Անոնց մնացորդն ալ իրենց թշնամիներուն առջեւ
Սուրի պիտի մատնեմ», կը պատգամէ **Տէրը**:

ԵՐԵՄԻԱ ԿԸ ԳԱՆԳԱՏԻ ԱՍՏՈՒԾՈՅ

- 10 Վայ ինծի, իմ մայրս,
Որ զիս ծնար՝ ամբողջ երկրին համար
Կոհիի մարդ եւ բանավէճի մարդ ըլլալու:
Ես ո՛չ վաշխով փոխ տուի,
Ո՛չ ալ ինծի վաշխով փոխ տուին.

^բ **Եբր.**՝ Քաշկոտելու

^բ **Եբր.**՝ խաղաղութիւնդ

^գ **Եբր.**՝ ետեւ գացիր

^է **Եբր.**՝ ճամբաներէն

^թ **Կամ** Անոնց երիտասարդներուն

^թ **Եբր.**՝ շունչը փշեց

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Սակայն բոլորը զիս կ'անիծեն:

- 11 Տէրը կը յայտարարէ. «Անշո՛ւշտ քեզ պիտի ազատեմ՝
Զու բարօրութեանդ համար».
- Անշո՛ւշտ ձախորդութեան ու տագնապի ժամանակ
Թշնամիիդ դիմել պիտի տամ քեզի:
- 12 Միթէ երկաթը կրնա՞յ կոտրուիլ, այսինքն՝ հիւսիսի երկաթը եւ պղինձը:
- 13 Զու բոլոր մեղքերուդ համար՝ ամբողջ հողամասիդ մէջ
Զու գոյքերդ ու գանձերդ առանց վճարումի կողոպուտի պիտի մատնեմ,
- 14 Եւ քեզ թշնամիներուդ հետ պիտի փոխադրեմ երկիր մը՝ որ չես ճանչնար.
Արդարեւ իմ բարկութենէս կրակ մը վառուեցաւ,
Որ ձեր վրայ պիտի բորբոքի»:
- 15 Ո՞վ Տէր, դուն իմ վիճակս գիտես.
Ֆիշէ՛ զիս, այցելէ՛ ինծի՛,
Ու վրէ՛ս առ իմ հալածիչներէս.
Զու համբերատարութեանդ համար զիս մի՛ յափշտակեր.
Գիտցի՛ր թէ քեզի համար նախատինք կրեցի:
- 16 Երբ զու խօսքերդ գտայ՝ զանոնք կերայ.
Զու խօսքդ սիրտիս բերկրանք եւ ուրախութիւն եղաւ՝
Որովհետեւ զու անունովդ կոչուեցայ,
Ո՞վ Տէր, զօրքերոն Աստուած:
- 17 Ծիծաղողներուն խորհրդաժողովին մէջ չնստայ ու չհրճուեցայ.
Զու ձեռքիդ վրաս ծանրանալուն պատճառով առանձին նստայ,
Քանի որ զու սրտմտութեամբդ զիս լեցուցիր:
- 18 Ինչո՞ւ իմ կոտտանքս մշտատեւ է,
Ու վէրքս՝ մահաբեր.
Ան կը մերժէ բուժուիլ:
Միթէ դուն կամքեբայ աղբիւրի
Եւ անվստահելի ջուրերու պէ՞ս պիտի ըլլաս ինծի:
- 19 Հետեւաբար Տէրը սա՛ կը յայտարարէ.
«Եթէ վերադառնաս՝ ե՛ս քեզ պիտի վերադարձնեմ,
Ու իմ առջեւս պիտի կայնիս:
Եթէ պատուականը անարգէն գատես,
Իմ բերանիս պէս պիտի ըլլաս:
Անո՞նք քեզի թող վերադառնան,

^Ժ Կամ՝ մնացած օրերուդ բարիք պիտի ըլլայ քեզի

^Ի Կամ՝ կոտրել

^Լ Երբ.՝ գինի

^Խ Երբ.՝ անցընեմ

^Ճ Կամ՝ տանիր

^Կ Երբ.՝ ստախօս

^Ւ Երբ.՝ դուրս հանես

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Բայց դուն անոնց մի՛ վերադառնար:
- 20 Այս ժողովուրդին հանդէպ՝ քեզ պղինձէ ամուր պարիսապ մը պիտի կարգեմ.
Անոնք պիտի պայքարին քեզի դէմ,
Բայց պիտի չյաղթեն քեզի.
- Արդարեւ ես քեզի հետ եմ՝
Քեզ փրկելու եւ ազատելու համար, – կը պատգամէ Տէրը: –
- 21 Քեզ չարերուն ծեռքէն պիտի ազատեմ,
Ու բռնաւորներուն ծեռքէն պիտի փրկեմ»:

ԱՍՏՈՒԾՈՅ ԿԱՄՔԸ ԵՐԵՄԻԱՅԻ ԿԵԱՆՁԻՆ ՀԱՄԱՐ

16

- “Տէրը խօսեցաւ” ինծի՛ ըսելով.
- 2 «Քեզի կին մի՛ առներ,
Ու որդիներ եւ աղջիկներ մի՛ ունենար այս տեղը.
- 3 Արդարեւ այս տեղը ծնած որդիներուն եւ աղջիկներուն համար,
Զանոնք ծննդաբերող մայրերուն համար,
Եւ այս երկրին մէջ զանոնք ծնանող հայրերուն համար՝
Տէրը սա՛ կը յայտարարէ.
- 4 “Անոնք մահառիթ հիւանդութիւններով” պիտի մեռնին.
Անոնց վրայ պիտի չհեծեծեն եւ անոնք պիտի չթաղուին.
Աղբի պէս պիտի ըլլան գետինի մակերեսին վրայ:
Սուրով ու սովով պիտի գնացնջուին.
Անոնց դիակները երկինքի թռչուններուն
Ու երկրի գազաններուն ուտելիք պիտի ըլլան□»:
- 5 Արդարեւ Տէրը սա՛ կը յայտարարէ.
«Սուգի տուն մի՛ մտներ, հեծեծելու մի՛ երթար,
Անոնց համար մի՛ ողբար.
Քանի այս ժողովուրդէն վերցուցի իմ խաղաղութիւնս, – կը պատգամէ Տէրը, –
Կարեկցութիւնս եւ գթութիւնս:
- 6 Այս երկրին մէջ մեծերն ու պգտիկները
Պիտի մեռնին, բայց պիտի չթաղուին.
Անոնց համար մարդիկ պիտի չհեծեծեն,
Իրենք զիրենք պիտի չկտրատեն,
Անոնց համար կնտակ պիտի չըլլան.
- 7 Սգաւորներուն հետ հաց պիտի չկիսեն՝
Որպէսզի զանոնք մխիթարեն մեռելի մը համար,

^ա Երը.՝ Տէրոց խօսքը եղաւ

^բ Երը.՝ հիւանդութիւններու մահով

^գ Երը.՝ սպառին

^դ Երը.՝ հաւաքեցի

^ե Երը.՝ չկտրատեն, կամ չբաշխեն

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Ո՛չ ալ անոնց մխիթարութեան բաժակը պիտի խմցնեն՝

հրենց հօր կամ մօր համար:

8 Խճճոյքի տուն ալ մի՛ մտներ,

Որ անոնց հետ նստիս՝ ուտելու եւ խմելու համար»:

9 Արդարեւ զօրքերու Տէրը՝ հսրայէլի Աստուածը սա՛ կը յայտարարէ.

«Ահա՛ ես այս տեղէն՝ ձեր աչքերուն առցեւ ու ձեր օրերուն մէջ՝

Պիտի դադրեցնեմ բերկրանքի ծայնը եւ ուրախութեան ծայնը,

Փեսային ծայնն ու հարսին ծայնը:

10 Ու երբ այս բոլոր խօսքերը այս ժողովուրդին յայտարարես, եւ անոնք քեզի հարցնեն.

“Ինչո՞ւ Տէրը այս ամբողջ մեծ չարիքը մեզի դէմ Վճռեց,

Եւ ի՞նչ է մեր անօրէնութիւնն ու մեր մեղքը՝

Որ Տէրոց՝ մեր Աստուծոյն դէմ գործեր ենք□,

11 Դուն անոնց պատասխանէ՛.

“Որովհետեւ ձեր հայրերը զիս լքեցին, – կը պատգամէ Տէրը, –

Եւ ուրիշ աստուածներու հետեւեցան,

Զանոնք պաշտեցին ու անոնց երկրպագեցին.

Զիս լքեցին եւ իմ օրէնքս չպահեցին:

12 Իսկ դուք ձեր հայրերէն աւելի չար եղաք”.

Ահա՛ ինծի մտիկ չընելով՝

Զեզմէ իւրաքանչիւրը իր չար սիրտին կամակորութեան հետեւեցաւ:

13 Ուստի ես այս երկրէն ձեզ պիտի նետեմ

Այնպիսի երկիր մը՝ որ չէք ճանչնար,

Ո՛չ դուք, ո՛չ ալ ձեր հայրերը,

Հոն ցերեկ ու գիշեր ուրիշ աստուածներ պիտի պաշտէք,

Որովհետեւ ձեզի ողորմութիւն բցոյց պիտի չտամ□»:

ՎԵՐԱԴԱՐՁ ԱՔՍՈՐԵՆ

14 «Հետեւաբար ահա՛ պիտի գան օրերը, – կը պատգամէ Տէրը, –

Երբ ա՛լ պիտի չըսուի. “Կ'ապրի՛ Տէրը՝

Որ հսրայէլի որդիները բարձրացուց Եգիպտոսի երկրէն□,

15 Հապա. “Կ'ապրի՛ Տէրը՝

Որ հսրայէլի որդիները բարձրացուց հիւսիսի երկրէն,

Եւ այն բոլոր երկիրներէն՝ ուր զանոնք աքսորեր էր□.

Արդարեւ զանոնք պիտի վերադարձնեմ իրենց թերկիրը՝

Որ իրենց հայրերուն տուեր եմ»:

ԳԱԼԻՔ ՊԱՏՈՒՑԱՍԸ

^գ Երբ.՝ խօսեցաւ

^հ Երբ.՝ չարիք գործեցիք

^ի Երբ.՝ պիտի չտամ

^թ Երբ.՝ հողը

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- 16 «Ահա՝ ես շատ ծկնորսներ պիտի դրկեմ, – կը պատգամէ Տէրը, –
Որ զանոնք որսան.
Ճեսոյ շատ որսորդներ պիտի դրկեմ,
Որ զանոնք որսան ամէն լերան վրայէն,
Ամէն բլուրի վրայէն,
Ու ժայռերու ծակերէն:
- 17 Արդարեւ իմ աչքերս անոնց բոլոր ճամբաներուն վրայ են.
Իմ երեսէս ծածկուած չեն,
Անոնց անօրէնութիւնը իմ աչքերուս առջեւէն պահուած չէ:
18 Սակայն նախ անոնց անօրէնութիւնն ու մեղքը
Կրկնապատիկ պիտի հատուցանեմ,
Քանի իմ երկիրս պղծեցին,
Եւ իմ ժառանգութիւնս լեցուցին
Իրենց պղծութիւններուն ու գարշութիւններուն դիակներով»:

ԵՐԵՄԻԱՅԻ ՎԱՏԱՀՈՒԹԵԱՆ ԱՂՈԹՔԸ

- 19 Ո՞վ Տէր, իմ զօրութիւնս, իմ ամրոցս,
Եւ ապաստանարանս՝ տագնապի օրը,
Երկրի ծայրերէն ^հհեթանոսները քեզի պիտի գան
Ու պիտի ըսեն.
«Ի՞րապէս մեր հայրերը ստութիւն,
Ունայնութիւն եւ անօգուտ **բաներ** ժառանգեր են»:
20 Միթէ մարդը **կրնա՞յ** իրեն աստուածներ կերտել,
Որոնք աստուածներ չեն:
21 «Հետեւաբար ահա՝ այս անգամ ես անոնց պիտի ցուցնեմ,
Իմ ծեռքս ու զօրութիւնս անոնց պիտի ցուցնեմ,
Եւ պիտի գիտնան թէ իմ անունս Եհովա է»:

ՅՈՒԴԱՅԻ ՄԵՂՋՆ ՈՒ ՊԱՏԻԺԸ

17

- Յուդայի մեղքը երկաթէ գրիչով,
Աղամանդի ծայրով գրուած է.
Անոնց սիրտին տախտակին վրայ
Եւ իրենց բագիններուն եղջիւրներուն վրայ փորագրուած է.
2 Որպէսզի իրենց որդիները յիշեն
Անոնց բագիններն ու աստարովթները,
Շինուած կանաչազարդ ծառերու քով, բարձր բլուրներու վրայ:
3 Ո՞վ դաշտի մէջ **գտնուող** ^պլեռս,

^ծ **Այսինքն՝ ընթացքին**

^հ **Եբր.**՝ ազգերը

^լ **Եբր.**՝ գիտցնեմ

^պ **Կամ՝ լեռնաբնակ**

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Զու գոյքերդ, բոլոր գանձերդ

Կողոպուտի պիտի մատնեմ ամբողջ հողամասիդ մէջ՝

Մեղքի համար կառուցանուած բարձր տեղերուդ պատճառով։

4 Իսկ դուն պիտի թողուս քու ժառանգութիւնդ՝ որ քեզի տուի,

Ու քեզ թշնամիներուդ պիտի հպատակեցնեմ

Երկրի մը մէջ՝ որ չես ճանչնար.

Արդարեւ իմ բարկութենէս կրակ մը վառուեցաւ,

Որ յափտեան պիտի բորբոքի»։

ԶԱՆԱԶԱՆ ԱՍԱՑՈՒԱԾՔՆԵՐ

5 Տէրը սա՛ կը յայտարարէ.

«Անիծեա՛լ ըլլայ այն բմարդը՝ որ մարդու կը վստահի,

Մարմինը իրեն բագուկ կ'ընէ,

Եւ որուն սիրտը Տէրոցմէն կը հեռանայ։

6 Անիկա տափաստանի ցախին՝ պէս պիտի ըլլայ,

Ու երբ բարիք գայ՝ պիտի նշնշմարէ.

Անապատին խանձուած տեղերը,

Աղի եւ անբնակ երկրի մէջ պիտի կենայ»։

7 «Օրհնեա՛լ ըլլայ այն բմարդը՝ որ Տէրոց կը վստահի,

Որուն ապահովութիւնը Տէրն է։

8 Ան ջուրերու քով տնկուած ծառի պէս պիտի ըլլայ,

Որ իր արմատները դէպի հոսանքը երկնցնելով՝

Տաքութեան գալը չի նշմարեր.

Հապա անոր տերեւը կանաչ կը մնայ»,

Երաշտի տարին չի մտահոգուիր,

Ու պտուղ տալէն չի հաղորդիր»։

9 Սիրտը ամէն բանէ աւելի խաբերայ եւ անուղղայ է,

Զայն ո՞վ կրնայ ճանչնալ։

10 «Ես՝ Տէրս՝ սիրտը կը բննեմ,

բխիղնը կը փորձարկեմ,

^բ Երը.՝ զօրաւոր մարդը

^գ Երը.՝ տափաստանի մէջ զրկուածի

^հ Երը.՝ չտեսնէ

^ի Երը.՝ զօրաւոր մարդը

^յ Երը.՝ կ'ըլլայ

^է Երը.՝ հեռանար

^օ Երը.՝ հետազօտեմ

^բ Երը.՝ Երիկամունքը

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

Որպէսզի իւրաքանչիւրին հատուցանեմ իր ծընթացքին համեմատ
Եւ իր արարքներու պտուղին համեմատ»:

11 Անիրաւութեամբ հարստութիւն վաստկողը՝

Իր չածած հաւկիթները թխսող կաքաւի պէս է.

Զայն իր օրերու կէսին պիտի թողու,

Եւ իր վախճանին անգամ պիտի ըլլայ:

12 Սկիզբէն մեր սրբարանին տեղը

Փառաւոր ու բարձր գահ է:

13 Ո՞վ Տէր, Խորայէլի՝ Թոյսը,

Բոլոր քեզ լքողները պիտի ամշնան,

Իքնազմէ հեռացողները գետինին վրայ պիտի արձանագրուին,

Որովհետեւ Տէրը՝ կենարար ջուրի աղբիւրը լքեցին:

ԵՐԵՄԻԱ ԿԸ ԽՆԴՐԷ ՏԵՐՈՉ ՕԳՆՈՒԹԻՒՆԸ

14 Ո՞վ Տէր, բուժէ՛ զիս, ու պիտի բուժուիմ.

Փրկէ՛ զիս, ու պիտի փրկուիմ.

Որովհետեւ դո՛ւն ես իմ՝ պարծանքս:

15 Ահա՛ անոնք ինծի կ'ըսեն.

«Ո՞ւր է Տէրոջ խօսքը. այժմ թող նիրագործուի»:

16 Իսկ ես չփութացի հովիւ ըլլալ՝ քեզի հետեւելու համար,

Ու մահաբեր օրուան չփափաքեցայ, ինչպէս դուն գիտես.

Իմ շրթունքս ելածը քու առջեւդ էր:

17 Ինծի երկիւղ մի՛ ըլլար,

Դո՛ւն՝ որ ապաւէնս ես ծախորդութեան օրը:

18 Թող ամշնան զիս հալածողները, բայց ես չամշնամ.

Թող զարհուրին անոնք, բայց ես չզարհուրիմ.

Բե՛ր ծախորդութեան օրը անոնց վրայ,

Ու կրկին փլուզումով ջախջախէ զանոնք:

ԾԱԲԱԹԸ ՊԱՀԵԼ

19 Տէրը սա՛ ըսաւ ինծի. «Գնա՛ եւ կայնէ՛ ժողովուրդին որդիներուն դուռը, ուրկէ Յուդայի թագաւորները կը մտնեն ու կ'ելլեն, ապա Երուսաղէմի բոլոր դոները, 20 եւ ըսէ՛ անոնց. «Մտի՛կ ըրէք Տէրոջ խօսքը, դո՛ւք՝ Յուդայի թագաւորներ, ամբողջ Յուդա, ու Երուսաղէմի բոլոր բնակիչներ, որ այս դոներէն կը մտնէք. Տէրը սա՛ կը յայտարարէ. 21 «Ուշադի՛ր եղէք ձեր անձերուն, եւ Շաբաթ օրը բեռ մի՛ կրէք ու Երուսաղէմի դոներէն ներս մի՛ բերէք: 22 Շաբաթ օրը ո՛չ բեռ հանեցէք ձեր տուներէն դուրս, ո՛չ ալ որեւէ գործ ըրէք. հապա Շաբաթ օրը սրբացուցէք, ինչպէս ձեր հայրերուն հրամայեցի: 23 Բայց անոնք

^Ժ Երը.՝ ճամբաներուն

^Ի Կամ՝ Ինձմէ

^Լ Երը.՝ գովաբանութիւնս

^{Իւ} Երը.՝ գայ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

մտիկ չըրին եւ իրենց ականջը չդարձուցին, հապա իրենց պարանոցը խստացուցին, որպէսզի մտիկ չընեն ու խրատ չընդունին: **24** Իսկ եթէ **ուշադրութեամբ** ինծի մտիկ ընէք, – կը պատգամէ Տէրը, – եւ Շաբաթ օրը այս քաղաքին դռներէն ներս բեռ չբերէք, ու Շաբաթ օրը սրբացնէք՝ անոր մէջ ո՛չ մէկ գործ ընելով, **25** այն ատեն Դավիթի գահին վրայ բազմող թագաւորներն ու իշխանաւորները այս քաղաքին դռներէն պիտի մտնեն՝ կառքերու եւ ձիերու վրայ հեծած, թէ՛ իրենք, թէ՛ իրենց իշխանաւորները, Յուդայի մարդիկն ու Երուսաղէմի բնակիչները. եւ այս քաղաքը պիտի բնակուի յաւիտենապէս: **26** Յուդայի քաղաքներէն, Երուսաղէմի շրջակայքէն, Բենիամինի Երկրէն, դաշտագետինէն, լեռներէն ու հարաւէն պիտի գան եւ ողջակէզ ու զոհ, **հացի** ընծայ եւ կնդրուկ պիտի բերեն, նաեւ շնորհակալութեան **ընծաներ** պիտի բերեն Տէրոց տունը: **27** Բայց եթէ ինծի մտիկ չընէք՝ Շաբաթ օրը սրբացնելու եւ Շաբաթ օրը բեռ կրելով Երուսաղէմի դռներէն **եերս** չմտնելու համար, ես ալ անոր դռներուն մէջ կրակ պիտի ^ծվառեմ, որ պիտի սպառէ Երուսաղէմի պալատները ու պիտի չմարի”□»:

ԵՐԵՄԻԱ ԲՐՈՒՏԻՆ ՏԱՆ ՄԷՋ

18

Երեմիայի “ուղղուած խօսքը Տէրոցմէն՝ որ ըսաւ. **2** «Կանգնէ՛, եւ իջի՛ր բրուտին տունը. Իոն քեզի լսել պիտի տամ իմ խօսքերս»: **3** Ուստի բրուտին տունը իջայ, եւ ահա՛ ան ճախարակով ^բկ'աշխատէր: **4** Կաւէ շինած անօթը բրուտին ծեռքին մէջ փճացաւ. ինք ալ անկէ դարձեալ ուրիշ անօթ մը շինեց, ինչպէս բրուտին ^գհաճելի եղաւ ընել: **5** Ապա ^հՏէրը խօսեցաւ “ինծի՝ ըսելով.

- 6** «Սիթէ չե՞մ կրնար ձեզի հետ վարուիլ այս բրուտին **ըրածին** պէս,
Ո՞վ իսրայէլի տունը, – կը պատգամէ Տէրը. –
Ահա՛ ինչպէս է կաւը բրուտին ծեռքին մէջ,
Այնպէս էք դուք իմ ծեռքին մէջ, ո՞վ իսրայէլի տունը:
7 Երբ ազգի մը կամ թագաւորութեան մը համար ըսեմ
Թէ **արմատէն** պիտի խլեմ, պիտի փլցնեմ ու կործանեմ,
8 Եթէ այդ ազգը՝ որուն դէմ խօսեցայ, իր չարութենէն դարձի գայ,
Ես ալ պիտի հրաժարիմ այն չարիքէն՝ որ մտածեր էի անոր ընել:
9 Իսկ երբ ազգի մը կամ թագաւորութեան մը համար ըսեմ
Թէ պիտի կառուցանեմ եւ տնկեմ,
10 Եթէ ան իմ ծայնս մտիկ չընելով՝ իմ ^գառջեւս չարիք գործէ,
Ես ալ պիտի հրաժարիմ այն բարիքէն՝ որ խոստացեր էի անոր ընել:

^ծ **Եբր.**՝ բռնկեցնեմ

^ս **Եբր.**՝ եղած

^բ **Եբր.**՝ գործը կ'աշխատէր

^գ **Եբր.**՝ աչքերուն ուղիղ

^դ **Եբր.**՝ Տէրոց խօսքը եղաւ

^ե **Եբր.**՝ **Այն** վայրկեանին **Եբր**

^գ **Եբր.**՝ աչքերուս

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- 11 Ուստի հիմա խօսէ՝ Ձուդայի մարդիկներուն
Ու Երուսաղէմի բնակիչներուն, եւ ըսէ՛.
“Տէրը սա՛ կը յայտարարէ.
“Ահա՛ ես ձեզի համար չարիք կը էծրագրեմ,
Ու ձեզի դէմ մծրագիր մը կը պատրաստեմ”:
Հիմա ձեզմէ իւրաքանչիւրը իր չար ճամբայէն թող դարձի գայ,
Եւ ձեր թշնթացքն ու արարքները բարեփոխեցէ՛ք”□:
- 12 Բայց անոնք կ'ըսեն. “Ձոյս չկայ,
Որովհետեւ մենք մեր մտածումներուն պիտի հետեւինք,
Եւ մեզմէ իւրաքանչիւրը իր չար սիրտին կամակորութեամբ պիտի վարուի”□»:

ԺՈՂՈՎՈՒՐԴԸ ԿԸ ՄԵՐԺԷ ՏԵՐԸ

- 13 Հետեւաբար Տէրը սա՛ կը յայտարարէ.
«Այժմ հարցուցէ՛ք ՞հեթանոսներուն,
Թէ ո՞վ լսեր է այսպիսի քան մը.
Իսրայէլի կոյսը յոյժ քստմնելի քան մը ըրաւ:
14 Միթէ Լիբանանի ծիւնը դաշտին վէմը կը լքէ՞,
Կամ հեռուէն եկող պաղ, հոսուն ջուրերը կը ցամքի՞ն:
15 Սակայն իմ ժողովուրդս զիս մոռցաւ.
Ունայնութիւններու խունկ ծխեցին,
Եւ անոնց գայթիլ տուին իրենց ճամբաներուն, հնադարեան ճանապարհներուն մէջ,
Որպէսզի ուրիշ շատիններէ, շհարթուած ճամբայէ մը քալեն:
16 Այսպէս՝ իրենց երկիրը ամայի ՚դարձուցին,
Ու յաւիտենապէս սուլոցի ենթակայ:
Անկէ ամէն անցնող պիտի ապշէ
Եւ գլուխը շարժէ:
17 Զանոնք թշնամիին առջեւ պիտի ցրուեմ՝
Արեւելեան հովին պէս,
Անոնց ձախորդութեան օրը
Իրենց կոնակ պիտի ցուցնեմ, եւ ո՛չ թէ՛ երես»:

ԴԱԻ ԵՐԵՄԻԱՅԻ ԴԷՄ

- 18 Այն ատեն ըսին.

Հ Երը.՝ ձեւակերպեմ

Ձ Երը.՝ հնարք մը կը հնարեմ

Պ Երը.՝ ճամբաներն

Ջ Կամ՝ ազգերուն

Ի Երը.՝ ըրին

Լ Երը.՝ ծոծրակ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

«Եկէք, ծրագիր մը պատրաստենք Երեմիայի դէմ,
Որովհետեւ քահանայէն օրէնքը պիտի չկորսուի,
Եւ իմաստունէն՝ խորհուրդը,
Ու մարգարէն՝ խօսքը:
Եկէք, զինք լեզուո՞վ՝ սպաննենք,
Եւ անոր խօսքերէն ո՛չ մէկուն ուշադիր ըլլանք»:

19 «Ո՞վ Տէր, ուշադիր եղիր ինծի,
Ու լսէ՛ ինծի հետ վիճող ներուն ձայնը:

20 Միթէ բարիքի փոխարէն չարիք կը հատուցանուի^Պ.
Բայց անոնք իմ անձիս համար փոս փորեցին:
Յիշէ՛թէ քու առջեւու կայնեցայ,
Որպէսզի անոնց համար բարեխօսեմ,
Եւ ցասումդ անոնցմէ հեռացնեմ:

21 Հետեւաբար սովի՛ մատնէ անոնց որդիները,
Թափէ՛ անոնց **արիւնը** սուրի ծեռքով.
Անոնց կիները **զաւակներէ** թող գրկուին եւ այրի ըլլան,
Անոնց ամուսինները թող ՚սպաննուին,
Ու երիտասարդները պատերազմի մէջ սուրով զարնուին:

22 Անոնց տուններէն աղաղակ թող լսուի,
Երբ յանկարծ **ասպատակող** գունդ մը բերես անոնց վրայ.
Արդարեւ զիս բոնելու համար փոս փորեցին,
Եւ ոտքերուս համար վարմեր պահեցին:

23 Դուն, ո՞վ Տէր, գիտես անոնց ամբողջ ծրագիրը ինծի դէմ՝
Զիս մեոցնելու համար.
Անոնց անօրէնութիւնը մի՛ քաւեր,
Անոնց մեղքը քու առջեւէդ մի՛ զնջեր,
Հապա անոնք քու առջեւու թող ՚տապալին.
Քու բարկութեանդ ատենը **այդպէս** վարուէ անոնց հետ»:

ԿՈՏՐԱԾ ԿՈՒԺԸ

19

Տէրը սա՛ զսաւ. «Գնա՛, բրուտի ծեռքով շինուած՝ խեցիէ կո՛ւժ մը գնէ, եւ ա՛ռ քեզի հետ ժողովուրդէն **քանի մը** երէցներ ու քահանաներէն **քանի մը** երէցներ: 2 «Գնա՛ ՚ինեցիներու

^Խ **Եբր.**՝ զարնենք

^Ճ **Եբր.**՝ մահով մեոցուին

^Կ **Եբր.**՝ գայթին

^Ա **Եբր.**՝ կը յայտարարէ

^Բ **Այսինքն**՝ թրծուած կաւէ

^Գ **Եբր.**՝ Դուրս ելիր

^Դ **Այսինքն**՝ թրծուած կաւէ անօթներու

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

դրան մուտքը եղող Ենովմի որդիին ծորը, եւ հոն եարտասանէ՛ այն խօսքերը՝ որ քեզի պիտի հաղորդեմ»։ **3** Ըսէ՛. «Ո՞վ Յուդայի թագաւորներ ու Երուսաղէմի բնակիչներ, մտի՛կ ըրէք Տէրոջ խօսքը։ Զօրքերու Տէրը՝ հսրայէլի Աստուածը սա՛ կը յայտարարէ։ “Ահա՛ ես այս տեղին վրայ այնպիսի չարիք մը պիտի բերեմ, որ զայն լսողին ականջները պիտի հնչեն։ **4** Արդարեւ անոնք զիս լքեցին, այս տեղը իշճմէ օտարացուցին, ու հոս խունկ ծխեցին ուրիշ աստուածներու՝ որ ո՛չ իրենք կը ճանչնային, ո՛չ իրենց հայրերը, ո՛չ ալ Յուդայի թագաւորները, եւ այս տեղը անմեղ արիւնով լեցուցին։ **5** Նաեւ Բահաղի բարձր տեղեր կառուցանեցին, որպէսզի իրենց որդիները կրակով այրեն իբր Բահաղի ողջակէզ, ինչ որ ես չհրամայեցի, ո՛չ ալ **այդ մասին** խօսեցայ կամ մտածեցի։ **6** Ուստի ահա՛ կու գան օրերը, – կը պատգամէ Տէրը, – երբ անգամ մըն ալ այս տեղը Տոփէթ ու Ենովմի որդիին ծորը պիտի չկոչուի, հապա՝ Զարդի ծոր։ **7** Այս տեղը Յուդայի եւ Երուսաղէմի ծրագիրը պիտի հոչնչացնեմ. զանոնք իրենց թշնամիներուն առջեւ սուրով պիտի զարնեմ, իրենց կեանքը փնտողներուն ձեռքով։ Անոնց դիակները երկինքի թռչուններուն ու երկրի գազաններուն պիտի տամ իբր ուտելիք։ **8** Այս քաղաքը ամայի եւ սուզոցի **առարկայ** պիտի Պղարձնեմ։ Ո՞վ որ անոր քովէն անցնի՝ անոր բոլոր պատուհասներուն պատճառով պիտի ապշի ու սուզէ։ **9** Իրենց որդիներուն միսը եւ իրենց աղջիկներուն միսը պիտի կերցնեմ անոնց. իրարու միս պիտի ուտեն պաշարումի ու տուայտանքի ընթացքին՝ որուն մէջ անոնց թշնամիները եւ անոնց կեանքը փնտողները զիրենք պիտի ձգեն□։

10 «Յետոյ այդ կուժը կոտրէ՛ քեզի հետ գացող մարդոց աշքերուն առջեւ, **11** եւ անոնց ըսէ՛. “Զօրքերու Տէրը սա՛ կը յայտարարէ. “Այս ժողովուրդն ու այս քաղաքը այնպէս պիտի կոտրեմ, ինչպէս **մէկը** բրուտի անօթը կը կոտրէ, որ ա՛լ չնորոգուի. **զանոնք** Տոփէթի մէջ պիտի թաղեն՝ մինչեւ որ ա՛լ թաղելու տեղ չմնայ”□։ **12** «Այսպէս պիտի ընեմ այս տեղին եւ անոր բնակիչներուն, – կը պատգամէ Տէրը. – այս քաղաքը Տոփէթի պիտի վերածեմ։ **13** Երուսաղէմի տուներն ու Յուդայի թագաւորներուն տունները Տոփէթի տեղին պէս անմաքուր պիտի ըլլան՝ այն բոլոր տուներուն պատճառով”, որոնց տանիքներուն վրայ երկինքի ամբողջ զօրքին խունկ ծխեցին եւ ուրիշ աստուածներու թափելիք նուէրներ չընծայեցին։

14 Երեմիա Տոփէթէն եկաւ, ուր Տէրը զինք դրկեր էր մարգարէանալու համար, **Տէրոց**

^բ **Եբր.**՝ յայտարարէ՛

^գ **Եբր.**՝ սիրտիս մէջ բարձրացաւ

^է **Եբր.**՝ պարպեմ

^լ **Եբր.**՝ տապալեմ

^լ **Եբր.**՝ ընեմ

^ծ **Եբր.**՝ չբուժուի

^հ **Կամ՝ ուրիշ** թաղելու տեղ չըլլալուն համար

^լ **Եբր.**՝ դարձնեմ

^լ **Կամ՝ այսինքն**՝ այն բոլոր տունները

^ծ **Եբր.**՝ թափեցին

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

տան գալիթը կայնեցաւ եւ ամբողջ ժողովուրդին ըսաւ. **15** «Զօրքերու Տէրը՝ իսրայէլի Աստուածը սա՛ կը յայտարարէ. “Ահա՛ այս քաղաքին վրայ ու անոր բոլոր գիւղաղաղաքներուն վրայ պիտի բերեմ ամբողջ չարիթը՝ որ վճռեցի անոր դէմ. որովհետեւ իրենց պարանոցը խստացուցին, որպէսզի իմ խօսքերս մտիկ չընեն»:

ԵՐԵՄԻԱՅԻ ԲԱԽՈՒՄԸ ՓԱՍՈՒՐԻ ՀԵՏ

20

Եմմերի որդին՝ Փասուր քահանան, որ նաեւ Տէրոց տան ^{այսաւոր} վերատեսուչն էր, լսեց այս խօսքերը՝ որ Երեմիա կը մարգարէանար: **2** Ուստի Փասուր Երեմիա մարգարէին գարկաւ, եւ զայն Բենիամինի վերի դրան ^{գելարանը} դրաւ, Տէրոց տան մէջ: **3** Հետեւեալ օրը Փասուր Երեմիան գելարանէն հանեց: Այն ատեն Երեմիա անոր ըսաւ. «Տէրը քու անունդ Փասուր չի կոչեր, հապա՝ ^{Մակոր-Միսսապիպ}. **4** որովհետեւ Տէրը սա՛ կը յայտարարէ. “Ահա՛ ես քեզ արհաւիրքի պիտի ^{վերածեմ} քեզի ու բոլոր ^{բարեկամներու} անոնք իրենց թշնամիներուն սուրով պիտի իյնան, եւ քու աչքերդ պիտի տեսնեն: Ամբողջ Յուդան Բաբելոնի թագաւորին ձեռքը պիտի մատնեմ, ու զանոնք Բաբելոն պիտի տարագրէ եւ սուրով պիտի զարնէ: **5** Նաեւ այս քաղաքին ամբողջ ^{հարստութիւնը}, անոր ամբողջ վաստակը, անոր բոլոր պատուական ^{բաները} պիտի տամ. Յուդայի թագաւորներուն բոլոր գանձերը իրենց թշնամիներուն ձեռքը պիտի յանձնեմ: Զիրենք պիտի կողոպտեն, եւ բոնեն ու Բաբելոն տանին: **6** Դուն ալ, ^{ո՞վ} Փասուր, եւ տանդ բոլոր բնակիչները գերութեան պիտի երթաք. Բաբելոն պիտի երթաս, հոն պիտի մեռնիս ու հոն թաղուիս, թէ՛ դուն եւ թէ բոլոր բարեկամներդ՝ որոնց ստութիւն մարգարէացար»:

ԵՐԵՄԻԱՅԻ ԳԱՆԳԱՏԸ ԱՍՏՈՒԾՈՅ

- 7** Զիս հրապուրեցիր, ո՞վ Տէր, ու ես հրապուրուեցայ.
Դուն ինձմէ զօրաւոր ես, եւ յաղթեցիր:
Ամէն օր հեգնանքի ^{առարկայ} եղայ,
Բոլորը զիս կը ծաղրեն.
8 Որովհետեւ ամէն անգամ որ խօսիմ՝ կ'աղաղակեմ,
Բոնութիւն ու կործանում կը յայտարարեմ.

⁴ **Եբր.**՝ քաղաքներուն

⁵ **Եբր.**՝ խօսեցայ

⁶ **Եբր.**՝ առաջնորդ

⁷ **Այսինքն**՝ տանջարանը

⁸ **Այսինքն**՝ ամէն կողմէ արհաւիրք

⁹ **Եբր.**՝ դարձնեմ

¹⁰ **Եբր.**՝ սիրելիներուդ

¹¹ **Եբր.**՝ գանձը

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Տէրոց խօսքը ամբողջ օրը հախատինքի եւ ծանակի կ'ենթարկէ զիս":

- 9 Եթէ լսեմ. «Զինք պիտի չյիշատակեմ,
Անգա՞մ մըն ալ իր անունով պիտի չխօսիմ»,
Սիրտիս մէջ կրակ մը կը վառի,
Ու ոսկորներուս մէջ կը փակուի.
Զայն ոկրելու համար կը հիւծիմ, բայց չեմ կրնար:

- 10 Արդարեւ շատերու չարախօսութիւնը լսեցի.
Ամէն կողմ արհաւիրը կար:
«Պամբասեցէ՛ք, մենք ալ բամբասենք», **ըսին.**
Բոլոր մտերիմներս իմ կաղալս կը դիտէին՝ **ըսելով.**
«Թերեւս հրապուրուի, ու մենք անոր յաղթենք
Եւ անկէ մեր վրէժը առնենք»:
11 Բայց Տէրը ինծի հետ է՝ զօրաւոր հախոյեանի պէս.
Հետեւաբար հալածիչներս պիտի գայթին ու չյաղթեն.
Անոնք յոյժ պիտի ամշնան, քանի որ 'պիտի չյաջողին'.
Իրենց կրելիք յասիտենական նախատինքը պիտի չմոռցուի:
12 Բայց ո՛վ զօրքերու Տէր, որ արդարը կը փորձարկես,
Խերիկամունքն ու սիրտը կը տեսնես,
Պիտի տեսնեմ քու վրէժինդրութիւնդ անոնց վրայ,
Քանի որ քեզի յանձնեցի իմ դասու:
13 Տէրո՛ց երգեցէք, Տէ՛րը գովաբանեցէք,
Որովհետեւ աղքատին անձը չարագործներուն ձեռքէն ազատեց:
14 Անիծեալ ըլլայ այն օրը՝ երբ ես ծնայ.
Իմ մօրս զիս ծնած օրը օրհնեալ չըլլայ:
15 Անիծեալ ըլլայ այն մարդը՝ որ իմ հօրս աւետիս բերաւ,
Եւ զայն **յոյժ** ուրախացուց՝ ըսելով.
“Արու կաւակ մը ծնաւ քեզի□:
16 Այդ մարդը այն քաղաքներուն պէս թող ըլլայ՝
Որոնք Տէրը կործանեց առանց արգահատելու.
Ան առտուն աղաղակ թող լսէ,

Հ Երը.՝ նախատինք եւ ծանակ կ'ըլլայ ինծի

Հ Երը.՝ պարունակելու

Պ Երը.՝ թայտարարեցէ՛ք

Ժ Երը.՝ խաղաղութեան **մարդիկս**

Ի Երը.՝ բռնաւորի

Լ Կամ՝ ուշիմ պիտի չըլլան

Խ Այսինքն՝ Խիղճն

Ճ Երը.՝ յայտնեցի

Կ Երը.՝ որդի

Ու կէսօրին՝ գոռում:

- 17 Ինչո՞ւ **Տէրը մօրս** արգանդէն զիս չմեղուց,
Որ մայրս ինծի գերեզման ըլլար
Եւ անոր արգանդը յաւիտեան յղի մնար:
18 Ինչո՞ւ **մօրս** արգանդէն ելայ՝
Որ տաժանք ու տրտմութիւն տեսնեմ,
Եւ օրերս ամօթով սպառին:

ԵՐՈՒՍԱՂԵՄԻ ՊԱՐՏՈՒԹԻՒՆԸ ԿԸ ԳՈՒՇԱԿՈՒԻ

21

Ահա՛ւասիկ Տէրոջմէն երեմիայի “ուղղուած խօսքը, երբ Սեղեկիա թագաւորը Մեղքիայի որդին՝ Փատուրը ու Մաասիայի որդին՝ Սոփոնիա քահանան անոր դրկեց՝ ըսելով. 2 «Կ’աղերսե՞նք, մեզի համար Տէրոց խորհուրդ հարցուր, որովհետեւ Բաբելոնի Նաբուգոդոնոսոր թագաւորը մեզի դէմ կը պատերազմի. թերեւս Տէրը մեզի հետ վարուի իր բոլոր սքանչելիքներուն համեմատ, եւ ան բմեզմէ հեռանայ”»:

3 Երեմիա անոնց ըսաւ. «Սեղեկիայի սա՛ ըսէք. “Տէրը՝ Իսրայէլի Աստուածը սա՛ կը յայտարարէ. 4 “Ահա՛ ես ձեր ձեռքերուն մէջ եղող պատերազմական գէնքերը պիտի դարձնեմ, որոնցմով դուք կը պատերազմիք պարհսպին դուրսէն ձեզ պաշարող Բաբելոնի թագաւորին եւ Զաղդէացիներուն դէմ, ու զանոնք այս քաղաքին մէջ պիտի հաւաքեմ: 5 Ե՛ս ալ ձեզի դէմ պիտի պատերազմիմ երկարած ձեռքով եւ ուժեղ բազուկով, բարկութեամբ, ցասումով ու մեծ զայրոյթով: 6 Այս քաղաքին բնակիչները՝ թէ՛ մարդ եւ թէ անասուն՝ պիտի զարնեմ. անոնք մեծ ժանտախտով պիտի մեռնի: 7 Անկէ ետք, – կը պատգամէ Տէրը, – Յուղայի թագաւորը՝ Սեղեկիան, անոր ժառաներն ու ժողովուրդը, եւ այս քաղաքին մէջ ժանտախտէն, սուրէն ու սովէն ճողոպրածները պիտի մատնեմ Բաբելոնի Նաբուգոդոնոսոր թագաւորին ձեռքը, անոնց թշնամիներուն ձեռքը եւ անոնց կեանքը փնտողներուն ձեռքը: Զանոնք սուրի բերանէ պիտի անցընէ. անոնց պիտի չխղճայ, պիտի չարգահատի ու չգթայ”□»:

8 «Այս ժողովուրդին ըսէ՛. “Տէրը սա՛ կը յայտարարէ. “Ահա՛ ձեր առջեւ կը դնեմ կեանքի ճամբան եւ մահուան ճամբան: 9 Ո՛վ որ այս քաղաքին մէջ կը կենայ՝ սուրով, սովով ու ժանտախտով պիտի մեռնի. իսկ ո՛վ որ դուրս ելլէ եւ ձեզ պաշարող Զաղդէացիներուն յանձնուի՛ ողջ պիտի մնայ. անոր կեանքը աւարի մը պէս պիտի ըլլայ իրեն: 10 Արդարեւ իմ երեսս այս քաղաքին դէմ գուղեցի՝ չարիք բերելու համար, եւ ո՛չ թէ բարիք, – կը պատգամէ Տէրը. – ան Բաբելոնի թագաւորին ձեռքը պիտի յանձնուի, ինք ալ զայն կրակով պիտի այրէ”□»:

ՅՈՒԴԱՅԻ ԱՐՁԱՅԱԿԱՆ ՏԱՆ ԴԱՍԱՍՏԱՆԸ

11 «Յուղայի թագաւորին տան մասին լսեցէ՛ք Տէրոց խօսքը. 12 “Ո՛վ Դաւիթի տունը, Տէրը սա՛ կը յայտարարէ. “Առտուն արդարութեամբ դատեցէք եւ ազատեցէ՛ք

^ա **Եբր.**՝ եղած

^բ **Եբր.**՝ մեր վրայէն բարձրանայ

^գ **Եբր.**՝ դրի

^դ **Եբր.**՝ իրաւունքո՛վ

յափշտակութեան ենթարկուողը հարստահարիչին ձեռքէն, որպէսզի ձեր չար արարքներուն պատճառով իմ ցատումս կրակի պէս չպոռթկայ ու ո՞չ մէկը կարենայ զայն մարել՝¹»: **13** «Ահա՝ ես ձեզի դէմ եմ, ո՞վ հովիտին՝ լեռնադաշտի վէմին բնակիչները, – կը պատգամէ Տէրը: – Դուք կ'ըսէք. “Ո՞վ պիտի իջնէ մեզի դէմ, կամ ո՞վ պիտի մտնէ մեր բնակավայրերը»: **14** Բայց ես ձեզի պիտի հատուցանեմ ձեր արարքներու պտուղին համեմատ, – կը պատգամէ Տէրը: – անոր անտառին մէջ կրակ պիտի եվառեմ, եւ զայն շրջապատող ամէն ինչ պիտի սպառէ»:

ԵՐԵՄԻԱՅԻ ՊԱՏԳԱՄԸ ՅՈՒՂԱՅԻ ԱՐՔԱՅԱԿԱՆ ՏԱՆ

22

Տէրը սա՛ կը յայտարարէ.

«Յուղայի թագաւորին տո՛ւնը իջիր,
Ու հոն սա՛ խօսքը ըսէ.

2 “Ո՞վ Դաւիթի գահին վրայ բազմող Յուղայի թագաւոր,
Մտի՛կ ըրէ Տէրոց խօսքը,
Թէ՛ դուն, թէ՛ քու ծառաներդ ու ժողովուրդդ,
Որ այս դոներէն կը մտնէք:

3 **Տէրը սա՛ կը յայտարարէ.**
“Իրաւո՛նը եւ արդարութիւն կիրարկեցէք.
Ազատեցէ՛ք յափշտակութեան ենթարկուողը հարստահարիչին ձեռքէն.
Գաղթականը, որբը եւ այրին
Մի՛ կեղեցէք, բռնութիւն մի՛ բանեցնէք,
Եւ այս տեղը անմեղ արիւն մի՛ թափէք:

4 Արդարեւ եթէ ի՛րապէս այս խօսքը գործադրէք,
Դաւիթի գահին վրայ բազմող թագաւորները՝
Կառքերու եւ ձիերու վրայ հեծած՝
Այս տան դոներէն պիտի մտնեն,
“Իրե՛նք, եւ իրենց ծառաներն ու ժողովուրդը:

5 Բայց եթէ այս խօսքերը մտիկ չընէք,
“Իմ անձիս վրայ” երդում կ'ընեմ, – կը պատգամէ Տէրը, –
Թէ՛ այս տունը աւերակ պիտի ըլլայ՝²»:

6 Որովհետեւ Յուղայի թագաւորին տան մասին՝
Տէրը սա՛ կը յայտարարէ.
«Դուն ինծի Գաղաադի պէս
Ու Լիբանանի գագաթին պէս ես,
Սակայն անշուշտ քեզ անապատի
Եւ անբնակ քաղաքներու պիտի գվերածեմ,

¹ Եբր.՝ բռնկեցնեմ

² Եբր.՝ ի՛նք

³ Եբր.՝ ինձմով

⁴ Եբր.՝ ընեմ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

7 Ու քեզի դէմ բնաշնջողներ պիտի ՚պատրաստեմ.

Իւրաքանչիւրը իր գէնքով **պիտի գայ,**

Եւ քու ընտիր մայրիներդ պիտի կտրեն

Ու կրակը ձգեն»:

8 Այս քաղաքէն շատ ազգեր պիտի անցնին

Եւ իրարու ըսեն.

“Ինչո՞ւ Տէրը այս մեծ քաղաքին հետ այսպէս վարուեցաւ»:

9 Ու պիտի պատասխանեն. “Որովհետեւ Տէրոց՝ իրենց Աստուծոյն ուխտը լքեցին,

Եւ ուրիշ աստուածներու երկրպագեցին ու զանոնք պաշտեցին»:

10 Մեռնողին համար մի՛լաք,

Անոր համար մի՛ողբաք.

Հապա գացողի՛ն համար դառնապէս լացէք,

Որովհետեւ ա՛լ պիտի չվերադառնայ

Եւ իր ՚ծննդավայրը պիտի չտեսնէ»:

11 Արդարեւ Տէրը սա՛կը յայտարարէ

Յուրայի թագաւորին՝ Յովսիայի որդիին Սեղումի մասին,

Որ իր հօր՝ Յովսիայի տեղ թագաւորեց

Ու այս տեղէն դուրս ելաւ.

«Ան ա՛լ հոս պիտի չվերադառնայ,

12 Հապա իր տարագրուած տեղը պիտի մեռնի.

Ա՛լ այս երկիրը պիտի չտեսնէ»:

13 «Վա՛յ անոր՝ որ իր տունը անարդարութեամբ կը կառուցանէ,

Եւ իր վերնատունները՝ անիրաւութեամբ.

Որ իր ընկերը առանց վճարումի կ'աշխատցնէ,

Ու անոր ՚գործը չի վարձատրեր».

14 Որ կ'ըսէ.

“Ինծի ընդարձակ տուն

Ու հանգստաւէտ վերնատուններ կառուցանեմ»,

Եւ իրեն պատուհաններ կը բանայ,

Զայն մայրիի **փայտով** կը պատէ

Ու ՚նօթով կը ներկէ:

15 Արդեօք պիտի թագաւորե՞ս

Մայրիի **փայտերու** ՝զարդարանքովդ:

Միթէ քու հայրդ, որ կերաւ ու խմեց,

Իրաւունք եւ արդարութիւն կիրարկեց,

Բարօրութիւն չունեցա՞ւ:

16 Դժբախտին եւ աղքատին դատը պաշտպանեց,

^Դ **Եբր.**՝ սրբացնեմ

^Ե **Եբր.**՝ ծնունդի երկիրը

^Գ **Եբր.**՝ գործին վարձք չի տար

^Դ **Այսինքն**՝ բարձրորակ կարմիր ներկով

^Ե **Եբր.**՝ բորբոքումովդ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Ուստի **անոր** բարիք եղաւ:

Միթէ զիս ճանչնալը ասիկա չէ՞,- կը պատգամէ Տէրը:-

17 Սակայն քու աչքերդ ու սիրտդ

Միայն ագահութեանդ **ուղղուած** են,

Որպէսզի անմեղ արիւն թափես,

Եւ հարստահարութիւն ու վայրագութիւն բանեցնես»:

ԵՐԵՄԻԱՅԻ ՊԱՏԳԱՄԸ ՁՈՎԱԿԻՄԻ ՄԱՍԻՆ

18 Հետեւաբար Տէրը սա՛ կը յայտարարէ

Յուդայի թագաւորին՝ Յովսիայի որդիին Յովակիմի մասին.

«Անոր վրայ պիտի չհեծեծեն՝ **ըսելով**.

“Վա՛յ, եղբայրս□, կամ. “Վա՛յ քոյրս□.

Անոր վրայ պիտի չհեծեծեն՝ **ըսելով**.

“Վա՛յ, իմ տէ՛րս□, կամ. “Վա՛յ **անոր** պատիւին□:

19 Ան իշու թաղումով պիտի թաղուի.

Պիտի **քաշկոտովի**,

Ու երուսաղէմի դռներէն դուրս նետուի»:

ԵՐԵՄԻԱՅԻ ՊԱՏԳԱՄԸ ԵՐՈՒՍԱՂԵՄԻ ՃԱԿԱՏԱԳՐԻՆ ՄԱՍԻՆ

20 «Լիբանան բարձրացիր եւ աղաղակէ՛.

Զայնդ **լսել** տուր Բասանի մէջ,

Եւ աղաղակէ՛ Արիրամէ.

Որովհետեւ քու բոլոր հոմանիներդ ջախջախուեցան:

21 Երբ դուն անդորրութեան մէջ էիր՝ քեզի խօսեցայ,

Բայց դուն ըսիր. “Մտիկ չեմ ըներ□:

Քու երիտասարդութենէդ ի վեր ա՛յս է բնթացքդ,

Որ իմ խօսքս մտիկ չընես:

22 Քու բոլոր հովիւներդ հովին ճարակ պիտի ըլլան,

Ու հոմանիներդ գերութեան պիտի երթան:

Անշուշտ այն ատեն պիտի ամշնաս եւ խայտառակուիս

Ամբողջ չարութեանդ համար:

23 Ո՛վ Լիբանանի մէջ բնակող

Ու մայրիներու մէջ բոյն ունեցող,

Որչափ ողորմելի պիտի ըլլաս՝ երբ վրադ երկունքի ցաւեր հասնին,

Ծննդաբերող **կնոք** երկունքի ցափին պէս»:

ՅԵԶՈՆԻԱՅԻ ԴԱՏԱՏԱՆԸ

24 «Ես կ'ապրի՞մ, – կը պատգամէ Տէրը, –

Ո՛վ Յուդայի թագաւոր, Յովակիմի որդի՝ Յեքոնիա.

Թէեւ իմ ազ ձեռքիս մէջ կնիք ըլլաս,

Անկէ ալ քեզ պիտի փրցնեմ:

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- 25 Քեզ պիտի մատնեմ կեանքդ փնտռողներուն ծեռքը,
Այն մարդոց ծեռքը՝^Ժ որոնցմէ դուն կը վախնաս.—
Բաբելոնի Նաբուգոնոսոր թագաւորին ծեռքը,
Ու Քաղդէացիներուն ծեռքը:
- 26 Քեզ ու մայրդ՝ որ քեզ ծնաւ,
Օտար երկիր պիտի նետեմ՝
Ուր ծնած չէք,
Եւ հոն պիտի մեռնիք.
- 27 Պիտի չվերադառնան այն երկիրը՝
Ուր վերադառնալ ՚կը տենչան՝»:
- 28 Միթէ այս մարդը՝ Յեքոնիա արհամարհուած **ու** կոտրտած սափո՞ր մըն է,
Կամ թէ այնպիսի անօ՞թ մը՝ որմէ ո՛չ մէկը կ'ախորժի:
Ինչո՞ւ ինք եւ իր զարմը վտարուեցան,
Ու նետուեցան երկիր մը՝ որ չէին ճանչնար:
- 29 Ո՞վ երկիր, երկիր, երկիր,
Մտի՛կ ըրէ Տէրոց խօսքը:
- 30 **Տէրը սա՛ կը յայտարարէ.**
«Իբր անգաւակ արձանագրեցէք այս մարդը,
Մարդ մը՝ որ իր օրերուն մէջ պիտի չյաջողի.
Արդարեւ անոր զարմէն ո՛չ մէկը պիտի յաջողի
Դաւիթի գահին վրայ բազմիլ,
Ու երբեք Յուդայի վրայ տիրել»:

ՅՈՅՍ ԱՊԱԳԱՅԻՆ ՀԱՄԱՐ

23

- «Վա՛յ այն հովիւներուն,
Որոնք իմ արօտիս ոչխարները կը կորսնցնեն եւ կը ցրուեն», կը պատգամէ **Տէրը**:
- 2 Հետեւաբար **Տէրը՝** հսրայէլի Աստուածը սա՛ կը յայտարարէ
Այն հովիւներուն մասին՝ որ իմ ժողովուրդս կը հովուեն.
«Դուք իմ ոչխարներս ցրուեցիք ու զանոնք քշեցիք,
Զանոնք չխնամեցիք:
Ահա՛ ես ծեր չար արարքներու համար
“Չեզ պիտի պատժեմ”,— կը պատգամէ **Տէրը**:—
- 3 Իսկ իմ ոչխարներուս մնացորդը պիտի հաւաքեմ
Այն բոլոր երկիրներէն՝ ուր զանոնք քշեր էի.
Զանոնք իրենց արօտավայրերը պիտի վերադարձնեմ,
Ուր պիտի աճին եւ շատնան:
4 Անոնց վրայ հովիւներ պիտի նշանակեմ՝ որ զանոնք հովուեն.

^Ժ **Եբր.**՝ որոնց երեսէն

^Ի **Եբր.**՝ իրենց անձը կը բարձրացնեն

^Լ **Եբր.**՝ Զօրաւոր մարդ

^Ա **Եբր.**՝ Չեզի պիտի այցելեմ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Անոնք ա'լ պիտի չվախնան ու չզարհուրին,
Եւ անոնցմէ ո'չ մէկը պիտի պակսի», կը պատգամէ Տէրը:
- 5 «Ահա՝ կու գան օրերը, – կը պատգամէ Տէրը, –
Երբ Դափիթէն արդար Շառաւիդ մը պիտի հանեմ,
Թագաւոր մը՝ որ ուշիմութեամբ պիտի թագաւորէ,
Ու երկրին մէջ իրաւոնք եւ արդարութիւն կիրարկէ:
- 6 Անոր օրերը թուղա պիտի ազատի,
Իսրայէլ ապահովութեամբ բնակի,
Եւ սա՛ է անոր անունը՝ որով պիտի կոչուի.
“Տէրը՝ մեր արդարութիւնը»:
- 7 Հետեւաբար ահա՛ պիտի գան օրերը, – կը պատգամէ Տէրը, –
Երբ ա'լ պիտի չըսուի. “Կ'ապրի՛ Տէրը՝
Որ Իսրայէլի որդիները Եգիպտոսի երկրէն բարձրացուց»,
- 8 Հապա. “Կ'ապրի՛ Տէրը՝
Որ Իսրայէլի զարմը բարձրացուց ու բերաւ հիւսիսի երկրէն,
Նաեւ այն բոլոր երկիրներէն՝ ուր զանոնք աքսորեր էի»,
Եւ անոնք իրենց հողին վրայ պիտի բնակին»:

ԵՐԵՄԻԱՅԻ ՊԱՏԳԱՍԸ ՄԱՐԳԱՐԷՆԵՐՈՒ ՄԱՍԻՆ

- 9 Մարգարէներուն համար սիրու իմ ներսս կոտրած է.
Բոլոր ոսկորներս կը դողան.
Գինով մարդու պէս,
Եւ ^բգինիէն նուաճուած^ա “մարդու պէս եղայ՝
Տէրոց պատճառով եւ անոր սուրբ խօսքերուն պատճառով»:
- 10 Արդարեւ երկիրը շնացողներով լեցուած է.
Երկիրը կը սգայ անէծքին պատճառով.
Անապատին մարգագետինները չորցան:
Անոնց վազքը չարաղէտ է.
Անոնց զօրութիւնը անիրաւ է:
- 11 «Արդարեւ թէ՛ մարգարէն եւ թէ քահանան ոապականած են.
Անոնց չարութիւնը իմ տաճս մէջ ալ գտայ, – կը պատգամէ Տէրը:–
- 12 Հետեւաբար անոնց ճամբաները
Մթութեան մէջ զիրենք պիտի սահեցնեն.
Անոնք հոն պիտի հրուին եւ իյնան,
Որովհետեւ ես ^եպատիժի տարին
Անոնց վրայ չարիք պիտի բերեմ, – կը պատգամէ Տէրը:–
- 13 Սամարիայի մարգարէներուն մէջ
Անպատշաճութիւն տեսայ.

^բ Եբր.՝ գինին գլուխը անցած

^գ Եբր.՝ զօրաւոր մարդու

^դ Եբր.՝ պղծուած

^ե Եբր.՝ հատուցումի

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Բահաղի **անունով** կը մարգարէանան
Եւ իմ ժողովուրդս՝ հսրայէլը կը մոլորեցնեն:
- 14** Երուսաղէմի մարգարէներուն մէջ քստմնելի **բան** մը տեսայ.
Անոնք շնուրթիւն կ'ընեն ու ստութեան մէջ կ'ընթանան,
Զարագործներուն ձեռքերը կ'ուժովցնեն,
Որպէսզի ո՛չ մէկը դարձի գայ իր չարութենէն.
Անոնք բոլորը ինծի Սոդոմի պէս եղան,
Եւ անոր բնակիչները՝ Գոմորի պէս»:
- 15** Հետեւաբար զօրքերու **Տէրը** սա՛ կը յայտարարէ մարգարէներուն մասին.
«Ահա՝ ես անոնց օշինդր պիտի կերցնեմ,
Անոնց թունաւոր ջուր պիտի խմցնեմ,
Որովհետեւ երուսաղէմի մարգարէներէն ամբարշտութիւն ելաւ
Եւ ամբողջ երկրին մէջ **տարածուեցաւ»:**
- 16** Զօրքերու **Տէրը** սա՛ կը յայտարարէ.
«Զեզի մարգարէացող մարգարէներուն խօսքերը մտիկ մի՛ ընէք.
Անոնք ունայնութեան կը տանին ձեզ.
Իրենց սիրտին տեսիլքը կը խօսին,
Ո՛չ թէ **Տէրոց** բերանէն:
- 17** Անոնք զիս անարգողներուն կը խօսին ու կ'ըսեն.
“**Տէրը** ըսաւ. “Զեզի խաղաղութիւն պիտի ըլլայ”[□],
Եւ իրենց սիրտին կամակորութեան մէջ բոլոր ընթացողներուն կ'ըսեն.
“Զեր վրայ չարիք պիտի չգայ”[□]»:
- 18** **Անոնցմէ** ո՞վ ^գներկայ եղաւ “**Տէրոց** խորհրդաժողովին,
Զայն տեսաւ եւ անոր խօսքը լսեց.
Ո՞վ ուշադիր եղաւ անոր խօսքին, ու մտիկ ըրաւ:
- 19** Ահա՝ **Տէրոց** մրրիկը ցատումով ^էբարձրացաւ.
Ան բսաստիկ մրրիկ է,
Ամբարիշտներուն գլուխին վրայ պիտի ^թպայթի:
- 20** **Տէրոց** բարկութիւնը պիտի չհեռանայ,
Մինչեւ որ իր սիրտին ^Ժմտածումները չիրագործէ ու չհաստատէ.
Վերջին օրերը ասիկա ^Իբոլորովին պիտի հասկնաք:
- 21** Այս մարգարէները ես չղրկեցի, բայց անոնք կը վագեն.
Ես անոնց չխօսեցայ, բայց անոնք կը մարգարէանան:
- 22** Իսկ եթէ անոնք իմ խորհրդաժողովիս ներկայ եղած
Եւ իմ խօսքս ժողովուրդիս լսել տուած ըլլային,

^գ **Եբր.**՝ կայնեցաւ

^է **Եբր.**՝ դուրս ելաւ

^թ **Եբր.**՝ ցաւալի

^թ **Եբր.**՝ ցաւցնէ

^Ժ **Եբր.**՝ մտադրութիւնները

^ի **Եբր.**՝ հասկնալով

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

Զանոնք իրենց չար ՚ընթացքէն

Ու չար արարքներէն պիտի հեռացնէին»:

23 «Միթէ ես **միայն** մօտակայի՞ն Աստուածն եմ,

Իսկ հեռաւորին Աստուածը չե՞մ, – կը պատգամէ Տէրը:–

24 Կամ թէ մէկը **կրնա՞յ** ծածուկ տեղեր պահուըտիլ՝

Որ ես զինք չտեսնեմ, – կը պատգամէ Տէրը:–

Միթէ երկինքն ու երկիրը լեցնողը ես չե՞մ», կը պատգամէ Տէրը:

25 «Իմ անունովս ստութիւն մարգարէացող մարգարէներուն ըսածները լսեցի,

Որոնք կ'ըսեն. “Երազ տեսայ, երազ տեսայ»:

26 Մինչեւ ե՞րբ **ասիկա** ստութիւն մարգարէացող մարգարէներուն սիրտին մէջ պիտի ըլլայ,

Որոնք իրենց սիրտին խաբէութիւններով կը մարգարէանան:

27 Անոնք իրենց երազներով – որ իրարու կը պատմեն –

Կը մտածեն իմ անունս մոռցնել տալ ժողովուրդիս,

Ինչպէս իրենց հայրերը Բահաղի պատճառով իմ անունս մոռցան:

28 Երազ ունեցող մարգարէն երազը թող պատմէ,

Իսկ իմ խօսքս ունեցողը՝^իհաւատարմութեամբ թող հաղորդէ իմ խօսքս.

Յարդը ի՞նչ **արժէք** ունի ցորենին քով, – կը պատգամէ Տէրը:–

29 Միթէ իմ խօսքս կրակի պէս չէ՞՝, – կը պատգամէ Տէրը, –

Կամ ժայռը ծփշրող ուռի պէս չէ՞»:

30 «Հետեւաբար ահա՛ ես այն մարգարէներուն դէմ եմ, – կը պատգամէ Տէրը, –

Որոնք իմ խօսքերս իրարմէ կը գողնան:

31 Ահա՛ ես այն մարգարէներուն դէմ եմ, – կը պատգամէ Տէրը, –

Որոնք իրենց լեզուները կը գործածեն, ու կ'ըսեն. “Ի՞նք պատգամեց»:

32 Ահա՛ ես այն սուստ երազներ մարգարէացողներուն դէմ եմ, – կը պատգամէ Տէրը, –

Որոնք զանոնք կը պատմեն, եւ իմ ժողովուրդս կը մոլորեցնեն

Իրենց ստութիւններով ու սնապարծութեամբ:

Ես զանոնք չղրկեցի, ո՛չ ալ անոնց հրամայեցի.

Ուստի անոնք այս ժողովուրդին բնա՛ օգտակար պիտի չըլլան», կը պատգամէ Տէրը:

ՏԷՐՈՉ ՊԱՏԳԱՍԸ

33 «Եթէ այս ժողովուրդը,

Կամ մարգարէ մը, կամ քահանայ մը,

Քեզի հարցնէ. “Ի՞նչ է Տէրոջ պատգամը»,

Անոնց պատասխանէ՛. “Ի՞նչ պատգամ»:

«Ես ձեզ անշուշտ **երեսէ** պիտի ձգեմ, – կը պատգամէ Տէրը:–

34 Այն մարգարէն, կամ քահանան, կամ ժողովուրդը՝

Որ կ'ըսէ. “Տէրոջ պատգամը»,

¹ **Երը.**՝ ճամբաներէն

^ի **Երը.**՝ ճշմարտութեամբ

^ծ **Երը.**՝ ցրուող

^կ **Կամ՝** կեղծ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Այդ մարդն ու անոր տունը պիտի ճպատժեմ:

35 Իւրաքանչիւրը՝ իր ընկերին,
իւրաքանչիւրը՝ իր եղբօր սա՛թող ըսէ.
“Տէրը ի՞նչ պատասխանեց,
Տէրը ի՞նչ խօսեցաւ:

36 Ալ Տէրոց պատգամը մի՛ յիշատակէք,
Որովհետեւ իւրաքանչիւրին խօսքը պիտի ըլլայ իր պատգամը,
Որովհետեւ դուք ապրող Աստուծոյն,
Զօրքերու Տէրոց՝ մեր Աստուծոյն խօսքը խեղաթիւրեցիք□:

37 Մարգարէին սա՛ ըսէ.
“Տէրը քեզի ի՞նչ պատասխանեց,
Տէրը ի՞նչ խօսեցաւ:

38 Իսկ եթէ ըսէք. “Տէրոց պատգամը”,
Այն ատեն Տէրը սա՛ կը յայտարարէ.
“Զանի սա՛ խօսքը կ'ըսէք. «Տէրոց պատգամը»,
Թէպէտ ես ձեզի **լուր** դրկեցի եւ ըսի. «Մի՛ ըսէք. “Տէրոց պատգամը□»»,

39 Ահա՛ ես ձեզ բոլորովին պիտի մոռնամ.
Երեսէ պիտի ձգեմ ձեզ եւ այն քաղաքը՝ որ ձեզի ու ձեր հայրերուն տուի,
Եւ պիտի Վտարեմ ձեզ իմ ներկայութենէս:

40 Զեր վրայ յաւիտենական նախատինք
Ու յաւիտենական խայտառակում պիտի դնեմ,
Որ պիտի չմոռցուի'□»:

ԵՐԿՈՒ ԿՈՂՈՎ ԹՈՒԶ

24

Երբ Բաբելոնի Նաբուգոնոսոր թագաւորը Երուսաղէմէն տարագրեց եւ Բաբելոն տարաւ Յուդայի թագաւորը, Յովակիմի որդին՝ Յեքոնիան, նաեւ Յուդայի իշխանաւորները, **ա**հիւսներն ու դարբինները, **Տէրը ինծի սա՛ տեսիլքը** տեսնել տուաւ.— ահա՛ **Տէրոց** տաճարին առջեւ դրուած երկու կողով թուզ կար. **2** մէկ կողովին մէջ շատ լաւ թուզեր կային՝ կանխահաս թուզերու պէս, իսկ միւս կողովին մէջ շատ գէշ թուզեր կային, որոնք **կարելի** չէր ուտել՝ այնքան որ գէշ էին: **3** **Տէրը ինծի ըսաւ.** «**Ո՛Վ** Երեմիա, ի՞նչ կը տեսնես»: Ես ալ ըսի. «Թուզեր. լաւ թուզերը շատ լաւ են, իսկ գէշերը՝ շատ գէշ, ու **կարելի** չէ զանոնք ուտել՝ այնքան որ գէշ են»:

4 Այն ատեն **Տէրը խօսեցաւ**՝ ինծի՝ ըսելով. «**Տէրը՝ հսրայէլի Աստուածը** սա՛ կը յայտարարէ. **5** “Այս լաւ թուզերուն պէս պիտի ճանչնամ Յուդայէն տարագրուածները, որ այս տեղէն Քաղէացիներուն երկիրը դրկեցի՝ **իրենց** բարիքին համար: **6** Իմ աչքերս անոնց վրայ պիտի **սեւեռեմ** բարիքի համար, եւ զանոնք այս երկիրը պիտի վերադառնեմ. զանոնք պիտի կառուցանեմ, ո՛չ թէ փլցնեմ. զանոնք պիտի տնկեմ, ո՛չ թէ

^a **Երբ.**՝ հատուցանեմ

^ա **Կամ** արհեստաւորներն

^բ **Երբ.**՝ **Տէրոց** խօսքը եղաւ

^գ **Երբ.**՝ դնեմ

խլեմ: **7** Անոնց **այնպիսի** սիրտ մը պիտի տամ, որ զիս ճանչնան թէ ե՞ս եմ **Տէրը**: Անոնք իմ ժողովուրդս պիտի ըլլան, ու ես անոնց Աստուածը պիտի ըլլամ, քանի իրենց ամբողջ սիրտով ինձի պիտի վերադառնան□: **8** Իսկ այս գէշ թուզերուն մասին, որոնք այնքան գէշ են՝ որ **կարելի** չէ ուտել, ի՞րապէս **Տէրը** սա՛ կը յայտարարէ. “Այդպէս պիտի դարձնեմ Յուդայի թագաւորը՝ Սեղեկիան, անոր իշխանաւորներն ու Երուսաղէմի մնացորդը, որոնք այս երկրին մէջ մնացած են, նաեւ Եգիպտոսի երկրին մէջ բնակողները: **9** Զանոնք երկրի բոլոր թագաւորութիւններուն մէջ սոսկումի ու ծախորդութեան պիտի մատնեմ, որպէսզի նախատինք, ^Դնշաւակ, կատակի **առարկայ** եւ անէծք ըլլան այն բոլոր տեղերը՝ ուր զանոնք պիտի աքսորեմ: **10** Անոնց վրայ սուր, սով ու ժանտախտ պիտի դրկեմ, մինչեւ որ անհետանան այն հողին վրայէն՝ որ իրենց եւ իրենց հայրերուն տուի□»:

ՀԻՒՍԻՍԵՆ ԵԿՈՂ ԹԾՆԱՄԻՆ

25

Յուդայի թագաւորին՝ Յովսիայի որդիին Յովսկիմի չորրորդ տարին, որ Բաբելոնի Նաբուգոդոնոսոր թագաւորին առաջին տարին էր, ամբողջ Յուդայի ժողովուրդին մասին Երեմիայի ^Պուղղուած խօսքը, **2** որ Երեմիա մարգարէն ամբողջ Յուդայի ժողովուրդին եւ բոլոր Երուսաղէմի բնակիչներուն հաղորդեց՝ ըսելով. **3** «Յուդայի թագաւորին՝ Ամոնի որդիին Յովսիայի տասներեքերորդ տարիէն մինչեւ այսօր, որ քանաներեք տարի է, Տէրոց խօսքը ինձի ^Պուղղուեցաւ ու ես ծեզի հաղորդեցի՝ կանուխ ելլելով, բայց մտիկ չըրիք: **4** Տէրը ծեզի դրկեց իր բոլոր ծառաները՝ մարգարէները – կանուխ ելլելով դրկեց –, բայց մտիկ չըրիք ու ծեր ականջը չդարձուցիք՝ մտիկ ընելու համար: **5** Անոնք կ'ըսէին. “Չեզմէ իւրաքանչիւրը թող դարձի գայ իր չար գնթացքէն եւ չար արարքներէն, որպէսզի ^Դարէ դար” բնակիք այն հողին վրայ՝ որ Տէրը ծեզի ու ծեր հայրերուն տուաւ: **6** Ուրիշ աստուածներու մի՛ հետեւիք՝ զանոնք պաշտելու եւ անոնց երկրապագելու համար, ու զիս մի՛ գրգռէք ծեր ծեռքերուն գործերով, որպէսզի ծեզի չարիք չընեմ□: **7** Բայց դուք ինձի մտիկ չըրիք, – կը պատգամէ Տէրը, – որպէսզի զիս ծեր ծեռքերուն գործերով գրգռէք՝ ծեր ծախորդութեան համար:

8 «Հետեւաբար զօրքերու Տէրը սա՛ կը յայտարարէ. **9** “Զանի իմ խօսքերս մտիկ չըրիք, ահա՛ ես պիտի ^Եկանչեմ եւ առնեմ բոլոր հիւսիսի գերդաստանները, – կը պատգամէ Տէրը, – նաեւ իմ ծառաս՝ Բաբելոնի Նաբուգոդոնոսոր թագաւորը, ու զանոնք պիտի բերեմ այս երկրին դէմ, անոր բնակիչներուն դէմ, եւ այս բոլոր շրջակայ ազգերուն դէմ: Զանոնք պիտի անծիտեմ, ապշութեան ու սուզոցի **Ենթակայ** ընեմ, եւ յափառեալ աւերակ **Դ**արձնեմ: **10** Անկէ պիտի դադրեցնեմ բերկրանքի ծայնը եւ ուրախութեան ծայնը, փեսային

^Դ Եբր.՝ առակ

^Ե Եբր.՝ սպառին

^Պ Եբր.՝ եղած

^Բ Եբր.՝ եղաւ

^Գ Եբր.՝ ճամբայէն

^Դ Եբր.՝ յափառեալ անութենէ յափառեալ անութիւն

^Ե Եբր.՝ մարդ դրկեմ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

ծայնն ու հարսին ծայնը, ջաղացքին ծայնը եւ ճրագին լոյսը: **11** Այս ամբողջ երկիրը աւերակ ու ամայութիւն պիտի ըլլայ, եւ այս ազգերը եօթանասուն տարի Բաբելոնի թագաւորին պիտի ծառայեն:

12 «Երբ եօթանասուն տարին լրանայ, Բաբելոնի թագաւորը եւ այդ ազգը պիտի պատժեմ իրենց անօրէնութեան համար. նաեւ Քաղուկացիներուն երկիրը **պիտի պատժեմ**,— կը պատգամէ Տէրը,— եւ զայն յակիտենապէս ամայի պիտի էդարձնեմ: **13** Այդ երկրին վրայ Պատի իրագործեմ՝ այն բոլոր խօսքերս՝ որ անոր դէմ արտասանեցի, **այսինքն**՝ ամէն ինչ որ այս գիրքին մէջ գրուած է, որ երեմիա մարգարէացաւ բոլոր ազգերուն դէմ: **14** Արդարեւ շատ ազգեր եւ մեծ թագաւորներ զիրենք ալ պիտի ստրկացնեն, ու ես անոնց պիտի հատուցանեմ իրենց արարքներուն եւ իրենց ձեռքերու գործերուն համեմատ»:

ԱԶԳԵՐՈՒՆ ԴԱՏԱՍՏԱՆԸ

15 Արդարեւ Տէրը՝ հսրայէլի Աստուածը սա՝ Պըսաւ ինձի. «Ա՞ն ձեռքէս այս ցասումի գինիին բաժակը, եւ խմցո՞ւր զայն այն բոլոր ազգերուն՝ որոնց քեզ կը դրկեմ: **16** Անոնք պիտի խմեն ու տատանին, եւ պիտի խենթանան այն սուրին պատճառով՝ որ անոնց մէջ պիտի դրկեմ»: **17** Ուստի Տէրոց ձեռքէն առի բաժակը, ու Խմցուցի այն բոլոր ազգերուն՝ որոնց Տէրը զիս դրկեց.— **18** Երուսաղէմի, Յուդայի ջաղաքներուն, անոր թագաւորներուն եւ իշխանաւորներուն, որպէսզի զանոնք աւերակ, ամայութիւն, սուլոցի **պատճառ** ու անէծք դարձնէ, ինչպէս այսօր **կ'երեւնայ**. **19** Եգիպտոսի Փարաւոն թագաւորին եւ անոր ծառաներուն, իշխանաւորներուն ու ամբողջ ժողովուրդին. **20** նաեւ բոլոր Խառնածիններուն եւ Հուսի երկրին բոլոր թագաւորներուն. Փղշտացիներու երկրին բոլոր թագաւորներուն, **այսինքն**՝ Ասկաղոնի, Գազայի, Ակկարոնի եւ Ազովոսի մնացորդին. **21** Եղովմի, Մովարի, ու Ամմոնի որդիներուն. **22** Տիւրոսի բոլոր թագաւորներուն, Սիրոնի բոլոր թագաւորներուն, եւ ծովուն միւս կողմը եղող Կղզիներու թագաւորներուն. **23** Դեղանի, Թեմայի, Բուզի, ու բոլոր **իրենց մօրուքին** ծայրերը կտրողներուն». **24** Արաբիայի բոլոր թագաւորներուն եւ անապատը բնակող խառնածիններու բոլոր թագաւորներուն. **25** Զեմրիի բոլոր թագաւորներուն, Եղամի բոլոր թագաւորներուն ու Մարաստանի բոլոր թագաւորներուն. **26** հիւսիսի բոլոր թագաւորներուն, մօտ կամ հեռու եղողներուն, ասոնց եւ

^գ **Երբ.**՝ հատուցանեմ

^է **Երբ.**՝ ընեմ

^լ **Երբ.**՝ բերել պիտի տամ

^թ **Երբ.**՝ կը յայտարաբ

^ժ **Կամ**՝ հրամցուցի

^ի **Կամ**՝ Արաբներուն

^լ **Կամ**՝ ծովեզերեայ **Երկիրներու**

^{իւ} **Կամ**՝ **Երկրի** ծայրերը եղողներուն

^ծ **Կամ**՝ Զեմրանացիներու

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

անոնց, ու երկրագունդի մակերեսին վրայ եղող երկրի բոլոր թագաւորներուն. անոնցմէ ետքն ալ՝ ԿՍիսակի թագաւորը պիտի խմէ: **27** «Անոնց ըսէ՛. «Զօրքերու Տէրը՝ հսրայէլի Աստուածը սա՛ կը յայտարարէ. "Խմեցէ՛ք, գինովցէ՛ք ու փսխեցէ՛ք. ինկէ՛ք եւ ա՛ ոտքի մի՛ ելլէ՛ք այն սուրին պատճառով՝ որ ձեր մէջ պիտի ղրկեմ»**□**: **28** Եթէ մերժեն բաժակը քու ծեռքէդ առնել՝ խմելու համար, անոնց ըսէ՛. «Զօրքերու Տէրը սա՛ կը յայտարարէ. "Անշո՛ւտ պիտի խմէք. **29** որովհետեւ ահա՛ ես սկսայ իմ անունովս կոչուած քաղաքին վրայ չարիք բերել. միթէ դուք անպատի՞ծ պիտի մնաք: **Ռ'Հ**, անպատիծ պիտի չմնաք, քանի որ երկրի բոլոր բնակիչներուն վրայ սուրը պիտի կանչեմ», կը պատգամէ զօրքերու Տէրը[□]»:

30 «Ուստի դուն այս բոլոր խօսքերը անոնց դէմ մարգարէանալով՝ անոնց ըսէ՛.

«Տէրը բարձր վայրէ՛ պիտի գոչէ,

Եւ իր սուրբ բնակավայրէն իր ծայնը **լսել** պիտի տայ.

Իր բնակարանին դէմ ահարկու ծայնով պիտի գոչէ,

Խաղող կոխողներու ճիշին պէս՝

Երկրի բոլոր բնակիչներուն դէմ պիտի չաղաղակէ:

31 **Անոր** ժխորը մինչեւ երկրի ծայրերը պիտի հասնի,

Որովհետեւ Տէրը ազգերուն հետ վէճ ունի.

Ան ամէն մարմինի հետ դատ պիտի վարէ,

Եւ ամբարիշտները սուրի պիտի մատնէ[□], կը պատգամէ Տէրը»:

32 **Զօրքերու Տէրը սա՛ կը յայտարարէ.**

«Ահա՛ չարիքը ազգէ ազգ պիտի ոփոխանցուի.

Երկրի ծագերէն մեծ մրրիկ մը պիտի բարձրանայ:

33 Այդ օրը Տէրոջմէն մեղուածները՝

Երկրի **մէկ** ծայրէն մինչեւ **միւս** ծայրը պիտի ըլլան:

Անոնք վրայ պիտի չհեծեծեն,

Անոնք պիտի չհաւաքուին ու չթաղուին.

Գետինի մակերեսին վրայ աղբի պէս պիտի ըլլան»:

34 «Գոռացէ՛ք, ո՛վ հովիւներ, եւ աղաղակեցէ՛ք.

Մոխիրի՛ մէջ թաւալեցէք, ո՛վ հօտին երեւելիները.

Որովհետեւ ձեր մորթուելու եւ ցիրուցան ըլլալու մժամանակը հասած է»;

Ու ցանկալի իրի պէս պիտի իյնաք:

35 Հովիւները փախչելու տեղ պիտի չունենան,

Ռ'Հ ալ հօտին երեւելիները՝ ազատելու **միջոց**:

36 Հովիւներուն աղաղակին ծայնը

Եւ հօտին երեւելիներուն ոռնալու ծայնը պիտի լսուի,

Որովհետեւ Տէրը անոնց արօտները կործանեց:

⁴ Հաւանաբար՝ Բաբելոնի

⁵ Եբր.՝ մոնչէ

⁶ Եբր.՝ պատասխանէ

⁷ Եբր.՝ դուրս ելլէ

⁸ Եբր.՝ արթննայ

⁹ Եբր.՝ օրերը լրացած են

37 Տէրոց բարկութեան բորբոքումին՝ առջեւ՝

Խաղաղաւակտ մարգագետինները լոռութեան դատապարտուեցան:

38 **Առիծի** կորիւնի պէս իր բնակարանը լքեց,

Քանի որ անոնց երկիրը պիտի ամայանայ

Կեղեքողին բորբոքումին առջեւ,

Անոր բարկութեան բորբոքումին առջեւ»:

ԵՐԵՄԻԱ ԴԱՏԻ ԿԸ ԲԵՐՈՒԻ

26

Յուղայի թագաւորին՝ Յովսիայի որդիին Յովսակիմի թագաւորութեան սկիզբը, սա՛ խօսքը առևտուեցաւ Տէրոցմէն՝ ըսելով. 2 «Տէրը սա՛ կը յայտարարէ. “Տէրոց տան գաւիթը կայնէ՛, ու Տէրոց տունը երկրպագելու եկող Յուղայի բոլոր քաղաքներուն արտասանէ՛ այն բոլոր խօսքերը, որոնք քեզի հրամայեցի՝ անոնց ըսելու համար. ո՛չ մէկ խօսք պակսեցուր: 3 Թերեւս մտիկ ընեն եւ իւրաքանչիւրը իր չար ճամբայէն դարձի գայ, ես ալ հրաժարիմ այն չարիքէն՝ որ կը մտածեմ անոնց ընել, իրենց չար արարքներուն պատճառով: 4 Անոնց ըսէ՛. “Տէրը սա՛ կը յայտարարէ. «Եթէ ինծի մտիկ չընելով՝ ծեր առջեւ դրած օրէնքիս մէջ չընթանաք, 5 ու ձեզի դրկած ծառաներուս՝ մարգարէներուն խօսքերը մտիկ չընէք, – որոնք կանուխ ելլելով դրկեցի, բայց դուք մտիկ չըրիք, – 6 այս տունը Սելովի պէս պիտի ընեմ, եւ այս քաղաքը անէծք դարձնեմ երկրի բոլոր ազգերուն»□»:

7 Քահանաները, մարգարէներն ու ամբողջ ժողովուրդը լսեցին, երբ Երեմիա Տէրոց տան մէջ այս խօսքերը կ'արտասանէր: 8 Երբ Երեմիա աւարտեց այն բոլոր խօսքերը՝ որ Տէրը **իրեն** հրամայեր էր ըսել ամբողջ ժողովուրդին, քահանաները, մարգարէներն ու ամբողջ ժողովուրդը զինք բոնեցին եւ ըսին. «Դուն անպատճառ պիտի մեռնիս: 9 Ինչո՞ւ Տէրոց անունով մարգարէացար՝ ըսելով. “Այս տունը Սելովի պէս պիտի ըլլայ, եւ այս քաղաքը աւերակ պիտի ըլլայ՝ առանց բնակիչի»□»: Ամբողջ ժողովուրդը Երեմիայի շուրջ հաւաքուեցաւ Տէրոց տան մէջ:

10 Երբ Յուղայի իշխանաւորները այս բաները լսեցին, թագաւորին տունէն Տէրոց տունը բարձրացան եւ Տէրոց **տան** նոր դրան մուտքը նստան: 11 Քահանաներն ու մարգարէները խօսեցան իշխանաւորներուն եւ ամբողջ ժողովուրդին, ու ըսին. «Այս մարդը մեռնելու արժանի է, քանի որ այս քաղաքին դէմ մարգարէացաւ, ինչպէս դուք ծեր ականջներով լսեցիք»:

12 Իսկ Երեմիա բոլոր իշխանաւորներուն եւ ամբողջ ժողովուրդին ըսաւ. «Տէրը զիս դրկեց որ մարգարէանամ՝ այս տան ու այս քաղաքին դէմ **արտասանելով** ծեր լսած բոլոր խօսքերը: 13 Ուստի հիմա բարեփոխեցէք ծեր գընթացքն ու արարքները, եւ մտի՛կ ըրէք ծեր Աստուծոյն ձայնը. Տէրն ալ ծեր դէմ վճռած չարիքէն պիտի հրաժարի: 14 Իսկ ես ահա՛

¹ **Երբ.**՝ Երեսէն

² **Երբ.**՝ մացառուտը, **կամ** տաղաւարը

³ **Երբ.**՝ եղաւ

⁴ **Երբ.**՝ դամբաներն

⁵ **Երբ.**՝ խօսած

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

ձեր ձեռքն եմ. վարուեցէք ինծի հետ՝ ինչպէս որ ճեզի հաճելի եւ ուղիղ թուի”:¹⁵ Սակայն լա՛ գիտցէք թէ եթէ զիս մեոցնէք, անշուշտ անմեղ արիւնին պատիժը պիտի դնէք ձեր վրայ, այս քաղաքին վրայ եւ անոր բնակիչներուն վրայ. որովհետեւ ճշմարտապէս Տէ՛րը զիս ճեզի դրկեց, որպէսզի այս բոլոր խօսքերը ձեր ականջներուն ըսեմ»:

¹⁶ Այն ատեն իշխանաւորներն ու ամբողջ ժողովուրդը քահանաներուն եւ մարգարէներուն ըսին. «Այս մարդը մեռնելու արժանի չէ, որովհետեւ Տէրոց՝ մեր Աստուծոյն անունով մեզի խօսեր է»:¹⁷ Նաեւ երկրին երէցներէն քանի մը մարդիկ կանգնեցան եւ ժողովուրդին ամբողջ համախմբումին ըսին. ¹⁸ «Յուրաքանչյամ եզեկիա թագաւորին օրերը՝ Մորստացի Միքիա մարգարէացաւ եւ ամբողջ Յուրաքանչյամ ժողովուրդին ըսաւ. “Զօրքերու Տէրը սա՛ կը յայտարարէ. “Միոն արտի պէս պիտի հերկուի, Երուսաղէմ աւերակի շեղքերու պիտի գերածուի, ու Տէրոց տան լեռը՝ անտափ բարձունքներու”¹⁹: ²⁰ Միթէ Յուրաքանչյամ եզեկիա թագաւորն ու ամբողջ Յուրաքանչյամ մեոցուցի՛ն. ան Տէրոցմէ չվախցա՞ւ եւ Տէրոց չչպաղատեցա՞ւ. Տէրն ալ անոնց դէմ վճռած չարիքէն հրաժարեցաւ: Ուրեմն մենք մեծ չարիք մը ըրած կ'ըլլանք մեր անձերուն»:

²⁰ Նաեւ Կարիաթ-Յարիմէն մարդ մը կար, Սեմայիայի որդին՝ Ուրիա, որ Տէրոց անունով կը մարգարէանար: Ան այս քաղաքին դէմ եւ այս երկրին դէմ մարգարէացաւ՝ Երեմիայի բոլոր խօսքերուն համաձայն: ²¹ Երբ Յովակիմ թագաւորն ու անոր բոլոր զօրաւորները եւ բոլոր իշխանաւորները անոր խօսքերը լսեցին, թագաւորը ցանաց որ զայն մեոցնէ. բայց Ուրիա ասիկա լսելով՝ վախցաւ, ու փախաւ Եգիպտոս գնաց: ²² Յովակիմ թագաւորը մարդիկ դրկեց Եգիպտոս. Աքոբորի որդին՝ Եղնաթանը, եւ անոր հետ քանի մը մարդիկ Եգիպտոս դրկեց: ²³ Անոնք Ուրիան Եգիպտոսէն հանեցին ու Յովակիմ թագաւորին բերին. ան ալ զինք սուրով զարկաւ, եւ անոր դիակը ժողովուրդին որդիներուն գերեզմանները նետեց: ²⁴ Բայց Սափանի որդիին՝ Աքիկամի ձեռքը Երեմիայի հետ էր, որպէսզի ան ժողովուրդին ձեռքը չմատնուի՝ մեոցուելու համար:

ԵՐԵՄԻԱ ԿԸ ԿՐԵ ԵԶԻ ԼՈՒԾԸ

27

Յուրաքանչյամ՝ Յովակիայի որդիին Սեղեկիայի թագաւորութեան սկիզբը, Երեմիայի սա՛ խօսքը՝ պուղուեցաւ Տէրոցմէն՝ ըսելով. «Տէրը ինծի սա՛ ըսաւ. ² “Կապե՛ր ու լուծե՛ր շինէ քեզի, եւ դի՛ր զանոնք վիզիդ վրայ: ³ Երուսաղէմ՝ Յուրաքանչյամ թագաւորին եկած պատգամաւորներուն ձեռքով դրկէ՛ զանոնք Եղովմի թագաւորին, Մովարի թագաւորին, Ամմոնի որդիներուն թագաւորին, Տիլոսի թագաւորին ու Սիդոնի թագաւորին, ⁴ եւ հրամայէ՛ անոնց որ իրենց տէրերուն ըսեն. “Զօրքերու Տէրը՝ Խրայէլի Աստուածը սա՛ կը յայտարարէ. «Չեր տէրերուն սա՛ ըսէք. ⁵ “Ե՛ս բատեղծեցի երկիրը, մարդը, ու երկրի մակերեսին վրայ եղող անասունը՝ իմ մեծ կարողութեամբս եւ երկարած

² **Եբր.**՝ ձեր աչքերուն լաւ եւ ուղիղ ըլլայ

³ **Եբր.**՝ ըլլայ

⁴ **Եբր.**՝ Երեսին չպաղատեցա՞ւ

⁵ **Եբր.**՝ փնտռեց

⁶ **Եբր.**՝ եղաւ

⁷ **Եբր.**՝ ըրի

ԵՐԵՄԱՆԱՅԻ ՄԱՐԳԱՐԷՇՈՒԹԻՒՆԸ

բազուկովս, ու զանոնք կու տամ որո՛ւն որ “ինծի հաճելի թուի” **տալ:** **6** Ուստի հիմա այս բոլոր երկիրները կը յանձնեմ իմ ծառայիս՝ Բաբելոնի Նաբուգոդոնոսոր թագաւորին ձեռքը. դաշտի գազաններն ալ անոր կու տամ, որպէսզի անոր ծառայեն: **7** Բոլոր ազգերն ալ պիտի ծառայեն անոր, անոր որդիին, եւ անոր որդիին որդիին, մինչեւ որ անոր երկրին ժամանակն ալ հասնի, ու շատ ազգեր եւ մեծ թագաւորներ գինք ալ ստրկացնեն: **8** Այն ազգը կամ թագաւորութիւնը որ չի ծառայեր Բաբելոնի Նաբուգոդոնոսոր թագաւորին եւ իր վիզը չի դներ Բաբելոնի թագաւորին լուծին տակ, այդ ազգը սուրով, սովով ու ժանտախով պիտի պատժեմ,— կը պատգամէ Տէրը,— մինչեւ որ գիրենք անոր ձեռքով սպառեմ:

9 «Դուք մտիկ մի՛ ընէք ձեր մարգարէներուն, դիւթերուն, երազատեսներուն, գուշակներուն եւ կախարդներուն, որոնք ձեզի կ'ըսեն. “Բաբելոնի թագաւորին պիտի չծառայէք»: **10** Արդարեւ անոնք ձեզի ստութիւն կը մարգարէանան, որպէսզի ձեր հողին վրայէն ձեզ հեռացնեն, ու ես ձեզ աքսորեմ եւ կորսուիք: **11** Բայց իր վիզը Բաբելոնի թագաւորին լուծին տակ դնող եւ անոր ծառայող ազգը անշուշտ իր հողին վրայ հանգիստ պիտի թողում,— կը պատգամէ Տէրը,— ու պիտի մշակէ զայն եւ անոր վրայ պիտի բնակի»՝¹»:

12 Յուրայի Սեղեկիա թագաւորին ալ հաղորդեցի այս բոլոր խօսքերը՝ ըսելով. «Զեր վիզը դրէ՛ք Բաբելոնի թագաւորին լուծին տակ, ու ծառայեցէ՛ք իրեն եւ իր ժողովուրդին՝ որպէսզի ապրիք: **13** Ինչո՞ւ դուն ու ժողովուրդ սուրով, սովով եւ ժանտախով մեռնիք, ինչպէս Տէրը Բաբելոնի թագաւորին չծառայող ազգին դէմ Կ'վճռեր է: **14** Դուք մտիկ մի՛ ընէք այն մարգարէներուն խօսքերը, որոնք ձեզի կ'ըսեն. “Բաբելոնի թագաւորին պիտի չծառայէք», որովհետեւ անոնք ձեզի ստութիւն կը մարգարէանան: **15** Արդարեւ “Ես զանոնք չըրկեցի»,— կը պատգամէ Տէրը,— “հապա անոնք իմ անունովս ստութիւն կը մարգարէանան, որպէսզի ես ձեզ աքսորեմ, եւ դուք ու ձեզի մարգարէացող մարգարէները կորսուիք»:

16 Ես քահանաներուն եւ այս ամբողջ ժողովուրդին ըսի. «Տէրը սա՛ կը յայտարարէ. «Զեր մարգարէներուն խօսքերը մտիկ մի՛ ընէք, որոնք ձեզի կը մարգարէանան՝ ըսելով. “Ահա՛ Տէրոց տան անօթները հիմա՝ շուտով՝ Բաբելոնէն պիտի վերադարձուին”, քանի որ անոնք ձեզի ստութիւն կը մարգարէանան: **17** Անոնց մտիկ մի՛ ընէք. ծառայեցէ՛ք Բաբելոնի թագաւորին, որպէսզի ապրիք. ինչո՞ւ այս քաղաքը աւերակ ըլլայ: **18** Իսկ եթէ անոնք մարգարէներ են, եթէ անոնց քով Տէրոց խօսքը կայ, այժմ թող բարեխօսեն զօրքերու Տէրոց, որպէսզի Տէրոց տան մէջ, Յուրայի թագաւորին տան մէջ ու Երուսաղէմի մէջ մնացած անօթները Բաբելոն չտարուիք»: **19** Արդարեւ զօրքերու Տէրը սա՛ կը յայտարարէ սիւներուն, ծովին, մեքենովթներուն եւ այս քաղաքին մէջ մնացած անօթներուն մասին, **20** որ Բաբելոնի Նաբուգոդոնոսոր թագաւորը չգրաւեց՝ երբ Յուրայի թագաւորը, Յովակիմի որդիին՝ Յեքոնիան, եւ Յուրայի ու Երուսաղէմի բոլոր ազնուականները Երուսաղէմէն Բաբելոն տարագրեց. **21** ի՞րապէս զօրքերու Տէրը՝ Իսրայէլի Աստուածը սա՛ կը յայտարարէ Տէրոց տան մէջ, Յուրայի թագաւորին տան մէջ ու Երուսաղէմի մէջ մնացած անօթներուն մասին. **22** «Անոնք Բաբելոն պիտի տարուին, եւ հոն պիտի մնան մինչեւ այն օրը՝ երբ զանոնք գինտոեմ, — կը պատգամէ Տէրը. — յետոյ

¹ **Եբր.**՝ իմ աչքերուս ուղիղ ըլլայ

² **Եբր.**՝ հատուցանեմ

³ **Եբր.**՝ խօսեր

⁴ **Եբր.**՝ աչքէ անցընեմ

զանոնք պիտի բարձրացնեմ եւ այս տեղը պիտի վերադարձնեմ»:

ԵՐԵՄԻԱ ԵՒ ԱՆԱՆԻԱ ՄԱՐԳԱՐԵՒ

28

Նոյն տարին, Յուլայի թագաւորին՝ Սերեկիայի թագաւորութեան սկիզբը, չորրորդ տարուան հինգերորդ ամիսը, Գաբրոնէն եղող Ազուրի որդին՝ Անանիա մարգարէն, Տէրոջ տան մէջ՝ քահանաներուն եւ ամբողջ ժողովուրդին աներկայութեան ինծի ըսաւ. **2** «Զօրքերու Տէրը՝ Իսրայէլի Աստուածը սա՛ կը յայտարարէ. “Բաբելոնի թագաւորին լուծը կոտրեցի: **3** Լման երկու տարիէն՝ Բաբելոնի Նաբուգոդոնոսոր թագաւորին այս տեղէն գրաւած ու Բաբելոն տարած Տէրոջ տան բոլոր անօթները այս տեղը պիտի վերադարձնեմ: **4** Նաեւ Յուլայի թագաւորը, Յովակիմի որդին՝ Յեքոնիան, ու Բաբելոն գացած Յուլայի բոլոր տարագիրները այս տեղը պիտի վերադարձնեմ,— կը պատգամէ Տէրը, – որովհետեւ Բաբելոնի թագաւորին լուծը պիտի կոտրեմ»:

5 Երեմիա մարգարէն պատասխանեց Անանիա մարգարէին՝ Տէրոջ տան մէջ կայնող քահանաներուն եւ ամբողջ ժողովուրդին աներկայութեան: **6** Երեմիա մարգարէն ըսաւ. «Ամէ՛ն. Տէրը ա՛յդպէս ընէ: Տէրը քու մարգարէացած խօսքերդ թող իրագործէ, եւ Տէրոջ տան անօթներն ու բոլոր տարագիրները Բաբելոնէն այս տեղը վերադարձնէ: **7** Սակայն այժմ մտի՛կ ըրէ սա՛ խօսքս՝ որ քու ականջներուդ եւ ամբողջ ժողովուրդին ականջներուն կ'ըսեմ. **8** “Ինձմէ առաջ ու քեզմէ առաջ եղող հին դարերու մարգարէները՝ պատերազմ, շարիք ու ժանտախտ մարգարէացան շատ երկիրներու եւ մեծ թագաւորութիւններու դէմ: **9** Երբ մարգարէ մը խաղաղութիւն կը մարգարէանայ եւ այդ մարգարէին խօսքը կ'իրագործուի, ա՛յդ ատեն կը հասկցուի թէ ան ճշմարտապէս Տէրոջմէն դրկուած մարգարէ մըն է»:

10 Այն ատեն Անանիա մարգարէն Երեմիա մարգարէին վիզէն լուծը առաւ ու զայն կոտրեց: **11** Ապա Անանիա ամբողջ ժողովուրդին աներկայութեան ըսաւ. «Տէրը սա՛ կը յայտարարէ. “Լման երկու տարիէն՝ Բաբելոնի Նաբուգոդոնոսոր թագաւորին լուծը ա՛յսպէս պիտի կոտրեմ բոլոր ազգերու վիզին վրայէն»: Երեմիա մարգարէն ալ իր ճամբան գնաց:

12 Անանիա մարգարէին՝ Երեմիա մարգարէին վիզին վրայէն լուծը կոտրելէն ետք, “Տէրը խօսեցաւ” Երեմիայի՝ ըսելով. **13** «Գնա՛ եւ Անանիայի ըսէ՛. “Տէրը սա՛ կը յայտարարէ. “Դուն փայտէ լուծերը կոտրեցիր, սակայն անոնց տեղ երկաթէ լուծեր պիտի շինես”»: **14** Արդարեւ զօրքերու Տէրը՝ Իսրայէլի Աստուածը սա՛ կը յայտարարէ. “Այս բոլոր ազգերուն վիզին վրայ երկաթէ լուծ դրի, որպէսզի Բաբելոնի Նաբուգոդոնոսոր թագաւորին ծառայեն, եւ անոր պիտի ծառայեն: Դաշտի գազաններն ալ անոր տուի”»:

15 Երեմիա մարգարէն Անանիա մարգարէին ըսաւ. «Այժմ լսէ՛, **ո՞Վ** Անանիա. Տէրը քեզ դրկած չէ, ու դուն այս ժողովուրդը **մղեցիր**՝ որ ստութեան վստահի: **16** Հետեւաբար Տէրը սա՛ կը յայտարարէ. “Ահա՛ ես քեզ երկրի մակերեսէն պիտի վտարեմ. դուն այս տարի պիտի մեռնիս, որովհետեւ Տէրոջ դէմ ապստամբութիւն յայտարարեցիր”»: **17** Եւ Անանիա մարգարէն այդ տարին մեռաւ՝ եօթներորդ ամսուան մէջ:

ԵՐԵՄԻԱՅԻ ՆԱՍԱԿԸ ԲԱԲԵԼՈՆԻ ՀՐԵԱՆԵՐՈՒՆ

^ա Երը.՝ աչքերուն առցեւ

^բ Երը.՝ Տէրոջ խօսքը եղաւ

29

Ահաւասիկ այն “նամակին խօսքերը, որ Երեմիա մարգարէն Երուսաղէմէն ղրկեց տարագիրներէն մնացած երէցներուն, քահանաներուն, մարգարէներուն եւ ամբողջ ժողովուրդին, որոնք Նաբուգոնոսոր Երուսաղէմէն Բաբելոն փոխադրեր էր, 2 (Յեզոնիա թագաւորին, բայց-թագուհիին”, պալատականներուն, Յուդայի ու Երուսաղէմի իշխանաւորներուն, գիւսներուն եւ դարբիններուն Երուսաղէմէն ելլելէն ետք,) 3 Սափանի որդիին՝ Եղեասայի ու Քեղկիայի որդիին՝ Գամարիայի ձեռքով (որոնք Յուդայի թագաւորը՝ Սեղեկիա Բաբելոն ղրկեր էր Բաբելոնի Նաբուգոնոսոր թագաւորին,) ըսելով.

4 «Սա՛ կը յայտարարէ զօրքերու Տէրը՝ Իսրայէլի Աստուածը բոլոր տարագիրներուդ, որ Երուսաղէմէն Բաբելոն փոխադրեր եմ. 5 “Տունե՛ր կառուցանեցէք ու բնակեցէք. պարտէզնե՛ր տնկեցէք ու աննց պտուղը կերէք: 6 Կինե՛ր առէք, ու որդինե՛ր եւ աղջիկնե՛ր ծնանեցէք. նաեւ ձեր որդիներուն կիներ առէք, ու ձեր աղջիկները ամուսիններուն տուէք, որպէսզի որդիներ եւ աղջիկներ ծնանին. հոդ քազմացէք, մի՛ քիչնաք: 7 Այն քաղաքին խաղաղութի՛նը ուզեցէք՝ ուր ձեզ փոխադրեր եմ, եւ անոր համար Տէրո՛ց աղօթեցէք, որովհետեւ անոր խաղաղութեամբ ձեզի խաղաղութիւն պիտի ըլլայ□: 8 Արդարեւ զօրքերու Տէրը՝ Իսրայէլի Աստուածը սա՛ կը յայտարարէ. “Զեր մէջ եղող ձեր մարգարէներն ու ձեր դիւթերը ձեզ թող չհրապուրեն, եւ մտիկ մի՛ ընէք ձեր Դերազատեսներուն, 9 որովհետեւ իմ անունովս ստութիւն կը մարգարէանան ձեզի. Ես զանոնք չորկեցի□, կը պատգամէ Տէրը: 10 Արդարեւ Տէրը սա՛ կը յայտարարէ. “Երբ Բաբելոնի եօթանասուն տարին լրանայ, ձեզի պիտի այցելեմ ու ձեզի տուած իմ բարի խոստումս պիտի իրագործես՝ ձեզ այս տեղը վերադարձնելով, 11 քանի որ ձեզի համար մտածած ծրագիրներս գիտեմ,— կը պատգամէ Տէրը.— անոնք բարօրութեան ծրագիրներ են, ոչ թէ չարիք, ձեզի ապագայ մը ու յոյս մը տապու համար: 12 Դուք ինծի պիտի գոչէք, պիտի երթաք եւ ինծի աղօթէք, ու ձեզի մտիկ պիտի ընեմ: 13 Զիս պիտի փնտուէք եւ պիտի գտնէք, որովհետեւ ձեր ամբողջ սիրտով զիս պիտի որոնէք, 14 ես ալ գեզի պիտի յայտնուիմ”,— կը պատգամէ Տէրը:— Ձեզ գերութենէն պիտի վերադարձնեմ. ձեզ պիտի հաւաքեմ բոլոր ազգերէն եւ այն բոլոր տեղերէն՝ ուր ձեզ աքսորեր էի,— կը պատգամէ Տէրը:— Ձեզ պիտի վերադարձնեմ այն տեղը, ուրկէ ձեզ փոխադրեր էի□»: 15 (Արդարեւ դուք ըսիք թէ Տէրը մեզի Բաբելոնի մէջ մարգարէներ հանեց:)

16 Արդարեւ Տէրը սա՛ կը յայտարարէ Դաւիթի գահին վրայ քազմող թագաւորին մասին եւ այս քաղաքին մէջ բնակող ամբողջ ժողովուրդին մասին, ձեզի հետ տարագրութեան չգացող ձեր Եղեայրներուն մասին. 17 «Զօրքերու Տէրը սա՛ կը յայտարարէ. “Ահա՛ ես անոնց մէջ պիտի ղրկեմ սուրը, սովո՞ ու ժանտախտը, եւ զանոնք շատ գէշ թուզերու պիտի վերածեմ, որոնք այնքան գէշ են՝ որ կարելի չէ ուտել: 18 Զանոնք սուրով, սովով ու

^ա Եբր.՝ գրութեան

^բ Եբր.՝ տիրուհիին

^գ Կամ՝ արհեստաւորներուն

^դ Եբր.՝ տեսնել տուած երազներուն

^ե Եբր.՝ խաղաղութեան

^գ Եբր.՝ ձեզմէ պիտի գտնուիմ

^է Եբր.՝ դարձնեմ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

ժանտախտով պիտի հալածեմ, եւ զանոնք սոսկումի պիտի մատնեմ երկրի բոլոր թագաւորութիւններուն մէջ. **զանոնք** անէծքի, ապշութեան, սուլոցի ու նախատինքի **Ենթակայ պիտի ընեմ** այն բոլոր ազգերուն մէջ՝ ուր զանոնք պիտի աքսորեմ: **19** Արդարեւ իմ խօսքերս մտիկ չըրին, – կը պատգամէ **Տէրը**, – երբ իմ ծառաներս՝ մարգարէները անոնց ղրկեցի: Կանուխ ելլելով **զանոնք** ղրկեցի, բայց մտիկ չըրին, – կը պատգամէ **Տէրը**: – **20** Ուրեմն մտիկ ըրէք **Տէրոց խօսքը**, դո՞ւք՝ բոլոր տարագիրներդ, որ երուսաղէմէն Բաբելոն վտարեցի: **21** Իմ անունովս ձեզի ստութիւն մարգարէացող Կովկասի որդիին՝ Աքաարի մասին, ու Մաասիայի որդիին՝ **Սեղեկիայի** մասին գորքերու **Տէրը՝ Իսրայէլի Աստուածը** սա՝ կը յայտարարէ. "Ահա՝ ես զանոնք Բաբելոնի Նաբուգոդոնոսոր թագաւորին ձեռքը պիտի մատնեմ, ու ձեր աչքերուն առջեւ զիրենք պիտի զարնէ: **22** Բաբելոն եղող Յուղայի բոլոր տարագիրներուն մէջ՝ անոնց **պատիժէն սա՝** անէծքը պիտի առնուի՝ ըսելով. «**Տէրը քեզ Բաբելոնի** թագաւորին կրակի մէջ խորոված **Սեղեկիայի** եւ Աքաարի պէս ընէ»: **23** Արդարեւ անոնք Իսրայէլի մէջ անզգամութիւն գործեցին. իրենց ընկերներուն կիներուն հետ շնուրութիւն ըրին, եւ իմ անունովս սուտ խօսքեր արտասանեցին, որ ես իրենց չհրամայեցի. բայց ես գիտեմ ու վկայ եմ", կը պատգամէ **Տէրը**□»:

ՍԵՄԱՅԻԱՅԻ ՆԱՄԱԿԸ

24 Նեհելամացի **Սեմայիայի ըսէ՛**. **25** «Զօրքերու **Տէրը՝ Իսրայէլի Աստուածը** սա՝ կը յայտարարէ. "Դուն երուսաղէմ եղող ամբողջ ժողովուրդին, Մաասիայի որդիին՝ **Սոփոնիա քահանային** ու բոլոր քահանաներուն քու անունովդ նամակներ ղրկեցիր՝ ըսելով. **26** "Տէրը քեզ Յովիադա քահանային տեղ քահանայ կարգեց՝ որպէսզի **Տէրոց տան վերատեսուչ ըլլաս**, եւ ամէն խելագար մարդ՝ որ ինքզինք մարգարէ կը ձեւացնէ՝ բգելարանի եւ անուրի մէջ դնես: **27** Ուրեմն ինչո՞ւ ձեզի **մարգարէացող Անաթովթացի** Երեմիան չսաստեցիր, **28** որովհետեւ ան մեզի **համակ ղրկեց Բաբելոն՝ ըսելով**. «Այս **տարագրութիւնը** Երկար պիտի ըլլայ. տուներ՝ կառուցանեցէք ու **մէջը** բնակեցէք, պարտէզներ՝ տնկեցէք եւ անոնց պտուղը կերէք»□»: **29** Սոփոնիա քահանան կարդաց այս նամակը Երեմիա մարգարէին ականջներուն: **30** Ապա 'Տէրը խօսեցաւ' Երեմիայի՝ ըսելով. **31** «Բոլոր տարագիրներուն լո՛ւր որկէ եւ ըսէ՛. "Նեհելամացի **Սեմայիայի** մասին **Տէրը սա՝** կը յայտարարէ. "Քանի Սեմայիա ձեզի մարգարէացաւ, թէպէտ ես զայն չղրկեցի, ու ձեզի ստութեան վստահիլ տուաւ, **32** **Տէրը սա՝** կը յայտարարէ. «Ահա՝ ես Նեհելամացի **Սեմայիան** եւ անոր զարմը պիտի **պատժեմ**. ո՛չ մէկ մարդ պիտի ումենայ՝ որ այս ժողովուրդին մէջ բնակի, ո՛չ ալ պիտի տեսնէ այն բարիքը՝ որ իմ ժողովուրդիս պիտի ընեմ, – կը պատգամէ **Տէրը**, – որովհետեւ **Տէրոց դէմ ապստամբութիւն յայտարարեց**»□»:

^բ **Երը.**՝ չըրիք

^բ **Այսինքն**՝ տանջարանի

^ծ **Այսինքն**՝ Երկարէ օղակի

^հ **Կամ՝ ինքզինք մարգարէ ձեւացնող**

^լ **Երը.**՝ **Տէրոց խօսքը եղաւ**

^{իւ} **Երը.**՝ հատուցանեմ

30

Երեմիայի “ուղղուած խօսքը Տէրոջմէն՝ որ ըսաւ. **2** «Տէրը՝ հսրայէլի Աստուածը սա՛ կը յայտարարէ. “Քեզի համար գրէ՛ բոլոր քեզի ըսած խօսքերս գիրքի մը մէջ: **3** Արդարեւ ահա՛ պիտի գան օրերը, – կը պատգամէ Տէրը, – երբ իմ ժողովուրդիս՝ հսրայէլի եւ Յուղայի գերիները պիտի վերադարձնեմ, – կը յայտարարէ Տէրը: – Զանոնք պիտի վերադարձնեմ այն երկիրը՝ որ իրենց հայրերուն տուի, որպէսզի անոր տիրանան»:

4 Ահա՛ւասիկ հսրայէլի մասին ու Յուղայի մասին Տէրոջ ըսած խօսքերը:–

5 «Տէրը սա՛ կը յայտարարէ.

“^ՊՍարսափի ձայն մը լսեցինք.

Երկիւղ կայ, ո՛չ թէ խաղաղութիւն:

6 Ուրեմն հարցուցէ՛ք ու տեսէ՛ք,

Արդեօք ^Պայր մարդը” **զաւակ** կը ծնանի^Պ.

Ինչո՞ւ ամէն ^Պկտրին

Ծննդաբերող **կնոք** պէս ծեռքերը մէջքը **դրած է**,

Ու բոլոր երեսները դեղին դարձած են:

7 Վա՛յ, որովհետեւ ատիկա մեծ օր է. անոր նմանը չկայ:

Ատիկա Յակորի տագնապի ժամանակն է,

Բայց անկէ պիտի ազատի^Պ:

8 «Արդարեւ այդ օրը, – կը պատգամէ զօրքերու Տէրը, –

Անոր լուծը քու վիզիդ վրայէն պիտի կոտրեմ,

Կապերդ պիտի փրցնեմ,

Եւ անգա՛մ մըն ալ օտարները ^Պզայն պիտի չստրկացնեն.

9 Հապա անոնք պիտի ծառայեն իրենց Տէր Աստուծոյն,

Ու Դաւիթ թագաւորին՝

Որ ես անոնց պիտի հանեմ»:

10 «Ուստի դուն մի՛ վախնար, ո՛վ իմ ծառաս Յակոր, – կը պատգամէ Տէրը, –

Ո՛վ հսրայէլ, մի՛ զարհուրիր.

Որովհետեւ ահա՛ ես քեզ պիտի ազատեմ հեռաւոր **երկրէն**,

Եւ քու զարմդ՝ իրենց գերութեան երկրէն:

Յակոր պիտի վերադառնայ, ու հանդարտ եւ անխռով պիտի ըլլայ.

Ո՛չ մէկը **զինք** պիտի դողացնէ:

11 Արդարեւ ես քեզի հետ ես, – կը պատգամէ Տէրը, – քեզ ազատելու համար.

Պիտի ^Պճաշնցնեմ այն բոլոր ազգերը՝

Որոնց մէջ քեզ ցրուեցի,

^ա **Եբր.**՝ եղած

^բ **Եբր.**՝ Սարսուորի

^գ **Եբր.**՝ արուն

^դ **Եբր.**՝ զօրաւոր մարդ

^ե **Այսինքն**՝ Յակորը

^զ **Եբր.**՝ սպառեմ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Բայց քեզ պիտի չբնաշնչեմ,
Հապա քեզ՝ չափաւորութեամբ պիտի բպատժեմ,
Սակայն քեզ բոլորովին անմեղ պիտի չսեպեմ»:
- 12 Արդարեւ Տէրը սա՛ կը պատգամէ.
«Զու փլուզումդ մահաբեր է, ու վէրքդ՝ անդարմանելի».
- 13 Զայն թխնամելու համար զու դատդ պաշտպանող մը չկայ,
Քեզի համար դեղ ու զօրացուցիչ չկայ:
- 14 Զու բոլոր հոմանիներդ քեզ մոռցան,
Քեզ չեն փնտոներ.
Որովհետեւ քեզ թշնամիի մը «հարուածով զարկի»,
Անգութ մէկու մը պատիժով,
Զու բազմաթիւ անօրէնութիւններուդ համար,
Զանի մեղքերդ շատցան:
- 15 Զու փլուզումիդ համար ինչո՞ւ կ'աղաղակես:
Զու կոտտանքդ մահաբեր է.
Այս բաները զու բազմաթիւ անօրէնութիւններուդ համար քեզի ըրի,
Զանի զու մեղքերդ շատցան:
- 16 Հետեւաբար բոլոր անոնք՝ որ քեզ կը հկլեն, պիտի կլլուին.
Զու բոլոր հակառակորդներդ գերութեան պիտի երթան.
Քեզ յափշտակողները պիտի յափշտակուին,
Ու բոլոր քեզ կողոպտողները կողոպտուելու պիտի մատնեմ:
- 17 Արդարեւ պիտի ապաքինիս»:
Եւ զու վէրքդ պիտի բուժեմ, – կը յայտարարէ Տէրը, –
Որովհետեւ քեզ «Աքսորական կոչեցին, եւ ըսին.
«Այս այն Սիոնն է՝ որ ո՛չ մէկը կը փնտուէ»:
- 18 Տէրը սա՛ կը յայտարարէ.
«Ահա՝ ես Թակորի վրաններուն գերիները պիտի վերադարձնեմ,
Եւ անոր բնակարաններուն պիտի գթամ.
Քաղաքը իր փլատակներուն վրայ պիտի կառուցանուի,
Ու պալատը՝ նախկինին պէս» պիտի բնակուի:
- 19 Անոնց մէջէն ներբող պիտի ծլսուի,
Նաեւ խայտացողներու ծայնը:

^է Եբր.՝ կանոնին համաձայն

^թ Կամ՝ խրատեմ

^թ Եբր.՝ վիրակապով փաթթելու

^ծ Կամ՝ վէրքով վիրաւորեցի

^հ Եբր.՝ լափեն

^լ Եբր.՝ առողջութիւնդ պիտի բարձրացնեմ

^ի Եբր.՝ իր սովորութեան համաձայն

^ծ Եբր.՝ ելլէ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- Զանոնք պիտի բազմացնեմ եւ պիտի չքիշնան,
Զանոնք պիտի փառաւորեմ ու պիտի չստորնանան:
- 20 Անոնց որդիները վաղեմի **օրերուն** պէս պիտի ըլլան,
Անոնց համայնքը իմ առջեւս պիտի հաստատուի,
Եւ բոլոր զիրենք տանջողները պիտի պատժեմ:
- 21 Անոնց՝ ազնուականները իրենցմէ պիտի ըլլան,
Անոնց դեկավարն ալ իրենց մէջէն պիտի ելլէ:
Զայն պիտի մօտեցնեմ, եւ ինծի պիտի մօտենայ.
Որովհետեւ ո՞վ է ան՝ որ ՚ինքնիրեն կը համարձակի՝ ինծի մօտենալ,— կը պատգամէ
Տէրը:
- 22 Դուք իմ ժողովուրդս պիտի ըլլաք,
Ես ալ ձեր Աստուածը պիտի ըլլամ»:
- 23 Ահա՝ *Տէրոց մրրիկը ցասումով՝ բարձրացաւ.*
Ան՝ յարատեւ մրրիկ է,
Ամբարիշտներուն գլուխին վրայ պիտի պայթի:
- 24 *Տէրոց բորբոքած բարկութիւնը պիտի չհեռանայ,*
Մինչեւ որ իր սիրտին՝ մտածումները չիրագործէ ու չհաստատէ.
Վերջին օրերը ասիկա պիտի հասկնաք:

ԻՍՐԱՅԵԼ ՏՈՒՆ ԿԸ ՎԵՐԱԴԱՌՆԱՅ

31

«Այն ատեն,— կը պատգամէ *Տէրը*,—
Իսրայէլի բոլոր գերդաստաններուն Աստուածը պիտի ըլլամ,
Անոնք ալ իմ ժողովուրդս պիտի ըլլան»:

- 2 *Տէրը սա՝ կը յայտարարէ.*
«Սուրէն վերապրող ժողովուրդը անապատին մէջ շնորհք գտաւ,
Երբ ՚իսրայէլ կ’երթար հանգստանալու՝»:
- 3 *Տէրը բաղուց ինծի երեւցաւ՝ ըսելով.*
«Քեզ յաւիտենական սիրով սիրեցի.

⁴ **Եբր.**՝ հատուցանեմ

⁵ **Եբր.**՝ երեւելիները

⁶ **Եբր.**՝ իր սիրտը կ’երաշխաւորէ

⁷ **Եբր.**՝ դուրս ելաւ

⁸ **Եբր.**՝ բնակող

⁹ **Եբր.**՝ ցաւցնէ

¹⁰ **Եբր.**՝ մտադրութիւնները

¹¹ **Կամ** կ’երթայի իսրայէլը խաղաղեցնելու

¹² **Եբր.**՝ հեռուէն

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Հետեւաբար գեղ կարեկցութեամբ **իհօծի** քաշեցի “:
- 4** Թեզ դարձեալ պիտի կառուցանեմ, ու դուն պիտի կառուցանուիս, ո՞վ հսրայէլի կոյսը:
Դա՛րձեալ՝ քու թմբուկներով զարդարուած՝
Խայտացողներու պարին պիտի Դմիանաս:
- 5** Դա՛րձեալ Սամարիայի լեռներուն վրայ այգիներ պիտի տնկես.
Տնկողները պիտի տնկեն եւ անոնց պտուղը պիտի ուտեն:
- 6** Արդարեւ պիտի գայ օրը՝ երբ
Եփրեմի լերան վրայ պահապանները պիտի գոչեն.
“Կանգնեցէք, ու դէպի Սիոն բարձրանանք, **Տէրոց՝ մեր Աստուծոյն**»:
- 7** Արդարեւ **Տէրը** սա՛ կը յայտարարէ.
«Յակորի համար ուրախութեամբ ցնծացէք,
Ազգերու գլուխին համար ցնծութեամբ աղաղակեցէք.
“Չա՛յն բարձրացուցէք”, գովաբանեցէք եւ ըսէք.
“Ո՞վ **Տէր**, փրկէ՛ քու ժողովուրդի,
հսրայէլի մնացորդը»:
- 8** Ահա՛ ես զանոնք հիւսիսի երկրէն պիտի բերեմ,
Զանոնք երկրի ծագերէն պիտի հաւաքեմ,
Եւ անոնց հետ՝ կոյրն ու կաղը,
Յոդին եւ ծննդաբերող **կիհը, բոլորը** միասին.
Մեծ համախմբում մը հոս պիտի վերադառնայ:
- 9** Լալով պիտի գան, եւ աղաչանքներով զանոնք պիտի բերեմ.
Անոնք քալել պիտի տամ դէպի ջուրերու վտակները՝
Ուղիղ ճամբայէ մը, որուն մէջ պիտի չգայթին.
Որովհետեւ հսրայէլի հայր եղայ
Ու Եփրեմ իմ անդրանիկս է:
- 10** «Ո՞վ ազգեր, մտի՛ զրէք **Տէրոց խօսքը**,
Յայտարարէցէք հեռաւոր կղզիներուն եւ ըսէք.
“հսրայէլը ցրուղը զայն պիտի հաւաքէ.
Զայն պիտի պահպանէ, ինչպէս հովիւր իր հօտը **կը պահպանէ**»:
- 11** Արդարեւ **Տէրը** փրկեց Յակորը,
Ու զայն իրմէ ուժեղին ձեռքէն ազատեց:
- 12** Անոնք պիտի գան եւ Սիոնի բարձունքին վրայ ցնծութեամբ **գոչեն**.
Պիտի Դխուժեն դէպի **Տէրոց** բարիքները,
Այսիհը՝ ցորենը, քաղցուն ու իւղը,
Եւ ոչխարներն ու արջառները:
Անոնք անձերը ոռոգուած պարտէզի պէս պիտի ըլլան,
Անգամ մըն ալ պիտի չմարին:
- 13** Այն ատեն կոյսը պարելով պիտի ուրախանայ,
Նաեւ երիտասարդներն ու ծերերը՝ միասին:

^գ **Կամ՝** երկարաձգեցի քեզի կարեկցիլ

^Դ **Եբր.**՝ դուրս ելլես

^Ե **Եբր.**՝ Լսել տուէք

^Գ **Եբր.**՝ հոսին գետի պէս

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Արդարեւ անոնց սուզը բերկրանքի պիտի փոխեմ,
Եւ անոնց տրտմութենէն զիրենք հանգստացնելով՝ պիտի ուրախացնեմ:
- 14 Քահանաներուն անձերը պարարտութեամբ պիտի յագեցնեմ,
Եւ իմ ժողովուրդս իմ բարիքներովս պիտի կշտանայ», կը պատգամէ Տէրը:

ԱՍՏՈՒԾՈՅ ԳՈՒԹԸ ԻՄՐԱՅԵԼԻ ՀԱՆԴԵՊ

- 15 Տէրը սա՛ կը յայտարարէ.
«Ռամայի մէջ ծայն մը լսուեցաւ,
Եղերերգութեան ու դառնագին լացի ծայն.
Ռաքէլ իր որդիներուն համար կու լար,
Եւ կը մերժէր իր որդիներուն համար մխիթարուիլ,
Որովհետեւ անոնք չկային»:
- 16 Տէրը սա՛ կը յայտարարէ.
«Հաղուեցո՞ւր ծայնդ լալէն,
Եւ աչքերո՛ արցունք թափելէն.
Արդարեւ քու աշխատանքդ պիտի վարձատրուի», – կը պատգամէ Տէրը, –
Ու թշնամիին երկրէն պիտի վերադառնան:
- 17 Զու ապագայիդ համար յոյս կայ, – կը պատգամէ Տէրը, –
Զանի որդիներդ իրենց հողամասը պիտի վերադառնան:
- 18 Ի՞րապէս Եփրեմի սա՛ ողբը լսեցի.
“Զիս պատժեցիր, ու ես պատժուեցայ
Լուծի չվարժուած զուարակի պէս.
Զիս վերադարձո՞ւր, որպէսզի դարձի գամ,
Որովհետեւ ո՞վ Տէր, դո՞ւն ես իմ Աստուածս:
- 19 Ի՞րապէս դարձի գալէս ետք զղացի,
Գիտակցելէս ետք ազդրիս զարկի.
Ամչցայ եւ խայտառակուեցայ,
Որովհետեւ երիտասարդութեանս նախատինքը կը կրեմ□:
- 20 Միթէ Եփրեմ ինծի համար պատուական որդի՞է,
ՊՍիրական զաւա՞կ է.
Որովհետեւ իրեն դէմ խօսելէս ետք՝
Ծարունակ զինք կը յիշեմ,
Հետեւաբար իմ ընդերքս կ'ալեկոծի իրեն համար.
Անշո՞ւշտ իրեն պիտի գթամ, – կը պատգամէ Տէրը: –
- 21 Նշանասիւնե՛ր կանգնեցուր քեզի, ծողանշաննե՛ր ցցէ քեզի,
Ուշադրութի՞ւնդ դարձուր “պողոտային” քու գացած ճամբայիդ:

^է Եբր.՝ Արգիլէ՛

^զ Եբր.՝ գործիդ վարձք պիտի ըլլայ

^թ Եբր.՝ Հաճելի

^ժ Եբր.՝ դիր

^ի Եբր.՝ Սիրտդ դիր

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Վերադարձի՞ր, ո՞վ հսրայէլի կոյսը,
Վերադարձի՞ր այս քաղաքներդ:
22 Մինչեւ ե՞րբ կթափառաշրջիկ պիտի ըլլաս",
Ո՞վ ուխտադրուժ աղջիկ.
Որովհետեւ Տէրը երկրի վրայ նոր բան մը ստեղծեց.—
Խկի՞նը պիտի ծդարպասէ Կմարդը»:

ԱՍՏՈՒԾՈՅ ԺՈՂՈՎՈՒՐԴԻՆ ԲԱՐԳԱԻԱՑՈՒՄԸ

23 Զօրքերու Տէրը՝ հսրայէլի Աստուածը սա՛ կը յայտարարէ.
«Դա՛ծեալ Յուղայի երկրին մէջ
Եւ անոր քաղաքներուն մէջ սա՛ խօսքը պիտի ըսեն՝
Երբ զանոնք գերութենէն վերադարձնեմ.
“Տէրը քեզ օրհնէ,
Ո՞վ արդարութեան բնակարան, սո՛ւրբ լեռ□:
24 Հոն միհասին պիտի բնակին՝ Յուղայի եւ իր բոլոր քաղաքներուն մէջ՝
Երկրագործներն ու հօտաղները:
25 Արդարեւ պարտասած անձը պիտի յագեցնեմ,
Եւ ամէն մարած անծ պիտի ծկշտացնեմ»:
26 “Երբ արթնցայ՝ նկատեցի” թէ
Քունս ինծի քաղցր եղած էր:
27 «Ահա՛ կու գան օրերը,— կը պատգամէ Տէրը,—
Երբ հսրայէլի տունն ու Յուղայի տունը
Մարդու սերմ եւ անասունի սերմ պիտի ցանեմ:
28 Ինչպէս խլելու, փլցնելու, քանդելու,
Կործանելու եւ ծորտմեցնելու համար
Անոնց վրայ հսկեցի,
Նոյնպէս **ալ** կառուցանելու եւ տնկելու համար
Անոնց վրայ պիտի հսկեմ,— կը պատգամէ Տէրը:—
29 Այդ օրերը անգա՞մ մըն ալ պիտի չըսեն.
“Հայրերը ազոխ կերան,
Ու որդիներո՛ւն ակուաները մառին□.

¹ **Եբր.**՝ պիտի քաշուիս

² **Եբր.**՝ Է՛գը

³ **Եբր.**՝ շրջապատէ

⁴ **Եբր.**՝ զօրաւոր մարդը

⁵ **Եբր.**՝ հօտերուն հետ մեկնողները

⁶ **Եբր.**՝ լեցնել

⁷ **Եբր.**՝ Ասոր վրայ արթնցայ ու նայեցայ

⁸ **Եբր.**՝ չարիք ընելու

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- 30 Հապա ամէն մարդ ի՞ր անօրէնութեան համար պիտի մեռնի.
Ո՞վ որ ազոխ ուտէ,
Անո՞ր ակռաները պիտի առնեն»:
- 31 «Ահա՝ կու գան օրերը, – կը պատգամէ Տէրը, –
Երբ հսրայէլի տան հետ ու Յուդայի տան հետ
Նոր ուխտ մը պիտի կնքեմ:
- 32 Ո՞չ թէ այն ուխտին պէս՝ որ անոնց հայրերուն հետ կնքեցի,
Այն օրը երբ անոնց ձեռքէն բռնեցի՝
Զանոնք Եգիպտոսի երկրէն հանելու համար.
Որովհետեւ անոնք իմ ուխտս խզեցին,
Թէեւ անոնց վրայ տիրողը ես էի, – կը պատգամէ Տէրը: –
- 33 Հապա այդ օրերէն ետք՝
հսրայէլի տան հետ կնքելիք ուխտս սա՛ է, – կը պատգամէ Տէրը. –
Իմ օրէնքս անոնց ներսը պիտի դնեմ,
Ու զայն անոնց սիրտին վրայ պիտի գրեմ.
Ես անոնց Աստուածը պիտի ըլլամ,
Անոնք ալ իմ ժողովուրդս պիտի ըլլան:
- 34 Անոնք ա՛լ պիտի չսորվեցնեն՝ իւրաքանչիւրը իր ընկերին,
Իւրաքանչիւրը իր եղբօր՝ ըսելով.
“Տէ՛րը ճանչցիր□.
- Հապա անոնց պատիկէն մինչեւ մեծը՝
Բոլորն ալ զիս պիտի ճանչնան, – կը պատգամէ Տէրը, –
Որովհետեւ անոնց անօրէնութիւնը պիտի ներեմ,
Եւ ա՛լ անոնց մեղքը պիտի չյիշեմ»:
- 35 Սա՛ կը յայտարարէ Տէրը,
Որ արեւը՝ հաստատեց օրուան լոյսին համար,
Ու գիշերուան լոյսին համար լուսինին եւ աստղերուն կանոններ դրաւ,
Որ ծովը կը խաղաղեցնէ՝ երբ անոր ալիքները գոռան.
Անոր անունը՝ ջօրքերու Տէր “է:
- 36 «Եթէ այս կանոնները իմ² առջեւս դադրին», – կը պատգամէ Տէրը, –
հսրայէլի զարմն ալ իմ առջեւս ազգ ըլլալէ պիտի դադրի “ընդմիշտ»:
- 37 Տէրը սա՛ կը յայտարարէ.
«Եթէ կարելի ըլլայ վերէն երկինքը չափել,
Ու վարէն երկրի հիմերը հետազոտել,
Ես ալ կրնամ հսրայէլի ամբողջ զարմը մերժել՝
Իրենց բոլոր ըրածներուն համար», կը պատգամէ Տէրը:
- 38 «Ահա՝ կու գան օրերը, – կը պատգամէ Տէրը, –

¹ Այսինքն՝ գրգռուեցան

² Եբր.՝ դրաւ

³ Եբր.՝ Եհովա Սաբաւովթ

⁴ Եբր.՝ առջեւէս հեռանան

⁵ Եբր.՝ բոլոր օրերը

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Երբ Անանայէլի աշտարակէն մինչեւ Անկիւնի դուռը՝
Քաղաքը Տէրոց համար պիտի կառուցանուի.
- 39** Չափելու լարը դարձեալ անոր դիմացէն
Դուրս պիտի ելլէ մինչեւ Գարէթի բլուրը,
Եւ պիտի դառնայ դէպի Գոաթ:
- 40** Դիակներուն ու մոխիրներուն ամբողջ հովիտը,
Նաեւ բոլոր արտերը՝ մինչեւ Կեդրոնի ծորը,
Մինչեւ Զիերու դրան անկիւնը՝ դէպի արեւելք,
Սուրբ պիտի ըլլան Տէրոց.
Ալ երբեք պիտի չխուլուին ու չփլչին»:

ԵՐԵՄԻԱ ԿԸ ԳՆԷ ԱՐՏ ՄԸ

32

Յուղայի Սեղեկիա թագաւորին տասներորդ տարին, **այսինքն՝** Նաբուգոդոնոսորի տասնութերորդ տարին, **ահա՛ասիկ** Տէրոցմէն Երեմիայի “ուղղուած խօսքը: **2** Այդ ատեն Բաբելոնի թագաւորին զօրագունդը Երուսաղէմը կը պաշարէր, ու Երեմիա մարգարէն Յուղայի թագաւորին տունը եղող բանտին բակին մէջ արգելափակուած էր: **3** Արդարեւ Յուղայի Սեղեկիա թագաւորը զայն արգելափակած էր՝ ըսելով. «Ինչո՞ւ մարգարէացար եւ ըսիր. “Տէրը սա՛ կը յայտարարէ. “Ահա՛ ես այս քաղաքը Բաբելոնի թագաւորին ձեռքը պիտի մատնեմ, ու զայն պիտի գրաւէ: **4** Յուղայի Սեղեկիա թագաւորը Զաղդէացիներուն ձեռքէն պիտի չազատի. հապա անջուշտ Բաբելոնի թագաւորին ձեռքը պիտի մատնուի, անոր հետ բերան բերանի պիտի խօսի, եւ իր աչքերը անոր աչքերը պիտի տեսնեն: **5** Ան Սեղեկիան Բաբելոն պիտի տանի, ու ան հոն պիտի մնայ մինչեւ որ ես անոր այցելեմ,— կը պատգամէ Տէրը.՝ եթէ Զաղդէացիներուն դէմ պատերազմիք՝ պիտի չյաջողիք”[□]»:

6 Այն ատեն Երեմիա ըսաւ. «^բՏէրը խօսեցաւ” ինծի՝ ըսելով. **7** “Ահա՛ քու հօրեղբօրդ՝ Սեղումի որդին՝ Անամայէլ քեզի պիտի գայ եւ ըսէ. “Անաթովթի մէջ եղող արտս գնէ՛ քեզի համար, որովհետեւ փրկելու իրաւունքը քո՛ւկդ է՝ որ գնես”[□]»: **8** Տէրոց խօսքին համաձայն իմ հօրեղբօրս որդին՝ Անամայէլ ինծի եկաւ բանտին բակը, եւ ինծի ըսաւ. «Կ’աղերսե՞մ, Բենիամինի երկիրը՝ Անաթովթի մէջ ունեցած արտս գնէ՛, որովհետեւ ժառանգութեան իրաւունքը քուկդ է, ու դո՛ւն փրկագին տալու ես. ուստի գնէ՛ քեզի համար»: Այն ատեն գիտցայ թէ ասիկա Տէրոց խօսքն էր: **9** Ուստի հօրեղբօրս որդիէն՝ Անամայէլէն գնեցի Անաթովթի մէջ եղող արտը, ու դրամը՝ տասնեօթը սիկդ արծաթ՝ կշռեցի եւ տուի անոր: **10** Վաւերագիր մը գրեցի, կնքեցի ու վկաներու ներկայութեան արծաթը կշռով կշռեցի: **11** Ստացուածքին վաւերագիրը – թէ՛ ^գօրէնքին ու սովորութեան համաձայն կնքուածը, թէ՛ ալ բաց եղածը – առի, **12** եւ ստացուածքին վաւերագիրը Մաասիայի որդիին՝ Ներիայի որդիին Բարուքի տուի, հօրեղբօրս որդիին՝ Անամայէլի ներկայութեան, ստացուածքի վաւերագիրին մէջ ստորագրող վկաներու ներկայութեան, բանտի բակին մէջ կեցող բոլոր Հրեաներուն ներկայութեան: **13** Անոնց ներկայութեան՝

^ա **Եբր.**՝ եղած

^բ **Եբր.**՝ Տէրոց խօսքը եղաւ

^գ **Եբր.**՝ պատուէրին

^դ **Եբր.**՝ աչքերուն առջեւ

ԵՐԵՄԻԱՅԻ ՄԱՐԳԱՐԵՐՈՒԹԻՒՆԸ

Բարուքի պատուէր տուի եւ ըսի. **14** «Զօրքերու Տէրը՝ Իսրայէլի Աստուածը սա՛ կը յայտարարէ. “Ա՛ն այս վաւերագիրները – այս կնքուած ստացուածքին վաւերագիրը եւ այս բաց վաւերագիրը – ու զանոնք դի՛ր եխեցիէ անօթի մը մէջ, որպէսզի շատ օրեր ։մնան։»: **15** Որովհետեւ զօրքերու Տէրը՝ Իսրայէլի Աստուածը սա՛ կը յայտարարէ. “Այս երկրին մէջ դա՛րձեալ տուներ, արտեր եւ այգիներ պիտի գնուին։»:

ԵՐԵՄԱՆԻ ԱԴՅՈՑՔԸ

16 Ստացուածքին վաւերագիրը Ներիայի որդիին՝ Բարուքի տալէս ետք, Տէրոց աղօթեցի՝ ըսելով. **17** «Ո՞հ, Տէ՛ր Եհովա, ահա՝ դուն քու մեծ կարողութեամբդ եւ Երկարած բազուկովդ Երկինքն ու Երկիրը հստեղծեցիր. ո՞չ մէկ բան քեզի համար դժուարին է: **18** Դուն հազարաւոր սերունդներու հետ կարեկցութեամբ կը վարուիս, սակայն հայրերուն անօրէնութեան պատիժը անոնցմէ ետք իրենց որդիներուն ծոցը կու տաս. դուն մեծ եւ հզօր Աստուած ես, եւ ոքու անունդ Զօրքերու Տէ՛ր» է: **19** Դուն խորհուրդով մեծ ես, ու գործով՝ զօրաւոր. քու աչքերդ մարդոց որդիներուն ամբողջ ընթացքին վրայ բաց են՝ իւրաքանչիւրին իր ընթացքին համեմատ եւ իր արարքներու պտուղին համեմատ հատուցանելու համար: **20** Դուն Եգիպտոսի Երկրին մէջ նշաններ ու հրաշքներ ըրիր, նաեւ մինչեւ այսօր՝ Իսրայէլի մէջ ու բոլոր մարդոց մէջ, քեզի անուն վաստկելով՝ ինչպէս այսօր կ'երեւնայ: **21** Ջու ժողովուրդ՝ Իսրայէլը Եգիպտոսի Երկրէն հանեցիր նշաններով եւ հրաշքներով, ուժեղ ձեռքով, Երկարած բազուկով ու մեծ արհաւիրքներով: **22** Անոնց տուիր այս Երկիրը, որուն համար իրենց հայրերուն Երդում ըրեր էիր՝ իրենց տալու, Երկիր մը՝ որ կաթ ու մեղը կը հոսեցնէ: **23** Անոնք մտան եւ անոր տիրացան, բայց քու ձայնո մտիկ չըրին ու քու օրէնքիդ համաձայն չընթացան. անոնք չգործադրեցին ամէն ինչ որ անոնց հրամայեր էիր՝ որպէսզի գործադրեն, ուստի այս ամբողջ չարիքը անոնց վրայ բերիր»: **24** Ահա՝ հողաբլուրները քաղաքին ՚ղէմ բարձրացան», որպէսզի զայն գրաւեն. սուրին, սովին ու ժանտախտին պատճառով՝ քաղաքը պիտի մատնուի անոր դէմ պատերազմող Քաղդէացիներուն ձեռքը. ինչ որ՝ Վճռեցիր՝ ՚կ'իրագործուի, եւ ահա՝ կը տեսնես: **25** Բայց դուն, ո՞վ Տէ՛ր Եհովա, ինծի ըսիր. «Չեզի համար ա՛րտը գնէ դրամով, ու վկաններ կանչէ□, մինչ քաղաքը Քաղդէացիներուն ձեռքը կը մատնուի»:

Այսինքն՝ թրծուած կաէ

Գ Կամ՝ գոյատելեն

5 ተያዥ፡ የየከና

բ ԵՐԵՎԱՆԻ իր անունը Եհովա Սաբաւովը

¶ ԵՐՐ.՝ ճամբաներուն

^Ժ ԵՐԵ.՝ հանդիպիլ տուիր

՚ԵՐԵՎԱՆԻ ՀԱՍՏԱԾ

‘ԵՐԵ.՝ խօսեցար

Հ ԵԲՐ. Կ' ԸՆԹԱ

26 Այն ատեն ^ծՏէրը խօսեցաւ“ Երեմիայի՝ ըսելով. **27** «Ահա՛ ե՞ս եմ Եհովան, ամէն մարմինի Աստուածը. միթէ ինձի համար դժուարին քան մը կա՞յ: **28** Հետեւաբար Տէրը սա՛ կը յայտարարէ. “Ահա՛ ես այս քաղաքը Քաղդէացիներուն ձեռքը եւ Բաբելոնի Նաբուգոդոնոսոր թագաւորին ձեռքը պիտի մատնեմ, ու զայն պիտի գրաւէ: **29** Այս քաղաքին դէմ պատերազմող Քաղդէացիները պիտի մտնեն, այս քաղաքը կրակով պիտի վառեն, ու զայն պիտի այրեն այն տուներուն հետ՝ որոնց տանիքներուն վրայ Բահաղի խունկ կը ծխէին եւ ուրիշ աստուածներու թափելիք նուէրներ Կ'Ղնծայէին՝ զիս գրգռելու համար: **30** Արդարեւ Խսրայէլի որդիներն ու Յուդայի որդիները իրենց մանկութենէն ի վեր իմ առջեւս միայն չարիք գործեցին, որովհետեւ Խսրայէլի որդիները իրենց ձեռքերուն գործերով անդադար զիս գրգռեցին[□], – կը պատգամէ Տէրը: – **31** Արդարեւ այս քաղաքը՝ իր կառուցումի օրէն մինչեւ այսօր՝ իմ բարկութեանս եւ ցասումիս համար եղաւ, որպէսզի զայն երեսիս առջեւէն հեռացնեմ՝ **32** Խսրայէլի որդիներուն ու Յուդայի որդիներուն ամբողջ չարիքին պատճառով, որ զիս գրգռելու համար գործեցին թէ՛ իրենք, թէ՛ ալ իրենց թագաւորները, իշխանաւորները, քահանաներն ու մարգարէները, նաեւ Յուդայի մարդիկն ու Երուսաղէմի բնակիչները: **33** Ինձի Կոնակ դարձուցին, եւ ո՛չ թէ՛ երես: Թէպէտ անոնց սորվեցուցի – կանուխ ելլելով սորվեցուցի –, անոնք մտիկ չըրին՝ որ խրատ ընդունին: **34** Հապա իմ անունովս կոչուած տան մէջ իրենց պղծութիւնները դրին՝ զայն պղծելու համար: **35** Ենովմի որդիին ձորին մէջ եղող Բահաղի բարձր տեղերը կառուցանեցին, որպէսզի իրենց որդիներն ու աղջիկները Մողոքի համար կրակէ անցընեն, ինչ որ անոնց չհրամայեցի. **բնա՛** ^ծչմտածեցի որ անոնք այս գարշութիւնը գործեն՝ Յուդայի մեղանչել տալու համար»:

ՅՈՅՍԻ ԽՈՍՏՈՒՄ ՄԸ

36 «Ուստի հիմա Տէրը՝ Խսրայէլի Աստուածը սա՛ կը յայտարարէ այս քաղաքին մասին, որ կ'ըսէք թէ “սուրով, սովով եւ ժանտախտով Բաբելոնի թագաւորին ձեռքը կը մատնուի[□]: **37** Ահա՛ ես զանոնք պիտի հաւաքեմ այն բոլոր Երկիրներէն՝ ուր զանոնք իմ բարկութեամբս, ցասումովս ու մեծ զայրոյթովս աքսորեցի, զանոնք այս տեղը պիտի վերադարձնեմ, եւ ապահովութեամբ պիտի բնակեցնեմ: **38** Անոնք իմ ժողովուրդս պիտի ըլլան, ես ալ անոնց Աստուածը պիտի ըլլամ: **39** Անոնց մէկ սիրտ ու մէկ ճամբայ պիտի տամ, որպէսզի ունդմիշտ ինձմէ վախճան, իրենց եւ իրենցմէ ետք իրենց որդիներուն բարիքին համար: **40** Անոնց հետ յափիտենական ուխտ մը պիտի կնքեմ, որ իրենցմէ չհեռանամ՝ իրենց բարիք ընելու համար, եւ իմ վախս անոնց սիրտին մէջ պիտի դնեմ, որպէսզի ինձմէ չհեռանան: **41** Անոնց բարիք ընելով՝ անոնցմով պիտի բերկրիմ, ու զանոնք ճշմարտապէս այս Երկրին մէջ պիտի տնկեմ՝ ամբողջ սիրտովս եւ ամբողջ անձովս»: **42** Արդարեւ Տէրը սա՛ կը յայտարարէ. «Ինչպէս այս ժողովուրդին վրայ այս ամբողջ մեծ չարիքը բերի, նոյնպէս անոնց վրայ պիտի բերեմ այն ամբողջ բարիքը՝ որ

^ծ Եբր.՝ Տէրոց խօսքը եղաւ

^Կ Եբր.՝ կը թափէին

^Է Եբր.՝ ծոծրակ

^Ճ Եբր.՝ սիրտիս մէջ չբարձրացաւ

^Դ Եբր.՝ բոլոր օրերը

անոնց խոստացայ: **43 Դարձեալ** արտեր պիտի գնուին այս երկրին մէջ, որուն համար կ'ըսէք. “Ամայացած է՝ առանց մարդու եւ անասունի, **ու** Քաղդէացիներուն ձեռքը մատնուած է»: **44** Բենիամինի երկրին մէջ, Երուսաղէմի շրջակայքը եւ Յուդայի քաղաքներուն մէջ, լեռնային քաղաքներուն մէջ, դաշտագետինի քաղաքներուն մէջ ու հարաւային քաղաքներուն մէջ՝ **մարդիկ** դրամով արտեր պիտի գնեն, վաւերագիրներ պիտի գրեն, կնքեն եւ վկաներ կանչեն, որովհետեւ զանոնք գերութենէն պիտի վերադարձնեմ», կը պատգամէ **Տէրը**:

ՅՈՅՍԻ ՈՒՐԻՇ ԽՈՍՏՈՒՄ ՄԸ

33

Երկրորդ անգամ “Տէրը խօսեցաւ” Երեմիայի, երբ ան տակաւին բանտին բակին մէջ արգելափակուած էր, **եւ** ըսաւ. **2** «Սա՛ կը յայտարարէ Տէրը, ՞այս քաղաքը՝ շինող Տէրը, որ զայն հաստատելու համար զայն ծեւակերպեց, որուն անունը Եհովա է. **3** “Ինծի՛ գոչէ, ու քեզի պատասխանեմ. քեզի մեծ եւ ՚խորհրդաւոր բաներ յայտնեմ՝ որ չես գիտեր»: **4** Արդարեւ այս քաղաքին տուներուն ու Յուդայի թագաւորներուն տուներուն մասին – որոնք հողաբլուրներուն եւ սուրին պատճառով փլած են – **Տէրը՝ Իսրայէլի Աստուածը սա՛ կը յայտարարէ.** **5** “ ՞Քաղդէացիներուն դէմ՝ պատերազմելու կու գան. սակայն այդ **տուները** մեռած մարդոց դիակներով պիտի լեցուին, որոնք իմ բարկութեամբ ու ցասումովս պիտի զարնեմ. որովհետեւ ես այս քաղաքէն իմ երեսս ծածկեցի՛ իրենց ամբողջ չարութեան համար: **6** Ահա՛ անոր առողջութիւն ու դարման պիտի բերեմ եւ զանոնք պիտի բուժեմ, ու խաղաղութեան եւ ՚ապահովութեան առատութիւնը անոնց պիտի յայտնեմ: **7** Յուդայի գերիներն ու Իսրայէլի գերիները պիտի վերադարձնեմ, եւ զանոնք նախկինին պէս պիտի ՚հաստատեմ: **8** Զանոնք պիտի մաքրեմ ինծի դէմ՝ գործած իրենց բոլոր անօրէնութիւններէն, ու պիտի ներեմ իրենց բոլոր անօրէնութիւնները՝ **որոնցմով** ինծի դէմ մեղանչեցին եւ ապստամբեցան: **9** Ասիկա ինծի բերկրանքի անուն, գովաբանութիւն ու պարծանք պիտի ըլլայ երկրի բոլոր ազգերուն մէջ: Անոնք պիտի լսեն այն ամբողջ բարիքին մասին՝ որ ես իրենց պիտի ընեմ. ուստի պիտի վախնան եւ սասանին այն ամբողջ բարիքին ու ՚յաջողութեան համար՝ որ ես այս **քաղաքին** պիտի **բնորհնեմ**»:

ա Եբր.՝ Տէրոց խօսքը եղաւ

բ Եբր.՝ զայն

գ Եբր.՝ արգելափակուած

դ Կամ՝ Քաղդէացիները

ե Եբր.՝ ճշմարտութեան

գ Եբր.՝ կառուցանեմ

է Եբր.՝ մեղանչած

ը Եբր.՝ խաղաղութեան

ը Եբր.՝ ընեմ

10 Տէրը սա՛ կը յայտարարէ. «Այս տեղին մէջ,— որուն համար կ'ըսէք. “Անապատ դարձած է՝ առանց մարդու եւ անասունի՛, այսինքն՝ Յուդայի քաղաքներուն մէջ ու Երուսաղէմի փողոցներուն մէջ, որոնք ամայացած են՝ առանց մարդու, բնակիչի եւ անասունի,՝ դարձեալ պիտի լսուին 11 բերկրանքի ձայնը եւ ուրախութեան ձայնը, փեսային ձայնն ու հարսին ձայնը. Աաեւ անոնց ձայնը, որ Տէրոց տունը շնորհակալութեան ընծաներ բերելով՝ կ'ըսէն. “Ներբողեցէ՛ք զօրքերու Տէրը, որովհետեւ Տէրը բարի է, որովհետեւ անոր կարեկցութիւնը յափտենական է՛. արդարեւ այս երկրին գերիները իրենց նախկին վիճակին պիտի վերադարձնեմ», կը յայտարարէ Տէրը: 12 Զօրքերու Տէրը սա՛ կը յայտարարէ. «Այս տեղին մէջ, որ անապատ դարձած է՝ առանց մարդու եւ անասունի, եւ անոր բոլոր քաղաքներուն մէջ դարձեալ հօտեր պառկեցնող հովիւներու բնակարաններ պիտի ըլլան: 13 Լեռնային քաղաքներուն մէջ, դաշտագետինի քաղաքներուն մէջ ու հարաւային քաղաքներուն մէջ, նաեւ Բենիամինի երկրին մէջ, Երուսաղէմի շրջակայքը եւ Յուդայի քաղաքներուն մէջ՝ հօտերը դարձեալ զիրենք համրողին ծեռքերուն տակէն պիտի անցնին», կը յայտարարէ Տէրը:

14 «Ահա՛ պիտի գան օրերը,— կը պատգամէ Տէրը,— երբ հսրայէլի տան համար ու Յուդայի տան համար ծովուած բարի խոստումս պիտի իրագործեմ: 15 Այդ օրերը եւ այդ ատեն՝ Դաւիթէն արդարութեան Շառաւիդ մը պիտի բուսցնեմ, ու ան երկրին մէջ իրաւունք եւ արդարութիւն պիտի կիրարկէ: 16 Այդ օրերը Յուդա պիտի ազատի ու Երուսաղէմ ապահովութեամբ պիտի բնակի, եւ ահա՛ւասիկ անոր անունը՝ որով պիտի կոչուի. “Տէրը՝ մեր արդարութիւնը՛»: 17 Արդարեւ Տէրը սա՛ կը յայտարարէ. «Դաւիթէն հսրայէլի տան գահին վրայ բազմող մարդ պիտի չպակսի: 18 Ո՛չ ալ Ղետացի քահանաներէն ‘ամէն ատեն’ ողջակէզ մատուցանող, հացի ընծայի հետ խունկ ծխող ու զոհ ընծայող մարդ պիտի պակսի իմ առջեւս»:

19 «Տէրը խօսեցաւ” Երեմիայի՝ ըսելով. «Տէրը սա՛ կը յայտարարէ. 20 “Եթէ կարենաք ցերեկուան ուխտս եւ գիշերուան ուխտս խզել, որ ցերեկն ու գիշերը իրենց ժամանակին չըլլան, 21 իմ ծառայիս՝ Դաւիթի հետ կնքած ուխտս ալ պիտի խզուի, որ իր գահին վրայ թագաւորող որդի չունենայ. Աոյնպէս ալ ինծի պաշտօն կատարող Ղետացի քահանաներուն հետ կնքած ուխտս: 22 Ինչպէս երկինքի զօրքերը չեն հաշուուիր ու ծովուն աւազը չի չափուիր, Աոյնպէս պիտի բազմացնեմ իմ ծառայիս՝ Դաւիթի զարմը եւ ինծի պաշտօն կատարող Ղետացիները՛»:

23 «Տէրը խօսեցաւ” Երեմիայի՝ ըսելով. 24 «Չե՞ս Կնկատեր թէ ի՞նչ կը խօսի այս ժողովուրդը՝ ըսելով. «Տէրը իր ընտրած երկու գերդաստանները մերժեց՛: Անոնք իմ ժողովուրդս կ'անարգեն, որպէսզի ան իրենց առջեւ ազգ չսեպուի: 25 Տէրը սա՛ կը յայտարարէ. “Եթէ ցերեկուան ու գիշերուան հետ ուխտ ըրած չեմ, եւ երկինքին ու երկրին կանոններ դրած չեմ, 26 Յակոբի եւ իմ ծառայիս՝ Դաւիթի զարմն ալ պիտի մերժեմ,

^ծ Եբր.՝ խոստացած

^հ Եբր.՝ Դաւիթի համար

^լ Եբր.՝ ամբողջ օրը

^{իւ} Եբր.՝ Տէրոց խօսքը եղաւ

^ծ Եբր.՝ Տէրոց խօսքը եղաւ

^Կ Եբր.՝ տեսներ

որպէսզի ա՛լ անոր զարմէն "կառավարիչներ չնշանակեմ" Աբրահամի, հսահակի ու թակորի զարմին վրայ. որովհետեւ չզանոնք գերութենէն" պիտի վերադարձնեմ եւ անոնց պիտի գթամ□»:

ՊԱՏԳԱՄ ՄԸ ՍԵԴԵԿԻԱՅԻ

34

Երբ Բաբելոնի Նաբուգոնոսոր թագաւորը՝ իր ամբողջ գօրագունդով, երկրի բոլոր թագաւորութիւններով՝ որոնց վրայ ինք կը տիրէր, ու բոլոր ժողովուրդներով Երուսաղէմի դէմ եւ անոր բոլոր քաղաքներուն դէմ կը պատերազէր, Տէրոշմէն Երեմիայի սա՛ խօսքը շուղդուեցաւ.

2 «Տէրը՝ հսրայէլի Աստուածը սա՛ կը յայտարարէ. “Գնա՛, Յուղայի Սեղեկիա թագաւորին խօսէ՛ եւ անոր ըսէ՛. “Տէրը սա՛ կը յայտարարէ. «Ահա՛ այս քաղաքը Բաբելոնի թագաւորին ձեռքը պիտի մատնեմ, ու զայն կրակով պիտի այրէ: 3 Դուն անոր ձեռքէն պիտի չազատիս, հապա անշուշտ պիտի բռնուիս եւ անոր ձեռքը մատնուիս. քու աչքերդ Բաբելոնի թագաւորին աչքերդ պիտի տեսնեն, անոր բերանը քու բերանիդ պիտի խօսի, ու Բաբելոն պիտի երթաս»»: 4 Սակայն մտի՛կ ըրէ Տէրոջ խօսքը, ո՞վ Սեղեկիա, Յուղայի՛ թագաւոր. Տէրը քեզի համար սա՛ կը յայտարարէ. “Դուն սուրով պիտի չմեռնիս, 5 հապա խաղաղութեամբ պիտի մեռնիս: Ինչպէս քեզմէ առաջ եղող քու հայրերուր՝ նախկին թագաւորներուն համար խուճկեր ծխեցին, նոյնպէս քեզի համար պիտի ծխեն. «Վա՛յ, իմ տէ՛րս» ըսելով՝ քու վրադ պիտի հեծեծեն, որովհետեւ ե՛ս ըսի այս խօսքը”, կը պատգամէ Տէրը□»:

6 Ուստի Երեմիա մարգարէն այս բոլոր խօսքերը Յուղայի Սեղեկիա թագաւորին ըսաւ՝ Երուսաղէմի մէջ, 7 մինչ Բաբելոնի թագաւորին գօրագունդը կը պատերազմէր Երուսաղէմի դէմ ու Յուղայի միւս բոլոր քաղաքներուն դէմ, Լաքիսի եւ Ազեկայի դէմ, քանի որ Յուղայի քաղաքներէն ասոնք մնացած էին իբր պարսպապատ քաղաք:

ԳԵՐԻՆԵՐՈՒ ՀԱՆԴԵՊ ԽԱԲԵՊԱՏԻՐ ՎԵՐԱԲԵՐՈՒՄ

8 **Ահա՛ւասիկ** Տէրոշմէն Երեմիայի բուղդուած խօսքը, երբ Սեղեկիա թագաւորը Երուսաղէմի մէջ եղող ամբողջ ժողովուրդին հետ ուխտ կնքեց, որ ազատագրութիւն յայտարարեն. 9 որպէսզի իւրաքանչիւրը ազատ արծակէ իր երրայեցի ստրուկն ու երրայեցի ստրկուհին, եւ ա՛լ ո՛չ մէկը ստրկացնէ իր եղբայրը՝ Հրեան: 10 Բոլոր իշխանաւորներն ու ամբողջ ժողովուրդը՝ որոնք այս “ուխտը կնքած” էին՝ հնազանդեցան, որպէսզի իւրաքանչիւրը ազատ արծակէ իր ստրուկն ու ստրկուհին, եւ ա՛լ զանոնք չստրկացնէ. հնազանդեցան ու զանոնք արծակեցին: 11 Բայց անկէ ետք ո՞հրաժարեցան,

⁶ Եբր.՝ չառնեմ կառավարիչներ ըլլալու

⁸ Եբր.՝ անոնց գերութիւնը

⁹ Եբր.՝ եղաւ

¹⁰ Եբր.՝ եղած

⁹ Եբր.՝ ուխտին մէջ մտած

¹⁰ Եբր.՝ ետ դարձան

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

իրենց ազատ արձակած ստրուկներն ու ստրկուհիները վերադարձուցին, եւ զանոնք բռնադատեցին որ ստրուկ եւ ստրկուհի ըլլան:

12 Ուստի “Տէրը խօսեցաւ” Երեմիայի՝ ըսելով. 13 «Տէրը՝ հսրայէլի Աստուածը սա՛ կը յայտարարէ. “Ես ձեր հայրերուն հետ ուստ կնքեցի այն օրը՝ երբ զանոնք հանեցի Եգիպտոսէն՝ ստրկութեան տունէն, եւ ըսի. 14 ”Եօթը տարուան վախճանին, ձեզմէ իւրաքանչիւրը ազատ պիտի արձակէ իր Երայեցի Եղբայրը՝ որ հիրեն ծախուած է. Վեց տարի քեզի ստրուկ ըլլալէ Ետք՝ զայն քովէդ ազա՛տ արձակէ: Բայց ձեր հայրերը ինծի մտիկ չըրին, եւ իրենց ականջը չդարձուցին: 15 Դուք բատեն մը դարձի Եկաք, եւ ըրիք ինչ որ իմ բառքեւս ուղիղ է՝ իւրաքանչիւրը իր ընկերին ազատագրութիւնը յայտարարելով. նաեւ իմ առջեւս ուստ կնքեցիք այն տան մէջ՝ որ իմ անունովս կոչուած է: 16 Բայց յետոյ հրաժարելով՝ իմ անունս աղարտեցիք. “բոլորդ ալ ձեր” ազատ արձակած եւ իրենց կամքին ձգուած ստրուկներն ու ստրկուհիները վերադարձուցիք, զանոնք բռնադատելով որ ձեզի ստրուկ եւ ստրկուհի ըլլան»:

17 Հետեւաբար Տէրը սա՛ կը յայտարարէ. «Դուք ինծի մտիկ չըրիք, ու ձեզմէ իւրաքանչիւրը իր Եղբօր եւ իր ընկերին ազատագրութիւնը չյայտարարեց. Ուստի ես ձեզի համար սուրին, ժանտախտին ու սովին՝ ազատութիւն պիտի տամ”, – կը պատգամէ Տէրը, – եւ ձեզ Երկրի բոլոր թագաւորութիւններուն մէջ սոսկումի պիտի մատնեմ: 18 Իմ ուստս անտեսող ու իմ առջեւս իրենց կնքած ուստին խօսքերը նշգործադրող մարդիկը պիտի մատնեմ. (որոնք գուարակը Երկութի կտորներուն մէջտեղէն անցան.) 19 Այսինքն՝ Յուդայի իշխանաւորներն ու Երուսաղէմի իշխանաւորները, պալատականները, քահանաներն ու Երկրին ամբողջ ժողովուրդը, որոնք գուարակին կտորներուն մէջտեղէն անցան, 20 զանոնք պիտի մատնեմ իրենց թշնամիներուն ձեռքը եւ իրենց կեանքը փնտողներուն ձեռքը. անոնց դիակները Երկինքի թռչուններուն ու Երկրի գազաններուն ուստելիք պիտի ըլլան: 21 Յուդայի Սեղեկիա թագաւորը եւ անոր իշխանաւորները պիտի մատնեմ իրենց թշնամիներուն ձեռքը, իրենց կեանքը փնտողներուն ձեռքը, ու ձեզմէ ծհեռացող Բարելոնի թագաւորին զօրագունդին ձեռքը»: 22 «Ահա՛ ես հրամայեցի, – կը պատգամէ Տէրը, – եւ զանոնք այս քաղաքը պիտի վերադարձնեմ. անոր դէմ պիտի պատերազմին, զայն պիտի գրաւեն ու կրակով այրեն. այսպէս՝ Յուդայի քաղաքները

^բ Երը.՝ նուաճեցին

^գ Երը.՝ Տէրոց խօսքը Եղաւ

^է Երը.՝ քեզի

^լ Երը.՝ օր

^թ Երը.՝ աչքերուս

^ժ Երը.՝ ձեզմէ իւրաքանչիւրը իր

^ի Երը.՝ անծին

^լ Երը.՝ ազատագրութիւն պիտի յայտարարեմ

^{իւ} Երը.՝ չհաստատող

^ծ Երը.՝ բարձրացող

ամայութեան պիտի Կվերածեմ, առանց բնակիչի»:

ԵՐԵՄԻԱ ԵՒ ՌԵՋԱԲԵԱՆՆԵՐԸ

35

Յուղայի թագաւորին՝ Յովսիայի որդիին Յովսկիմի օրերը, Երեմիայի պուղուած խօսքը Տէրոջմէն՝ որ ըսաւ. **2** «Գնա՛ Ոեքաբեաններուն տունը, խօսէ՛ անոնց հետ, տա՛ր զանոնք Տէրոջ տունը՝ սենեակներէն մէկուն մէջ, եւ գինի՛ խմցուր անոնց»: **3** Ես ալ առի Քաբասինիայի որդիին՝ Երեմիայի որդիին՝ Յեզոնիան, անոր եղբայրներն ու բոլոր որդիները, եւ Ոեքաբեաններուն ամբողջ տունը, **4** ու զանոնք Տէրոջ տունը տարի – Աստուծոյ մարդուն՝ Յեգորիայի որդիին Անանի որդիներուն սենեակը –, որ Սեղումի որդիին՝ Մաասիա դոնապանին սենեակին վրայ եղող իշխանաւորներուն սենեակին քով էր: **5** Ոեքաբեաններու տան որդիներուն առջեւ գինիով լեցուն սկահակներ ու բաժակներ դրի, եւ անոնց ըսի. «Գինի՛ խմեցէք»: **6** Անոնք պատասխանեցին. «Գինի չենք խմեր. քանի որ մեր հայրը, Ոեքաբի որդիին՝ Յովնադաք, մեզի հրամայեց. “Դուք ու ձեր որդիները Երբեք գինի մի՛ խմէք. **7** տուն մի՛ կառուցանէք, սերմ մի՛ ցանէք, այգի մի՛ տնկէք եւ մի՛ ունենաք, հապա ձեր բոլոր օրերը վրաններուն մէջ բնակեցէք, որպէսզի ձեր պանդխտացած Երկրին վրայ շատ օրեր ապրիք: **8** Ուստի մեր հօր՝ Ոեքաբի որդիին Յովնադաքի խօսքը մտիկ ըրինք՝ ամբողջ մեզի պատուիրածին համաձայն. մեր բոլոր օրերուն մէջ՝ մենք, մեր կիները, մեր որդիներն ու աղջիկները գինի չենք խմեր, **9** մեր բնակութեան համար տուններ չենք կառուցաներ, այգի, արտ եւ ցանք չենք ունենար. **10** հապա վրաններու մէջ կը բնակինք, ու հնազանդելով՝ մեր հօր Յովնադաքի ամբողջ մեզի հրամայածը կը գործադրենք: **11** Բայց երբ Բաբելոնի Նարուգոդոնոսոր թագաւորը **այս** Երկրին դէմ բարձրացաւ, ըսինք. “Եկէ՛ք Երուսաղէմ Երթանք, Քաղդէացիներու զօրագունդին եւ Ասորիներու զօրագունդին առջեւէնք. այսպէս՝ Երուսաղէմ կը բնակինք»:

12 Այն ատեն՝ “Տէրը խօսեցաւ” Երեմիայի՝ ըսելով. **13** «Զօրքերու Տէրը՝ Իսրայէլի Աստուածը սա՛ կը յայտարարէ. “Գնա՛ եւ ըսէ՛ Յուղայի մարդոց ու Երուսաղէմի բնակիչներուն. “Իմ խօսքերս մտիկ ընելու համար խրատ չէ՞ք ընդունիր, – կը պատգամէ Տէրը: – **14** Ոեքաբի որդիին՝ Յովնադաքի խօսքերը – որ իր որդիներուն հրամայեր էր գինի չխմել – գործադրուեցան, որովհետեւ իրենց հօր հրամանին հնազանդելով՝ մինչեւ այսօր չեն խմեր. իսկ ես ձեզի խօսեցայ – կանուխ ելլելով խօսեցայ –, սակայն ինձի մտիկ չըրիք: **15** Իմ բոլոր ծառաներս՝ մարգարէները ձեզի ղրկեցի – կանուխ ելլելով ղրկեցի – **եւ** ըսի. «**Զեզմէ** իրաքանչիւրը իր չար ճամբայէն թող դարձի գայ. բարեփոխեցէ՛ք ձեր արարքները, ուրիշ աստուածներու մի՛ հետեւիք եւ զանոնք մի՛ պաշտէք, որպէսզի բնակիք

⁴ **Եբր.**՝ դարձնեմ

⁵ **Եբր.**՝ եղած

⁶ **Եբր.**՝ հողին

⁷ **Եբր.**՝ Արամացիներու, **այսիհքա՛** Սուլրիացիներու

⁸ **Եբր.**՝ Երեսէն

⁹ **Եբր.**՝ Տէրոջ խօսքը եղաւ

¹⁰ **Եբր.**՝ հաստատուեցան

այն էերկրին մէջ՝ որ ծեզի ու ծեր հայրերուն տուի»։ բայց ծեր ականջը չդարձուցիք եւ ինծի մտիկ չըրիք։ **16** Ի՞րապէս Ռեքարի որդիին՝ Յովնադարի որդիները իրենց հօր պատուիրած հրամանը գործադրեցին, բայց այս ժողովուրդը ինծի մտիկ չըրաւ։ **17** Հետեւաբար Տէրը – զօրքերու Աստուածը, Խրայէլի Աստուածը – սա՛ կը յայտարարէ. “Ահա՛ ես Յուդայի ու Երուսաղէմի բոլոր բնակիչներուն վրայ պիտի բերեմ այն ամբողջ շարիքը՝ որ անոնց դէմ Պվճռեր էի. որովհետեւ անոնց խօսեցայ, բայց մտիկ չըրին. զանոնք կանչեցի, բայց չպատասխանեցին»։

18 Երեմիա Ռեքարեաններու տան ըսաւ. «Զօրքերու Տէրը՝ Խրայէլի Աստուածը սա՛ կը յայտարարէ. “Քանի ծեր հօր՝ Յովնադարի պատուէրին հնազանդեցաք, անոր բոլոր հրամանները պահեցիք, եւ ամէն ինչ որ ծեզի պատուիրեց՝ գործադրեցիք, **19** զօրքերու Տէրը՝ Խրայէլի Աստուածը սա՛ կը յայտարարէ. “Ռեքարեան Յովնադարէն իմ առջեւս կայնող մարդ ընդմիշտ պիտի չպակսի”»։

ԲԱՐՈՒԹ ԿԸ ԿԱՐԴԱՅ ՊԱՏԱԾ ՏԱՃԱՐԻՆ ՄԵՋ

36

Յուդայի թագաւորին՝ Յովսիայի որդիին Յովսկիմի չորրորդ տարին, Երեմիայի սա՛ խօսքը առաջանաւ Տէրոջմէն՝ որ ըսաւ. **2** «Քեզի գիրքի պատա՛տ մը առ, ու գրէ՛ անոր վրայ այն բոլոր խօսքերը՝ որ քեզի ըսի Խրայէլի դէմ, Յուդայի դէմ ու բոլոր ազգերուն դէմ, այն օրէն ի վեր՝ երբ **սկսայ** քեզի հետ խօսիլ – Յովսիայի օրերէն – մինչեւ այսօր։ **3** Երբ Յուդայի տունը լսէ այն ամբողջ շարիքին մասին՝ որ կը մտածեմ իրենց ընել, թերեւս իւրաքանչիւրը իր չար ճամբայէն դարձի գայ, որպէսզի ես անոնց անօրէնութիւնն ու մեղքը ներեմ»։

4 Ուստի Երեմիա Ներիայի որդիին՝ Բարութը կանչեց, եւ Բարութ Երեմիայի բերանէն գիրքի պատասի մը վրայ գրեց Տէրոջ անոր ըսած բոլոր խօսքերը։ **5** Յետոյ Երեմիա Բարութի հրամայեց. «Ես հոս արգելափակուած եմ. չեմ կրնար Տէրոջ տունը երթալ։ **6** Ուստի դո՛ւն գնա, ու ծոմապահութեան օրը՝ Տէրոջ տան մէջ ժողովուրդին ականջներուն կարդա՛ Տէրոջ խօսքերը, այն պատասէն՝ որուն վրայ իմ բերանէս գրեցիր. նաեւ զանոնք կարդա՛ իրենց քաղաքներէն եկող ամբողջ Յուդայի ականջներուն։ **7** Թերեւս իրենց աղաչանքը Տէրոջ առջեւ բներկայանայ, եւ իւրաքանչիւրը իր չար ճամբայէն դարձի գայ. քանի որ մեծ է այն բարկութիւնն ու ցասումը՝ որ Տէրը այս ժողովուրդին դէմ Պվճռեր է»։ **8** Ուստի Ներիայի որդիին՝ Բարութ գործադրեց ամէն ինչ որ Երեմիա մարգարէն իրեն հրամայեր էր, **եւ այդ** գիրքէն Տէրոջ խօսքերը կարդաց Տէրոջ տան մէջ։

9 Յուդայի թագաւորին՝ Յովսիայի որդիին Յովսկիմի հինգերորդ տարին, իններորդ

^է **Երը.**՝ հողին վրայ

^է **Երը.**՝ հաստատեցին

^ը **Երը.**՝ խօսեր

^ժ **Երը.**՝ բոլոր օրերը

^ա **Երը.**՝ եղաւ

^բ **Երը.**՝ իյնայ

^գ **Երը.**՝ խօսեր

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

ամիսը, Տէրոց առջեւ ծոմապահութիւն յայտարարեցին Երուսաղէմի ամբողջ ժողովուրդին, ու Յուդայի քաղաքներէն Երուսաղէմ եկող ամբողջ ժողովուրդին: **10** Բարուք այդ գիրքէն Երեմիայի խօսքերը կարդաց ամբողջ ժողովուրդին ականջներուն՝ Տէրոց տան մէջ, Սափան դպիրին որդիին՝ Գամարիայի սենեակը, վերի գալիթը՝ Տէրոց տան նոր դրան մուտքը:

ՊԱՏԱՏԸ ԿԸ ԿԱՐԴԱՑՈՒԻՒ ՊԱՇՏՈՆԵԱՆԵՐՈՒԻՆ

11 Սափանի որդիին՝ Գամարիայի որդիին՝ Միքիա, երբ գիրքէն Տէրոց բոլոր խօսքերը լսեց, **12** թագաւորին տունը՝ դպիրին սենեակը իշաւ. եւ ահա՝ բոլոր իշխանաւորները հոն նստած էին..— Եղիսամա դպիրը, Սեմայիայի որդիին՝ Դաղայիա, Աքոբորի որդիին՝ Եղնաթան, Սափանի որդիին՝ Գամարիա, Անանիայի որդիին՝ Սեղեկիա, ու բոլոր իշխանաւորները: **13** Միքիա անոնց հաղորդեց այն բոլոր խօսքերը՝ որ լսեր էր, երբ Բարուք ժողովուրդին ականջներուն այդ գիրքէն կը կարդար: **14** Բոլոր իշխանաւորները քուսիի որդիին՝ Սեղեմիայի որդիին՝ Նաթանիայի որդիին Յուդին ղրկեցին Բարուքի՝ ըսելով. «Ժողովուրդին ականջներուն կարդացած պատաստ ծե՛ռքդ առ ու հո՛ն եկուր»: Ուստի Ներիայի որդիին՝ Բարուք պատաստ ծե՛ռքը առաւ եւ անոնց գնաց: **15** Անոնք իրեն ըսին. «Կ'աղերսե՛նք, նստէ՛ ու մեր ականջներուն ալ կարդա զայն»: Ուստի Բարուք անոնց ականջներուն կարդաց: **16** Երբ այդ բոլոր խօսքերը լսեցին, վախով իրարու նայեցան եւ Բարուքի ըսին. «Անշուշտ այդ բոլոր խօսքերը թագաւորին պիտի հաղորդենք»: **17** Ապա Բարուքի հարցուցին. «Կ'աղերսե՛նք, պատմէ՛ մեզի թէ ի՛նչպէս գրեցիր այդ խօսքերը անոր բերանէն»: **18** Բարուք անոնց պատասխանեց. «Այս բոլոր խօսքերը ան ինձի ոհաղորդեց իր բերանով, ու ես զանոնք մելանով այս գիրքին մէջ գրեցի»: **19** Այն ատեն իշխանաւորները Բարուքի ըսին. «Գնա՛, պահուըտէ՛, թէ՛ դուն եւ թէ Երեմիա. ո՛չ մէկը թող գիտնայ թէ ո՛ւր էք»:

ԹԱԳԱԻՈՐԸ ԿԸ ՎԱՌԵ ՊԱՏԱՏԸ

20 Յետոյ անոնք բակը գացին՝ թագաւորին քով – բայց պատաստ Եղիսամա դպիրին սենեակը տեղաւորած էին – եւ այդ բոլոր խօսքերը թագաւորին ականջներուն հաղորդեցին: **21** Ուստի թագաւորը Յուդին ղրկեց՝ որ այդ պատաստ բերէ, ան ալ զայն առաւ Եղիսամա դպիրին սենեակէն. Յուդի զայն կարդաց թագաւորին ականջներուն ու թագաւորին քով կայնող բոլոր իշխանաւորներուն ականջներուն: **22** Իններորդ ամիսը ըլլալով՝ թագաւորը ձմեռնատան մէջ նստած էր, եւ առջեւը վառուած կրակարան մը կար: **23** Երբ Յուդի երեք կամ չորս էջ կարդաց, «թագաւորը զայն զմելիով կտրեց ու կրակարանի կրակին մէջ նետեց, մինչեւ որ ամբողջ պատաստ կրակարանի կրակին մէջ զսպառեցաւ: **24** Թագաւորը եւ իր բոլոր ծառաները՝ որ այս բոլոր խօսքերը կը լսէին՝ չվախցան, ո՛չ ալ իրենց հագուստը պատռեցին. **25** Նոյնիսկ երբ Եղնաթան, Դաղայիա ու Գամարիա թագաւորին դիմեցին որ պատաստ չայրէ, անոնց մտիկ չըրաւ: **26** Յետոյ թագաւորը հրամայեց թագաւորի որդիին՝ Յերամէլի, Եգրիէլի որդիին՝ Սարայիայի, եւ Աբդիէլի որդիին՝ Սեղեմիայի, որ Բարուք դպիրն ու Երեմիա մարգարէն բռնեն. բայց Տէրոց

^a Երը.՝ յայտարարեց

^b Երը.՝ ան

^c Երը.՝ հատաւ

զանոնք հպահեց:

ԵՐԵՄԻԱ ԿԸ ԳՐԷ ՈՒՐԻՇ ՊԱՏԱՏ ՄԸ

27 Թագաւորը **այդ** պատատն ու Երեմիայի բերանէն Բարութի գրած խօսքերը այրելէն ետք՝ ^բՏէրը խօսեցաւ՝ “Երեմիայի՝ ըսելով. **28** «Դարձեալ քեզի ուրիշ պատատ մը առ, եւ գրէ՛ անոր վրայ բոլոր նախկին խօսքերը՝ որ Յուդայի Յովակիմ թագաւորին այրած առաջին պատատին մէջ էին: **29** Իսկ Յուդայի Յովակիմ թագաւորին ըսէ՛. “Տէրը սա՛ կը յայտարարէ. ”Դուն այդ պատատը այրեցիր՝ ըսելով. «Ինչո՞ւ անոր վրայ գրեցիր թէ Բաբելոնի թագաւորը անպատճառ պիտի գայ, այս երկիրը պիտի կործանէ, եւ անկէ մարդն ու անասունը պիտի ^բհանէ»՝□:

30 «Հետեւաբար Տէրը Յուդայի Յովակիմ թագաւորին մասին սա՛ կը յայտարարէ. “Ան ո՛չ մէկը պիտի ունենայ՝ որ Դափիթի գահին վրայ բազմի, եւ անոր դիակը ցերեկը ^ծտաքութեան մէջ ու գիշերը սառնամանիքի մէջ պիտի ծգուի: **31** Իրեն, իր զարմին, եւ իր ծառաներուն պիտի հատուցանեմ իրենց անօրէնութիւնը, եւ իրենց, Երուսաղէմի բնակիչներուն ու Յուդայի մարդոց վրայ պիտի բերեմ այն ամբողջ չարիքը՝ որ անոնց դէմ վճռեցի, բայց անոնք մտիկ չըրին»՝□:

32 Երեմիա ուրիշ պատատ մը առաւ ու զայն Ներիայի որդիին՝ Բարութ դպիրին տուաւ: Ան ալ անոր վրայ Երեմիայի բերանէն գրեց Յուդայի Յովակիմ թագաւորին կրակով այրած գիրքին բոլոր խօսքերը. անոնց պէս ուրիշ շատ խօսքեր ալ աւելցան անոնց վրայ:

ՍԵՂԵԿԻԱՅԻ ԽՆԴՐԱՆՁԸ ԵՐԵՄԻԱՅԻ

37

Յովսիայի որդին՝ Սեղեկիա թագաւորը Յովակիմի որդիին՝ Յեքոնիայի տեղ թագաւորեց. Բաբելոնի Նաբուգոնոսոր թագաւորը զինք Յուդայի վրայ թագաւոր նշանակեց: **2** Բայց ո՛չ ինք, ո՛չ իր ծառաները, ո՛չ ալ երկրին ժողովուրդը մտիկ ըրին Տէրոց ըսած խօսքերը՝ Երեմիա մարգարէին ^բմիջոցով:

3 Սեղեկիա թագաւորը Սեղեմիայի որդին՝ Յուքաղը եւ Մաասիայի որդին՝ Սոփոնիա քահանան Երեմիա մարգարէին դրկեց՝ ըսելով. «Կ'աղերսե՛մ, մեզի համար աղօթէ՛ մեր Տէր Աստուծոյն»: **4** Այդ ատեն Երեմիա ժողովուրդին մէջ կը մտնէր ու կ'ելլէր. զինք տակաւին բանտը դրած չէին: **5** Փարաւոնի գօրագունդը Եգիպտոսէն ելեր էր. երբ Երուսաղէմը պաշարող Ջաղդէացիները ^բայդ լուրը լսեցին, Երուսաղէմէն ^բհեռացան:

^բ Եբր.՝ ծածկեց

^բ Եբր.՝ Տէրոց խօսքը եղաւ

^բ Եբր.՝ դադրեցնէ

^ծ Եբր.՝ չորութեան

^ս Եբր.՝ ձեռքով

^բ Եբր.՝ անոնց

^գ Եբր.՝ պաշարումը հանեցին

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

6 Այն ատեն "Տէրը խօսեցաւ" Երեմիա մարգարէին՝ ըսելով. «Տէրը՝ Իսրայէլի Աստուածը սա՛ կը յայտարարէ. **7** “Ինծի խորհուրդ հարցնելու համար ձեզ ինծի ղրկող Յուղայի թագաւորին սա՛ ըսէք. “Ահա՝ ձեզի օգնութեան համար դուրս ելլող Փարաւոնի գօրագունդը իր Երկիրը՝ Եգիպտոս պիտի վերադառնայ: **8** Քաղդէացիներն ալ պիտի վերադառնան եւ այս քաղաքին դէմ պիտի պատերազմին. զայն պիտի գրաւեն ու կրակով այրեն”[□]: **9** Տէրը սա՛ կը յայտարարէ. “Մի՛ հրապուրէք ձեր անձերը՝ ըսելով. “Քաղդէացիները անշուշտ մեզմէ պիտի Երթան”, որովհետեւ պիտի չերթան: **10** Արդարեւ թէեւ ձեզի դէմ պատերազմող Քաղդէացիներուն ամբողջ գօրագունդը զարնէք եւ անոնցմէ միայն քանի մը խոցուած մարդիկ մնան, անոնցմէ իրաքանչիւրը իր վրանին մէջ պիտի կանգնի, եւ այս քաղաքը կրակով պիտի այրեն”[□]:

ԵՐԵՄԻԱ ԿԸ ԶԵՐԲԱԿԱԼՈՒԻՒ ՈՒ ԿԸ ԲԱՆՏԱՐԿՈՒԻՒ

11 Երբ Քաղդէացիներուն գօրագունդը Փարաւոնի գօրագունդին պատճառով Երուսաղէմէն հեռացաւ, **12** Երեմիա Երուսաղէմէն ելաւ որ Բենիամինի Երկիրը Երթայ՝ անկէ իր բաժինը առնելու ժողովուրդին մէջ: **13** Երբ ան Բենիամինի դուռն էր, հոն եռստիկանապետ մը կար, Անանիայի որդիին՝ Սեղեմիայի որդին, Յերիա անունով: Ան Երեմիա մարգարէն բռնեց եւ ըսաւ. «Դուն Քաղդէացիներուն Կողմը կ'անցնիս”»: **14** Երեմիա պատախանեց. “ԷՍուտ է, ես Քաղդէացիներու կողմը չեմ անցնիր”[□]. բայց ան իրեն մտիկ չըրաւ: Յերիա Երեմիան ձերբակալեց ու զինք տարաւ իշխանաւորներուն: **15** Իշխանաւորները Երեմիայի զայրացան, զինք ծեծեցին եւ բանտարկեցին Յովնաթան դպիրին տան մէջ. արդարեւ այդ տունը բանտ ըրեր էին:

16 Երբ Երեմիա բանտը եւ խուցերը մտաւ, ^բու Երկար ժամանակ հոն մնաց, **17** Սեղեկիա թագաւորը **մարդ** որկեց եւ զայն բերել տուաւ: Թագաւորը զայն ծածկաբար հարցուփորձն իր տան մէջ, եւ ըսաւ. «Արդեօք Տէրոջմէն խօսք մը կա՞յ»: Երեմիա պատախանեց. «Կայ»: Նաեւ ըսաւ. «Դուն Բարելոնի թագաւորին ձեռքը պիտի մատնուիս»: **18** Յետոյ Երեմիա Սեղեկիա թագաւորին ըսաւ. «Քեզի, կամ ծառաներուդ, կամ այս ժողովուրդին դէմ ի՞նչպէս մեղանչեցի, որ զիս բանտը դրիք: **19** Ո՞ւր են ձեր մարգարէները, որոնք ձեզի կը մարգարէանային՝ ըսելով. “Բարելոնի թագաւորը ձեզի դէմ եւ այս Երկրին դէմ պիտի չգայ”[□]: **20** Հիմա կ'աղերսե՞մ, ո՞վ թագաւոր, իմ տէ՞րս, մտի՞կ ըրէ. թող աղաչանքս ^բքեզմէ ընդունուի”, ու զիս մի՛ վերադարձներ Յովնաթան դպիրին տունը, որ հոն չմեռնիմ»: **21** Սեղեկիա թագաւորը հրամայեց որ Երեմիան բանտին բակը տեղաւորուի, եւ ամէն օր հացագործներուն փողոցէն հացի նկանակ մը տրուի անոր, մինչեւ որ քաղաքին ամբողջ հացը հատաւ: Այսպէս՝ Երեմիա բանտին բակին մէջ մնաց:

^բ **Երբ.**՝ Տէրոջ խօսքը եղաւ

^բ **Երբ.**՝ Վերատեսչութեան տէր

^բ **Երբ.**՝ Կ'իյնաս

^բ **Կամ** Կեղծիք

^բ **Երբ.**՝ ու Երեմիա

^բ **Երբ.**՝ քու առջեւդ իյնայ

38

Մատթանի որդին՝ Սափատիա, Փասուրի որդին՝ Գոդողիա, Սեղեմիայի որդին՝ Յուքազ ու Սեղիայի որդին՝ Փասուր լսեցին Երեմիայի ըսած խօսքերը ամբողջ ժողովուրդին. ան ըսաւ. «Տէրը սա՛ կը յայտարարէ. **2** “Այս քաղաքին մէջ կեցողը սուրով, սովով ու ժանտախտով պիտի մեռնի: Իսկ ո՞վ որ Քաղեացիներուն յանձնուի, ողջ պիտի մնայ. անոր կեանքը աւարի մը պէս պիտի ըլլայ իրեն, ու պիտի ապրի՛: **3** Տէրը սա՛ կը յայտարարէ. “Այս քաղաքը անպատճառ Բարելոնի թագաւորին գօրագունդին ձեռքը պիտի մատնուի, որ զայն պիտի գրաւէ՛»: **4** Իշխանաւորները թագաւորին ըսին. «Կ’աղերսե՛նք, թող այս մարդը մեռցուի, որովհետեւ այս քաղաքին մէջ մնացած պատերազմիկներուն ձեռքերն ու ամբողջ ժողովուրդին ձեռքերը կը թուցնէ՛ անոնց այսպիսի խօսքեր ըսելով. արդարեւ այս մարդը այս ժողովուրդին խաղաղութիւնը չ’ուզեր, հապա՛ անոր չարիքը»: **5** Սեղեկիա թագաւորը ըսաւ. «Ահա՛ անիկա ձեր ձեռքն է, որովհետեւ թագաւորը ձեզի հակառակ ոչինչ կրնայ ընել»: **6** Ուստի Երեմիան բռնեցին ու զայն թագաւորին որդիին՝ Սեղիայի գուբը նետեցին, որ բանտին բակին մէջ էր. Երեմիան պարաններով իշեցուցին: Այդ գուբին մէջ ջուր չկար, հապա միայն բսիկ. ուստի Երեմիա սիկին մէջ մխրճուեցաւ:

7 Երբ թագաւորին տունը եղող պալատականներէն Եթովպիհացի Արդեմելէք լսեց թէ Երեմիան գուբը գծեցին, թագաւորը Բենիամինի դուռը բազմած էր: **8** Արդեմելէք թագաւորին տունէն ելաւ ու թագաւորին խօսեցաւ՝ ըսելով. **9** «Ո՛վ թագաւոր, իմ տէ՛րս, այս մարդիկը չարիք գործեցին՝ **այդ** բոլորը Երեմիա մարգարէին ընելով **եւ** զայն գուբը նետելով. արդարեւ ան իր եղած տեղը անօթութենէն “պիտի մեռնի”, որովհետեւ քաղաքին մէջ ա՛ հաց չկայ»: **10** Թագաւորը Եթովպիհացի Արդեմելէքի հրամայեց. «Ասկէ Երեսուն մարդ առ քեզի հետ, ու գուբէն հանէ՛ Երեմիա մարգարէն՝ քանի մեռած չէ»: **11** Ուստի Արդեմելէք իրեն հետ առաւ մարդիկը, եւ թագաւորին տունը գնաց՝ շտեմարանին տակ. անկէ մաշած քուրցեր ու մաշած ցնցոտիներ առաւ, եւ զանոնք պարաններով գուբը՝ Երեմիայի իշեցուց: **12** Եթովպիհացի Արդեմելէք Երեմիայի ըսաւ. «Դի՛ր **այս** մաշած քուրցերն ու ցնցոտիները անութերուդ տակ՝ պարաններուն տակ»: Երեմիա ալ այդպէս ըրաւ: **13** Երեմիան պարաններով քաշեցին եւ զինք գուբէն դուրս հանեցին. ու Երեմիա բանտին բակին մէջ մնաց:

ՍԵՂԵԿԻԱ ԿԸ ԴԻՄԵ ԵՐԵՄԻԱՅԻ ԽՈՐՀՈՒՐԴԻՆ

14 Սեղեկիա թագաւորը **մարդ** դոկեց, Երեմիա մարգարէն իր քով քերել տուաւ՝ Տէրոց տան երրորդ մուտքը, ու թագաւորը Երեմիայի ըսաւ. «Քեզի բան մը պիտի հարցնեմ. ոչինչ պահէ ինձմէ»: **15** Երեմիա Սեղեկիայի պատախանեց. «Եթէ քեզի իմացնեմ, զիս **անշուշտ** պիտի չմեռցնե՞ս. ու Եթէ քեզի խորհուրդ տամ, ինձի մտիկ պիտի չընես»: **16** Բայց Սեղեկիա թագաւորը Երեմիայի ծածկաբար երդում ըրաւ եւ ըսաւ. «Սեզի այս հոգին

^ա **Եբր.**՝ քով դուրս ելլէ

^բ **Այսինքն**՝ յատակի տիղմ

^գ **Եբր.**՝ դրին

^դ **Կամ՝ արդէն** կը մեռնի

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

Եստեղծող Տէրը կ'ապրի. քեզ պիտի չմեռցնեմ, ո՞չ ալ քեզ պիտի մատնեմ այս մարդոց ձեռքը, որոնք քու կեանքդ կը փնտռեն»: 17 Այն ատեն Երեմիա Սեղեկիայի ըսաւ. «Տէրը, գօրքերու Աստուածը, իսրայէլի Աստուածը սա՝ կը յայտարարէ. “Եթէ ‘յօժարութեամբ յանձնուիս’ Բաբելոնի թագաւորին իշխանաւորներուն, քու անձդ ողջ պիտի մնայ, եւ այս քաղաքը կրակով պիտի չայրի. դուն ու տունդ պիտի ապրիք: 18 Բայց եթէ չյանձնուիս Բաբելոնի թագաւորին իշխանաւորներուն, այս քաղաքը Քաղդէացիներուն ձեռքը պիտի մատնուի, որոնք զայն կրակով պիտի այրեն, եւ դուն անոնց ձեռքէն պիտի չազատիս»: 19 Սեղեկիա թագաւորը Երեմիայի ըսաւ. «Քաղդէացիներուն ‘կողմը անցած’ Հրեաներէն կը զարհուրիմ, որ զիս անոնց ձեռքը չմատնեն ու անոնք զիս չանպատուեն»: 20 Երեմիա պատասխանեց. «Պիտի չմատնեն. կ'աղերսե՞մ, մտի՞կ ըրէ Տէրոց խօսքը՝ որ քեզի կ'ըսեմ, որպէսզի քեզի բարիք ըլլայ եւ անձդ ողջ մնայ: 21 Բայց եթէ մերժես յանձնուիլ, ահա՛ւասիկ Տէրոց ինձի ցոյց տուած բտեսիլքը. – 22 Ահա՛ Յուղայի թագաւորին տունը մնացած բոլոր կիները Բաբելոնի թագաւորին իշխանաւորներուն պիտի բտարուին, եւ այդ կիները պիտի ըսեն. “Քեզի խաղաղութիւն ծանուցանող մարդիկը կրցան քեզ համոզել”. Երբ ոտքերդ տիղմին մէջ միրճուեցան, անոնք ետ քաշուեցան: 23 Զու բոլոր կիներդ ու որդիներդ Քաղդէացիներուն պիտի հտանին. դուն ալ անոնց ձեռքէն պիտի չազատիս, հապա Բաբելոնի թագաւորին ձեռքով պիտի բռնուիս, եւ դուն պատճառ պիտի ըլլաս որ այս քաղաքը կրակով այրի”»: 24 Սեղեկիա Երեմիայի ըսաւ. «Այս խօսքերուն ո՞չ մէկը թող տեղեկանայ, որ դուն չմեռնիս: 25 Եթէ իշխանաւորները լսեն թէ քեզի հետ խօսեցայ, ու քեզի գան եւ ըսեն. “Այժմ իմացուր մեզի, ի՞նչ խօսեցար թագաւորին հետ. մեզմէ մի՛ պահեր, որ քեզ չմեռցնենք. թագաւորը քեզի հետ ի՞նչ խօսեցաւ», 26 պատասխանէ՛ անոնց. “Ես թագաւորին առջեւ աղաչանքս հերկայացուցի՝ որ զիս Յովնաթանի տունը չվերադառնէ, որ հոն չմեռնիմ»: 27 Արդարեւ բոլոր իշխանաւորները Երեմիայի եկան եւ զինք հարցուփորձեցին. ինք ալ անոնց իմացուց այս բոլոր խօսքերուն համաձայն՝ որ թագաւորը հրամայեր էր: Ուստի հիրեն հետ խօսելէն դադրեցան”, որովհետեւ գաղտնիքը չյայտնուեցաւ”: 28 Երեմիա բանտին բակին մէջ մնաց՝ մինչեւ Երուսաղէմի գրաւումի օրը. ինք հոգ էր Երբ Երուսաղէմ գրաւուեցաւ:

^ե Երբ.՝ ընող

^գ Երբ.՝ յանձնուելով յանձնուիս

^է Երբ.՝ քով ինկած

^զ Երբ.՝ բանը

^թ Երբ.՝ դուրս հանուին

^ժ Կամ՝ Զու խաղաղութեանդ մարդիկը քեզ համոզեցին ու քեզի յաղթեցին

^ի Երբ.՝ դուրս հանեն

^լ Երբ.՝ այս քաղաքը կրակով պիտի այրես

^{իւ} Երբ.՝ ձգեցի

^ծ Երբ.՝ լոեցին

^կ Երբ.՝ բանը չլսուեցաւ

39

Յուղայի Սեղեկիա թագաւորին իններորդ տարին, տասներորդ ամիսը, Բաբելոնի Նաբուգոդոնոսոր թագաւորը իր բոլոր զօրագունդերով Երուսաղէմ եկաւ, ու զայն պաշտեցին: **2** Սեղեկիայի տասնմէկերորդ տարին, չորրորդ ամիսը, ամսուան իննին քաղաքին **պարիսպը** ճեղքուեցաւ, **3** եւ Բաբելոնի թագաւորին բոլոր իշխանաւորները, **այսինքն՝** Ներգեղսարասար, Սամեգարնաբաւ, “Սարսեքիմ” պալատականներու պետը, Ներգեղսարասար մոգպետն” ու Բաբելոնի թագաւորին բոլոր մնացած իշխանաւորները մտան եւ միջին դուռը **բգրաւեցին:**

4 Երբ Յուղայի Սեղեկիա թագաւորն ու բոլոր պատերազմիկները զանոնք տեսան, փախան եւ գիշերուան մէջ քաղաքէն դուրս ելան՝ թագաւորին պարտէզին ճամբայէն, երկու պարիսպներուն մէջտեղի դռնէն: **5** Քաղդէացիներուն զօրագունդերը զանոնք հետապնդեցին, ու Երիքովի դաշտերուն մէջ Սեղեկիայի հասան: Զայն բռնեցին եւ Եմաթի երկիրը՝ Ռեբղա բարձրացուցին, Բաբելոնի Նաբուգոդոնոսոր թագաւորին առջեւ, որ անոր դատավճիռը արձակեց: **6** Բաբելոնի թագաւորը Ռեբղայի մէջ Սեղեկիայի որդիները անոր աչքերուն առջեւ մորթեց. Բաբելոնի թագաւորը Յուղայի բոլոր ազնուականներն ալ մորթեց: **7** Յեսոոյ Սեղեկիայի աչքերը կուրցուց, ու զայն պղինձէ **շղթաներով** կապեց՝ որպէսզի Բաբելոն տանի: **8** Քաղդէացիները կրակով այրեցին թագաւորին տունը եւ ժողովուրդին տուները, ու Երուսաղէմի պարիսպները փլցուցին: **9** Նաբուգարդան թիկնապահապետը Բաբելոն փոխադրեց քաղաքին մէջ մնացած ժողովուրդին մնացորդը, իր “կողմը անցած” ողասալիքները եւ ժողովուրդին ուրիշ մնացորդները: **10** Սակայն Նաբուգարդան թիկնապահապետը Յուղայի երկրին մէջ թողուց ժողովուրդին չքաւորները՝ որ ոչինչ ունէին, ու նոյն օրը անոնց այգիներ եւ արտեր տուաւ:

ԵՐԵՄԻԱ ՎԵՐՍԻՆ Կ'ԱԶԱՏԻ

11 Բաբելոնի Նաբուգոդոնոսոր թագաւորը Երեմիայի համար Նաբուգարդան թիկնապահապետին պատուիրեց. **12** «Ա՞ն զայն ու եհո՛ք տար անոր». ո՛չ մէկ չարիք ըրէ անոր, հապա վարուէ՛ անոր հետ ինչպէս որ ինք քեզի ըսէ»: **13** Նաբուգարդան թիկնապահապետը, Նաբուսագարան պալատականներու պետը, Ներգեղսարասար մոգպետը եւ Բաբելոնի թագաւորին բոլոր պետերը **մարդ** որկեցին, **14** Երեմիան բանտին բերել տուին ու զինք յանձնեցին Սափիանի որդիին՝ Աքիկամի որդիին՝ Գոդողիայի, որպէսզի զայն տունը **տանի:** Այսպէս ան ժողովուրդին մէջ բնակեցաւ:

^ա **Կամ** Սարսեքիմ, Ռաբսարիս, Ներգեղսարասար, Ռաբմագ

^բ **Եբր.**՝ Աստան

^գ **Եբր.**՝ քով ինկած

^դ **Եբր.**՝ ինկողները

^ե **Եբր.**՝ աչքդ անոր վրայ թող ըլլայ

^գ **Եբր.**՝ դուրս հանէ

15 «Տէրը խօսեցաւ» Երեմիայի, երբ ան բանտին բակին մէջ արգելափակուած էր, ըսելով. 16 «Գնա՛ ու Եթովպիացի Արդեմելէքի ըսէ՛. «Զօրքերու Տէրը՝ Իսրայէլի Աստուածը սա՛ կը յայտարարէ. «Ահա՛ ես այս քաղաքին մասին ըսած խօսքերս պիտի ՚իրագործեմ շարիքի համար, ո՛չ թէ բարիքի, եւ այդ օրը քու ՚առջեւու պիտի կիրարկուին: 17 Այդ օրը քեզ պիտի ազատեմ, – կը պատգամէ Տէրը, – ու պիտի չմատնուիս այն մարդոց ձեռքը՝ որոնցմէ կը վախնաս: 18 Արդարեւ քեզ անշուշտ պիտի ազատեմ, եւ սուրով պիտի չիյնաս. կեանքդ քեզի աւարի մը պէս պիտի ըլլայ, քանի որ ինծի վստահեցար», կը պատգամէ Տէրը□»:

ԵՐԵՄԻԱ ԿԸ ՄՆԱՅ ԳՈՂՈՂԻԱՅԻ ՔՈՎ

40

«Տէրը խօսեցաւ» Երեմիայի՝ Նաբուզարդան թիկնապահապետին զինք Ռամայէն արձակելէն ետք. երբ ան զինք բերել տուաւ, շղթաներով կապուած էր Բաբելոն փոխադրուող Երուսաղէմի ու Յուդայի բոլոր տարագիրներուն մէջ:

2 Թիկնապահապետը Երեմիան ընդունելով՝ անոր ըսաւ. «Տէրը՝ քու Աստուածդ այս տեղին դէմ այս չարիքը ՞վճռած էր: 3 Տէրը զայն ՚իրագործեց, եւ իր ըսածին համաձայն վարուեցաւ, քանի որ Տէրոց դէմ մեղանչեցիք եւ անոր խօսքը մտիկ չըրիք. ուստի այս բանը ձեզի ՚պատահեցաւ: 4 Ահա՛ հիմա՝ այսօր քու ձեռքերուդ շղթաները կը քակեմ. եթէ ինծի հետ Բաբելոն երթալը ՚քեզի հաճելի» է՝ եկո՛ր, ու ՚քեզի հոգ պիտի տանիմ». բայց եթէ ինծի հետ Բաբելոն երթալը ՚քեզի անհաճոյ» է՝ հրաժարէ: Ահա՛ ամբողջ երկիրը քու առջեւու է. ո՛ւր որ ՚քեզի հաճելի եւ ուղիղ թուի», հո՛ն գնա»: 5 Քանի տակաւին չէր ՚պատասխաներ, Նաբուզարդան ըսաւ. «Կա՛մ գնա՛ Սափանի որդիին՝ Աքիկամի որդիին՝

է Եբր.՝ Տէրոց խօսքը եղաւ

։ Եբր.՝ բերեմ

։ Եբր.՝ Երեսիդ

։ Եբր.՝ Այն խօսքը որ Տէրոցմէն եղաւ

։ Եբր.՝ խօսած

։ Եբր.՝ բերաւ

։ Եբր.՝ եղաւ

։ Եբր.՝ աչքերուդ լաւ

։ Եբր.՝ աչքս քու վրադ պիտի ըլլայ

է Եբր.՝ աչքերուդ գէշ

։ Եբր.՝ աչքերուդ լաւ եւ ուղիղ ըլլայ

։ Կամ՝ վերադառնար

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

Գոդողիայի, որ Բաբելոնի թագաւորը Յուդայի քաղաքներուն վրայ վերատեսուց նշանակեր է, ու բնակէ՝ անոր հետ ժողովուրդին մէջ, կամ ալ գնա՛ ուր որ ծեզի հաճելի թուի «»։ Ապա թիկնապահապետը անոր պաշար եւ պարգեւ տուաւ, ու զայն արձակեց։ 6 Երեմիա Մասփա գնաց, Աքիկամի որդիին՝ Գոդողիայի քով, եւ անոր հետ բնակեցաւ երկրին մէջ մնացած ժողովուրդին մէջ։

ԳՈԴՈՂԻԱ ՅՈՒՂԱՅԻ ՎԵՐԱՏԵՍՈՒՀ

(Դ. Թագ. 25. 22 -24)

7 Երբ դաշտը եղող բոլոր զօրապետները – թէ՛ իրենք, թէ՛ իրենց մարդիկը – լսեցին թէ Բաբելոնի թագաւորը Աքիկամի որդին՝ Գոդողիան երկրին վրայ վերատեսուց նշանակեր է եւ Բաբելոն չտարագրուած մարդիկը, կիները, մանուկներն ու երկրին չքաւորները անոր յանձներ է, 8 Մասփա եկան՝ Գոդողիայի քով, այսինքն Նաթանիայի որդին՝ Իսմայէլ, Կարէի որդիները՝ Յոհանան եւ Յովանաթան, Թանհումէթի որդին՝ Սարայիա, Նետոփաթացի Եփայի որդիները, ու Մաքաթիի որդին՝ Յեզոնիա – թէ՛ իրենք, թէ՛ իրենց մարդիկը։ 9 Մափանի որդիին՝ Աքիկամի որդին՝ Գոդողիա անոնց եւ իրենց մարդոց երդում ըրաւ՝ ըսելով. «Զաղդէացիներուն ծառայելէն մի՛ վախնաք. այս երկրին մէջ բնակեցէք եւ Բաբելոնի թագաւորին ծառայեցէք, ու ՚գոհ պիտի ըլլաք։ 10 Ես ահա՝ Մասփա կը բնակիմ, որպէսզի մեզի եկող Զաղդէացիներուն ներկայանամ։ Իսկ դուք գինի՛, ամառնային պտու՛ղ եւ ի՞նդ ՚ամբարեցէք, դրէ՛ք ծեր անօթներուն մէջ, ու բնակեցէ՛ք ծեր ՚տիրացած քաղաքներուն մէջ»։ 11 Մովաքի, Ամմոնի որդիներուն, Եդովմի եւ բոլոր երկիրներուն մէջ եղող բոլոր Հրեաներն ալ՝ երբ լսեցին թէ Բաբելոնի թագաւորը Հրէաստանի մէջ մնացորդ թողուցեր է եւ անոնց վրայ Մափանի որդիին՝ Աքիկամի որդին՝ Գոդողիան վերատեսուց նշանակեր է, 12 բոլոր Հրեաները իրենց աքսորուած բոլոր տեղերէն վերադարձան եւ Յուդայի երկիրը՝ Մասփա եկան, Գոդողիայի քով, ու յոյժ շատ գինի եւ ամառնային պտուղներ ամբարեցին։

ԳՈԴՈՂԻԱ ԿԸ ՍՊԱՆՆՈՒԻ

(Դ. Թագ. 25. 25 -26)

13 Կարէի որդին՝ Յոհանան ու դաշտը եղող բոլոր զօրապետները Մասփա եկան՝ Գոդողիայի քով, 14 եւ անոր ըսին. «Գիտե՞ս թէ Ամմոնի որդիներուն թագաւորը՝ Բաալիս Նաթանիայի որդին Իսմայէլը ղրկեց քեզ մեռցնելու համար»։ Բայց Աքիկամի որդին՝ Գոդողիա անոնց չհաւատաց։ 15 Յետոյ Կարէի որդին՝ Յոհանան Մասփայի մէջ Գոդողիայի հետ ծածկաբար խօսեցաւ՝ ըսելով. «Հիմա երթամ ու Նաթանիայի որդին՝ Իսմայէլը զարնեմ. ո՛չ մէկը կը գիտնայ։ Ինչո՞ւ ան քեզ զարնէ, քովդ հաւաքուած բոլոր Հրեաները ցրուին, եւ Յուդայի մնացորդը կորսուի»։ 16 Աքիկամի որդին՝ Գոդողիա Կարէի

^ծ Եբր.՝ աչքերուդ ուղիղ ըլլաք

^հ Եբր.՝ լաւ

^լ Եբր.՝ առջեւ կայնիմ

^{իւ} Եբր.՝ ժողվեցէք

^ծ Եբր.՝ գրաւած

որդիին՝ Յոհանանի պատասխանեց. «Այդ բանը մի՛ ըներ, որովհետեւ դուն հսմայէլի մասին սուտ կը խօսիս»:

41

Եօթներորդ ամիսը, թագաւորական զարմէն եղող Եղիսամայի որդիին՝ Նաթանիայի որդիին՝ Իսմայէլ, թագաւորին պետերէն **մէկը**, տասը մարդով Սասփա եկաւ Աքիկամի որդիին՝ Գոդողիայի քով, ու հոն՝ Սասփայի մէջ միասին հաց կերան: **2** Նաթանիայի որդիին՝ Իսմայէլ եւ իրեն հետ եղող տասը մարդը կանգնեցան, Սասփանի որդիին՝ Աքիկամի որդիին՝ Գոդողիան սուրով զարկին. այսպէս մեոցուցին ան՝ որ Բաբելոնի թագաւորը երկրին վրայ **վերատեսուչ նշանակեր էր**: **3** Իսմայէլ նաև զարկաւ Գոդողիայի հետ Սասփա եղող բոլոր Հրեաներն ու հոն գտնուող Ջաղդէացիները՝ պատերազմիկները:

4 Գոդողիայի ^ասպաննուելուն բհետեւեալ օրը, մինչ ո՛չ մէկը գիտէր, **5** Սիլքէմէն, Սելովէն ու Սամարիայէն ութսուն մարդ եկաւ. իրենց մօրուքը ածիլած էին, հագուստները պատռած, եւ իրենք զիրենք կտրատած: Իրենց ծեռքը ընծաներ ու կնդրուկ ունէին՝ Տէրոց տունը տանելու համար: **6** Նաթանիայի որդիին՝ Իսմայէլ Սասփայէն եկաւ զանոնք դիմաւորելու. ան գացած ատենը լալով կ'երթար: Երբ անոնց հանդիպեցաւ՝ անոնց ըսաւ. «Աքիկամի որդիին՝ Գոդողիայի քո՛վ եկէք»: **7** Երբ անոնք քաղաքին մէջտեղը հասան, Նաթանիայի որդիին՝ Իսմայէլ – ինք եւ իրեն հետ եղող մարդիկը – զանոնք մորթեց **ու նետեց** գուբին մէջ: **8** Անոնց մէջ տասը մարդ գտնուեցաւ, որ Իսմայէլի ըսին. «Մեզ մի՛ մեոցներ, որովհետեւ մենք դաշտը ցորենի, զարիի, իւղի եւ մեղրի պահուած պաշարներ ունինք»: Ուստի ան հրաժարեցաւ, ու զանոնք իրենց եղբայրներուն հետ չմեոցուց:

9 Այն գուբը՝ որուն մէջ Իսմայէլ Գոդողիայի ^ապատճառով բոլոր սպաննած մարդոց դիակները նետեց, այն **գուբ** էր՝ որ Ասա թագաւորը շիներ էր Իսրայէլի Բաասա թագաւորին ^ապատճառով. Նաթանիայի որդիին՝ Իսմայէլ զայն սպաննուածներով լեցուց:

10 Իսմայէլ Սասփայի մէջ եղող ժողովուրդին ամբողջ մնացորդը գերեվարեց, թագաւորին աղջիկներն ու Սասփա մնացած ամբողջ ժողովուրդը, որոնք Նաբուզարդան թիկնապահապետը Աքիկամի որդիին՝ Գոդողիայի յանձներ էր: Նաթանիայի որդիին՝ Իսմայէլ զանոնք գերեվարելով գնաց որպէսզի Ամմոնի որդիներուն քով անցնի:

11 Երբ Կարէի որդիին՝ Յոհանան, եւ իրեն հետ եղող բոլոր զօրապետները լսեցին Նաթանիայի որդիին՝ Իսմայէլի ըրած ամբողջ չարիքը, **12 իրենց** բոլոր մարդիկը առին ու Նաթանիայի որդիին՝ Իսմայէլի դէմ պատերազմելու գացին. զինք Գաբաւոնի յորդառատ ցուրերուն քով գտան: **13** Երբ Իսմայէլի հետ եղող ամբողջ ժողովուրդը Կարէի որդիին՝ Յոհանանը եւ անոր հետ եղող զօրապետները տեսաւ, ուրախացաւ: **14** Իսմայէլի Սասփայէն գերեվարած ամբողջ ժողովուրդը դիմաշրջեցաւ, ու վերադառնալով Կարէի որդիին՝ Յոհանանի քով գնաց: **15** Իսկ Նաթանիայի որդիին՝ Իսմայէլ ութ մարդով Յոհանանի առջեւէն խոյս տուաւ, եւ Ամմոնի որդիներուն քով գնաց:

16 Այն ատեն Կարէի որդիին՝ Յոհանան, եւ իրեն հետ եղող զօրապետները առին ժողովուրդին ամբողջ մնացորդը, որ Նաթանիայի որդիին՝ Իսմայէլի քովէն

^a **Երբ.**՝ զարնուելուն

^b **Երբ.**՝ երկրորդ

^c **Կամ**՝ հետ

^d **Երբ.**՝ երեսէն վախճալով

Վերադարձուցած էին, – **ինք զանոնք** Մասփայէն գերեվարած էր Աքիկամի որդին՝ Գողողիան սպաննելէն ետք, – **այսինքն առին** Գաբաւննէն վերադարձուցած կտրիճ պատերազմիկները, կիները, մանուկներն ու պալատականները, **17** եւ գացին Բեթեհէմի քով եղող Քամամամի գաղթակայանը մնացին, որպէսզի երթան Եգիպտոս մտնեն՝ **18** Քաղեկացիներուն պատճառով։ Արդարեւ անոնցմէ կը վախնային, քանի որ Նաթանիայի որդին՝ Խսմայէլ սպաններ էր Աքիկամի որդին՝ Գողողիան, որ Բաբելոնի թագաւորը երկրին վրայ **վերատեսուչ** նշանակեր էր։

ԺՈՂՈՎՈՒՐԴԸ ԻՐԵՆ ՀԱՄԱՐ ԱՂՕԹՔ ԿԸ ԽՆԴՐԵ ԵՐԵՄԻԱՅԸ

42

Բոլոր զօրապետները, Կարէի որդին՝ Յոհանան, Ովսիայի որդին՝ Յեղոնիա, եւ ամբողջ ժողովուրդը, պզտիկէն մինչեւ մեծը, մօտեցան **2** ու Երեմիա մարգարէին ըսին. «Կ’աղերսենք, մեր աղազանքները թող “քեզմէ ընդունուին”, եւ մեզի համար – **այսինքն** այս ամբողջ մնացորդին համար – աղօթէ՛ Տէրոց՝ քու Աստուծոյդ. արդարեւ շատ **էինք բայց** քիչ մնացինք, ինչպէս աչքերդ մեզ կը տեսնեն։ **3** Տէրը՝ քու Աստուածդ մեզի թող յայտնէ մեր երթալիք ճամբան, եւ ինչ որ ընելու ենք»։ **4** Երեմիա մարգարէն անոնց ըսաւ. «Լսեցի. ահա՛ Տէրոց՝ ձեր Աստուծոյն պիտի աղօթեմ ձեր խօսքերուն համաձայն, ու ձեզի պիտի իմացնեմ ամէն ինչ որ Տէրը ձեզի պատասխանէ. ձեզմէ ոչինչ պիտի բահեմ»։ **5** Անոնք Երեմիայի ըսին. «Տէրը մեր միջեւ ճշմարիտ ու հաւատարիմ վկայ ըլլայ, եթէ չընենք այն բոլոր խօսքերուն համաձայն, “որոնք Տէրը՝ քու Աստուածդ քեզի պիտի հաղորդէ մեզի համար”»։ **6** “Նպաստաւոր ըլլայ կամ չարագուշակ, մտիկ պիտի ընենք Տէրոց՝ մեր Աստուծոյն ձայնը, որուն քեզ կը դրկենք, որպէսզի Տէրոց՝ մեր Աստուծոյն ձայնը մտիկ ընելով՝ բարօրութիւն ունենանք»։

ԱՍՈՒԾՈՅ ՊԱՏԱԽԱՆԸ ԵՐԵՄԻԱՅԻ ԱՂՕԹՔԻՆ

7 Տասը օր ետք **“Տէրը խօսեցաւ”** Երեմիայի։ **8** Ան ալ կանչեց Կարէի որդին՝ Յոհանանը եւ անոր հետ եղող բոլոր զօրապետները, նաեւ ամբողջ ժողովուրդը՝ պզտիկէն մինչեւ մեծը, **9** ու անոնց ըսաւ. «Տէրը՝ հսրայէլի Աստուածը, որուն դուք զիս դրկեցիք՝ ձեր աղազանքը **“ներկայացնելու համար, սա՛ կը յայտարարէ”**. **10** “Եթէ շարունակէք այս երկրին մէջ բնակիլ, ես ալ ձեզ պիտի կառուցանեմ ու չքանդեմ, ձեզ պիտի տնկեմ եւ չխլեմ. որովհետեւ ձեզի ըրած չարիքիս համար կ’արգահատիմ»։ **11** Մի՛ վախնաք Բաբելոնի թագաւորէն, որմէ կը վախնաք։ Անկէ մի՛ վախնաք, – կը պատգամէ Տէրը, – **քանի որ** ես ձեզի հետ եմ՝ ձեզ անոր ձեռքէն ազատելու եւ ձեզ ապրեցնելու համար։ **12** Ձեզի գթութիւն

^ա **Եբր.**՝ քու առջեւու իյնան

^բ **Եբր.**՝ արգիլեմ

^գ **Եբր.**՝ որոնց համար Տէրը՝ քու Աստուածդ քեզ մեզի պիտի դրկէ

^դ **Եբր.**՝ Լաւ

^ե **Եբր.**՝ Տէրոց խօսքը եղաւ

^զ **Եբր.**՝ ձգելու

գտնել պիտի տամ. ան ձեզի պիտի գթայ, ձեզ ձեր Երկիրը պիտի վերադարձնէ[□]: **13** Բայց եթէ ըսէք. “Այս երկրին մէջ չենք բնակիր[□], ու Տէրոց՝ ձեր Աստուծոյն ձայնը մտիկ չընելով՝ **14** ըսէք. “Ո՛չ, հապա Եգիպտոսի երկիրը պիտի երթանք, ուր պատերազմ պիտի չտեսնենք, շեփորի ձայն պիտի չլսենք եւ հացի համար պիտի չանօթենանք, ու հո՛ն պիտի բնակինք[□], **15** ուրեմն հիմա մտի՛կ ըրէք Տէրոց խօսքը, ո՛վ Յուղայի մնացորդը. գօրքերու Տէրը, հարայէլի Աստուածը, սա՛ կը յայտարարէ. “Եթէ ձեր երեսը ՞ի՞րապէս ուղղէք” Եգիպտոս երթալու, ու հոն երթաք պանդխտանալու համար, **16** այն սուրը՝ որմէ կը վախնաք, հոն՝ Եգիպտոսի երկրին մէջ ձեր վրայ պիտի հասնի, եւ այն սովը՝ որմէ կը գարհուրիք, հոն՝ Եգիպտոսի մէջ ձեր **ետեւէց** պիտի հասնի, ու հոն պիտի մեռնիք: **17** Այն բոլոր մարդիկը, որ իրենց երեսը կ’ուղղեն Եգիպտոս երթալու՝ հոն պանդխտանալու համար, սովով եւ ժանտախտով պիտի մեռնին. անոնցմէ ո՛չ մէկը պիտի վերապրի կամ ազատի այն չարիքին առջեւէց՝ որ անոնց վրայ պիտի բերեմ[□]»:

18 Արդարեւ գօրքերու Տէրը՝ հարայէլի Աստուածը սա՛ կը յայտարարէ. «Ինչպէս իմ բարկութիւնս եւ ցասումս Երուսաղէմի բնակիչներուն վրայ թափուեցան, այնպէս իմ ցասումս ձեր վրայ պիտի թափուի՝ երբ Եգիպտոս հասնիք. նողկանքի, ապշուրեան, անէծքի ու նախատինքի **ենթակայ** պիտի ըլլաք, եւ ա՛ այս տեղը պիտի չտեսնէք»: **19** Ո՛վ Յուղայի մնացորդը, Տէրը ձեզի համար ըսաւ. «Եգիպտոս մի՛ երթաք». **ուստի** լա՛ գիտցէք թէ այսօր ձեզ ազդարարեցի: **20** Արդարեւ դուք ձեր անձը ՞խաբեցիք, երբ զիս Տէրոց՝ ձեր Աստուծոյն դրկեցիք՝ ըսելով. «Մեզի համար Տէրոց՝ մեր Աստուծոյն աղօթէ՛, ու Տէրոց՝ մեր Աստուծոյն ըսած ամէն ինչ մեզի հաղորդէ՛, եւ պիտի ընենք»: **21** Ես այսօր ձեզի հաղորդեցի, բայց դուք մտիկ չըրիք Տէրոց՝ ձեր Աստուծոյն ձայնը, ո՛չ ալ այն բոլոր խօսքերը՝ որոնց համար զիս ձեզի դրկեց: **22** Ուրեմն հիմա լա՛ գիտցէք թէ դուք սուրով, սովով ու ժանտախտով պիտի մեռնիք այն տեղը՝ ուր կը բաղձաք երթալ հոն պանդխտանալու համար:

ԵՐԵՄԻԱ ԿԸ ՏԱՐՈՒԻ ԵԳԻՊՏՈՍ

43

Երբ Երեմիա աւարտեց ամբողջ ժողովուրդին հաղորդել Տէրոց՝ իրենց Աստուծոյն բոլոր խօսքերը, որոնց համար Տէրը՝ անոնց Աստուածը՝ զինք իրենց դրկեր էր, **այսինքն**՝ այս բոլոր խօսքերը, **2** Ովսիայի որդին՝ Ազարիա, Կարէի որդին՝ Յոհանան, եւ բոլոր հպարտ մարդիկը Երեմիայի ըսին. «Դուն սո՛տ կը խօսիս. Տէրը՝ մեր Աստուածը քեզ չդրկեց, որ **մեզի** ըսես. “Եգիպտոս մի՛ երթաք հոն պանդխտանալու համար[□]: **3** Հապա Ներիայի որդին՝ Բարուք քեզ մեզի դէմ կը դրդէ, որ մեզ Քաղողէացիներուն ձեռքը մատնէ, որպէսզի մեզ մեռցնեն կամ մեզ Բաբելոն տարագրեն»: **4** Կարէի որդին՝ Յոհանան, բոլոր գօրապետներն ու ամբողջ ժողովուրդը Տէրոց ձայնը մտիկ չըրին, որ Յուղայի երկրին մէջ բնակին: **5** Հապա Կարէի որդին՝ Յոհանան եւ բոլոր գօրապետները առին Յուղայի ամբողջ մնացորդը, – անոնք որ Յուղայի երկրին մէջ բնակելու համար վերադարձած էին այն բոլոր ազգերէն՝ ուր աքսորուած էին, – **6** **այսինքն**՝ “այր մարդիկը”, կիներն ու

^է **Երբ.**՝ հողը

^ը **Երբ.**՝ դնելով դնէք

^ը **Երբ.**՝ մոլորեցուցիք

^ա **Երբ.**՝ գօրաւոր մարդիկը

մանուկները, թագաւորին աղջիկները, Նաբուզարդան թիկնապահապետին ձգած բոլոր անձերը Սափանի որդիին՝ Աքիկամի որդիին՝ Գոդողիայի քով, նաև Երեմիա մարգարէն եւ Ներիայի որդին՝ Բարուքը, **7** ու Եգիպտոսի Երկիրը տարին, որովհետեւ Տէրոց ձայնը մտիկ չըրին, եւ մինչեւ Տափնաս գացին:

8 Տափնասի մէջ ^բՏէրը խօսեցաւ "Երեմիայի՝ ըսելով. **9** «Զեռքդ մե՛ծ քարեր առ, ու Յուղայի մարդոց աչքերուն առջեւ թաղէ՛ զանոնք աղիսի փուռին կալին մէջ, որ Տափնաս եղող Փարաւոնի տան մուտքին **կը գտնուի,** **10** եւ ըսէ՛ անոնց. "Զօրքերու Տէրը՝ Իսրայէլի Աստուածը սա՛ կը յայտարարէ. "Ահա՛ ես **մարդ** պիտի ղրկեմ, իմ ծառաս՝ Բաբելոնի Նաբուգոդոնոսոր թագաւորը բերել պիտի տամ, եւ անոր գահը այս իմ թաղած քարերուն վրայ պիտի դնեմ. ան իր ամպհովանին անոնց վրայ պիտի տարածէ: **11** Երբ գայ՝ Եգիպտոսի Երկիրը պիտի զարնէ. մահուան համար եղողները մահուան **պիտի մատնէ,** գերութեան համար եղողները՝ գերութեան, իսկ սուրի համար եղողները՝ սուրի: **12** Եգիպտոսի աստուածներուն տուներուն մէջ կրակ պիտի ^ավառեմ. ան զանոնք պիտի այրէ ու գերեվարէ. Եգիպտոսի Երկիրը պիտի հագնի՝ ինչպէս հովիք իր հագուստը կը հագնի, եւ անկէ խաղաղութեամբ պիտի ելլէ: **13** Եգիպտոսի Երկրին մէջ եղող ^աԱրեւի տան՝ արծաններն ալ պիտի կոտրտէ, ու Եգիպտոսի աստուածներուն տուները կրակով պիտի այրէ"□»:

ԱՍՏՈՒԾՈՅ ՊԱՏԳԱԱԸ ԵԳԻՊՏՈՍԻ ԻՍՐԱՅԵԼԱՑԻՆԵՐՈՒՆ

44

Ահա՛ասիկ Եգիպտոսի Երկրին մէջ բնակող բոլոր Հրեաներուն համար, **այսինքն** Մագրող, Տափնաս, Մեմփիս, ու Պաթուրէսի Երկրին մէջ բնակողներուն համար Երեմիայի ^աուղղուած խօսքը **Տէրոցմէ՛՛** որ ըսաւ.

2 «Զօրքերու Տէրը՝ Իսրայէլի Աստուածը սա՛ կը յայտարարէ. "Դուք տեսաք այն բոլոր ծախորդութիւնները՝ որ Երուսաղէմի վրայ ու բոլոր Յուղայի քաղաքներուն վրայ բերի. ահա՛ անոնք այսօր աւերակ են, եւ անոնց մէջ բնակող չկայ, **3** զիս գրգռելու համար իրենց գործած չարիքներուն պատճառով, որովհետեւ գացին խունկ ծխեցին եւ ուրիշ աստուածներ պաշտեցին, որ ո՛չ իրենք ճանչցեր էին, **ո՛չ** դուք, **ո՛չ** ալ ձեր հայրերը: **4** Ես ձեզի դրկեցի իմ բոլոր ծառաներս՝ մարգարէները – կանուխ ելլելով դրկեցի – եւ ըսի. "Այդ գարշելի բանը մի՛ ընէք, որ ես **կ'ատեմ**": **5** Բայց մտիկ չըրին ու իրենց ականջը չդարձուցին՝ որ իրենց չարութենէն դարձի գան եւ ուրիշ աստուածներու խունկ չծխեն: **6** Ուստի իմ ցասումս ու բարկութիւնս թափուեցան, եւ Յուղայի քաղաքներուն մէջ ու Երուսաղէմի փողոցներուն մէջ ^բբորբոքեցան. ուստի անոնք աւերակ եւ ամայի եղան, ինչպէս այսօր **կ'երեւայ**□: **7** Ուրեմն հիմա **Տէրը՝** զօրքերու Աստուածը սա՛ կը յայտարարէ. "Ինչո՞ւ դուք ձեր անձին դէմ այս մեծ չարիքը կը գործէք, որ Յուղայի մէջէն **այր** մարդն ու կինը, երախան եւ ծծկերը բնաջնջել կու տաք, այնպէս որ ձեզի ո՛չ մէկ

^բ **Եբր.**՝ **Տէրոց խօսքը եղաւ**

^գ **Եբր.**՝ **բռնկեցնեմ**

^դ **Կամ** **Արեգ քաղաքի**

^ե **Եբր.**՝ **եղած**

^բ **Եբր.**՝ **բռնկեցան**

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

ճողոպրած մնայ: **8** Ձեր ձեռքերուն գործերով զիս կը գրգոէք՝ ուրիշ աստուածներու խունկ ծխելով Եգիպտոսի մէջ, ուր դուք եկաք հոն պանդխտանալու համար. ուստի պիտի բնաջնջուիք ու երկրի բոլոր ազգերուն մէջ անէծք եւ նախատինք ըլլաք: **9** Միթէ մոոցա՞ք ձեր հայրերուն չարութիւնները, Յուղայի թագաւորներուն չարութիւններն ու անոնց կիներուն չարութիւնները, նաեւ ձեր չարութիւնները եւ ձեր կիներուն չարութիւնները, որ գործուեցան Յուղայի երկրին մէջ ու Երուսաղէմի փողոցներուն մէջ: **10** Անոնք մինչեւ այսօր չխոնարհեցան եւ չվախցան, ու ձեր առջեւ եւ ձեր հայրերուն առջեւ դրած օրէնքիս ու կանոններուս համաձայն չընթացան: **11** Հետեւաբար գօրքերու Տէրը՝ Խրայէլի Աստուածը սա՛ կը յայտարարէ. “Ահա՛ ես իմ երեսս ձեզի դէմ ՚Կուղեմ՝ չարիքի եւ ամբողջ Յուղան կոտորելու համար: **12** Պիտի առնեմ Յուղայի ճողոպրածները, որոնք իրենց երեսը ուղեցին Եգիպտոսի երկիրը երթալու՝ հոն պանդխտանալու համար, ու բոլորը պիտի սպառին **եւ** իյնան Եգիպտոսի երկրին մէջ. սուրով, սովով պիտի սպառին. պգտիկէն մինչեւ մեծը սուրով ու սովով պիտի մեռնին, եւ նողկանքի, ապշութեան, անէծքի ու նախատինքի **ԵՅԹԱԿԱՅ** պիտի ըլլան: **13** Եգիպտոսի երկրին մէջ բնակողները պիտի ՚պատժեմ, ինչպէս Երուսաղէմը սուրով, սովով ու ժանտախտով պատժեցի: **14** Յուղայի ճողոպրածներէն, այսինքն Եգիպտոս պանդխտանալու գացողներէն ո՛չ մէկը պիտի վերապրի կամ ազատի՝ որ Յուղայի երկիրը վերադառնայ, ուր անոնք ՚կը տենչան՝ վերադառնալ՝ հոն բնակելու համար. արդարեւ պիտի չվերադառնան՝ բացի քանի մը ազատածներէ»:

15 Այն բոլոր մարդիկը՝ որ գիտէին թէ իրենց կիները ուրիշ աստուածներու խունկ կը ծխէին, նաեւ հոն կայնող բոլոր կիները՝ մեծ համախմբումով, ու Եգիպտոսի երկրին մէջ՝ Պաթուրէս բնակող ամբողջ ժողովուրդը Երեմիայի պատասխանեցին. **16** «Տէրոց անունով մեզի ըսած խօսքիդ մասին՝ մենք քեզի մտիկ պիտի չընենք: **17** Հապա անշուշտ պիտի գործադրենք մե՛ր բերանէն ելած ամէն խօսք, երկինքի թագուհին խունկ ծխելով եւ անոր թափելիք նուէրներ ՚ընծայելով, ինչպէս ըրինք մենք ու մեր հայրերը, մեր թագաւորները եւ մեր իշխանաւորները՝ Յուղայի քաղաքներուն մէջ ու Երուսաղէմի փողոցներուն մէջ. որովհետեւ **այդ ատեն** հացով կը կշտանայինք, բարօրութիւն ունէինք եւ չարիք չէինք տեսներ: **18** Սակայն այն ատենէն ի վեր՝ երբ դադրեցուցինք երկինքի թագուհին խունկ ծխելն ու անոր թափելիք նուէրներ ՚ընծայելը, ամէն **բանի** կարօտ եղանք, եւ սուրով ու սովով սպառեցանք: **19** Երբ երկինքի թագուհին խունկ կը ծխէինք եւ անոր թափելիք նուէրներ կ՚ընծայէինք, միթէ առանց մեր ամուսիններուն **արտօնութեան** զայն պաշտելու համար բլիթներ կը շինէինք ու անոր թափելիք նուէրներ կ՚ընծայէինք»:

20 Այն ատեն Երեմիա ամբողջ ժողովուրդին – ՚այր մարդոց”, կիներուն եւ իրեն այսպէս պատասխանող ժողովուրդին – ըսաւ. **21** «Միթէ այն խունկը՝ որ Յուղայի քաղաքներուն մէջ ու Երուսաղէմի փողոցներուն մէջ կը ծխէիք, – դուք ու ձեր հայրերը, ձեր

^գ **Եբր.**՝ իրենց անձերը չճգմեցին

^դ **Եբր.**՝ կը դնեմ

^ե **Եբր.**՝ հատուցանեմ

^գ **Եբր.**՝ իրենց անձը կը բարձրացնեն

^է **Եբր.**՝ թափելով

^լ **Եբր.**՝ գօրաւոր մարդոց

թագաւորները, ձեր իշխանաւորներն ու երկրին ժողովուրդը, – Տէրը զայն չյիշե՞ց եւ անոր մասին բշտածե՞ց: **22** Տէրը ձեր չար արարքներուն ու ձեր գործած գարշուրթիւններուն պատճառով ալ չկրցաւ հանդուրժել. ուստի ձեր երկիրը աւերակ, ամայի, անիծեալ եւ անբնակ եղաւ, ինչպէս այսօր **Կ'ԵՐԵՒԱՅ:** **23** Քանի դուք խունկ ծխեցիք ու Տէրոց դէմ մեղանչեցիք՝ Տէրոց ձայնը մտիկ չընելով եւ անոր օրէնքին, կանոններուն ու վկայութիւններուն համաձայն չընթանալով, այս չարիքը ձեզի պատահեցաւ, ինչպէս այսօր **Կ'ԵՐԵՒԱՅ»:**

24 Երեմիա ամբողջ ժողովուրդին եւ բոլոր կիներուն ըսաւ. «Մտի՞կ ըրէք Տէրոց խօսքը, ո՞վ ամբողջ թուղա, որ Եգիպտոսի երկրին մէջ էք: **25** Զօրքերու Տէրը՝ հսրայէլի Աստուածը սա՛ կը յայտարարէ. “Դուք ու ձեր կիները ձեր բերանով խօսեցաք, ձեր ձեռքերով՝ գործադրեցիք եւ ըսիք. “Մեր ըրած ուխտը անշո՛ւշտ պիտի կատարենք, **այսինքն** երկինքի թագուրիին խունկ պիտի ծխենք, ու անոր թափելիք նուէրներ պիտի ընծայենք”: Այո՛, դուք ձեր ուխտերը պիտի հաստատէք. այո՛, ձեր ուխտերը պիտի կատարէք: **26** Հետեւաբար մտի՞կ ըրէք Տէրոց խօսքը, ո՞վ ամբողջ թուղա, որ Եգիպտոսի երկրին մէջ կը բնակիք. “Ահա՛ ես իմ մեծ անունովս երդում ըրի, – կը յայտարարէ Տէրը, – որ անգա՞մ մըն ալ իմ անունս չկանչուի Եգիպտոսի ամբողջ երկրին մէջ թուղայի մարդու մը բերանէն՝ ըսելով. «Տէրը՝ Եհովան կ'ապրի»: **27** Ահա՛ ես անոնց վրայ կը հսկեմ չարիքի համար, ո՛չ թէ բարիքի համար. Եգիպտոսի երկրին մէջ եղող թուղայի բոլոր մարդիկը սուրով ու սովով պիտի սպառին՝ մինչեւ որ հատնին: **28** Սակաւաթիւ **Մարդիկ՝** սուրէն ազատելով՝ Եգիպտոսի երկրէն պիտի վերադառնան թուղայի երկիրը, ու Եգիպտոսի երկիրը պանդխտանալու գացող թուղայի բոլոր ճողոպրածները պիտի գիտնան թէ որո՛ւն խօսքը պիտի իրագործուի, ի՞մս թէ իրենցը: **29** Եւ սա՛ ձեզի նշան պիտի ըլլայ, – կը պատգամէ Տէրը, – թէ այս տեղը ձեզ պիտի հպատժեմ, որպէսզի գիտնաք թէ իմ խօսքս ձեր վրայ անշուշտ պիտի իրագործուի չարիքի համար”**□**: **30** Տէրը սա՛ կը յայտարարէ. – “Ահա՛ ես Եգիպտոսի Փարաւոն Վափառ թագաւորը իր թշնամիներուն ձեռքը եւ իր կեանքը փնտողներուն ձեռքը պիտի մատնեմ. ինչպէս թուղայի Սեղեկիա թագաւորը իր թշնամին ու իր կեանքը փնտող Բաբելոնի Նաբուգոնոսոր թագաւորին ձեռքը մատնեցի**□**»:

ԱՍՏՈՒԾՈՅ ԽՈՍՏՈՒՄԸ ԲԱՐՈՒԹԻ

45

Ահա՛ասիկ Երեմիա մարգարէին խօսքը, որ Ներիայի որդիին՝ Բարութի ուղղեց, երբ ան այս խօսքերը Երեմիայի բերանէն գիրքի մը մէջ կը գրէր, թուղայի թագաւորին՝ Յովսիայի որդիին Յովակիմի չորրորդ տարին. ան ըսաւ. **2** «Ո՛վ Բարութ, Տէրը՝ հսրայէլի Աստուածը քեզի համար սա՛ կը յայտարարէ. **3** “Դուն ըսիր. “Այժմ վայ ինծի, որովհետեւ Տէրը իմ կոտտանքիս վրայ տրտմութիւն աւելցուց. իմ հառաչանքէս յոգնեցայ, ու հանգստութիւն չեմ գտներ”**□**: **4** Անոր սա՛ ըսէ. “Տէրը սա՛ կը յայտարարէ. “Ահա՛ ես իմ կառուցանածս պիտի փլցնեմ եւ իմ տնկածս պիտի խլեմ, այսինքն՝ այս ամբողջ երկիրը: **5** Դուն քեզի համար մեծագործութիւննե՞ր կը փնտոես. մի՛ փնտոեր, քանի որ ահա՛ ես ամէն մարմինի վրայ չարիք պիտի բերեմ, – կը պատգամէ Տէրը. – բայց քու կեանքդ քեզի աւարի մը պէս

^Պ **Երը.**՝ սիրտին մէջ չբարձրացա՞ւ

^Ժ **Երը.**՝ լրացուցիք

^Ի **Երը.**՝ հատուցանեմ

պիտի տամ այն բոլոր տեղերուն մէջ՝ ուր պիտի երթաս'□»:

ԵԳԻՊՏՈՍ ԿԸ ՊԱՐՏՈՒԻ ՆԱԲՈՒԳՈԴՈՆՈՍՈՐԸ

46

Տէրոջ խօսքը, որ Երեմիա մարգարէին ՚ուղղուեցաւ՝ ազգերուն մասին. **2** Եգիպտոսի համար, Եգիպտացիներու թագաւորին՝ Փարաւոն Նեքաւովի զօրագունդին մասին, որ Քարքամիս էր՝ Եփրատ գետին քով, երբ Բաբելոնի Նաբուգոդոնոսոր թագաւորը զայն բարտութեան մատնեց” Յուդայի թագաւորին՝ Յովսիայի որդիին Յովակիմի չորրորդ տարին.—

- 3** «Վահա՛ն եւ ասպա՛ր պատրաստեցէք
Ու պատերազմի՝ մօտեցէք.
4 Զիե՛րը լծեցէք, եւ դո՛ք, ո՞վ ծիաւորներ, հեծէ՛ք.
Սաղաւարտներո՛վ կայնեցէք,
Նիզակնե՛րը փայլեցուցէք **ու** զրահնե՛րը հագէք:
5 **Բայց** ի՞նչ կը տեսնեմ. անոնք զարհուրած են, **ու** կը նահանջեն.
Անոնց զօրաւորներն անգամ կը քախչախուին,
Եւ ՚խուճապահար կը փախչին՝ առանց ՚ետեւ դառնալու”。
Ամէն կողմէ արհաւիրը կայ, – կը պատգամէ Տէրը:—
6 Թեթեւաշարժը թող չփախչի,
Ո՛չ ալ զօրաւորը խոյս տայ.
Անոնք գայթելով պիտի իյնան
Հիւսիսային կողմը, Եփրատ գետին ափին:
7 Ո՞վ է ասիկա՝ որ ՚գետի պէս կը բարձրանայ,
Որուն ջուրերը գետերու պէս ՚կը փրփրին“.
8 Եգիպտո՛ս գետի պէս կը բարձրանայ,
Եւ անոր ջուրերը գետերու պէս կը փրփրին:
Ան կ’ըսէ. “Ես պիտի բարձրանամ, Երկիրը պիտի ծածկեմ,
Քաղաքն ու անոր բնակիչները պիտի բնաջնջեմ□:
9 Ո՞վ ծիեր, բարձրացէք. ո՞վ կառքեր, մոլեգնեցէք.
Թող դուրս ելլեն զօրաւորները..—
Վահան բռնող Եթովպիացիները եւ ՚Փութացիները,
Աղեղ բռնող **ու** լարող Ղուդացիները:
10 Արդարեւ այսօր զօրքերու Տէրոջ՝ Եհովայի վրէժինդրութեան օրն է,

^ա **Եբր.**՝ Եղաւ

^բ **Եբր.**՝ զարկաւ

^գ **Եբր.**՝ փախուստով

^դ **Եբր.**՝ **իրենց** Երեսը դարձնելու

^ե **Կամ**՝ Նեղոսի

^գ **Եբր.**՝ կը տատանին

^է **Կամ**՝ Լիպիացիները

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Որ իր հակառակորդներէն վրէժ առնէ.
Սուլը պիտի սպառէ եւ կշտանայ,
Անոնց արիւնով պիտի գինովնայ.
Որովհետեւ զօրքերու Տէրը՝ Եհովան զոհ ունի,
Հիւսիսի երկրին մէջ, Եփրատ գետին եղերքը:
- 11 Գաղաա'ն բարձրացիր ու բալասա'ն առ,
Ո՞Վ Եգիպտոսի կոյս աղջիկ.
Դեղերը ընդունայն կը շատցնես,
Քեզի բժշկութիւն չկայ:
- 12 Ազգերը քու անարգանքդ լսեցին,
Եւ աղաղակդ Երկրագունդը լեցուց.
Քանի որ զօրաւորը զօրաւորին վրայ գայթեցաւ,
Երկուքը միասին ինկան»:

ՆԱԲՈՒԳՈԴՈՆՈՍՈՐԻ ԳԱԼՈՒՍԸ

- 13 **Ահա՛ւասիկ** այն խօսքը, որ Տէրը Երեմիա մարգարէին ուղղեց՝ Բաբելոնի Նաբուգոդոնոսոր թագաւորին գալուստին մասին, Եգիպտոսի Երկիրը զարնելու համար.—
- 14 «Յայտարարեցէք Եգիպտոսի մէջ, ՞ծանուցանեցէք Մագդողի մէջ,
Ծանուցանեցէք Մեմփիսի ու Տափնասի մէջ,
Եւ ըսէք. “Կայնէ՛ ու պատրաստուէ՛,
Որովհետեւ քու շուրջդ սուրը պիտի սպառէ՛:
- 15 Ինչո՞ւ քու զօրաւորներդ ՞անհետացան.
Անոնք չկրցան դիմանալ, որովհետեւ Տէ՛րը զանոնք ՚վար ձգեց»:
- 16 Գայթողները շատցուց. անոնք իրարու վրայ կ'իյնան
Եւ կ'ըսեն. “Կանգնէ՛, կեղեքողին սուրին պատճառով
Վերադառնա՞նք մեր ժողովուրդին ու մեր ՚ծննդավայրը»:
- 17 Հոն կը գոչէին.
“Եգիպտոսի Փարաւոն թագաւորը **միայն** ժխոր մըն է.
Ան **իր սահմանուած** ատենը անցուց»:
- 18 «Ես կ'ապրիմ,— կը պատգամէ այն Թագաւորը՝
Որուն անունը ՚Զօրքերու Տէր” է.—
Ինչպէս Թաքոր լեռներուն մէջ է,
Ինչպէս Կարմեղոս մինչեւ ծովը **կը հասնի,**
Այնպէս ան պիտի գայ:

¤ **Եբր.**՝ Երկիրը

¤ **Եբր.**՝ լսե՛լ տուէք

¤ **Եբր.**՝ քշուեցան տարուեցան

՚ **Եբր.**՝ հրեց

՚ **Եբր.**՝ ծնունդի Երկիրը

՚ **Եբր.**՝ Եհովա Սաբաւովթ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- 19 Ո՞վ Եգիպտոս բնակող աղջիկ,
Քեզի համար տարագրութեան գոյքե՛ր պատրաստէ.
Որովհետեւ Մեսփիս ամայի պիտի ըլլայ,
Տոչորուած, առանց բնակիչի»:
- 20 «Եգիպտոս յոյժ գեղեցիկ երինջ մըն է,
Բայց կոտորածը կու գայ, հիւսիսէն կու գայ:
- 21 Իր մէջ վարձկան **զինուորները** գիրցուած գուարակներու պէս են.
Սակայն անոնք ալ **կոնակ** դարձուցին, միասին փախան, չդիմացան.
Արդարեւ անոնց վրայ հասաւ իրենց ձախորդութեան օրը,
Եւ իրենց ծպատիժի ժամանակը»:
- 22 «Անոր ձայնը օձի **ձայնի՛ց** պէս Կը լսուի»,
Քանի որ զօրագունդով մը կը քալեն,
Եւ իրեն դէմ տապարներով կու գան՝
Փայտահատներու պէս:
- 23 Իր անտառը պիտի կտրեն, – կը պատգամէ **Տէրը**, –
Թէպէտ ան՝ անթափանցելի է.
Որովհետեւ անոնք մարախներէն շատ են,
Անթիւ են:
- 24 Եգիպտոսի աղջիկը ամօթահար պիտի ըլլայ.
Հիւսիսի ժողովուրդին ձեռքը պիտի մատնուի»:
- 25 Զօրքերու **Տէրը**՝ Իսրայէլի Աստուածը կը յայտարարէ.
«Ահա՝ ես Նովի Ամոնը՝ եւ Փարաւոնը,
Եգիպտոսը, իր աստուածներն ու թագաւորները,
Այսինքն Փարաւոնը եւ անոր վստահողները պիտի Պպատժեմ.
- 26 Զանոնք պիտի մատնեմ իրենց կեանքը փնտողներուն ձեռքը,
Բաբելոնի Նարուգոդոնոսոր թագաւորին ձեռքը
Եւ անոր ծառաներուն ձեռքը.
Անկէ ետք պիտի բնակուի՝ վաղեմի օրերուն պէս», կը պատգամէ **Տէրը**:

ԱՍՏՈՒԱԾ ԻՐ ԺՈՂՈՎՈՒՐԴԸ ՊԻՏԻ ԱՉԱՏԷ

- 27 «Բայց դուն մի՛ վախնար, ո՞վ իմ ծառաս Յակոր,
Եւ մի՛ զարհուրիր, ո՞վ Իսրայէլ.
Որովհետեւ ահա՝ ես քեզ հեռուէն պիտի ազատեմ,
Ու քու զարմդ՝ իր գերութեան երկրէն:
Յակոր պիտի վերադառնայ, հանդարտ եւ անխռով պիտի ըլլայ,
Ու ո՛չ մէկը **զինք** պիտի դողացնէ»:

^ծ **Եբր.**՝ հատուցումի

^Կ **Եբր.**՝ կու գայ

^Հ **Եբր.**՝ անհետազօտելի

^Ճ **Այսինքն**՝ Նովի Ամոն չաստուածը

^Դ **Եբր.**՝ հատուցանեմ

28 «Դուն մի՛ վախնար, ո՞վ իմ ծառաս թակոր,— կը պատգամէ Տէրը,—
Որովհետեւ ես քեզի հետ եմ:
Դիտի բնաջնջեմ այն բոլոր ազգերը՝
Որոնց մէջ քեզ աքսորեցի.
Իսկ քեզ պիտի չբնաջնջեմ,
Հապա քեզ չափաւորութեամբ պիտի պատժեմ.
Քեզ բոլորովին անմեղ պիտի չսեպեմ»:

ՓՂՇՏԱՅԻՆԵՐՈՒՆ ԿՈՐԾԱՆՈՒՄԸ

47

Տէրոջ խօսքը, որ Երեմիա մարգարէին պուղուեցաւ Փղշտացիներուն մասին՝ դեռ
Փարաւոն Գազան չզարկած.—

2 «Տէրը սա՛ կը յայտարարէ.
“Ահա՛ հիւսիսէն ջուրեր կը բարձրանան,
Որոնք յորդահոս վտակի պէս պիտի ըլլան.
Անոնք պիտի ողողեն երկիրը եւ ՞զայն լեցնողները”,
Քաղաքն ու անոր բնակիչները:
Մարդիկ պիտի աղաղակեն,
Երկրին բոլոր բնակիչները պիտի գոռան
3 Անոր երիվարներուն սմբակներուն ձայնէն,
Անոր կառքերուն ՞շաշիւնէն,
Անոր անիւներուն շառաչիւնէն:
Հայրերը **իրենց** որդիներուն “պիտի չնային”
իրենց ձեռքերուն թուլնալուն պատճառով,
4 Բոլոր Փղշտացիները բնաջնջելու,
Եւ Տիւրոսի ու Սիդոնի
Բոլոր վերապրող օգնականները կոտորելու եկող օրուան պատճառով.
Արդարեւ Տէրը պիտի բնաջնջէ Փղշտացիները,
Կափթոր կղզիին մնացորդները:
5 Գազայի վրայ կնտութիւն հասաւ,
Ասկալոն իր հովիտին մնացորդով կործանեցաւ.
Մինչեւ Ե՞րբ դուն քեզ պիտի կտրատես:

6 Ո՞վ Տէրոջ սուրը,

^ճ **ԵՐԾ.**՝ սպառեմ

^ւ **ԵՐԾ.**՝ կանոնին համաձայն

^յ **ԿԱՄ** խրատեմ

^ա **ԵՐԾ.**՝ եղաւ

^բ **ԵՐԾ.**՝ անոր լիութիւնը

^գ **ԵՐԾ.**՝ շարժումէն

^դ **ԵՐԾ.**՝ **իրենց** երեսը պիտի չդարձնեն

Մինչեւ Ե՞րբ պիտի չհանդարտիս.

Վերադարձի՞ր քու պատեանդ,

Խաղաղէ՞ ու լռէ՞:

7 Ի՞նչպէս կրնայ հանդարտ կենալ,
Քանի Տէրը անոր պատուէր տուեր է
Ասկաղոնի ու ծովեզերքին դէմ.
Հո՞ն եղրկեր է զայն»:

ՄՈՎԱԲԻ ԿՈՐԾԱՆՈՒՄԸ

48

Մովաբի մասին գօրքերու Տէրը՝

Խարայէլի Աստուածը սա՛ կը յայտարարէ.

«Վա՛ Նաբաւի, որովհետեւ կործանեցաւ.

Կարիաթէմ ամօթահար եղաւ եւ գրաւուեցաւ.

Մասգաբ ամօթահար եղաւ ու զարհուրեցաւ:

2 Մովաբ ա՛լ պիտի չգովուի:

Եսեբոնի մէջ անոր դէմ չարիք հնարեցին՝ ըսելով.

“Եկէք, զայն ազգ ըլլալէ սրադրեցնենք»:

Դո՛ւն ալ, ո՞վ Մադմէն, լռութեան պիտի դատապարտուիս.

Սուլը քեզի կը հետեւի:

3 Որոնայիմէն աղաղակի ծայն կու գայ.

“Կործանում ու մեծ փլուզում կայ»:

4 Մովաբ ջախջախուեցաւ,

Անոր փոքրերը աղաղակ բարձրացուցին,

5 Քանի որ Դուիթի զառիվերէն

Դառն լացով պիտի ելլեն,

Եւ Որոնայիմի զառիվայրէն

Թշնամիները փլուզումի աղաղակ լսեցին:

6 Փախէք, ազատեցէք ձեր անձը,

“Անապատի՝ ցախին” պէս եղէք:

7 Արդարեւ դո՛ւն ալ պիտի գրաւուիս,

Քանի որ քու գործերուդ ու գանձերուդ վստահեցար.

Քամովս տարագրութեան պիտի երթայ՝

Իր քուրմերուն եւ իշխանաւորներուն հետ:

8 Ամէն քաղաքի դէմ կործանողը պիտի գայ.

Ո՛չ մէկ քաղաք պիտի ազատի.

Հովհանն պիտի կորսուի ու լեռադաշտը կործանի,

Ինչպէս Տէրը ըսաւ»:

^բ Եբր.՝ սահմաներ

^ս Եբր.՝ կտրենք

^բ Եբր.՝ լսել տուին

^գ Եբր.՝ Անապատի՝ մէջ զրկուածի

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- 9 «Թեւե՛ր տուէք Մովաբի՝ որպէսզի թռչելով փախչի,
Քանի որ անոր քաղաքները ամայի պիտի ըլլան՝ առանց ոեւէ բնակիչի:
10 Անհծեա՛լ ըլլայ Տէրոց գործը ՚իսբէութեամբ կատարողը.
Անհծեա՛լ ըլլայ իր սուրը արիւնէն ՚ինայողը»:

ՄՈՎԱԲԻ ՔԱՂԱՁՆԵՐՈՒՆ ԿՈՐԾԱՆՈՒՄԸ

- 11 «Մովաբ իր մանկութենէն ի վեր անխռով էր,
Գիճիի պէս իր մրուրին վրայ ՚կը հանգչէր».
Անօթէ անօթ չթափուեցաւ,
Տարագրութեան չգնաց.
Հետեւաբար իր համը իր մէջ մնաց,
Եւ բուրմունքը չփոխուեցաւ:
12 Բայց ահա՛ կու գան օրերը, – կը պատգամէ Տէրը, –
Երբ անոր փոխամանողներ պիտի դրկեմ,
Ու զայն պիտի ՚փոխամանեն.
Անոր անօթները պիտի պարպեն,
Եւ կարասները պիտի կոտրտեն:
13 Մովաբ Քամովսէն պիտի ամշնայ,
Ինչպէս հսրայէլի տունը իր ապահովութիւնը **Եղող** Բեթէլէն ամշցաւ:
14 Ի՞նչպէս կ'ըսէք. “Մենք զօրաւոր
Ու պատերազմի համար կտրիճ մարդիկ ենք□:
15 Մովաբ կործանեցաւ, եւ անոր քաղաքներուն **մուխը** բարձրացաւ.
Անոր ընտիր երիտասարդները սպանդանոց իջան, –
Կը պատգամէ այն թագաւորը՝ որուն անունը **Զօրքերու Տէր** “է: –
16 Մովաբի ծախորդութիւնը հասնելու մօտ է,
Եւ անոր չարիքը յոյժ կը շտապէ:
17 Դո՛ք բոլորդ՝ որ անոր շուրջն էք, ողբացէ՛ք անոր վրայ.
Դո՛ք բոլորդ՝ որ անոր անունը գիտէք՝ ըսէք.
“Ի՞նչպէս կոտրեցաւ զօրաւոր գաւազանը,
Ծքեղ ցուպը□:
18 Ո՛վ Դեբոնի մէջ բնակող աղջիկ,
Իջի՛ր փառքէն եւ նստէ՛քոր **գետիճի** վրայ.
Արդարեւ Մովաբը կործանողը քեզի դէմ պիտի բարձրանայ,
Ու պարիսպներդ պիտի քանդէ:

Դ Կամ՝ թուլութեամբ

Ե Եբր.՝ արգիլողը

Յ Եբր.՝ հանդարտ կը կենար

Ֆ ԱյսիՃըՇ՝ ամանէ մը ուրիշ աման փոխադրեն

Ո Եբր.՝ Եհովա Սաբաւովթ

Պ Եբր.՝ ծարաւուտ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- 19 Ճամբային վրայ կայնէ՛ եւ դիտէ՛,
Ո՞Վ Արուրի բնակիչ.
Հարցուփորձէ՛ փախչողն ու խոյս տուողը,
Եւ ըսէ՛. “Ի՞նչ ՞պատահեցաւ□:
- 20 Մովաք ամօթահար եղաւ, որովհետեւ խորտակուեցաւ.
Գոռացէ՛ք եւ աղաղակեցէ՛ք,
Հոչակեցէ՛ք Առնոնի մէջ Մովաքի կործանումը:
- 21 Լեռնադաշտի երկրին,
Քողոնի, Ձասսայի ու Մեփայաթի վրայ դատաստան հասաւ,
22 Նաեւ Դեբոնի, Նաբալի, Բեթդեբլաթէմի,
23 Կարիաթէմի, Բեթգամովիի, Բեթմաւոնի,
24 Կարիոթի, Բուրայի
Ու Մովաքի երկրին բոլոր քաղաքներուն վրայ,
Թէ՛ հեռաւոր եւ թէ մօտաւոր:
25 Մովաքի եղջիւրը կոտրուեցաւ
Ու բազուկը բեկանուեցաւ», կը պատգամէ Տէրը:

ՄՈՎԱՔԻ ԶԱՂԱՔՆԵՐԸ ՊԻՏԻ ԿՈՐԾԱՆԻՆ

- 26 «Գինովցուցէ՛ք զայն,
Որովհետեւ Տէրոց դէմ՝ հպարտացաւ.
Մովաք թող իր փսխունքին մէջ թաւալի,
Եւ ինք ալ հեգնանքի առարկայ ըլլայ:
- 27 Արդարեւ հսրայէլ քեզի հեգնանքի առարկայ չեղա՞ւ.
Միթէ ան գողերու մէ՞ջ գտնուեցաւ,
Որ դուն գյուկն կը շարժէիր երբ անոր մասին խօսէիր:
- 28 “Ո՞Վ Մովաքի բնակիչներ,
Քաղաքները լքեցէ՛ք, ժայռի խոռոչներուն մէջ բնակեցէք.
Աղաւնին պէս եղէք, որ իր բոյնը վիհի բացուածքին՝ քովերը կը շինէ□:
- 29 Մովաքի ամբարտաւանութիւնը լսեցինք.
Ան յոյժ ամբարտաւան է:
Անոր խրոխտութիւնը, ամբարտաւանութիւնը, յոխորտանքը
Ու սիրտին գոռողութիւնը լսեցինք:
- 30 “Ես անոր ցասումը գիտեմ, – կը պատգամէ Տէրը, –
Բայց ընդունայն է.
Անոր զրաբանութիւնները պիտի չկատարուին□:
- 31 Ուստի Մովաքի համար պիտի գոռամ,
Ամբողջ Մովաքի համար պիտի աղաղակեմ.
Կիր-Հարէսի մարդոց համար պիտի հառաչեն:
- 32 Ո՞Վ Սեբամայի որթատունկ, քու վրադ Յազերի լացով պիտի լամ.
Զու ուռերդ ծովէն անցնելով

^Ժ Երը.՝ եղաւ

^Ի Երը.՝ ինքզինք մեծցուց

^Լ Երը.՝ կողմերը

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Մինչեւ Յազերի ծովը հասեր էին.
Չու ամառնային պտուղիդ վրայ եւ այգեկութիդ վրայ կործանողը ինկաւ:
- 33 Բարեբեր արտերէց եւ Մովարի երկրէն
Ուրախութիւնն ու ցնծութիւնը պիտի նանհետանան.
Հնձաններէն գինին դադրեցուցի.
- Յնծութեան ճիշով խաղող պիտի չկոխուի,
Եւ լսուած ճիչը ցնծութեան ճիչ պիտի չըլլայ:
- 34 Եսերոնի ծաղաղակին պատճառով՝ “իրենց ձայնը լսել տուին
Մինչեւ Եղէաղէ, մինչեւ Յասսա,
Սեգովրէն մինչեւ Որոնայիմ, Կեգա-Սելիսիա”,
Քանի որ Նեմերիմի ջուրերն ալ ամայացան:
- 35 Մովարի բարձր տեղը ողջակէզ մատուցանողը
Եւ իր աստուածներուն խունկ ծխողը
Պիտի հանեմ, – կը պատգամէ Տէրը:–
- 36 Այս պատճառով իմ սիրտս Մովարի համար սրինգներու պէս պիտի հնչէ.
Կիր-Հարէսի մարդոց համար ալ իմ սիրտս սրինգներու պէս պիտի հնչէ,
Որովհետեւ անոնց վաստկած հարստութիւնը կորսուեցաւ:
- 37 Արդարեւ ամէն գլուխ պիտի կնտուի,
Եւ ամէն մօրուք պիտի կտրուի.
Բոլոր ծեղքերուն վրայ ճեղքեր պիտի ըլլան,
Ու բոլոր մէջքերուն վրայ՝ քուրծ:
- 38 Մովարի բոլոր տանիքներուն վրայ
Եւ անոր հրապարակներուն մէջ միայն կոծ պիտի ըլլայ,
Որովհետեւ Մովարը կոտրեցի այնպիսի անօթի մը պէս՝
Որմէ ո՞չ մէկը կ'ախորժի, – կը պատգամէ Տէրը:–
- 39 “Ի՞նչպէս Մովար կոտրեցաւ,
Ի՞նչպէս ամօթով՝ կոնակ դարձուց՝, պիտի գոռան.
Մովար հեգնանքի ու երկիւղի պատճառ պիտի ըլլայ
Բոլոր իր շուրջը եղողներուն»:

ՄՈՎԱՐԻ ԱԶԱՏՈՒՄ ԶԿԱՅ

- 40 Արդարեւ Տէրը սա՝ կը յայտարարէ.
«Ահա՝ թշնամին արծիւի պէս պիտի սաւառնի,
Եւ իր թեւերը Մովարի վրայ պիտի տարածէ.
- 41 “Քաղաքները կը գրաւուին”,

^ի Եբր.՝ հաւաքուին

^ծ Կամ՝ աղաղակէն

^Կ Կամ՝ երեք տարեկան երինջի պէս

^հ Եբր.՝ դադրեցնեմ

^ծ Եբր.՝ ծոծրակ

^Դ Կամ՝ Կարիոթը կը գրաւուի

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Եւ ամրոցները կը նուաճուին.
Այդ օրը՝ Մովաքի զօրաւորներուն սիրտը
հր ճերկունքին մէջ եղող կնոշ սիրտին պէս պիտի ըլլայ:
42 Մովաք ժողովուրդ ըլլալէն պիտի նդադրի,
Որովհետեւ Տէրոջ դէմ հպարտացաւ:
43 Ո՞վ Մովաքի բնակիչ,
Երկիւղ, գուբ ու վարմ կը հասնի՛ քու վրադ, – կը պատգամէ Տէրը:–
44 Երկիւղէն փախչողը գուբը պիտի իյնայ,
Եւ գուբէն վեր ելլողը վարմի մէջ պիտի բռնուի,
Քանի որ անոր վրայ, Մովաքի վրայ,
Անոնց պատիժի տարին պիտի բերեմ, – կը պատգամէ Տէրը:–
45 ՞Ոյժէն փախչողները “ Եսեբոնի հովանիին տակ կայնեցան.
Բայց Եսեբոնէն կրակ ելաւ,
Սեհոնի մէջէն՝ բոց,
Ու Մովաքի ծայրը
Եւ աղաղակողներուն գագաթը սպառեց:
46 Վայ քեզի, Մովաք.
Քամովսի ժողովուրդը կորսուեցաւ,
Որովհետեւ զու որդիներդ գերի տարուեցան,
Եւ աղջիկներդ գերութեան գացի՛ն:
47 Բայց վերջին օրերը
Մովաքի գերիները պիտի վերադարձնեմ», կը պատգամէ Տէրը:
Մովաքի դատաստանը մինչեւ հոս է:

ԱՄՄՈՆԻ ԴԱՏԱՍՏԱՆԸ

49

- Ամմոնի որդիներուն մասին Տէրը սա՛ կը յայտարարէ.
«Միթէ հարայէլ որդիներ չունի՛.
Միթէ ան ժառանգորդ չունի՛.
Ինչո՞ւ անդամում Գաղի բտիրացաւ,
Եւ իր ժողովուրդը անոր քաղաքներուն մէջ բնակեցաւ:
2 Հետեւաբար ահա՛ կու գան օրերը, – կը պատգամէ Տէրը, –
Երբ Ամմոնի որդիներու Ռաբբային մէջ
Պատերազմի գոչիւն լսել պիտի տամ.

^Ճ Եբր.՝ տագնապին

^Ճ Եբր.՝ կտրուի

^Հ Եբր.՝ հատուցումի

^Ճ Կամ՝ Փախչողները ոյժէ ինկած՝

^Կ Կամ՝ իրենց թագաւորը

^Բ Այսինքն՝ ժառանգ եղաւ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Ան ամայի փլատակ պիտի ըլլայ,
Անոր գիւղերը կրակով պիտի այրուին,
Եւ հսրայէլ "իրեն տիրացողներուն պիտի տիրանայ", – կը յայտարարէ Տէրը:–
- 3** Գոռա՛, ո՞վ Եսերոն, որովհետեւ Գայի կործանեցաւ:
Աղաղակեցէ՛ք, ո՞վ Ռաբբայի աղջիկներ,
«Զո՛ւրծ հագէք», հեծեծեցէ՛ք,
Ու ցանկապատէ՛ ցանկապատ շրջագայեցէք.
Որովհետեւ Մեղքոմ տարագրութեան պիտի երթայ
Իր քուրմերուն եւ իշխանաւորներուն հետ:
- 4** Ինչո՞ւ քու հովիտներովդ կը պարծենաս.
Քու հովիտդ հալեցաւ, ո՞վ ուխտադրուժ աղջիկ:
Դուն գանձերուդ Վստահած էիր
Ու Կ'ըսէիր. «Ո՞վ ինծի դէմ կրնայ գալ□:
- 5** Ահա՛ ես բեզի դէմ՝ երկիւդ պիտի բերեմ
Բոլոր շուրջդ եղողներէն,–
Կը պատգամէ զօրքերու Տէրը՝ Եհովան,–
Եւ պիտի ցրուիք՝ իւրաքանչիւրը իր առջեւի ճամբան երթալով.
Ո՛չ մէկը պիտի հաւաքէ ՞փախստականները:
- 6** Աճկէ ետք Ամմոնի որդիներուն գերիները
Պիտի վերադարձնեմ», կը պատգամէ Տէրը:

ԵԴՈՎՄԻ ԴԱՏԱՍՏԱՆԸ

- 7** Եղովմի մասին զօրքերու Տէրը սա՛ կը յայտարարէ.
«Միթէ թեմանի մէջ ա՛լ իմաստութիւն չկա՞յ.
Խելացիներէն խորհուրդը կորսուեցա՞ւ.
Անոնց իմաստութիւնը ՞փարատեցա՞ւ:
- 8** Փախէ՛ք, կոճա՛կ դարձուցէք, խորունկ տեղեր բնակեցէք,
Ո՞վ Դեդանի բնակիչներ.
Որովհետեւ Եսաւի ծախորդութիւնը իր վրայ պիտի բերեմ,
«Զինք պատժած» ժամանակս:

^գ Երը.՝ աղջիկները

^դ Այսինքն՝ զինք ժառանգողները պիտի ժառանգէ

^ե Երը.՝ քուրձո՞վ գոտեւորուեցէք

^գ Երը.՝ հոսեցաւ

^է Կամ՝ քու վրադ

^զ Երը.՝ քշուիք

^թ Երը.՝ թափառականները

^ժ Երը.՝ տարածուեցա՞ւ

^ի Երը.՝ իրեն հատուցանած

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- 9 Եթէ քեզի **այգի** կթողներ գային,
Միթէ ճիռեր պիտի չթողուի՞ն.
Եթէ գիշերը գողեր **գային**,
Իրենց բաւարար ըլլալու չափ պիտի փճացնէին:
- 10 Բայց ես Եսաւը բոլորովին մերկացուցի,
Անոր ծածուկ տեղերը բացի。
Ուստի չկրցաւ պահուըտիլ:
Անոր զաւակները, եղբայրներն ու դրացիները բնաջնջուեցան,
Եւ ինք չկայ:
- 11 Թո՞ն որբերդ, ես զանոնք ողջ կը պահեմ.
Քու այրիներդ ինձի թող վստահին»:
- 12 Արդարեւ **Տէրը** սա՝ կը յայտարարէ.
«Ահա՝ անոնք¹ որ պարտաւոր չէին» բաժակը խմել, անշուշտ պիտի խմեն.
Իսկ դուն բոլորովին անպատի՞ժ պիտի մնաս:
Անպատիժ պիտի չմնաս,
Հապա անպատճառ պիտի խմես.
- 13 Որովհետեւ ծիմ անծիս վրայ « երդում կ'ընեմ, – կը պատգամէ **Տէրը**, –
թէ Բոսրա ամայութիւն, նախատինք, աւերակ եւ անէծք պիտի ըլլայ.
Անոր բոլոր քաղաքները յահտենապէս աւերակ պիտի ըլլան»:
- 14 **Տէրոցմէն** լուր մը լսեցի,
Եւ Կազմերուն դեսպան դրկուած է՝ **ըսելու**.
«Հաւաքուեցէ՛ք ու գացէ՛ք անոր դէմ,
Ոտքի՝ ելէք՝ պատերազմելու»:
- 15 Արդարեւ ահա՝ քեզ ազգերուն մէջ պատիկ դարձուցի,
Եւ մարդոց մէջ՝ արհամարհուած:
- 16 Քու ահոելիութիւնդ, սիրտիդ հպարտութիւնը քեզ հրապուրեցին,
Ո՞վ ժայոփի խորշերուն մէջ բնակող
Ու բլուրներու բարձունքը գրաւող.
Թէեւ քու բոյնդ արծիւին պէս «բարձր **տեղեր շինես**»,
Քեզ անկէ պիտի իշեցնեմ, – կը պատգամէ **Տէրը**:–
- 17 Եղովմ ամայի պիտի ըլլայ.
Ո՞վ որ անոր քովէն անցմի՝ պիտի ապշի,
Եւ անոր բոլոր պատուհասներուն համար պիտի սովէ:
18 Սոդոմի ու Գոմորի եւ Չըշակայ քաղաքներուն» կործանումին պէս, – կը յայտարարէ
Տէրը, –

¹ **Եբր.**՝ զարմը

² **Եբր.**՝ որոնց դատավճիռը չէր

³ **Եբր.**՝ ինձմով

⁴ **Կամ**՝ հեթանոսներուն

⁵ **Եբր.**՝ բարձրացնես

⁶ **Եբր.**՝ անոնց դրացիներուն

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Ո՞չ մէկը պիտի կենայ հոն,
Ո՞չ ալ մարդու որդի պիտի բնակի անոր մէջ:
- 19 Ահա՝ **թշնամին** առիւծի պէս կը բարձրանայ Յորդանանի ողողուած **ափերէն**՝
Տոկուն բնակարանին դէմ.
Բայց զինք վայրկենապէս պիտի վիախցնեմ՝ անկէ,
Եւ ո՞վ ընտիր է՝ որ անոր վրայ նշանակեմ:
Արդարեւ ո՞վ ինծի նման է.
Ո՞վ ինծի պիտի հանդիպի,
Ո՞վ է այն հովիւր՝ որ ինծի պիտի դիմադրէ:
- 20 Հետեւաբար լսեցէք Տէրոց տուած որոշումը Եղովմի մասին,
Ու մտածած ծրագիրը թեմանի բնակիչներուն մասին.
Հօտին ամենէն փոքրը անպատճառ զանոնք պիտի զքէ,
Անշուշտ անոնց բնակարանները իրենց պատճառով պիտի ամայացնէ:
- 21 Անոնց անկումին աղմուկէն երկրագունդը պիտի շարժի.
Անոնց աղաղակին ծայնը մինչեւ Կարմիր ծովը պիտի լսուի:
- 22 Ահա՝ **թշնամին** արծիւի պէս բարձրանալով կը սաւառնի,
Եւ իր թեւերը Բոսրայի վրայ կը տարածէ.
Այն օրը Եղովմի գօրաւորներուն սիրտը
Իր պերկունքին մէջ եղող կնոց սիրտին պէս պիտի ըլլայ:

ԴԱՄԱՍԿՈՍԻ ԴԱՏԱՍՏԱՆԸ

- 23 Դամասկոսի մասին.—
«Եմաթ եւ Արփաթ ամշցան,
Քանի որ չարագուշակ լուր լսեցին **ու** հալեցան:
Ծովուն մէջ զարհուրանք կայ.
Ան չի կրնար հանդարտիլ:
- 24 Դամասկոս տկարացաւ,
Կոնակ դարձուց փախչելու համար.
Արհաւիրքը զինք համակած է.

^ո **Եբր.**՝ խրոխտ

^ո **Կամ** զանոնք, **այսինքն**՝ Եղովմայեցիները

^ո **Եբր.**՝ վազցնեմ

^ո **Այսինքն**՝ Եղովմէն

^ո **Եբր.**՝ խորհած

^ո **Եբր.**՝ քաշկոտէ

^ո **Կամ** հետ

^ո **Եբր.**՝ երկիրը

^ո **Եբր.**՝ տագնապին

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Տագմապն ու երկունքի ցաւերը բռնեցին զինք՝ ինչպէս ծննդաբերող կի՞ցը:

25 (Ի՞նչպէս լքուեցաւ գովելի բերդաքաղաքը,
Իմ բերկրանքիս քաղաքը:)

26 Հետեւաբար անոր երիտասարդները իր հրապարակներուն մէջ պիտի իյնան,
Ու բոլոր պատերազմիկները
Այն օրը պիտի բնաշնչուին, – կը պատգամէ զօրքերու Տէրը:–

27 Դամասկոսի պարիսպին մէջ կրակ պիտի բառեմ,
Եւ Բենադադի պալատները պիտի սպառէ»:

ԿԵՂԱՐԻ ՑԵՂԻՆ ԵՒ ՀԱՍՈՐ ՔԱՂԱՔԻՆ ԴԱՏԱՍՏԱՆԸ

28 Կեդարի մասին ու Հասորի թագաւորութիւններուն մասին, որոնք Բաբելոնի Նաբուգոդոնոսոր թագաւորը գարկաւ, Տէրը սա՛ կը յայտարարէ.
«Ոտքի՛ ելէք, բարձրացէ՛ք Կեդարի դէմ,
Եւ բնաշնչեցէ՛ք սարեւելքցիները.

29 Անոնց վրաններն ու հօտերը պիտի գրաւուին,
Անոնց վարագոյրները, բոլոր գոյքերը
Եւ ուղտերը պիտի փոխադրուին,
Ու անոնց պիտի գոչեն.
“Ամէն կողմէ արհաւիրք կայ□:

30 Փախէ՛ք, շուտով հեռացէք, խորունկ տեղեր բնակեցէք,
ՈՎ Հասորի բնակիչներ, – կը պատգամէ Տէրը:–
Արդարեւ Բաբելոնի Նաբուգոդոնոսոր թագաւորը
Զեզի դէմ որոշում մը տուաւ,
Զեզի դէմ ծրագիր մը մտածեց:

31 Ոտքի՛ ելէք ու բարձրացէ՛ք անդորրութեան եւ ապահովութեան մէջ բնակող ազգին
դէմ, – կը պատգամէ Տէրը:–
Ան ո՛չ դուներ ունի, ո՛չ ալ նիգեր, եւ առանձին կը բնակի:

32 Անոնց ուղտերը պիտի կողոպտուին,
Ու անոնց խաշինքին բազմութիւնը պիտի յափշտակուի.
Իրենց մօրուքին ծայրը կտրողները ամէն հովի պիտի ցրուեմ,
Եւ անոնց ծախորդութիւնը ամէն կողմէ պիտի բերեմ, – կը պատգամէ Տէրը:–

33 Հասոր շնագայլերու որջ,
Յաւիտենական ամայութիւն պիտի ըլլայ.
Ո՛չ մէկը պիտի կենայ հոն,
Ո՛չ ալ մարդու որդի պիտի բնակի անոր մէջ»:

ԵՂԱՄԻ ԴԱՏԱՍՏԱՆԸ

² Եբր.՝ լոեն

³ Եբր.՝ բռնկեցնեմ

⁴ Եբր.՝ սարեւելքի որդիները

⁵ Եբր.՝ բնակին

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

34 Յուղայի թագաւորին՝ Սեղեկիայի թագաւորութեան սկիզբը, Եղամի մասին Երեմիա մարգարէին սուղուած խօսքը Տէրոցմէն՝ որ ըստ.

35 «Զօրքերու Տէրը սա՛ կը յայտարարէ.

“Ահա՛ ես պիտի կոտրեմ Եղամի աղեղը,
Անոնց գլխաւոր զօրութիւնը:

36 Եղամի վրայ չորս հովերը պիտի բերեմ Երկինքի չորս ծայրերէն,
Զանոնք այս բոլոր հովերուն պիտի ցրուեմ,

Ու պիտի չըլլայ ազգ մը՝ ուր Եղամի աքսորականները չհասնին:

37 Եղամացիները իրենց թշնամիներուն առջեւ
Եւ իրենց կեանքը փնտռողներուն առջեւ պիտի զարհուրեցնեմ,
Ու անոնց վրայ չարիք պիտի բերեմ,

Այսինքն՝ իմ բորբոքած բարկութիւնս, – կը պատգամէ Տէրը: –

Անոնց ետեւէն սուրը պիտի դրկեմ,

Մինչեւ որ զանոնք ՞հատցնեմ:

38 Իմ գահս Եղամի մէջ պիտի դնեմ,

Եւ անկէ պիտի բնաջնջեմ թագաւորն ու իշխանաւորներ, – կը պատգամէ Տէրը: –

39 Բայց վերջին օրերը

Եղամի գերիները պիտի վերադարձնեմ», կը պատգամէ Տէրը:

ԲԱԲԵԼՈՆԻ ԳՐԱՒՂԻՄԸ

50

Բաբելոնի մասին – Քաղդէացիներու Երկրին մասին – Երեմիա մարգարէին սմիջոցով Տէրոց ըստ խօսքը: –

2 «Յայտարարեցէ՛ք ազգերուն մէջ.

Ծանուցանեցէ՛ք եւ դրօշակ բարձրացուցէք

Ծանուցանեցէ՛ք ու մի՛ ծածկէք, եւ ըսէ՛ք.

“Բաբելոն գրաւուեցաւ, Բէլ ամօթահար Եղաւ.

Մարովդաք խորտակուեցաւ,

Անոր կուռքերը ամօթահար Եղան,

Անոր չաստուածները կոտրուեցան:

3 Արդարեւ անոր դէմ հիւսիսէն ազգ մը բարձրացաւ՝

Որ անոր Երկիրը ամայի պիտի գործնէ.

Հոն ո՛չ մէկը պիտի բնակի,

Մարդ թէ անասուն պիտի փախչին Երթան»:

ԻՍՐԱՅԵԼԻ ՎԵՐԱԴԱՐՁԸ

^Ա **Եբր.**՝ Եղած

^Բ **Եբր.**՝ սպառեմ

^Կ **Եբր.**՝ ձեռքով

^Հ **Եբր.**՝ լսել տուէք

^Դ **Եբր.**՝ ընէ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- 4 «Այդ օրերը եւ այդ ատենք, – կը պատգամէ Տէրը, –
հսրայէլի որդիները – իրենք եւ Յուղայի որդիները – միասին պիտի գան,
Քալելով ու լալով պիտի գան,
եւ Տէրը՝ իրենց Աստուածը պիտի փնտոեն:
- 5 Սինի ճամբան պիտի հարցնեն՝
իրենց երեսը դէպի հոն ուղղելով եւ ըսելով.
“Եկէ՞ք, Տէրո՞ք յարինք
Յաւտենական ու անմռոաց ուխտով մը□:
- 6 Իմ ժողովուրդս կորսուած ոչխարներու պէս եղաւ.
Իրենց հովիւները զանոնք մոլորեցուցին՝
Անոնց թափառիլ տալով լեռներու վրայ,
Իրենք ալ լեռնէ լեռ ու բլուրէ բլուր գացին,
եւ իրենց մակաղատեղը մոռցան:
- 7 Բոլոր զանոնք գտնողները զիրենք լափեցին.
Իրենց հակառակորդները ըսին.
“Մենք յանցաւոր չենք,
Որովհետեւ անոնք մեղանչեցին արդարութեան բնակարան եղող Տէրոց դէմ,
իրենց հայրերուն յոյսը եղող Տէրոց դէմ□:
- 8 Բարելոնէն փախէ՞ք,
Քաղդէացիներու երկրէն ելէ՞ք,
եւ հօտերուն առջեւէն գացող նոխազներուն պէս եղէք.
- 9 Արդարեւ ահա՛ ես Բարելոնի դէմ
Հիւսիսի երկրէն մեծ ազգերու համախմբում մը
Պիտի արթնցնեմ ու բարձրացնեմ:
Անոր առջեւ պատերազմի պիտի շարուին,
եւ ան պիտի գրաւուի:
Անոնց նետերը՝ ճարպիկ զօրաւոր մարդու նետերուն պէս են.
Ո՛չ մէկը պարապ պիտի վերադառնայ:
- 10 Քաղդէաստանը աւար պիտի ըլլայ,
Ու զայն թալլողները պիտի կշտանան», կը պատգամէ Տէրը:

ԲԱՐԵԼՈՆԻ ԱՆԿՈՒՄԸ

- 11 «Քանի դուք ուրախացաք եւ հրճուեցաք,
Ո՛վ իմ ժառանգութեանս կողոպտիչները,
Յատկեցէ՞ք գալարի մէջ արածող^ա երինջի պէս,
Վրնջեցէ՞ք երիվարներու պէս:
- 12 Զեր մայրը յոյժ ամշցաւ,
Զեզ ծնանողը պիտի շիկնի.
Ահա՛ ան ազգերուն յետինը,

^ա Եբր.՝ դառնալ

^բ Եբր.՝ ուշիմ

^գ Կամ ցորեն ծեծող

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Անապատ, անջրդի եւ անբնակ երկիր պիտի ըլլայ:
- 13 Տէրոց զայրոյթին պատճառով՝ ան պիտի չքնակուի,
Հապա ամբողջովին ամայի պիտի ըլլայ.
Ո՞վ որ Բաբելոնի քովէն անցնի՝
Անոր պատուհասներուն վրայ
Պիտի ապշի ու սուկ:
- 14 Բաբելոնի դէմ **պատերազմի՝** շարուեցէք՝ բոլորածեւ,
Ո՞վ բոլոր աղեղ լարող ներ.
Անոր նետեցէք, նետին մի՛ խնայէք,
Քանի որ ան Տէրոց դէմ մեղանչեց:
- 15 Անոր դէմ ամէ՛ն կողմէ գոչեցէք.
ԱՃ՝ անձնատուր եղաւ”,
Անոր հիմերը տապալեցան,
Անոր պարիսպները փլան,
Որովհետեւ ասիկա Տէրոց վրէժինութիւնն է:
Վրէ՛ժ առէք իրմէ,
Վարուեցէք իրեն հետ՝ ինչպէս ինք վարուեցաւ:
- 16 Բաբելոնէն կոտորեցէք սերմանողը եւ հունձքի ժամանակ մանգաղ բոնողը.
Կոտորող սուրին պատճառով՝
Իւրաքանչիւրը իր ժողովուրդին պիտի վերադառնայ,
Իւրաքանչիւրը իր երկիրը պիտի փախչի»:

ԻՍՐԱՅԵԼ ԿԸ ՎԵՐԱԴԱՌՆԱՅ

- 17 «Իսրայէլ մոլորեալ ոչխար մըն է,
Առիւծներէն բհալածուած.
- Նախ Ասորեստանի թագաւորը զայն լափեց,
Իսկ այս վերջինը՝ Բաբելոնի Նաբուգոնոսոր թագաւորը՝ անոր ոսկորները կոտրեց:
- 18 Նետեւաբար զօրքերու Տէրը՝ Իսրայէլի Աստուածը սա՛ կը յայտարարէ.
“Ահա՛ ես Բաբելոնի թագաւորն ու անոր երկիրը պիտի պատժեմ,
Ինչպէս Ասորեստանի թագաւորը պատժեցի.
- 19 Իսկ Իսրայէլը իր արօտավայրերը պիտի վերադարձնեմ,
Ու Կարմեղոսի եւ Բասանի մէջ պիտի արածի.
Անոր անձը Եփրեմի լեռնակողմը
Ու Գաղաղդի մէջ պիտի կշտանայ□:
- 20 Այդ օրերը եւ այդ ատենը, – կը պատգամէ Տէրը, –
Իսրայէլի անօրէնութիւնը պիտի փնտռուի,
Բայց **անօրէնութիւն** պիտի չըլլայ.
Յուդայի մեղքերը պիտի փնտռուին,

^է **Եբր.**՝ իր ձեռքը տուաւ

^լ **Եբր.**՝ Երեսէն

^բ **Եբր.**՝ քշուած

^ժ **Եբր.**՝ հատուցանեմ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Բայց պիտի չգտնուին.

Որովհետեւ պիտի ներեմ անոնց՝ որ **ողջ թողուցած պիտի ըլլամ»:**

ԲԱԲԵԼՈՆԻ ԴԱՏԱՍՏԱՆԸ

- 21** Բարձրացի՞ր ^հՄերաթայիմի Երկրին դէմ
Ու Փակուդի բնակիչներուն դէմ,
Աւերէ՛ զանոնք
Եւ անճիտէ՛, – կը պատգամէ Տէրը. –
Վարուէ՛ ամբողջ քեզի հրամայածիս համաձայն:
- 22** Երկրին մէջ պատերազմի ծայն
Ու մեծ փլուզում կայ.
- 23** Ի՞նչպէս ամբողջ Երկրի ուռը կոտրուեցաւ ու փշրուեցաւ,
Ի՞նչպէս Բաբելոն ազգերուն մէջ ամայութիւն եղաւ:
- 24** Քեզի որոգայթ լարեցի եւ բռնուեցար, ո՞վ Բաբելոն,
Բայց դուն չգիտցար.
Գտնուեցար ու ձերբակալուեցար,
Որովհետեւ Տէրոց դէմ մաքառեցար:
- 25** *Տէրը իր զինանոցը բացաւ*
Եւ իր սրտմտութեան զէնքերը դուրս հանեց,
Որովհետեւ ասիկա զօրքերու Տէրոց՝ Եհովայի գործն է
Զաղդէացիներու Երկրին մէջ.
- 26** Եկէ՛ք անոր դէմ **Երկրի** ծայրէն,
Բացէ՛ք անոր շտեմարանները,
Դիզեցէ՛ք զայն ^հշեղշերու պէս,
Եւ անճիտեցէ՛ք զայն.
Անկէ ոչինչ թող մնայ:
- 27** *Ճկոտորեցէ՛ք անոր բոլոր ցուլերը,*
Թող անոնք սպանդանոցը իջնեն.
Վա՛յ անոնց, քանի որ անոնց օրը,
Անոնց ^կպատիժի ատենը հասած է:
- 28** Բաբելոնի Երկրէն փախչողներուն եւ ազատածներուն ծայնը **կու գայ,**
Սիոնի մէջ յայտարարելու Տէրոց՝ մեր Աստուծոյն վրէժխնդրութիւնը,
Անոր տաճարին վրէժխնդրութիւնը:
- 29** «Աղեղնաւորներ կանչեցէք Բաբելոնի դէմ.
Ո՞վ բոլոր աղեղ լարողներ,
Բանակեցէ՛ք անոր դէմ՝ բոլորածեւ.

^հ **Այսինքն՝** Ապստամբութեան

^ւ **Այսինքն՝** Այցելութեան

^{իւ} **Եբր.՝** դէզերու

^ծ **Եբր.՝** Աւերեցէ՛ք

^կ **Եբր.՝** հատուցումի

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

Ո՛չ մէկը անկէ թող ազատի:

Հատուցանեցէ՛ք անոր՝ իր արարքներուն համեմատ,
Վարուեցէ՛ք անոր հետ՝ իր բոլոր ըրածներուն համեմատ.
Արդարեւ ան հպարտացաւ *Տէրոջ դէմ*,
Իսրայէլի Սուլրին դէմ:

30 Հետեւաբար անոր երիտասարդները իր հրապարակներուն մէջ պիտի իյնան,
Եւ անոր բոլոր պատերազմիկները

Այդ օրը պիտի “բնաջնջուին, – կը պատգամէ Տէրը:–

31 Ահա՛ ես քեզի դէմ եմ, ո՞վ հպարտ, –

Կը պատգամէ զօրքերու Տէրը՝ Եհովան, –

Քանի որ հասած է քու օրդ, “քեզ պատժելու” ատենը:

32 Հպարտը գայթելով պիտի իյնայ,

Եւ ո՛չ մէկը զայն պիտի կանգնեցնէ:

Անոր քաղաքներուն մէջ կրակ պիտի ովառեմ,

Որ անոր ամբողջ շրջակայքը սպառէ»:

33 Զօրքերու Տէրը սա՛ կը յայտարարէ.

«Իսրայէլի որդիներն ու Յուդայի որդիները միասին հարստահարուեցան.

Անոնց բոլոր գերեվարները իրենց կառչեցան,

Եւ մերժեցին զիրենք արձակել:

34 *Սակայն* իրենց Փրկարարը ուժեղ է,

Անոր անունը Զօրքերու Տէր է.

Ան անշուշտ իրենց իրաւունքը պիտի պաշտպանէ,

Որպէսզի երկիրը խաղաղեցնէ,

Ու Բարելոնի բնակիչները վրովէ:

35 Տէրը կը պատգամէ թէ սուր պիտի հասնի Քաղդէացիներուն վրայ,

Բարելոնի բնակիչներուն վրայ,

Անոր իշխանաւորներուն եւ իմաստուններուն վրայ.

36 Սուր՝ ստախօսներուն վրայ, ու պիտի խենթանան.

Սուր՝ անոր զօրաւորներուն վրայ, եւ պիտի զարհուրին.

37 Սուր՝ անոր ծիերուն ու կառքերուն վրայ,

Սուր՝ անոր մէջ եղող բոլոր խառնածիններուն վրայ,

Որոնք կիներու պէս պիտի ըլլան.

Սուր՝ անոր գանձերուն վրայ, որոնք պիտի կողոպտուին.

38 Չորութիւն՝ անոր ջուրերուն վրայ, որոնք պիտի ցամքին.

Որովհետեւ ան ճկուոքերու երկիր է,

Եւ *իրենց* կուոքերով կը խենթանան:

39 Հետեւաբար հոգ վայրենի կատուներ “ու բորենիներ պիտի բնակին,

⁶ *Եբր.*՝ լոեն

⁸ *Եբր.*՝ քեզի հատուցանելուս

⁹ *Եբր.*՝ բռնկեցնեմ

⁶ *Եբր.*՝ քանդակուած պատկերներու

⁴ *Կամ* անապատի գազաններ

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Հոն ջայլամներ պիտի բնակին.
Ան ընդմիշտ պիտի չբնակուի,
Սերունդէ սերունդ անբնակ պիտի ըլլայ:
- 40** Աստուծոյ կործանած Սոդոմին ու Գոմորին
Եւ՝ շրջակայ քաղաքներուն՝ պէս, — կը պատգամէ Տէրը, —
Ո՛չ մէկը պիտի կենայ հոն,
Ո՛չ ալ մարդու որդի պիտի բնակի անոր մէջ»:
- 41** «Ահա՝ հիւսիսէն ժողովուրդ մը կու գայ,
Մեծ ազգ մը ու շատ թագաւորներ
Երկրի ծագերէն հկ'արշաւեն:
- 42** Անոնք աղեղ ու տէգ կը բռնեն.
Անգութ եւ անողորմ են:
Անոնց ձայնը ծովու պէս կը գոռայ:
Անոնք ծիերու վրայ հեծած են,
Ու պատերազմիկի պէս
Քեզի դէմ կը շարուին, ո՞վ Բաբելոնի աղջիկ:
- 43** **Երբ** Բաբելոնի թագաւորը՝ այս լուրը լսեց՝
Անոր ձեռքերը թուցան.
Տագնապը զինք համակեց՝
Ծննդաբերող կնոջ երկունքի ցաւին պէս:
- 44** Ահա՝ **թշնամին** առիւծի պէս կը բարձրանայ Յորդանանի՝ ողողուած **ափերէն**.
Տոկուն բնակարանին դէմ.
Բայց՝ զինք վայրկենապէս պիտի պահանջնեմ անկէ,
Եւ ո՞վ ընտիր է՝ որ անոր վրայ նշանակեմ:
Արդարեւ ո՞վ ինծի նման է.
Ո՞վ ինծի պիտի հանդիպի,
Ո՞վ է այն հովիւը՝ որ ինծի պիտի դիմադրէ:
- 45** Հետեւաբար լսեցէ՛ք Տէրոց՝ տուած որոշումը Բաբելոնի մասին,
Ու մտածած ծրագիրը Զաղդէացիներու երկրին մասին.
Հօտին ամենէն փոքրը անպատճառ զանոնք պիտի քշէ.

¹ **Երբ.**՝ անոնց դրացիներուն

² **Երբ.**՝ կ'արթննան

³ **Երբ.**՝ անոր

⁴ **Երբ.**՝ խրոխտ

⁵ Կամ՝ զանոնք, **այսինքն**՝ Եղովմայեցիները

⁶ **Երբ.**՝ վազցնեմ

⁷ **Այսինքն**՝ Եղովմէն

⁸ **Երբ.**՝ խորհած

⁹ **Երբ.**՝ քաշկոտէ

Անշուշտ **անօնց** բնակարանները իրենց պատճառով պիտի ամայացնէ:

- 46 Բաբելոնի գրաւումին աղմուկէն ուրկրագունդը կը շարժի,
Եւ ազգերուն մէջ աղաղակ կը լսուի»:

ԲԱՐԵԼՈՒԻ ԱՆԱԶԱՌ ԴԱՏԱՍՏԱՆԸ

51

Տէրը սա՛ կը յայտարարէ.

«Ահա՛ ես Բաբելոնի դէմ,

Եւ ՚իմ հակառակորդներուս՝ մէջտեղը բնակողներուն դէմ

Կործանարար հով մը պիտի բարձրացնեմ:

- 2 Բաբելոնի դէմ ՚հոսողներ պիտի դրկեմ՝

Որոնք զայն պիտի հոսեն եւ անոր երկիրը պիտի պարպեն,

Որովհետեւ ամէն կողմէ պիտի ՚գան անոր դէմ ծախորդութեան օրը:

- 3 Աղեղնաւորը թող լարէ իր աղեղը ՚աղեղնաւորին դէմ,

Եւ իր զրահին մէջ ՚հպարտացողին դէմ:

Անոր երիտասարդներուն մի՛ խնայէք,

Անոր ամբո՛ղջ զօրքը անճիտեցէք:

- 4 Քաղդէացիներուն երկրին մէջ ՚սպաննուածներ պիտի իյնան,

Եւ անոր փողոցներուն մէջ՝ խոցուածներ.

- 5 Արդարեւ հսրայէլ ու Յուղա իրենց Աստուծմէն՝

Զօրքերու Տէրոշմէն ՚չլքուեցան,

Թէպէտ իրենց երկիրը յանցանքով լեցուեցաւ

հսրայէլի Սուրբին դէմ»:

- 6 Փախէ՛ք Բաբելոնի մէջէն,

Իւրաքանչիւրը իր անձը թող ազատէ՝

Որպէսզի անոր անօրէնութեամբ ՚չբնաջնջուիք.

Վ Կամ՝ հետ

Ա Եբր.՝ երկիրը

Ա Եբր.՝ ինծի դէմ կանգնողներուն

Բ Եբր.՝ սիրտը

Գ Կամ՝ օտարներ

Դ Եբր.՝ ըլլան

Ե Եբր.՝ աղեղ լարողին

Զ Եբր.՝ ինքզինք բարձրացնողին

Է Եբր.՝ խոցոտուածներ

Ծ Եբր.՝ չայրիացան

Պ Եբր.՝ չլուէք

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

Քանզի ասիկա Տէրոց վրէժխնդրութեան ատենն է,
Ի՞նք պիտի հատուցանէ անոր վարձատրութիւնը:

7 **Բաբելոն Տէրոց ձեռքին մէջ՝**

Ամբողջ ծերկրագունդը գինովցնող ոսկի բաժակ մը եղաւ.

Ազգերը խմեցին անոր գինիէն,

Հետեւաբար ազգերը խենթացան:

8 **Բաբելոն յանկարծ տապալեցաւ ու ջախջախուեցաւ.**

Գոռացէ՛ք անոր վրայ,

Բալասա՞ն առէք անոր ՚Վէրքին համար,

Թերեւս բուժուի:

9 **Փորձեցինք Բաբելոնը բուժել, բայց չբուժուեցաւ.**

Լքեցէ՛ք զայն, ու մեզմէ իւրաքանչիւրը իր երկիրը թող երթայ.

Արդարեւ անոր դատաստանը մինչեւ երկինք հասաւ,

Մինչեւ նօսր ամպերը բարձրացաւ:

10 **Տէրը մեր արդարութիւնը երեւան հանեց.**

Եկէ՛ք, ու Սիոնի մէջ պատմենք

Տէրոց՝ մեր Աստուծոյն գործը:

11 **Փայլեցուցէ՛ք նետերը, ՚բռնեցէ՛ք վահանները.**

Տէրը Մարերու թագաւորներուն հոգին արթնցուց,

Քանի որ իր մտադրութիւնը Բաբելոնի դէմ է՝ զայն կործանելու համար.

Արդարեւ այս է Տէրոց վրէժխնդրութիւնը,

Իր տաճարին վրէժխնդրութիւնը:

12 **Դրօշակ բարձրացուցէ՛ք Բաբելոնի պարիսպներուն դէմ,**

Պահակագունդը ուժովցուցէ՛ք,

Պահապաններ նշանակեցէ՛ք, դարաններ պատրաստեցէ՛ք,

Քանի որ Տէրը որոշեց եւ գործադրեց

Ինչ որ Բաբելոնի բնակիչներուն դէմ խօսած էր:

13 **Ո՞վ յորդառատ ջուրերու քով բնակող ու շատ գանձեր ունեցող,**

Քու վախճանդ հասաւ, ագահութեանդ չափը լեցուեցաւ:

14 **Զօրքերու Տէրը իր անձին վրայ երդում ըրաւ՝ ըսելով.**

«Անշուշտ զորեակի բազմութեան չափ մարդոցմով քեզ պիտի լեցնեմ,

Որոնք քեզի դէմ **յաղթութեան** ճիշ պիտի ՚բարձրացնեն»:

ԱՍՈՒԾՈՅ ՓԱՌԱԲԱՆՈՒԹԵԱՆ ԵՐԳ ՄԸ

15 **Երկիրը իր կարողութեամբ ծստեղծեց,**

Երկրագունդը իր իմաստութեամբ հաստատեց,

^ծ **Եբր.՝ Երկիրը**

^հ **Եբր.՝ կոտտանքին**

^լ **Եբր.՝ լեցուցէ՛ք**

^{իւ} **Եբր.՝ կանչեն**

^ծ **Եբր.՝ շինեց**

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- Երկինքը իր հանճարով սփռեց:
- 16 Երբ իր ձայնը **լսել** տայ՝ երկինքի մէջ ջուրերու յորդառատութիւն կ'ըլլայ. Երկրի ծայրերէն ամպեր կը բարձրացնէ, Անձրեւի համար փայլակներ կը պատրաստէ, Ու հով կը հանէ իր շտեմարաններէն:
- 17 Ամէն մարդ ճանաչումէն **զրկուելով** անբան եղաւ. Ամէն ծովագործ **իր** քանդակած կուոքին **պատճառով** ամօթահար եղաւ, Որովհետեւ իր “ծոված կուոքերը” ստութիւն են, Անոնք չհոգի չունին:
- 18 Անոնք ունայնութիւն են, գեղծարարութեան գործեր. Իրենց պատիժին ատենը պիտի կորսուին:
- 19 Յակոբի Բաժինը անոնց պէս չէ, Որովհետեւ ինք է բոլորին **Արարիչը.** Իսրայէլ իր ժառանգութեան **վիճակն** է, Իր անունը **Զօրքերու Տէր** “է:
- 20 «Դուն՝ իմ կռանս **ես**, պատերազմական **գործիքս.** Քեզմո՞վ “պիտի ջախջախեմ” ազգերը, Քեզմո՞վ պիտի կործանեմ թագաւորութիւնները.
- 21 Քեզմո՞վ պիտի ջախջախեմ ծին եւ անոր հեծեալը, Քեզմո՞վ պիտի ջախջախեմ կառքն ու անոր մէջ նստողը.
- 22 Քեզմո՞վ պիտի ջախջախեմ մարդը եւ կինը, Քեզմո՞վ պիտի ջախջախեմ ծերն ու պատանին, Քեզմո՞վ պիտի ջախջախեմ երիտասարդն ու կոյսը.
- 23 Քեզմո՞վ պիտի ջախջախեմ հովիլը եւ անոր հօտը, Քեզմո՞վ պիտի ջախջախեմ երկրագործն ու անոր **եզներուն** գոյգը. Քեզմո՞վ պիտի ջախջախեմ կուսակալներն ու նախարարները,
- 24 Եւ Բաբելոնի ու **Ջաղողէաստանի** բոլոր բնակիչներուն Պիտի հատուցանեմ իրենց ամբողջ չարիքը՝

⁴ **Կամ՝ շինէ**

⁵ **Եբր.**՝ թափած պատկերը

⁶ **Կամ՝ շունչ**

⁷ **Եբր.**՝ հատուցումին

⁸ **Եբր.**՝ Ձեւակերպիչը

⁹ **Եբր.**՝ գաւազանն

¹⁰ **Եբր.**՝ Եհովա Սաբաւովթ

¹¹ **Կամ՝ եղար**

¹² **Կամ՝ զէնքս**

¹³ **Կամ՝ ջախջախեցի**

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- Որ գործեցին Սիոնի մէջ, ձեր աչքերուն առջեւ, – կը պատգամէ Տէրը:–
- 25** Ո՞վ ամբողջ Երկրագունդը կործանող պապականիչ լեռ,
Ահա՝ ես քեզի դէմ եմ, – կը պատգամէ Տէրը:–
Իմ ծեռքս քու վրադ պիտի Երկարեմ,
Քեզ ժայռերէն վար պիտի գլորեմ,
Եւ քեզ այրուած լեռի պիտի վերածեմ:
- 26** Քեզմէ անկիւնի քար ու հիմի քար պիտի շհանեն,
Քանի որ յափտեան ամայի պիտի ըլլաս», կը պատգամէ Տէրը:
- 27** Երկրին մէջ դրօշակ բարձրացուցէք,
Ազգերուն մէջ շեփո՞ր հնչեցուցէք.
Անոր դէմ ազգե՞ր պատրաստեցէք,
Անոր դէմ կանչեցէք Արարատի, Միննիի
Եւ Ասքանազի թագաւորութիւնները.
Անոր դէմ զօրավարնե՞ր նշանակեցէք,
Մազոտ ջորեակներու պէս ծիե՞ր բարձրացուցէք.
- 28** Անոր դէմ ազգե՞ր պատրաստեցէք. – Մարերու թագաւորները,
Անոնց կուսակալներն ու բոլոր նախարարները,
Եւ անոնց տէրութեան ամբո՞ղջ Երկիրը:
- 29** «Երկրագունդը կը շարժի ու կը տանջուի»,
Որովհետեւ Բաբելոնի դէմ Տէրոց ծրագիրները կ'իրագործուին՝
Բաբելոնի Երկիրը ամայութեան վերածելու համար, առանց բնակիչի:
- 30** Բաբելոնի զօրաւորները պատերազմելէ դադրեցան,
Եւ ամրութիւններու մէջ կեցած են.
Իրենց զօրութիւնը պակսած է, կիներու պէս եղած են:
Անոր բնակարանները այրուեցան, անոր նիգերը կոտրուեցան:
- 31** Սուրհանդակը կը վազէ **ուրիշ** սուրհանդակի հանդիպելու,
Ու տեղեկաբերը **ուրիշ** տեղեկաբերի հանդիպելու,
Բաբելոնի թագաւորին իմացնելու համար
Թէ իր քաղաքը **մէկ** ծայրէն գրաւուած է,
32 Թէ անցքերը բռնուած են,

^Հ **Եր.**՝ Երկիրը

^Կ **Կամ** կործանարար

^Հ **Եր.**՝ դարձնեմ

^Հ **Եր.**՝ չբերեն

^Կ **Եր.**՝ սրբացուցէք

^Վ **Եր.**՝ Երկիրը

^Ա **Եր.**՝ Երկունքի ցաւ կը քաշէ

^Ի **Եր.**՝ ընելու

^Ց **Եր.**՝ ցամքած

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- Եղէգները կրակով այրուած են,
Պատերազմիկները շփոթած են:
- 33 Արդարեւ զօրքերու Տէրը՝ հսրայէլի Աստուածը սա՛ կը յայտարարէ.
«Բաբելոնի աղջիկը կալի պէս է.
Ատենն է զայն կամնելու:
Քիչ ժամանակէն ետք անոր հունձքի ատենն ալ պիտի գայ»:
- 34 Բաբելոնի Նաբուգոնոսոր թագաւորը
Զիս լափեց, զիս բնաջնջեց.
Զիս պարապ ամանի պէս ըրաւ,
Զիս վիշապի պէս կլլեց.
Իմ համադամ Կերակուրներէս իր փորը լեցուց,
Զիս դուրս նետեց:
- 35 Սիոնի բնակիչը պիտի ըսէ.
«Ինձի եւ իմ մարմինիս եղած բռնութիւնը Բաբելոնի վրայ ըլլայ»:
Երուսաղէմ ալ պիտի ըսէ.
«Իմ արիւնս Քաղդէաստանի բնակիչներուն վրայ ըլլայ»:

ԱՍՏՈՒԱԾ ՊԻՏԻ ՕԳՆԵ ԻՍՐԱՅԵԼԻ

- 36 Հետեւաբար Տէրը սա՛ կը յայտարարէ.
«Ահա՛ ես քու իրաւունքդ պիտի պաշտպանեմ,
Զու վրէժդ պիտի առնեմ.
Անոր ծովը պիտի ցամքեցնեմ,
Եւ անոր աղբիւրը պիտի չորցնեմ:
- 37 Բաբելոն՝ քարակոյտ,
Ծնագայլերու որջ,
Ապշութեան ու սուլոցի Ենթակայ պիտի ըլլայ,
Առանց բնակիչի:
- 38 Անոնք կորիւններու պէս միասին պիտի մռնչեն,
Առիւծի ծագերու պէս պիտի մռուան:
- 39 Երբ գինիէն տաքնան, անոնց խնճոյք պիտի սարքեմ,
Զանոնք պիտի գինովցնեմ, որպէսզի հրճուին,
Եւ յաւիտենական քունով քնանան
Ու չարթննան,— կը պատգամէ Տէրը:—
- 40 Զանոնք սպանդանոցը պիտի իշեցնեմ՝ պարարտ գառներու պէս,
Կամ խոյերու պէս՝ նոխազներու հետ»:

ԲԱԲԵԼՈՆԻ ՃԱԿԱՏԱԳԻՐԸ

- 41 «Ի՞նչպէս Սիսակը գրաւուեցաւ,
Եւ ամբողջ երկրի՝ պարծանքը նուաճուեցաւ.
Ի՞նչպէս Բաբելոն ՚ամայութիւն եղաւ ազգերուն մէջ:

¹ Երբ.՝ գովեստը

² Կամ ապշութիւն

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

- 42 Ծովը Բաբելոնի վրայ բարձրացաւ,
Անոր ալիքներուն շատութենէն ան ծածկուեցաւ:
- 43 Անոր քաղաքները բամայացան,
Անջրդի երկիր եւ անապատ եղան,
Այնպիսի երկիր մը՝ ուր մարդ չի բնակիր,
Ուրկէ մարդու որդի չ'անցնիր:
- 44 Բաբելոնի մէջ Բէլը պիտի պատժեմ,
Անոր կլլածը իր բերանէն պիտի հանեմ,
Եւ անգա'մ մըն ալ ազգեր անոր քով պիտի չխուժեն.
Բաբելոնի պարիսպն ալ պիտի տապալի:
- 45 Ելէ՛ք անոր մէջէն, ո՞վ իմ ժողովուրդս.
Զեզմէ իւրաքանչիւրը թող ազատէ իր անձը
Տէրոց բորբոքած բարկութենէն,
- 46 Որպէսզի ծեր սիրտը չթուզնայ ու չվախնաք
Երկրին մէջ տարածուելիք լուրերէն":
Արդարեւ լուր մը պիտի հասնի տարի մը,
Հետեւեալ տարին՝ **ուրիշ** լուր մը.
Երկրին մէջ բռնութիւն պիտի ըլլայ,
Կառավարիչ կառավարիչի դէմ **պիտի ելլէ**:
- 47 Հետեւաբար ահա՛ կու գան օրերը՝
Երբ Բաբելոնի բկուռքերը պիտի պատժեմ.
Անոր ամբողջ երկիրը պիտի ամչնայ,
Անոր բոլոր սպաննուածները անոր մէջ պիտի իյնան:
- 48 Այն ատեն երկինքն ու երկիրը, եւ ամէն ինչ որ անոնց մէջ է,
Բաբելոնի համար պիտի ցնծան,
Որովհետեւ կործանողները հիւսիսէն պիտի գան անոր դէմ, – կը պատգամէ **Տէրը**:–
- 49 Ինչպէս Բաբելոն ամբողջ երկրի սպաննուածները **գետին** ծգեց,
Նոյնպէս Բաբելոն պիտի իյնայ, **ո՞վ** հսրայէլի սպաննուածներ»:

ԱՍՏՈՒԾՈՅ ՊԱՏԳԱՍԸ ԲԱԲԵԼՈՆԻ ԻՄՐԱՅԵԼԱՑԻՆԵՐՈՒՆ

- 50 «Ո՞վ սուրէ ազատածմեր, գացէ՛ք, մի՛ կենաք.
Տէ՛րը յիշեցէք հեռուէն,
Ու երուսաղէմը մտաբերեցէք:
- 51 Կ'ամչնանք նախատինք լսելով,

^բ **Եբր.**՝ ամայութիւն եղան

[։] **Եբր.**՝ հատուցանեմ

[։] **Եբր.**՝ չհոսին գետի պէս

[։] **Եբր.**՝ լսուելիք լուրէն

^բ **Եբր.**՝ քանդակուած պատկերները

^գ **Եբր.**՝ թող բարձրանայ ծեր սիրտին մէջ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

- ԴԱՄՈԹԸ ՄԵՐ ԵՐԵՍԸ ԾԱԾԿԱԾ Է,
Քանի որ ՕՍՈՎԱՐՆԵՐ ՄՄՈՎ ԵՆ ՏԵՐՈՉ ՄԱՆ ԱՐԲԱՐԱՆՆԵՐՈՒՆ ՄԷԶ:
52 ՀԵՏԵՎԱԲԱՐ ԱՀԱ՛ ԿՈւ ԳԱՆ ՕՐԵՐԸ, – ԿԸ ՊԱՍՏԳԱՄԷ ՏԵՐԸ, –
ԵՐԲ ԱՆՈՐ ԿՈՒԾԵՐԸ ՊՀԻՄԻ ՊԱՏԺԵՄ,
ԵԼ ԱՆՈՐ ԱՄԲՈՂՋ ԵՐԿՐԻՆ ՄԷԶ ՎԻՐԱՒՈՐՆԵՐԸ ՊՀԻՄԻ ՀԵծեծեն:
53 ԹԷՇԵ ԲԱԲԵԼՈՆ ՄԻԱՀԵԼ ԵՐԿԻՆՔ ԵԼԼԿ
ԵԼ ԻԻՐ Եղօրութիւնը բարձր ՎԱՅՐԻՇ ՄԷԶ ՀԱՍՏԱՏԷ¹,
ԻՆԴՄԷ ՌՈԿՈՒԱԾ ԿՈՐԾԱՆՈՂՆԵՐԸ ՊՀԻՄԻ ՀԱՍԱՆԻՆ ԱՆՈՐ», ԿԸ ՊԱՏԳԱՄԷ ՏԵՐԸ:

ԲԱԲԵԼՈՆԻ ԱԽԵՐՈՒԽԸ

- 54** ԲԱԲԵԼՈՆէՆ ԱԴԱՂԱԿԻ ՃԱՅՆ ԿՈւ ԳԱՅ,
ՈՒ ՔԱՂԴՀԱԳԻՆԵՐՈՒ ԵՐԿՐէՆ՝ ՄԵԾ ՎԼՈՒԳՈՒՄԻ ՃԱՅՆ.
55 ՈՐՈՎԻԵՏԵԼ ՏԵՐԸ ԲԱԲԵԼՈՆԸ ԿԸ ԿՈՐԾԱՆԷ,
ԵԼ ԱՆՈՐ ՄԵԾ ՃԱՅՆԸ ԿԸ ՃԵԶԷ.
ԱՆՈՆՑ ԱԼԻՔԱՆԵՐԸ յորդառատ ջուրերու պէս կԸ գոռան,
ՈՒ ԱՆՈՆՑ ՃԱՅՆԻՆ ԺԻՆՈՐԸ կԸ ՊԼՍՈՒԻ:
56 ԱՐԴԱՐԵԼ ԿՈՐԾԱՆՈՂԸ ՀԱՍԱԼ ԱՆՈՐ ՎՐԱՅ – ԲԱԲԵԼՈՆԻ ՎՐԱՅ –,
ԵԼ ԱՆՈՐ ԳՈՐԱՒՈՐՆԵՐԸ ԲՌՈՆՈՒԵցան.
ԱՆՈՆՑ ԱԴԵՂՆԵՐԸ ԿՈՄՐՈՒԵցան,
ՔԱՆԻ ՈՐ ՏԵՐԸ՝ ՎԱՐՁԱՏՐՈՂ ԱՍՏՈՒԱԾ ԾԼՎԱԼՈՎ՝
ԱՆՊԱՏճԱՆ ԿԸ ՀԱՏՈՒցանէ:
57 ԱՆՈՐ Իշխանաւորներն ու իմաստունները,
ԿՈՍԱԿԱԼՆԵՐԸ, նախարարները
ԵԼ ԳՈՐԱՒՈՐՆԵՐԸ ՊՀԻՄԻ ԳԻՆՈՎՃԵՆԵՄ.
ԱՆՈՆՑ յալիտենական քունով պհիմի քնանան
ՈՒ ՊՀԻՄԻ ՃԱՐԹԵՆԱՆԱՆ», կԸ ՊԱՏԳԱՄԷ ԱՅՆ ԹԱԳԱՒՈՐԸ՝
ՈՐՈՒՆ ԱՆՈՒՆԸ Եղօրքերու ՏԵՐ «Է»:
58 Ճօրքերու ՏԵՐԸ ՍԱ՛ ԿԸ յայտարարէ.
«ԲԱԲԵԼՈՆԻ լայն պարիսպները բոլորովին պհիմի փլչին,
ԵԼ ԱՆՈՐ ԲԱՐՁՐ ԴՌՈՆԵՐԸ ԿՐԱԿՈՎ ՊՀԻՄԻ ԱՅՐՈՒԻՆ:
ԺՈՂՈՎՈՐԴՆԵՐԸ ՊԱՐԱՊ ՄԵՂԸ յոգնած պհիմի ԾԼՎԱՆ,
Ազգերը կրակի համար պարտասած պհիմի ԾԼՎԱՆ»:

ԵՐԵՄԻԱՅԻ ՊԱՏԳԱՄԸ ԲԱԲԵԼՈՆ ԿԸ ԴՐԿՈՒԻ

59 ԱԻԽԱ՛ԼԱՍԻԿ այն հրահանգը՝ որ ԵՐԵՄԻԱ ՄԱՐԳԱՐԷՆ հրամայեց ՄԱԱՍԻԱՅԻ ՈՐԴԻԻՆ՝
ՆԵՐԻԱՅԻ ՈՐԴԻԻՆ՝ ՍԱՐԱՅԻԱՅԻ, ԵՐԲ ԱՆ ՅՈՒՂԱՅԻ ՍԵԴԵԿԻԱ ԹԱԳԱՒՈՐԻՆ ՊԿՈՂՄԷՆ ԲԱԲԵԼՈՆ

¹ **ԵՐԲ.**՝ ԽԱՅՏԱռԱԿՈՒԹԻՒՆԸ

² **ԵՐԲ.**՝ ԳՈՐՈՒԹԵԱՆ ԲԱՐՁՐՈՎԹԻՒՆԸ ԱՄՐԱԳՆԷ

³ **ԵՐԲ.**՝ ՄՐՈՒԻ

⁴ **ԵՐԲ.**՝ ԵՀՈՎԱ ՍԱԲԱՒՎՐ

⁵ **ԿԱՄ** ՀԵՏ

ԵՐԵՄԻԱՅԻ ՄԱՐԳԱՐԷՌՈՒԹԻՒՆԸ

գնաց՝ անոր թագաւորութեան չորրորդ տարին. Սարայիա ՞գլխաւոր սենեկապետ“ էր: **60** Արդարեւ Երեմիա գիրքի մը մէջ գրեց Բաբելոնի վրայ հասնելիք ամբողջ չարիքը, **այսինքն** այս բոլոր խօսքերը՝ որ Բաբելոնի դէմ գրուած են, **61** ու Երեմիա Սարայիայի ըսաւ. «Երբ Բաբելոն հասնիս, ^Ժուշադրութիւն դարձնելով” կարդա՛ այս բոլոր խօսքերը, **62** ապա ըսէ՛. “Ո՞վ Տէր, դուն այս տեղին համար ՚Վճռեցիր որ զայն կործանես, եւ մարդէ մինչեւ անասուն՝ անոր մէջ ո՛չ մէկը բնակի, հապա յաւիտենական ամայութիւն ըլլայ□: **63** Երբ այս գիրքը կարդալը աւարտես, քա՛ր մը կապէ անոր վրայ, նետէ՛ զայն Եփրատի մէջ, **64** եւ ըսէ՛. “Այսպէս պիտի ընկղմի Բաբելոն. **ա՛** պիտի ՚չվերականգնի այն չարիքէն՝ որ ես անոր վրայ պիտի բերեմ. անոնք պիտի պարտասին□»:

Երեմիայի խօսքերը մինչեւ հոս են:

ԵՐՈՒՍԱՂԵՄԻ ԱՆԿՈՒՆԸ

(Դ. Թագ. 24. 18-25. 7)

52

Սեղեկիա քսանմէկ տարեկան էր՝ Երբ թագաւոր եղաւ, ու Երուսաղէմի մէջ տասնմէկ տարի թագաւորեց: Իր մայրը **Lեբնացի** Երեմիայի աղջիկն էր՝ Ամիտաղ անունով: **2** Ան Տէրոց ՚առջեւ չարիք գործեց, Յովակիմի բոլոր ըրածներուն համաձայն: **3** Սեղեկիա Բաբելոնի թագաւորին դէմ ըմբուստացաւ, քանի որ Տէրոց բարկութիւնը Երուսաղէմի եւ Յուղայի դէմ էր, մինչեւ որ զանոնք իր ներկայութենէն վտարեց:

4 Անոր թագաւորութեան իններորդ տարուան տասներորդ ամիսը, ամսուան տասներորդ **օրը**, Բաբելոնի Նաբուգոնոսոր թագաւորը իր բոլոր զօրագունդերով Երուսաղէմի առջեւ հասաւ: Անոր դիմաց բանակեցան, եւ անոր դէմ բոլորաձեւ մարտկոցներ կառուցանեցին. **5** մինչեւ Սեղեկիա թագաւորին տասնմէկերորդ տարին՝ քաղաքը պաշարուեցաւ: **6** Չորրորդ ամիսը, ամսուան իննին՝ քաղաքին մէջ սովը սաստկացաւ, ու Երկրին ժողովուրդը հաց չունէր: **7** Քաղաքին **պարիսպը** ճեղքուեցաւ, ու բոլոր պատերազմիկները փախան. գիշերուան մէջ՝ թագաւորին պարտէզին քով եղող Երկու պարիսպներուն մէջտեղի դրան ճամբայով քաղաքէն ելան, մինչ Քաղդէացիները քաղաքը շրջապատած էին: Անոնք դաշտի ճամբայէն գացին. **8** իսկ Քաղդէացիներուն զօրագունդերը թագաւորը հետապնդեցին: Երիքովի դաշտերուն մէջ Սեղեկիայի հասան, եւ անոր բոլոր զօրագունդերը իր քովէն ցրուեցան: **9** Թագաւորը բռնեցին, ու զայն Ոեբդա բարձրացուցին՝ Բաբելոնի թագաւորին քով, Եմաթի Երկրին մէջ, ուր անոր դատավճիռը արձակեց: **10** Բաբելոնի թագաւորը Սեղեկիայի որդիները անոր աչքերուն առջեւ մորթեց. Յուղայի բոլոր իշխանաւորներն ալ Ոեբդայի մէջ մորթեց: **11** Յետոյ Սեղեկիայի աչքերը կուրցուց, ու զայն պղինձէ **շղթաներով** կապեց: Բաբելոնի թագաւորը զայն Բաբելոն տարաւ, եւ բանտը դրաւ մինչեւ իր մահուան օրը:

^բ Երբ.՝ հանգստութեան իշխանաւոր

^Ժ Երբ.՝ նայելով

^ի Երբ.՝ խօսեցար

^լ Երբ.՝ չկանգնի

^ա Երբ.՝ աչքերուն

ՏԱԶԱՐԻՆ ԿՈՐԾԱՆՈՒՄԸ

12 Բաբելոնի թագաւորին – Նաբուգոդոնոսոր թագաւորին – տասնիններորդ տարուան հինգերորդ ամիսը, ամսուան տասին, Բաբելոնի թագաւորին բարջունիքէն եղող՝ Նաբուգարդան թիկնապահապետը Երուսաղէմ մտաւ. **13** Տէրոց տունը, թագաւորին տունը, ու Երուսաղէմի բոլոր տուները այրեց. բոլոր մեծ **մարդոց** տուները կրակով այրեց: **14** Թիկնապահապետին հետ եղող Քաղդէացիներու բոլոր զօրագունդերը Երուսաղէմը շրջապատող բոլոր պարիսպները փլցուցին: **15** Նաբուգարդան թիկնապահապետը տարագրեց ժողովուրդին չքաւորներէն **մաս մը**, ժողովուրդին մնացորդը՝ որ **տակալին** քաղաքին մէջ “կը բնակէր”, Բաբելոնի թագաւորին “կողմը անցած” եղասալիքները, եւ մնացած բազմութիւնը: **16** Սակայն Նաբուգարդան թիկնապահապետը Երկրին չքաւորներէն **մաս մը** թողուց՝ որ այգեգործներ ու Երկրագործներ ըլլան:

17 Քաղդէացիները Տէրոց տան մէջ եղող պղինձէ սիւներն ու **մեքենովթները**, նաև Տէրոց տան մէջ եղող պղինձէ ծովը կոտրտեցին, եւ անոնց ամբողջ պղինձը Բաբելոն փոխադրեցին: **18** Կաթսաները, թիակները, բազմակալները, կոնքերն ու խնկամանները գրաւեցին, նաև պաշտօն կատարելու համար **գործածուած** բոլոր պղինձէ անօթները: **19** Թիկնապահապետը գրաւեց գաւաթները, բուրվառները, կոնքերը, կաթսաները, աշտանակները, խնկամաններն ու թասերը, ինչ որ ոսկիէ էր՝ **իբր** ոսկի, եւ ինչ որ արծաթէ էր՝ **իբր** արծաթ. **20** **Կաեւ** Տէրոց տան համար Սողոմոն թագաւորին շինած երկու սիւները, մէկ ծովն ու **մեքենովթներուն** տակ եղած տասներկու պղինձէ եզները¹: Այս բոլոր առարկաներուն պղինձը կշիռ չունէր: **21** **Ինչ կը վերաբերի** սիւներուն, մէկ սիւնին բարձրութիւնը տասնութ կանգուն էր, բանոր շրջագիծը՝ տասներկու կանգուն², անոր թանձրութիւնը՝ չորս մատնաչափ, ու **մէջը դատարկ էր**: **22** Անոր վրայ պղինձէ խոյակ մը կար. մէկ խոյակին բարձրութիւնը հինգ կանգուն էր, եւ խոյակին վրայ բոլորածեւ ցանցակերպ զարդ մը ու նուռեր կային. բոլորն ալ պղինձէ էին: Միւս սիւնն ալ այդպէս էր՝ նուռերով: **23** Նուռերը **իրաքանչիւր** կողմէն իննունվեց հատ էին, ու ցանցակերպ զարդը շրջապատող բոլոր նուռերը՝ հարիւր հատ:

ՅՈՒՂԱՅԻ ԺՈՂՈՎՈՒՐԴԸ ԲԱԲԵԼՈՆ ԿԸ ՏԱՐՈՒԻ

(Դ. Թագ. 25. 18-21, 27-30)

24 Թիկնապահապետը աւագ քահանան՝ Սարայիան, Երկրորդ քահանան՝ Սոփոնիան, ու երեք բդրան պահապանները բռնեց: **25** Քաղաքէն բռնեց պալատական մը՝ որ

¹ **Եբր.**՝ առջեւ կայնող² **Եբր.**՝ մնացած էր³ **Եբր.**՝ ինկած⁴ **Եբր.**՝ ինկողները⁵ **Այսինքն**՝ խարիսխները, **կամ**՝ խարսխածեւ պատուանդանները⁶ **Կամ**՝ անոր տակ եղած տասներկու եզներն ու **մեքենովթները**⁷ **Եբր.**՝ տասներկու կանգուն դերձան մը զայն կը շրջապատէր⁸ **Եբր.**՝ սեմին

ԵՐԵՄԻԱՅԻ ՄԱՐԳԱՐԷՇՈՒԹԻՒՆԸ

պատերազմիկներուն գօրագլուխն էր, նաեւ թագաւորին ծսպասարկուներէն եօթը մարդ՝ որ քաղաքին մէջ գտնուեցաւ, գօրքին ատենադպրապետը՝ որ երկրին ժողովուրդը կը զինուորագրէր, ու երկրին ժողովուրդէն վաթուն մարդ՝ որ քաղաքին մէջ գտնուեցաւ: **26** Նաբուզարդան թիկնապահապետը զանոնք բռնեց, եւ Ռեբյա տարաւ՝ Բաբելոնի թագաւորին: **27** Բաբելոնի թագաւորը զանոնք զարկաւ, ու Եմաթի երկրին՝ Ռեբյայի մէջ զանոնք մեռցուց: Այսպէս՝ Յուդա իր հերկրէն տարագրուեցաւ:

28 Ահա՛ ասիկ Նաբուգոդոնոսորի տարագրած ժողովուրդը. – Եօթներորդ տարին՝ երեք հազար քսաներեք Հրեայ, **29** Նաբուգոդոնոսորի տասնութերորդ տարին՝ Երուսաղէմէն ութ հարիւր երեսուներկու անձ: **30** Նաբուգոդոնոսորի քսաներեքերորդ տարին՝ Նաբուզարդան թիկնապահապետը Հրեաներէն եօթը հարիւր քառասունհինգ անձ փոխադրեց. բոլորը՝ չորս հազար վեց հարիւր անձ:

31 Յուդայի Յովաքին թագաւորին տարագրութեան երեսունեօթներորդ տարին, տասներկրորդ ամսուան քսանհինգերորդ **օրը**, Բաբելոնի Եղմարովդաք թագաւոր՝ իր թագաւոր եղած տարին՝ Յուդայի Յովաքին թագաւորին գլուխը բարձրացուց, ու զայն բանտէն հանեց: **32** Անոր հետ քաղցրութեամբ խօսեցաւ, եւ անոր գահը Բաբելոնի մէջ իրեն հետ եղող թագաւորներուն գահէն վեր դրաւ. **33** Անոր բանտի հագուստները փոխեց, ու ան իր կեանքին բոլոր օրերուն մէջ շարունակ անոր հետ հաց կերաւ: **34** Անոր ռոճիկը մշտատեւ ռոճիկ ըլլալով, օրական բաժինը ամէն օր Բաբելոնի թագաւորէն իրեն տրուեցաւ՝ իր կեանքին բոլոր օրերուն մէջ, մինչեւ իր մահուան **օրը**:

^ծ **Եբր.**՝ Երեսը տեսնողներէն

^հ **Եբր.**՝ հողէն

^լ **Եբր.**՝ բարութեամբ

^{իւ} **Եբր.**՝ առջեւ

^ծ **Եբր.**՝ բանը